

— श्री —
❖❖ अष्टसहस्रिका प्रज्ञा पारमिता ॥ ❖❖



ओं नमो भगवत्यै
भगवती आर्य प्रज्ञापारमिता

यथे जि न्यनातया छगु समये भगवान् राजगृहे गृध्रकूट
याना विज्याना चवन। सकलैर्ग्रहत्-पूजा प्रदक्षणा याये
शीलस्कन्ध १ समाधिस्कन्ध २ प्रज्ञास्कन्ध ३ लाभ
धुंकुपि। निकलेशा-क्लेशमदुपि शील १ समाधि २ प्रज्ञा ३
३ संक्लेश ४ मदये धुंकुपि। बशीभूत-बशेच्वपि लोकया
छखे ज्वी धुंकुपि तृष्णा अविद्याया पक्ष दक्व क्लेश
मतीतये माःगु छुं मदये धुंकुपि। सुविमुक्त प्रज्ञा-ज्ञानं



आर्य्य प्रज्ञापारमितायै
यात नमस्कार

पर्वतेततः धीपि जिस्वसः त्या भिक्षु गणपिसं सहित
योग्यगु तधंगु गुणदया च्वपि। क्षीणाश्रव आश्रव मदुपि
जुगुलि कामाश्रव १ भवाश्रव २ अविद्याश्रव ३ मदये
विमुक्तिस्कन्ध ४ प्राप्त जुगुलि क्लेश १ कर्म २ जन्म
गु नं थःगुनं चित्त बशेतये धुंकुपि। सुविमुक्तचित्त-चित्तं
उपल्लेश फुकाः समाधि समापत्ति लाःपि अर्थात् सेगु
छखे ज्वी धुंकुपि--ग्रहत् मार्गं ज्ञान लाःगुलि ज्ञानं



अष्टसहस्रिका प्रज्ञा पारमिता ॥



ओं नमो भगवत्यै
भगवती आर्य प्रज्ञापारमिता

यथे जि न्यनातया छगु समये भगवान् राजगृहे गृध्रकूट
याना विज्याना चवन। सकलैर्अर्हत्-पूजा प्रदक्षणा याये
शीलस्कन्ध १ समाधिस्कन्ध २ प्रज्ञास्कन्ध ३ लाभ
धुंकुपि। निक्लेशा-क्लेशमदुपि शील १ समाधि २ प्रज्ञा ३
३ संक्लेश ४ मदये धुंकुपि। वशीभूत-वशेर्जपि लोकया
छवे ज्वी धुंकुपि तृष्णा अविद्याया पक्ष दक्व क्लेश
मतीतये माःगु छुं मदये धुंकुपि। सुविमुक्त प्रज्ञा-ज्ञानं



आर्य्य प्रज्ञापारमितायै
यात् नमस्कार

पर्वतेततः धीपि त्रिस्वसः त्या भिक्षु गणपिसं सहित
योग्यगु तधंगु गुणदया च्वपि। क्षीणाश्रव आश्रव सदुपि
जुगुलि कामाश्रव १ भवाश्रव २ अविद्याश्रव ३ मदये
विमुक्तिस्कन्ध ४ प्राप्त जुगुलि क्लेश १ कर्म २ जन्म
गु नंथः गुनं चित्त वशेतये धुंकुपि। सुविमुक्तचित्त-चित्तं
उपल्लेश फुकाः समाधि समापत्ति लाःपि अर्थात् मेगु
छवे ज्वी धुंकुपि-अर्हत् मार्ग ज्ञान लाःगुलि ज्ञानं

प्रज्ञापारमिता

भाषा पिकाःम्ह प्रकाश याःम्ह जोगमुनि वजाचार्य स्वयम्भू ववे भुइखेल जगत उद्धार महाविहार

सफु कायेगु थाये

काई जुइ सबक ब्लनं ६।१०४।६

काई स्वयम्भू ववे भुइखेल

जगत उद्धार महाविहार (जनहित प्रेस)

सफुः थाःगुथाये जनहित प्रेस
ने०सं०१०८६ (वि०सं०२०२५)

(श्रौं नमो भगवत्यै आर्य्य प्रज्ञापारमितायै ॥
(निर्विकल्पे नमस्तुभ्यं प्रज्ञापारमिते मिते ॥ यात्वं
मदुम्ह परिमाण मदुम्ह प्रज्ञापारमिता छलपोलयात
यात थथेहे दक्व दोष मदुपिसं जकहे खनी ॥ १ ॥
पश्यति भाबेन स पश्यति तथागतं ॥ २ ॥) हानं
सुनानं थोमफुम्ह छुपदार्थयानं दयेकातःम्ह दैच्वांम्ह
पुलावना च्वांम्ह । गुम्हसं छलपोलयात भावनां खनी-
बुद्धस्य च जगद्गुरोः ॥ नपश्यन्त्यन्तरं सन्त चन्द्र-
व जगत्या गुरु बुद्ध व थुपिं निम्ह ज्ञानीगणपिसं फरक
मा व तिमोला थें ॥ ३ ॥ (कृपात्मकाः प्रपद्य त्वां
वत्सले ॥ ४ ॥) हे भक्तजनयाके प्रेमयाना विज्याना



भगवती आर्य्य प्रज्ञापारमिता यात नमस्कार) ॥ ॥
सर्वानवद्यांगि निरवद्यं निरीक्षसे) ॥ १ ॥ हे कल्पना
जि नमस्कार गुम्ह छलपोल दक्व दोष मदया च्वांम्ह
(आकाशमिव निर्लेपां निष्प्रपश्चानिरक्षरां ॥ यस्त्वां
छलपोल गथिंम्ह धाःसा आकाशथें छुकीसं मथ्युम्ह-
मखुम्ह । थन्योम्ह अन्योम्ह धका धायेगु शब्दयाकें
म्हसीकें वंतथागत खनी ॥ २ ॥ (तव चार्य्यगुणाद्याया
चन्द्रिकयोरिव ॥ ३ ॥) हानं छलपोल तःधंगु गुणदुम्ह
मखं वहेसंतुं खः धंगु मानेयानाः च्वन । गथेधाःसा चन्द्र-
बुद्धधर्मपुरस्सरीं ॥ सुखेनायान्ति माहात्म्यमतुलं भक्ति-
च्वांम्ह करुणाया आत्मा जुया च्वांपिं तथागतपिसं बुद्ध

धर्मया न्ह्योनेम्ह मुख्यम्ह जुयाविज्याना च्वांम्ह छलपोल प्राप्तजुयाः । सुख पूर्वक-छुंहे दुःखसोम्वाःक ज्वरा हे मदुगु-बुद्ध पद लाना च्वन ॥ ४ ॥
(सकृदप्याशये शुद्धे यस्त्वां विधिवदीक्षते ॥ तेनापि नियतं सिद्धिः प्राप्यते मोघदर्शने ॥ ५ ॥) हे सफलदर्शन यायेगु जुयाविज्याना च्वांम्ह
गुम्हसं चित्त शुद्धयाना विधिथें छलपोलयात छको मात्रं दर्शन यायी उम्हसिनं अवश्यं हे तःधंगु-सर्वज्ञ पद लायी ॥ ५ ॥ (सर्वेषामपि वीराणां
परार्थं नियतात्मनां ॥ या धिका जनयित्री च माता त्वमसि वत्सला ॥ ६ ॥) गुम्ह छलपोल सकल परार्थ हितयायेगुली निश्चयगु आत्मा
याना च्वांपिं वीर गणपिनि-तथागत गणपिनि तःधंम्ह जन्मबीम्ह मां जुया बिज्यानाः च्वन ॥ ६ ॥ (यद्बुद्धा लोकगुरवः पुत्रास्तव कृपालवः
तेन त्वमपि कल्याणि सर्वसत्त्वपितामही ॥ ७ ॥) हे जगत्यात कल्याण यानाबिज्याना च्वांम्ह गुलि थ्व लोकया गुरु जुया बिज्यापिंः करुणावान्
जुयाबिज्याःपिं बुद्ध गणपिं दु थपिं सकलें छलपोलया कायेमचात जुया च्वन उकिं छलपोल सकल सत्त्वःप्राणिया अजिमा जुयाच्वन ॥ ७ ॥
(सर्वपारमिताभिस्त्वां निर्मलाभिरनिन्दिते ॥ चन्द्र लेखेव ताराभिरनुयातासि सर्वदा ॥ ८ ॥) हे निन्दा यायेगु मदया च्वांम्ह-छुंदोष मदया च्वांम्ह
चन्द्रमा विज्याई वले तारा गणपिं (नगुत) गथें ल्यू ल्यूवैगुखः व थें तुं छलपोल प्रज्ञापारमिता निर्मलगु दान आदि सकल पारमिता ल्यू ल्यू
तया बिज्याना च्वन ॥ ८ ॥ (विनेयं जनमासाद्य तत्र तत्र तथागतैः ॥ बहुरूपा त्वमेवैका नानानामभिरीड्यसे ॥ ९ ॥) गन २ शिक्षा वीपिं
उपदेश विद्या बोधयायेमापिंःशिष्यपिं प्राप्त जुयी अनर तथागत पिसं नाना प्रकारया नामं स्तोत्र याका प्रशंसा याका विज्याना च्वांम्ह अनेक

ए० प्र०
॥५॥

रूपजुया विज्याःम्ह छलपोलछम्ह हे जकखः ॥९॥ (प्रभां प्राप्येव दीप्तां शो रवश्यापोद विन्दवः॥ त्वां प्राप्य प्रलयं यान्ति दोषा वादाश्च वादिनां ॥१०॥) श्रसूर्यउदयजुया निभालं खयेमात्रं (वामा छोमा आदिया च्यकास च्यनाचवांगु) खसुयागु लःफुति गथे नाश जुया वनीगुखः व थें छलपोल प्राप्त जुयेमात्रं बादिजन पिनिगु दोषबाद नाशजुया वनी ॥ १० ॥ (त्वमेव त्रास जननी वालानां भीम दर्शना ॥ आश्वासजननी चासी विदुषां सौम्य दर्शना ॥ ११॥) अज्ञानी मूर्ख जनपि (आदि अन्तमदुगु भयानकगु विश्वा संसार रूपी) छलपोलयागु रूप खनाः अर्थात् जन्म मरण आदि षट्गतियागु दुःखखना ज्ञाना चवनी । हानं ज्ञानी-पण्डित गणपि वहेरूप याकें अभयजुया चवांगु शान्ति-निर्वाण सुख लाना चवनी ॥११॥ (यस्य त्वय्यप्यभिष्वङ्गस्त्वन्नाथस्य न विद्यते ॥ तस्याम्ब कथमन्यत्र राग द्वेषौ भविष्यतः ॥ १२ ॥) हे मात गुम्ह नाथ (तथागत) या छःपिंके हे संगतमदु-छःपिंहे खना मच्चं धासैं लि वया मे मेगु थासे गथे राग द्वेष दै ॥ १२ ॥ (नागच्छसि कुतश्चित्त्वं न च क्वच न गच्छति ॥ स्थानेष्वपि च सर्वेषु विद्वद्भिर्नोपलभ्यते ॥ १३ ॥) हानं छलपोल गनं गुगुथासं नं विज्याम्हनं मखु हानं गनं गुगुथासे विज्यायीम्हनं मखु सकल थासेसं नं छलपोलयात ज्ञानी जनपिसं नं लुयेके फुम्ह मखु ॥१३॥ (ये त्वामेवं न पश्यन्ति प्रपद्यन्ते च भावतः ॥ प्रपद्य च विदुच्यन्ते तदिदं महद्भुतं ॥ १४ ॥) गुम्हसिनं छलपोलयात खंगुमखु भावं जक छलपोलयाके लोजुया चवन अथे भावं जक खना चवपि नं मुक्त जुया वना चवन थ्व बरा अद्भुत आश्चर्य खः ॥१४॥ (त्वमेव बध्यते पश्यन्नपश्यन्नपि बध्यते ॥ त्वमेव मुच्यते पश्यन्नपश्यन्नपि मुच्यते ॥ १५॥)

पार
॥५॥

हानं छलपोलयात खंम्हनं वन्धने लाना चवन-- (संसारयाकें भिन्न निर्वाण मखु निर्वाण याकें भिन्न संसार मखु) हानं छलपोल वात खंम्हनं मुक्त जुया चवन मखुम्हनं मुक्ता जुया चवन (संसार दक्कं सर्वाकार प्रज्ञापारमिता छम्हसिबाय मेगु छुंदुगु मखु अज्ञानि मूर्ख तनं प्रज्ञापारमिता याकें छो छो छुत्ता जुया चवांगु मदु कल्पनाया जाले मात्र लाना चवांगु खः) ॥ १५ ॥ (अहो विस्मयनीयासि गम्भीरासि यशस्विनी ॥ सुदुर्बोधासिमायैव दृश्यसे न च दृश्यसे ॥ १६ ॥) अहो आश्चर्य छलपोल अन्तकाये मफुम्ह जस कीर्त्ति दुम्ह सीके-- थ्वीके थाकुम्ह माया (चतक इन्द्रजाल) थें जाःम्ह खने दुम्ह खनेनं मदुम्ह ॥ १६ ॥ (बुद्धैः प्रत्येक बुद्धैश्च श्रावकैश्च निषेविता ॥ मार्गस्त्वमेका मोक्षस्य नास्त्यन्य इति निश्चयः ॥ १७ ॥) बुद्ध प्रत्येक बुद्ध श्रावकगणपिसं सेबायाकाः बिज्यानाः चवम्ह मोक्षया लं छःपिं छस्हजक सिबाय मेगु दुगुमखु निश्चय ॥ १७ ॥ (व्यवहारं पुरस्कृत्य प्रज्ञप्त्यर्थं शरीरिणां ॥ कृपया लोक नाथैस्त्वमुच्यसे न च चोच्यसे ॥ १८ ॥) लोक यानाथ-तथागतपिसं प्राणिगणपित ज्ञान वीयानिते करुणातया लोक व्यवहारजक छलपोलयात नांकया ध्यानं चवनध्यानं मच्चं ॥ १८ ॥ (शक्ता कस्त्वामिह स्तोतुं निर्निमित्तां निरंजनां ॥ सर्ववाग्बिषयातीतां या त्वं क्वचिदनिश्चिता ॥ १९ ॥) छलपोल यागु स्तुति थायेगु सुया जक समर्थ दै छलपोल छुं निमित्त मदुम्ह निरंजन म्हुतुं धया थ्वीका बीगु बिषय याकें पुला वना चवम्ह छलपोलया स्वीकें छुयागु आश्रय मदु सकलया सर्व पदार्थया छलपोलयाके आश्रय जुया चवन ॥ १९ ॥ (सत्यैवमयि संबृत्या वाक पथैर्न वमी दृशैः ॥ स्वामस्तुत्यामपि सती

६० प्र०
॥३॥

तुष्टुबन्त सुनिर्बृता ॥ २० ॥) छलपोल धागु स्तुति यायेगु जिमिगु समर्थ दुगुजा मद्धु अथेनं संबृत्ति सत्यं (लोक व्यवहार सत्यं) वचन
मार्गं जक स्तोत्र यानागु छः हानं सुंगुम्हसिनं नं थुगु स्तोत्र यायी उम्ह मनुष्यपिनं निर्वाण प्राप्त ज्वीमाः ॥ २० ॥ (प्रज्ञापारमिता
स्तुत्वा धम्मयो पचितं शुभं ॥ तेनास्त्वाशु जगत्कृतस्नं प्रज्ञापारपरायणं ॥ २१ ॥) प्रज्ञापारमितायागु स्तोत्र यानागुलि जितः गुलि
पुण्य लाःगु छः थुगु पुण्यं थ्व सकल जगत याकनंहे प्रज्ञापारमितास लगे जुया प्रज्ञा ज्ञानं पारंगत ज्वीमा ॥ २१ ॥

(इति श्री प्रज्ञापारमिता एकविंशति स्तोत्रं समाप्तम्)

वार
॥३॥

(१६)

सेनेमाः । थ्व छुयाहेतुं धाःसा । थथे (शिक्षा) स्यंम्ह बोधिसत्व महासत्वं प्रज्ञापारमितास स्यनी ॥ ॥ थनंलि आयुष्मान् सारिपुत्रं भगवान् याके
थथे विनित्यात हे भगवन् थथे स्यंम्ह बोधिसत्व महासत्वं प्रज्ञापारमितास स्यनीला ? । थुलि धासेलि भगवानं आयुष्मान् सारिपुत्र यात थथे आज्ञादये
कल । हे सारिपुत्र थथे स्यंम्ह बोधिसत्व महासत्वं प्रज्ञापारमितास स्यनी ॥ थथे आज्ञादयेकुसेलि आयुष्मान् सारिपुत्रं भगवान् याके थथे
विनित्यात । हे भगवन् थथे स्यंम्ह बोधिसत्व महासत्वं छु धर्मेस्यनी ॥ थुलि धासेलि भगवानं आयुष्मान् सारिपुत्रयात थथे आज्ञादयेका
विज्यात हे सारिपुत्र थथे स्यंम्ह बोधिसत्व महासत्वं । छु धर्मेहे स्यनीमखु । थ्व छुयाहेतुं धाःसा । हे सारिपुत्र बालमूर्ख क्लेश दुगु धर्मे जुयीपि
पृथग्जन शुद्धगु धर्मयाके छेजे जुया च्वं पि छु न्यना मतः पि वना च्वंगु उगु धर्मनं निश्चयनं दुगुमखु ॥ ॥ आयुष्मान् सारिपुत्रं धाल ॥ हे भगवन्
अथे जूसा आः गथे थ्व धर्म दुले ॥ ॥ भगवानं आज्ञादयेकल । हे सारिपुत्र गथे मदुगुखः अथेहे मदुगु स्वरूपं बांलाक दु । थुगु प्रकारं मदुगुली
निश्चय दुधका धाःयाचिति अबिद्या-अज्ञान धका धैतल । थुकी बाल पृथग्जन (बांलाक गुरुयाके) न्यनामतः पि-आपालं शास्त्र स्वया मतः गुलि
बांलाक मस्यूपि थुगु ज्ञाने वना च्वन । अपि थुगु ज्ञाने वना मदुगु दक्व संसार दुधका कल्पना याना च्वन । थुगु कल्पनायाना निगूया
दश्वा-संसारया श्रृष्टि धैगुनं दु फुतावनीगु धैगुनं दु धैगु ज्ञाने वना च्वन थ्व अमिसं उगु संसार मस्यू मखं । अथेया निति थमिसं मदुगु दक्व
संसार दुधैगु कल्पनायाना च्वनी । कल्पनायाना संसार धैगु फुक्कदु फुतानं वनीतिनी धैगु ज्ञाने वना च्वनी । उगु ज्ञाने वना न्हापानं जुया वने

धुंगुगु संसारया कल्पनायायी हानं जुया वैतिनिगु संसारया कल्पनायायी । आःनं जुया च्वनं धैगु संसारया कल्पना यायी । अमिसं थथे कल्पना याना नां धैगुनं दु रूप धैगुनंदु धैगु ज्ञाने वनी । अमिसं दहेमदुगु सकल संसारया कल्पना यायी । थव मदुगु सकलसं सारया कल्पनायासैलि गुगु यथार्थ थें जुयाच्वंगु धायेंयागु मुख्यगु लं नीमखु खनीमखु । मुख्यगु गुगु लं मस्यूसैलि मखं सैलि संसार याकें छुतेजुया वने फैमखु तःधंगु ज्ञानया तत्व थ्यीसखु उकिं अमित छुं ज्ञान मस्यूपि मूर्खत धैगु ल्याखे वनी अमित धायेंयागु सत्यगु संसारया ज्ञानस श्रद्धातै मखु ! निश्चयनं हेसारिपुत्र बोधिसत्व महासत्व धैपिसंजा सं सारया छु पदार्थहेनं चित्तछवैमखु ॥ ॥ थुलि अज्ञा जुमेंती आयुष्मान् सारिपुत्रं भगवान् याके थथे विन्तियात । हे भगबन् थथे (शिक्षा) स्यंम्ह बोधि सत्वमहासत्वं सर्वज्ञ ज्ञानलाये धैगु शिक्षा स्यनी ला ? ॥ ॥ भगवानं आज्ञादयेकल । हेसारिपुत्र थथे (शिक्षा) स्यंम्ह बोधिसत्व महासत्वं सर्वज्ञ ज्ञान लाये धैगु शिक्षानं स्यनी मखु ॥ हानं हे सारिपुत्र थथे स्यंम्ह बोधिसत्व महासत्वं संसारयागु दक्खशिक्षा स्यनी । हे सारिपुत्र थथे स्यंम्ह बोधि- सत्व महासत्वं सर्वज्ञ ज्ञानस स्यनी उम्हसिया सर्वज्ञ ज्ञान सत्तिदावै सर्वज्ञ ज्ञाने थ्यनी ॥ ॥ थनंलि आयुष्मान् सुभूतिं भगवान् याके थथे विन्ति यात । हे भगवान् गुम्ह गुम्हसै थथे न्यनी । थव मायापुरुष-चटकयाना केनातःम्ह थें जक दैच्वंम्ह-कल्पनां जक दैच्वंम्ह पुरुषं सर्वज्ञ ज्ञानस स्यनी ला ? वया सर्वज्ञ ज्ञान सत्तिना वैला ? व सर्वज्ञ ज्ञाने थ्यनीला ? । थथे न्यंम्ह सितजि गथे कने ॥ ॥ थथे न्यसैलि भगवानं अयुष्मान् सुभूतियात थथे आज्ञादयेकल । अथे न्यनीम्हसित हे सुभूते थव खं थन छंतहे धाये छंगथेयः अथेहे कं ॥ ॥ थुलि आज्ञाजुया बिज्यासैलि

आयुष्मान् सुभूतिं साधु हे भगवान् आज्ञा दयेका बिज्याहं धका भगवान् या वचन न्यनेत च्वन ॥ ॥ भगवानं थथे आज्ञा दयेका बिज्यात । हे सुभूते थव माया-चटक- धैगु मेगु हे थव खने दै च्वंगु रूप धैगु मेगु हे । हानं माया धैगु मेगु बेदना संज्ञा संस्कार बिज्ञान धैगु मेगु हे लाकि धैगु छं छु मती तया । अर्थात् माया धैगु छगू अलग हे रूप आदि हानं मेगु छगू अलग हे लाकिछु ? मायानं रूप आदिनं छगु हेला धैगु भाब ॥ सुभूतिं विन्ति यात ? । मखु थथे निश्चयनं हे भगबन् । मेगु हे माया मेगु हे वरूप मखु । हे भगबन् रूप धैगु हे माया माया धैगु हे रूप । हे भगबन् मेगु हे नाया । मेगु हे बेदना । मेगु हे संज्ञा । मेगु हे व संस्कार मखु । बेदना संज्ञा संस्कार हे हे भगबन् माया माया हे हे भगबन् बेदना संज्ञा संस्कार । हे भगबन् मेगु हे माया मेगु हे व बिज्ञान नं मखु हे भगबन् बिज्ञान धैगु हे माया माया धैगु हे बिज्ञान खः । (माया व रूप आदि छगु र मखु माया हे रूप आदि रूप आदि हे माया धैगु भाब) ॥ ॥ थुलि धासैलि भगवानं आज्ञा दयेका बिज्यात ॥ हे सुभूते थव छं छु थवीका ? संज्ञा थव पंचोपादा नस्कन्ध धैगु न्यागुयां छपुचः जुया च्वंगु माया चटक थें जुया जकखने दैच्वंगु वस्तु यात हे जक बोधिसत्व धैगु नांतया उगुनिमित्त दयेका ज्या याना च्वंगु । समज्ञा - न्यागुया पुचः जुया च्वंगु वस्तुयातः जिधैगु धया च्वंगु । प्रज्ञप्ति-सीकेगु व सीकंम्ह कायेगु वस्तु व कायीम्ह आदि दु धैगु ज्ञाने वना च्वंगु । व्यवहार- करपिसं छुं धाःला मथालाः धैगु व्यवहार ज्ञाने वना च्वंगु । थुगु आदि थव न्यागुया छपुचः-छ ग्वारा जुया च्वंगु कल्पनामात्र नांमात्र यात हे जक बोधिसत्व धका धै च्वन ॥ ॥ थुलि आज्ञा दयेका बिज्यासैलि आयुष्मान् सुभूतिं भगवान् याके थथे

बिन्तियात ॥ थथे हे ख थ्व हे भगबन थथे हे खः थ्व हे सुगत । (ऐश्वर्य दुम्ह बोर्य दुम्ह जश कीर्ति दुम्ह शोभा दुम्ह पुण्यदुम्ह हानं पापकर्म जन्म थ्व छगुजा सीकेमानि धैगु इत्यादि मदुम्ह सित भगबान धका धायी) [दक्क संसार यागु सर्व आकार स्वगु ज्ञानस वंम्ह स्यात सुगत धका धायी ।] अथेया निन्ति निश्चयनं हे भगबन प्रज्ञापारमितास शिक्षा स्यंम्ह बोधिसत्व महासत्त्वं अनुत्तर सम्यक सम्बोधि ज्ञाने माया पुरुष थ्यं कल्पनायाम्ह पुरुष थें जुया स्यने माः ॥ थ्व छुया हेतुं धासा । निश्चयनं हे भगबन । थ्व न्यागु उपादान स्कन्ध यागु शरीर धारण याना चर्वापित माया पुरुष-चटकयाना पिकया क्योपि पुरुष पि थें धका थ्वोकेमाः गु जुया च्वन । थ्व छुया हेतुं धासा । निश्चयनं हे भगबन रूप धैगु दक्क हे माया समान - चटक याना क्यंगु बस्तु थ्यं जक खने दै च्वंगु धका छलपोलं आज्ञा दयेका बिज्यात - ॥ गुगु हानं गत रूप धैगु दै अन मिखा न्हायेपं न्हाये मेः शरीर मन दै न्यागु उपादान स्कन्ध दै । व थें निश्चयनं हे भगबन वेदना संज्ञा संस्कार धैगु नं माया समान धका आज्ञा दयेका बिज्यात । अथे हे निश्चयनं हे भगबन् बिज्ञाननं माया समान धका छलपोलं आज्ञा दयेका बिज्यात । गुगु बिज्ञान धैगु व छुगु इन्द्रिय उगु न्यागु स्कन्ध हे खः । हे भगबन् थुगु आदेश या ज्ञान न्यनाः न्हापां थ्व महायाने च्वं वोपि-नकतिनि थ्व महायाने च्वं पि न्हू पि बोधिसत्व महासत्त्वपि ग्याकाम च्वने मा ग्यानाम च्वने मा ग्यायेमायेका मच्च ने मा ॥ ॥ भगबानं आज्ञा दयेकल । हे सुभूते न्हापां महायाने च्वं पि बोधिसत्व महासत्त्वपि यदि पाप मित्रया ल्हाती लाः पि जूसा (थ्व आदेश न्यना) ग्याकाः च्वनी ग्याना च्वनी ग्याये मायेका च्वनी ।

थनंलि यदि हे सुभूते न्हापां महायाने च्वं वो पि बोधिसत्व महासत्त्वपि कल्याण मित्रया ल्हाती लाः पि जूसा (थ्व आदेश न्यना) ग्याका च्वनी मखु ग्याना च्वनी मखु ग्यायेमायेका च्वनी मखु ॥ थुलि आज्ञा दयेकुसैलि आयुष्मान् सुभूति भगबान् याके थथे बिन्ति यात । हानं हे भगबन् बोधि-सत्त्व महासत्त्वया कल्याण मित्र धैपि सुधका सीकेमा ॥ ॥ भगबानं आज्ञा दयेकल । गुम्ह सें वैत थ्व पारमितास अनुमतिबी स्यने कने यायी । गुम्ह सें थ्वैत मारयायीगु कर्मया उपदेशबी-थुगु २ मारयादोष । थुजोगु प्रकारया मारकर्म सीकेमाः थुजो २ गु मारयाकर्म थन्योगु छं सीका तेमाः धका शिक्षा बिया बिज्यायीपि हे सुभूते तः धंगु कवचं त्यूम्ह (महायाने वनेत तयार जूम्ह) महायाने च्वंम्ह महायाने गया थहां वंम्ह बोधिसत्व महासत्त्वया कल्याण मित्र धका सीकेमा ॥ ॥ थुलि आज्ञा दयेकुसैलि आयुष्मान् सुभूति भगबान् याके थथे बिन्ति यात । गुगु हे भगबन् छलपोलं थथे आज्ञा दयेका बिज्यात । हे सुभूते तः धंगु कवचं त्यूम्ह महायाने च्वंम्ह महायाने गया थहां वंम्ह थपि बोधिसत्व महासत्त्वया कल्याण मित्र धका सीकेमा धका । गुगु हे भगबन् छल पोले बोधिसत्व महासत्त्वधका धै बिज्यात थन हे भगबन् बोधिसत्व धैगु छुपदार्थ- (छुयात धैतगु) थथे बिन्तियासैलि भगबानं आयुष्मान् सुभूतियात थथे लिसः बिल । हे सुभूते बोधिसत्व धैगु पदार्थ हे अपदार्थ (धार्येयागु तत्वया बिचारं छुंजीब बस्तु मखया च्वंम्ह गनं च्वनाम च्वंम्ह सुन्यगु ज्ञान जुया च्वंम्ह) थ्व छुया हेतुं धासा । हे सुभूते बोधि-सत्त्व महासत्त्व धैम्ह सें संसारया दक्क पदार्थ छुं हे मखंगु (छुं हे मदु धैगु ज्ञानया) शिक्षा स्यनी । हे सुभूते निश्चयनं बोधिसत्व महासत्त्वं संसारया दक्क पदार्थ (सीकेगु स्वैगु) छुं हे

दुगुमखु धैगु [धर्मधातुया अभेद्य ज्ञान अप्रतिष्ठार्थः गोत्र-युगुधैगुधायेगु मदुगु गोत्र) या ज्ञाने बना अनुत्तर सम्यक्संबोधि बांलाक श्वीकै । हे सुभूते संसारया सर्व आकार थये जुयाचवंगु (धैगु बोध, जूगुलिं) थूगुलिं हेबोधिसत्व महासत्व धका धैतल ॥ ॥ सुभूतिधाल । गुगु हानं भगवानं थये आज्ञा दयेका बिज्यात । बोधिसत्व महासत्व धका । हे भगवन् हानं छुछु या निमित्तनं बोधिसत्व महासत्व धका धैतल ॥ ॥ भगवानं आज्ञादयेकल । असंख्य सत्वगणपि नं थनं दक्खं छम्ह जुया आदि अन्त मदुगु संसारया रूपजुया-तःधंगु चित्तम्ह जुयी दक्खं सत्व पिनिमध्ये तः धंगु चित्तम्ह जुयी अथेयानिति बोधिसत्व महासत्व धका धैतल । थनंलि आयुष्मा सारितुत्रं भगवान् याके थयेबितियात । हे भगवन् गुगुया निमित्तं बोधिसत्व महासत्व धका धाःगुखः थुगु ज्ञान जिकेनं बांलाक प्रकाश ज्वीला ? । भगवानं आज्ञा दयेकल । प्रकाश जुयीमा छंत हे सारि-पुत्रगुगुया जा थ्व हेसमय खःधका छं सीकी ॥ ॥ आयुष्मान् सारिपुत्रं धाल । तच्चोगु आत्मा दृष्टि जि जिगुः आत्मा धका खनेगु । सत्वयादृष्टि-प्राणि धका खनेगु । जीवयादृष्टि इन्द्रियं सहित जुया स्वाना च्वनागु सीमानिगु ज्यूधका खनेगु पुद्गल दृष्टि-हानं हानं गती (वनीपित पुद्गलधायी थ्व पुद्गल धका खनेगु) । भव दृष्टि-[उत्पत्ति धैगु खनेगु] । विभव दृष्टि-[मदैवनीगुधैगु खनेगु] उच्छेद दृष्टि-ह्यापादचवंगु मदैवने धुंकल धैगु खनेगु शाश्वत; दृष्टि-नित्य सदां देगु धका खनेगु । जि जिगु धया पंचस्कन्धया शारीर खनेगु । थुलि आदि खनेगु दिष्ट फुकेत धर्म देशनायायी उकिया कारणं बोधिसत्व महासत्व धका धैतल ॥ ॥ थनंलि आयुष्मान् सुभूति भगवान् याके थये बित्तियात । हे भगवान् गुगुया निमित्तं बोधि-

सत्व महासत्व धागुखः थुगु ज्ञान जिकेनं बांलाक प्रकाश ज्वीला ? ॥ ॥ भगवानं आज्ञादयेकल प्रकाश ज्वीमा छंत हे सारि पुत्र गुगुया जा थ्व हे समयखः धका छं सीकी ॥ ॥ सुभूति धाल । हे भगवन् बोधिसत्व महासत्व धका धाल । गुगुजा थ्व हे भगवन् बोधिचित्त (प्राणिधि प्रस्थान हानं उत्पत्ति मदुधैगु चित्त) सर्वज्ञगु चित्त छं मल मदुगु चित्त समान मदुगु चित्तः सकल श्रावक प्रत्येक बुद्धपिसं साधारणं श्वीके मफुगु चित्त उगु चित्तनं वनी मखु बांलाक च्वनी मखु । थ्व छुयाहेतुं धाःसा गुगु जा सर्वज्ञगु चित्त मलमदुगु चित्त च्वनेगु मदुगुखः थये हे निश्चयनं थ्व सर्वज्ञगु चित्त मलमदुगु च्वनेगु मदुगु थ्वचित्ते हेनं (माया पुरुषया भावनायाना) वनी मखु बांलाक च्वनी मखु । अथेया निति बोधिसत्व महासत्व धयागु ल्याखे वनी । । थनंलि आयुष्मान् सारि पुत्र आयुष्मान् सुभूतियात थये धाल । छुया कारणं हे आयुष्मन् सुभूतै थ्व चित्ते हेनं वनी मखु च्वनी मखु । सुभूतिधाल चित्त मदुगुलिं हे आयुष्मान् सारिपुत्र थ्वचित्ते हेनं वनी मखु च्वनी मखु । सारिपुत्रं धाल । हानं हे आयुष्मन् सुभूते गुगु थ्व मदुगु चित्त दुला कि छु ॥ ॥ सुभूति धाल । हानं हे आयुष्मन् व मदुगु चित्ते दुधैगु वा मदु धैगु वा दै धैगु वा लाभ ज्वीला वा छु ? ॥ ॥ सारिपुत्रं धाल दैमखु निश्चयनं हे आयुष्मन् सुभूते ॥ ॥ सुभूति धाल हे आयुष्मन् सारिपुत्र यदि थ्व मदुगु चित्ते दुधैगु वा मदुधैगु वा दैमखु धैगु वा लाये फैमखुगु धासेलि थ्वगथे ? आयुष्मान् सारिपुत्रं थये धाल । गुगु जा मदुगु चित्त थ्व दैला ? । सारिपुत्रं धाल । साधु साधु हे आयुष्मन् सुभूते गुगु प्रकारं जा भगवानं छापितकेश फुकेगुली च्वंभिनि मध्ये मुख्यम्ह धका आदेश बिचा तःम्ह धका छःपिसं आदेश बिल ॥ ॥ थनंलि पूर्ण मैत्रायणी पुत्र भगवान्

याके थथे बितियात । हे भगवान् गुगु श्व महासत्व महासत्व धका धाःगु । तच्चोतं वनेत थिक जूम्ह महायाने वंम्ह महायान गःम्ह गुम्हसत्व । थुलिया निंति उम्ह महासत्व महासत्व धैगु ल्याखे वनी ॥ ॥ थनंलि आयुष्मान् सुभूति भगवान् याके थथे बितियात । गुम्ह श्व (महायाने वनेत) तच्चोतं थिक जूम्ह (संग्रामे वनेत कवचं तिया तयार ज्वोगु थें मेपिसं स्यंके मफयेक कुटके मफयेक द्वातुक मन समा धानयाना तयार जूम्ह) महायाने वंम्ह धका आज्ञा दयेका बिज्यात । गुलि (गुलि क्रिया अथवा पुण्यं) हे भगवान् बोधिसत्व महासत्व तच्चोतं तयार जूम्ह ज्वी ॥ ॥ भगवान् आज्ञादये कल ॥ थन हे सुभूते बोधिसत्व महासत्वया थथे (चित्त) ज्वी ॥ प्रमाण मध्येक सत्त्वपित जिनिर्वाण याना बी संख्या मदयेक सत्त्वपित जि बांलाक निर्वाणपदलाका बी धका ॥ ॥ हानं गुलि बांलाक निर्वाण लाका बी माःपि खः थपि हे मडु । वं सु सत्त्वपित बांलाक निर्वाण लाका बी । गुम्ह जा हानं सुखम्हसत्व हे निर्वाण जूम्ह मडुगुगुलि हानं बांलाक निर्वाण छ्वोगु ज्वी । श्व छुया हेतुं धाःसा । हे सुभूते । संसारया दक्क पदार्थ माया (चटक) धैगु घात ज्वना । (संसारया दक्क पदार्थ स्वेबले सत्यं धार्येयागु न्यायं बिचारयाये बले फुकक असत्य माया-चटकथें जक फुकक हे जुठ्) ॥ थथे जा निश्चयनं हे सुभूते तच्चक सःम्ह माया कार (चटक यायीम्ह) वा चटक यायीम्हस्या शिष्यं थकात्ते मायां (चटकयाना) आपालं लोकपि दयेकैदयेका वहे लोकपि फुकक हानं मदेका ल्वे । हे सुभूते श्व छंछुमाने याना । निश्चयनं अन सुनानं स्याःगु वा सीगु वा नाशजुया वन धैगुवा मदया वन धैगु खैला ॥ ॥ सुभूति धाल खै मखु निश्चयनं हे भगवान् ॥ भगवान् आज्ञादयेकल

थथे हे हे सुभूते बोधिसत्व महासत्वं प्रमाण मदेक संख्या मदेक सत्त्वपि निर्वाण छ्वे । वं सु गुम्हं सत्व निर्वाण छ्वोगु वा गुगुलि याना निर्वाण छोगु धैगुनं देमखु ॥ यदि व बोधिसत्व महासत्वं थुगु आदेश थुगु आदेश व्यूगु न्यना ग्याका च्वनी मखु ग्याना च्वनी मखु ग्याये मायेकं मखु थुकिं हे सुभूते थुम्ह बोधिसत्व महासत्वं तच्चोतं तयार जूम्ह धका सीकेमाः ॥ ॥ थनंलि आयुष्मान् सुभूति भगवान् याके थथे बितियात हे भगवान् छलपोल भगवान् गुगु प्रकारं आज्ञा दयेका बिज्याःगुखः अथे हे उकिया अर्थ जि लुमं निश्चयनं हे भगवान् हानं श्व बोधिसत्व महासत्व तच्चोतं तयार जूम्ह मखु (महायाने वनेत तयारि जूम्ह मखु) धकानं सीकेमाः ॥ ॥ भगवान् आज्ञा दयेकल । थथे हे खः श्व हे सुभूते थथे हे खः श्व । निश्चयनं श्व बोधिसत्व महासत्व तच्चोतं तयारिम्ह मखु धका सीकेमाः ॥ श्व छुया हेतुं धाःसा । हे सुभूते सर्वज्ञ ज्वीत सीकेगु धैगु छुं वुगु मखु (दयेकुम्ह धैम्ह सुं मदया निंति) नाश जुया वनीगुं मडु (छुं हे मडुगु छु नाश जुया वनी) छुं संस्कार-दयेका तःगु धैगु मडुगु (छुं मडुगुली छु कर्म यायेमाली) श्व सत्त्वपि सुनानं दयेका तःपिनं मखु । मदया नाश जुया वनीपि नं मखु छुं कर्म दयेका तःपिनं मखु सु सत्वया निमित्ते महायाने वनेत तच्चोतं तयार जुया वनी ॥ ॥ (श्व ग्रन्थे जुया वंगु जुया च्वंगु जू वंगु भेद । अथवा दुगु मडुगु दुगु मडुगुया बिचे कर्म पायेगुया भेद । अथवा वनेत तयार जूम्ह वंम्ह वनाः अन थंका प्रवेश जूम्ह थुलि आदिया भेद सकभनं हे स्वंगुरया भेद व्याख्या याना तःगु धका सीकेमा) ॥ ॥ थुलि आज्ञा दयेकुसेलि आयुष्मान् सुभूति भगवान् याके थुगु प्रकारं बितियात ।

यथे हे खः श्व हे भगवन् यथे हे खः श्व हे सुगत । श्व छुया हेतुं धाःसा । अथे हे निश्चयनं हे भगवन् रूप अबद्ध अमुक्त (बन्धन-कुनेगु चीगु । मुक्त-फेनेगु तोतेगु । त्रिधातु भुवन-दबव रूपदबव संसार चित्त चित्तया कल्पना मात्र सुनानं धाथे रूप-वस्तु दयेका थिति नियम दयेका उकी तथा तःगु अथे छुं मडुगु जूया निति अर्थात् सुनानं स्वीतं छुं बस्तु यातनं कुनेगु चीगु याना तःगु मडुगु जुयानिति रूपयात बन्धने तथा संसारे लाका तःगु मडु उकिं रूप बन्धने मखु । हानं-रूप धंगु कल्पना यासा देगु कल्पना मयासा मदेगु धाथे न्यायया तत्व बिचारं स्वेबले रूप धंगु हे मडुगु जूया निति रूप मोक्ष ज्वीगु-रूप यात फेनेगु तोतेगु धंगु नं दुगुमखु । उकिं रूप-मुक्त-मोक्ष वमीगुं मखु । संसारे लाईगु निर्वाणे थ्यनीगु धंगु चित्तया अधिने चित्त म्हसीके गुली लाना च्वन धंगु-भाव-) । थुगु प्रकारं बेदना संज्ञा संस्कार हानं अथे हे निश्चयनं हे भगवन् बिज्ञान नं वंधनानं मखु मुक्तनं मखु । हे भगवन् रूप तथता (तथता धंगु न्ह्याबले गथेखः अथे संतुं थीरं च्वंगु गुबले मसेनीगु थन्योगु अन्योगु थुगु उगु धंगु धायेगु मडुगु । आदि अन्त मडुगु) नं अबद्ध अमुक्त थुगु प्रकारं बेदना तथतानं संज्ञा तथतानं संस्कार तथतानं बिज्ञान तथतानं हे भगवन् अबद्ध अमुक्तखः ॥ ॥ थनंलि आयुष्मान् पुर्णं मैत्रायणी पुत्रं आयुष्मान् सुभूतियात यथे धाल । हे आयुष्मन् सुभूते छःपिसं रूप अबद्ध अमुक्त धका धैबिज्यात थुगु प्रकारं बेदना संज्ञासंस्कार बिज्ञाननं हे आयुष्मन् सुभूते छःपिसं अबद्ध अमुक्तधका धैबिज्यात । हे आयुष्मन् सुभूते रूप तथतानं छःपिसं अबद्ध अमुक्त धका धैबिज्यात । थुगु प्रकारं बेदना तथतानं संज्ञा तथतानं संस्कार तथतानं बिज्ञान तथतानं हे आयुष्मन् सुभूते छःपिसं अबद्ध अमुक्त

धका धै बिज्यात । गुगु रूप अबद्ध अमुक्त धका छःपिसं धैबिज्याता अथे जूसा हे आयुष्मन् सुभूते व रूप गुगुजुलले ? । थुगु प्रकारं बेदना गुगु संज्ञा गुगु संस्कार गुगु । गुगु बिज्ञान अबद्ध अमुक्त धका छःपिसं धै बिज्यात ॥ हे आयुष्मन् सुभूते व बिज्ञाननं गुगु जुलले ? । गुगु रूप तथतानं अबद्ध अमुक्त धका छःपिसं धै बिज्यात । व रूप तथता गुगु जुलले ? । थुगु प्रकारं बेदना तथता गुगु व संज्ञा तथता गुगु व संस्कार तथता गुगु गुगु बिज्ञान तथतानं छःपिसं अबद्ध अमुक्त धका धै बिज्यात व बिज्ञान तथतानं गुगु ले ? ॥ ॥ अथे धासैलि आयुष्मान् सुभूति आयुष्मान् पुर्णं मैत्रायणी पुत्रयात यथे लिसः बिल । हे आयुष्मान् पुर्णं गुगु माया पुरुषया रूप व अबद्ध अमुक्त (गुगुजा माया पुरुष चटक याना क्यंगुली खने दे ज्वं पिथे जापि व लोकज्य बहार सत्ये च्वं पि पुरुषपि परमार्थे दुगु मखु । दु धका कल्पना मात्र याना तःगु । उगु कल्पना-माया पुरुषया रूपनं तथता तथता प्याहा वोगु तथता स्वरूपगु जूया निति श्व कल्पनाया रूपनं अबद्ध अमुक्त) थुगु प्रकारं गुगु माया पुरुषया बेदना गुगु माया पुरुषया संज्ञा गुगु माया पुरुषया संस्कार गुगुजा हे आयुष्मन् पुर्णं माया पुरुषया बिज्ञान छ व अबद्ध अमुक्त । हे आयुष्मन् पुर्णं गुगु माया पुरुषया रूप-तथता व अबद्ध अमुक्त थुगु प्रकारं गुगु माया पुरुषया बेदना-तथता गुगु माया पुरुषया संज्ञा-तथता गुगु माया पुरुषया संस्कार-तथता गुगुजा हे आयुष्मन् पुर्णं माया पुरुषया बिज्ञान-तथता छः व अबद्ध अमुक्त धका सीकि ॥ श्व छुया हेतुं धाःसा । असत्-वाथे दुगु मखु (कल्पना माज्जक) जूया निति अबद्ध अमुक्त । रूपयाके छुवेगु (सुन्यगु) जूया निति अबद्ध अमुक्त । आदि उत्पत्ति मडुगु ।

जूया निति अबद्ध अमुक्तं च तच्चतं महायाने वनेत तयारि जूम्ह महायाने वंम्ह महायाने गया वंम्ह [यान धैगु रथ उकिं गया वंम्ह ध-
यागु पर धका सीकि) बोधिसत्व महासत्त्वया तयार मज्जु तच्चकं तयार जूगु नं छः धका सीकी ॥ ॥ थुलि धासेलि आयुष्मान्
पूर्ण मैत्रायणी पुत्र नं मवांसे सुमुक च्वनी ॥ थनंलि आयुष्मान् सुभूति भगवान् याके थये बिति धात ॥ मथे हे भगबन् बोधिसत्व म-
हासत्त्व तच्चोतं तयारि जूया महायाने वंम्ह महायाने गया वंम्ह ज्वी । हानं थ्व महायान धैगु गुगु । अथवा गथे उकी प्रस्थान याना वंम्ह
धका सीके । अथवा थ्व महायाने गनं पिहा वनी । अथवा गुकिं थ्व महायाने च्वनी । अथवा थ्व महायाने गन च्वनी च्वनी । अथवा थ्व
महायानं सु वनी ॥ ॥ थुलि धासेलि भगवान् आयुष्मान् सुभूति यात थये आज्ञा दयेकल ॥ हे सुभूते थ्व महायान धयागु अप्रमेय [युगु उगु
थये च्वंगु थये च्वंगु धैगु प्रतक्ष प्रमाण छुं मदुगु] यात धायोगु खः । अप्रमेय धैगु हे सुभूते प्रमाण मदुगु खः । गुगुजा हे सुभूते छं थये धाल ।
गथे युकी प्रस्थान याना वंम्ह धका सीकेसाः । अथवा गनं थ्व महायाने पिहाँ वनी । अथवा गुगुलि थ्व महाने प्रस्थान ययी अथवा गन थ्व
महायान च्वनी । अथवा थ्व महायान सुवनी ॥ ॥ पारमितां प्रस्थान याना वना (दान आदि पारमितास चले याना वनं) त्रिधातु भुवनं
प्याहाँ वनी [त्रिधातु धयागु कामधातु १ रूप धातु २ आरूप्य धातु ३ ॥ नरक लोक १ प्रेत लोक २ तिर्यक (जंगपंछिया) लोक ३ मनुष्य लोक ४
हानं देव लोक छुगु छुछु धाःसा । चातुर्महा राजिक १ त्रयस्त्रिंश २ याम ३ तुषित ४ निर्वासित ५ पर निमित्त बश बर्त्ति ६ ॥ 'हानं' नर्क च्वानु

छु छु धाःसां-संजीव १ कालसुत्र २ संघात ३ रौरव ४ महा रौरव ५ तपन ६ प्रतापन ७ अबिचि ८ ॥ द्वीप प्यंगु छु छु धाःसा-जम्बु द्वीप
१ पूर्व बिदेह २ अबर गोदानीय ३ उत्तर करु ४ ॥ थुगु प्रकारं नरक ८ द्वीप ४ देवलोक ६ प्रेत १ तिर्यक् १ जम्मां याना नीःगु २०
थ्व नीःगु कामधातु ॥ ॥ थ्व कामधातुयाके च्वे झिन्हेगु १७ स्थानं संयुक्त जूगु रूपधातु । झिन्हेगु लोक छु छु धाःसा-ब्रम्ह कायिक १ ब्र-
म्ह पुरोहित २ महा ब्रम्ह ३ परित्ताम ४ अप्रमाणम ५ आभास्वर ६ परित्त शुभ ७ अप्रमाण शुभ ८ शुभ कृत्स्न ९ अनभूक १० पुण्य प्रस-
व ११ बृहत्फल १२ अबृह १३ अतप १४ सुदृश १५ सुदर्शन १६ अकनिष्ठ १७ थ्व झिन्हेगु रूप धातु ॥ ॥ थ्व रूप धातुयाके च्वे
प्यंगु स्थानं संयुक्तगु आरूप्य धातु । प्यंगु लोक छु छु धाःसा-आकाशा नन्त्या यतन १ विज्ञानानन्त्या यतन २ आकिचन्या यतन ३ नैव सं-
ज्ञा नासंज्ञा यतन ४ थ्व प्यंगु आरूप्य धातु ॥ थुलि स्वंगु लोक धातुं पिहाँ वना अर्थात् छुते जुया वना निर्वाण जुया वनी ॥ गुकिं आरम्भ-
यानागु खः अर्थात् गुगु उपाय कौशलं आरम्भ जूगु खः उगुहे उपाय कौशलं (महा करुणाया स्वभावं निर्वाणे) च्वनी । सर्वज्ञतास च्वनी ।
बोधिसत्त्व महासत्त्व प्याहाँ वनी हानं गनं हे व पिहाँ वनि मखु । छुकीं हे (छु महाकरुणाया स्वभावं नं) च्वनी मखु । गनं हे च्वनीनं म-
खु हानं उम्ह च्वनी सर्वज्ञतास थाये धैगु छुं हे मदुगु योगं । हानं सुं हे महायान (महायानया व्दारं प्याहाँ) वंगु मदु । वनीगु मदु । वना च्व-
गु मदु ॥ थ्व छुया हेतुं धाःसा ॥ मुम्ह प्याहाँ वनी गुकिं प्याहाँ वनी (प्याहाँ वनीम्ह धैगु तोता वोनेगु थाये धैगु) रूप दुगु संसार या पदार्थ

धैगु थ्व निगुलि छुं दुगु मखु रूप खनेगु दुगु मखु । थथे संसार धैगु सर्व छुं हे महुगुली प्याहाँ वनीम्ह धैम्ह सु दै तोता वनेगु धैगु छु दै । हे सु-
भूते निश्चयनं थन्योगु (ज्ञाने च्वम्ह) बोधिसत्व महासत्व महायाने वनेत तयारिम्ह (महायानया कवच नपालनं फ्युम्ह) महायाने वम्ह महा-
याने गथा थहाँ वम्ह ज्वी ॥ ॥ थुलि आज्ञा दयेकुसैलि आयुष्मान् सुभूति भगवान् याके थथे बिन्ति यात । हे भगवन् महायान महायान ध-
का धाःगु देव लोक दैत्य लोक मनुष्य लोक यात त्याकाः पुला वनीगु आकाश समान (सुन्यगु अनंत अपर्यन्त) जूगुलि अत्यन्त तः धैगु जूगु-
लि थ्व महायान धका धैतल ॥ गथे आकाशे प्रमाण मदयेक संख्या मदयेक सत्वपि न्ह्यं अर्थात् आकाशे गथे अप्रमाण असंख्य प्राणिपि च्व-
ना थथे च्वने ज्यूगु थथे सने ज्यूगु खः अथे हे हे भगवन् थ्व महायाने प्रमाण मदेक संख्या मदेक सत्वपि न्ह्यं । थथे सनेछि । हे भगव-
न् थथे जूया निंति थुगु ज्ञानयात बोधिसत्व महासत्वपिनि महायान धका धैतल अथेया निंति थ्व [महायान] न बोगु खनेदै न वंगु खनेदै न
(महायान धैगु थुथाये थन धैगु छुं) थाये दै । थुगु प्रकारं हे भगवन् थ्व महायानया न पूर्वान्ति [न्हापा थुबले निसै दुगु धैगु] दै । न अप-
रान्त [लिपा थुथाये तक्क च्वना फुना वनी धैगु] दै । न मध्य [आः छुं जुया च्वंगु दु धैगु] दै । अथेया निंति हे भगवन् थ्व यानया विचा-
रं [न न्हापा छुं जुया वने धुकल धैगु दै न आः छुं जुया च्वंगु दु धैगु दै न लिपा छुं ज्योतिनि धैगु दै संसारया त्वभाव निर्मल-निर्वाण स्वरूप न्हा-
पा लिपा आः धैगु स्वंगु अवस्थां छुं हे दुगु मखु सर्वहे सुन्य न्ह्याबले छगुहे अवस्था] सवान जूया च्वन । उकिया निंति महायान महायान ध-

का धैतल ॥ ॥ थुलि धासैलि भगवान् आयुष्मान् सुभूति यात साधुकार बिल । साधु साधु हे सुभूते थथेहे खः थ्व हे सुभूते थथेहे खः थ्व ॥
थ्व बोधिसत्व महासत्व पिनि थुजोगु महायान खः । थन [थुजोगु शिक्षा] स्थना बोधिसत्व महासत्व मिसं सर्वज्ञता लाना वन लायी लाना
च्वन ॥ ॥ थनलि आयुष्मान् पूर्ण मंत्रायणी पुत्रं भगवान् याके थथे बिन्ति यात । हे भगवन् थ्व सुभूति स्थविरं प्रज्ञापारमिता फुक
च्वना महायान उपदेश ब्यूगु धकाः धाये जीला ॥ ॥ थनलि आयुष्मान् सुभूति भगवान् याके थथे बिन्ति यात ॥ हे भगवन् जि प्रज्ञापार-
मिता यात तोता महायान मकना ॥ ॥ भगवान् आज्ञादयेकल । हे सुभूते प्रज्ञापारमिताया उपदेश छुं कथं थें-ज्ञोलं हंक मव्यूगु मखु ॥ ॥
थुलि आज्ञा दयेकुसैलि आयुष्मान् सुभूति भगवान् याके थथे बिन्ति यात ॥ बुद्धया अनुभावं हे जक खः हे भगवन् । हानं हे भगवन् निश्चयनं
न्हापा थुबले निसै बोधिसत्व जुल [बोधिसत्व दत] धैगु दै मखु । लिपा थुथाये तक्क दै धैगुनं दै मखु । आः बोधिसत्व जुल (बोधिसत्व दत)
धैगुनं दै मखु । थ्व छुया निंति दै मखु धाःसा । रुपया पर्यन्त महुगुलि [धर्म धातुयाकें भिन्न संसाया पदार्थ छुं हे दुगु मखु धैगु ज्ञानं रूप दवदनं
धैगुनं दै मखु । थुगुहे प्रकारं वेदना संज्ञा संस्कार नं [सीके माल] । बि-
ज्ञानया पर्यन्त महुगुलि बोधिसत्वनं अपर्यन्त (अनन्त) धका सीके माल । रूप बोधिसत्व धका धायेगु दैमखु थ्व (रूप) धैगुनं दैमखु लायेनं
फैमखु । थुगुहे प्रकारं वेदना संज्ञा संस्कारनं सीकेमाल । विज्ञानयात बोधिसत्व धका धायेगु दैमखु थ्व (विज्ञान) धैगुनं दैमखु लायेनं फैमखु ।

(छुं हे महु धैगु ज्ञाने युगुजगु धायेंगु लायेगु छुदै धैगु भाव) । थुगु प्रकारं हे भगवन् दैच्वंक्कं फुक्कं सकल प्रकारया दक्क फुक्कं बोधिसत्त्वया (रूप आदिं) संसारया पदार्थधैगु (छुंहे) लाये फेमखु । उकिं हे भगवन् गुगुजा बोधिसत्त्व धका नां जुया च्वंगु छः थ्व बोधिसत्त्वया रूप आदिं संसारया पदार्थ जिमखना । प्रज्ञा पारमिता नं जिमखना प्राप्त मजू । सर्वज्ञतानं जिमखना प्राप्त मजू । व जि हे भगवन् दैच्वंक्कं फुक्कं सकल प्रकारया दक्क फुक्कं थ्व संसारया पदार्थ लायेगु महुं सैलि खनेगु महुंसैलि गुगु धर्म गुगु धर्म गुगु धर्म शिक्षाबिये स्यने कने याये । बुद्ध धैमहनं हे भगवन् थ्व नांमत्र बोधिसत्त्व धैमहनं हे भगवन् थ्व नांमात्र । प्रज्ञापारमिता धैमहनं हे भगवन् थ्व नांमात्र । हे भगवन् थ्व नां नं मुक्त ज्वीमाः महुं दुगुमखु हे भगवन् गथे जिजि धका थथे धैच्वंमहः । अर्थात् गन छुं पदार्थ जुया दैच्वंगु मंत अन उत्पत्ति धैगुनं दैमखु । उगु मुक्त ज्वीमाः महुं धैगुनं दैमखु प्रज्ञापारमिता समानं सिद्ध जुया च्वंगु आत्मा धैगु भाव । थथे दक्क संसारया पदार्थ छुंहे महुगु स्वभाव जुया च्वंगु कायेमज्यूगु मुक्त ज्वीमाः गुं मख या च्वंगु गुगु रूप । गुगु थ्व बेदना संज्ञा संस्कार । गुगु काये मज्यूगु मुक्त ज्वीमाः गुं व विज्ञान । थुगु प्रकारं थ्व दक्क संसारया अस्वभाव स्वभाव मदया च्वंगु उगु मुक्त ज्वी माः धैगु दैमखु । गुगु दक्क संसार मुक्त ज्वीमाः गुं मखुत अन संसार या पदार्थ स्वरूप धैगु छुंहे दुगु मखु धैगु जुयी । व मुक्त ज्वी माः गुं मखुगु संसार मुक्त ज्वीमाः गुं मखुगु संसारया पदार्थ दक्क प्रज्ञापार मिताया स्वभाव छुया च्वंगु [मुक्कं मजूगु मुक्त मजूपि गनं ल्वीके] फेमखु दक्क सर्व सिद्ध जुया च्वंगु धैगु भाव थथे मुक्त यायेमाः पिं सुंमदया च्वंगुली छु अस्वभाव अनु मतिबिये छु स्यने कने याये ॥ हे भगवन् मुक्त ज्वीमाः गुं

सुभूते सर्वज्ञता जक उत्पत्ति महु लाकि सर्वज्ञता धर्मनं (सर्वज्ञज्वीगु ज्ञाननं) उत्पत्ति महु ॥ ॥ [सुभूति] धाल । हे आयुष्मन् सारि पुत्र सर्वज्ञता धर्मनं उत्पत्ति महु ॥ ॥ (सारिपुत्रं) धाल । हानं छु हे आयुष्मन् सुभूते सर्वज्ञता धर्म जक उत्पत्ति महु लाकि पृथग्जननं (तः धैगु ज्ञानया लं मझपितं) उत्पत्ति महु ॥ ॥ (सुभूति) धाल । हे आयुष्मन् सारिपुत्र पृथग्जननं उत्पत्ति महु ॥ ॥ (सारिपुत्रं) धाल । हानं छु हे आयुष्मन् सुभूते पृथग्जन जक उत्पत्ति महु लाकि पृथग्जन धर्मनं (राग द्वेष आदिं दुगु धर्मनं) उत्पत्ति महु ॥ ॥ [सुभूति] धाल । हे आयुष्मन् सारिपुत्र पृथग्जन धर्मनं उत्पत्ति महु ॥ ॥ थथे धासैलि आयुष्मान् सारिपुत्र आयुष्मान् सुभूतियात थथे धाल । हे आयुष्मन् सुभूते यदि बोधिसत्त्वनं उत्पत्ति महु बोधिसत्त्व धर्मनं उत्पत्ति महु सर्वज्ञतानं उत्पत्ति महु सर्वज्ञता धर्मनं उत्पत्ति महु पृथग्जननं उत्पत्ति महु पृथग्जन धर्मनं उत्पत्ति महु [धासैलि] निश्चयनं हे आयुष्मन् सुभूते थथे ज्वीबले 'छुं' जत्त हे याये म्वाः क (छुं चयहिं याये म्वाः क) बोधिसत्त्व महासत्त्व सर्वज्ञता (बुद्धपद) लायि । थथे धासैलि आयुष्मान् सुभूति आयुष्मान् सारिपुत्र यात थथे लिस विल । हे आयुष्मन् सारिपुत्र जि उत्पत्ति हे महुगु धर्मया पदार्थया लायेगु दै धैगु इच्छा मयाना लायेगुनं इच्छा मयाना ॥ छुंहे उत्पत्ति महुगुली छु लायेगु धैगु दै ॥ ॥ (सारिपुत्रं) धाल । हानं छु हे आयुष्मन् सुभूते उत्पत्ति महुगु पदार्थ उत्पत्ति महुगु पदार्थ हे जक लायेगु सिवाय छु दै ॥ ॥ सारिपुत्रं धाल हानं हे आयुष्मन् सुभूते उत्पत्ति जूगु पदार्थ हे उत्पत्ति मजूगु रूपं जूगु अथवा उत्पत्ति मजूगु यात हे उत्पत्ति धाः गु

॥ [सुभूति] धाल हे' आयुष्मन् सारिपुत्र उत्पत्ति जूगु पदार्थ हे उत्पत्ति मज्जु वका धायेफु । 'अथवा' उत्पत्ति जूगु पदार्थ वूसो [क-
 ल्पनां उत्पत्ति याःगु जूया निति] उत्पत्ति मज्जु धैगु हे जुयी ॥ ॥ [सुभूति] धाल । हानं उत्पत्ति मज्जु पदार्थया रूपं उत्पत्ति जुल अथवा
 उत्पत्ति मज्जु पदार्थ उत्पत्तिहे मज्जु ॥ ॥ [सारिपुत्र] धाल । हे आयुष्मन् सुभूते उत्पत्ति जूगु धाःगुहे उत्पत्ति मज्जु रूपं जूगु अथवा उ
 त्पत्ति मज्जु यातहे उत्पत्ति धाःगु ॥ ॥ (सुभूति) धाल । हे' आयुष्मन् सारिपुत्र उत्पत्ति जूगु पदार्थहे उत्पत्ति मज्जु वका धायी ॥ ॥
 [सारिपुत्र] धाल । हे' आयुष्मन् सुभूते छुंहे उत्पत्ति जूगुमदु धकाः छपिसं धै विज्यानाला ? [अथवा उत्पत्ति धैगुनं दु] ॥ ॥ :-सुभूति:-
 धाल । हे' आयुष्मन् सारिपुत्र उत्पत्ति धैगुहे मदुधका जि धया । हे' आयुष्मन् सारिपुत्र उत्पत्ति मदु धैगु जकहे जि खं । हे' आयुष्मन् सारि-
 पुत्र उत्पत्ति मदुहे जक धैगु जिगु चित्तं खं । थथे हे जक हे' आयुष्मन् सारिपुत्र अत्यन्तहे नित्यगु गुबलें मसेनीगु रूपं खं ॥ ॥ थथे धासेलि
 आयुष्मान् सारिपुत्र आयुष्मान् सुभूतियात थथे धाल । थ्व हे' आयुष्मन् सुभूति धर्म कनी पिति मुख्यगुली तयेमाः - मुख्यहे ध्वीकेमाःगु जुया
 छवन ॥ थ्व छुया निति धाःसा : थथे निश्चयनं आयुष्मान् सुभूति स्थविर याके गुगु न्यनागु खः उगु २हे बांलाक कना भिज्याः संसारया पदार्थ
 नं मधं संसारया पदार्थयात नं विरोध मयाः ॥ ॥ थथे धासेलि आयुष्मान् सुभूति आयुष्मान् सारिपुत्र यात थथे धाल । हे' आयुष्मन् सा-
 रिपुत्र धर्म द्वाहां मवंपि दग्गवान् या श्रावक पितिगु धर्महे थ्व गुगु २ प्रकारं न्यनीगु खः उगु २ प्रकारहे लिप्तः विद्या अन्ते उकें छखे याना बी

संसारया पदार्थ यातनं विरोध धायीमखु संसारया पदार्थनं वनीमखु ॥ थ्व छुया हेतुं धाःसा । गथेजा संसारया दक्क पदार्थ धैगु तां मात्र या-
 त जक कया धैचवंगु संसारया दक्क पदार्थ मथ्यू उकी चित्त मवंगु जूया निति ॥ ॥ थथे धासेलि आयुष्मान् सारिपुत्र आयुष्मान् सुभू-
 तियात थथे धाल । साधु २ हे' आयुष्मन् सुभूते गुगु ? थ्व बोधिसत्व महासत्त्वया संसारया दक्क पदार्थ मथ्यूगु-सर्व धर्मा निश्चित पारगिता
 ॥ ॥ सुभूति धाल । प्रज्ञापारमिताहे खः हे' आयुष्मन् सारिपुत्र सकल यान- :-श्रावक यान प्रत्येक यान महायान :- । दक्क संसारया पदार्थ
 मथ्यूगुलि सर्व धर्मा निश्चित पारमितानं :-थ्वहे खः- । थुलि निश्चयनं बोधिसत्व महासत्त्वया थुजोगु प्रकारया दूनेयानु प्रज्ञापारमिताया
 ज्ञान कनीबले थथे उपदेश बीबले चित्त लीन जुया मदया वनी मखु । खःला मखुला धैगु संखा ज्वी मखु । स्वप्पदु धैगु अज्ञाने ज्वी मखु । चि-
 त्तया मेगुहे ज्ञान झूठ् अःखः गु बुद्धि कया चवनी मखु । उम्ह बोधिसत्व महासत्त्व थुगु प्रकारया प्रज्ञापारमिताया ज्ञानकया चवनी । थुगु प्रकार
 या मने निश्चययायेगुलि छखे मज्झीका चवनी धका सीकेमाः ॥ ॥ थनंलि आयुष्मान् सारिपुत्र आयुष्मान् सुभूति याके थथे न्यन । गथेहे
 आयुष्मन् सुभूते गुम्ह मने निश्चय यायेगुलि छखे मज्झी बोधिसत्व महासत्त्व जुयी व प्रज्ञापारमिताया ज्ञानकया चवन्हे धैगु गथे जुयी । यदि
 निश्चयनं हे' आयुष्मन् सुभूते गुम्ह बोधिसत्व महासत्त्व मने निश्चय या येगुलि छखे मज्झी ज्वी व प्रज्ञापारमिताज्ञान कया चवनेगु याके छखे
 म्हजुयी । यदि हानं हे' आयुष्मन् सुभूते गुम्ह बोधिसत्व महासत्त्व मने निश्चय यायेगुलि छखे मज्झी ज्वी व प्रज्ञापारमिता ज्ञान याके छखे म्ह

जुयी ॥ यदि हानं हे' आयुष्मन् सुभूते गुम्ह बोधिसत्त्व महासत्त्व प्रज्ञापारमिता ज्ञानकत्वा ज्वनेगुयाकें छखे मज्झिम्ह ज्वी व मने निश्चय याता ज्व-
नेगु बाकें छखे म्हे जुयी । यदि हानं हे' आयुष्मन् सुभूते मने निश्चय यायेगुलिं छखे मज्झिम्ह बोधिसत्त्व महासत्त्व प्रज्ञापारमिताया ज्ञाननं छखे मज्झिम्ह
ज्वीगु जूसा सकल सत्त्वापिनं प्रज्ञापारमिता ज्ञानयाकें छखे मज्झिपिं ज्वी ॥ थ्व छुयाहेतुं धाःसा ॥ दक्ख सत्त्व प्राणिपिं न मने -रूप दु संसार दु धैगुः-
निश्चय यायेगुलिं छखे मज्झीका च्वपिं खः । अर्थात् अये जूसा संसारे दक्ख सत्त्व प्राणिपिनं छुंहे ज्ञान काये स्वाक अर्थेहे मुक्त ज्वी धुंपिं जिपिं धै-
गु ज्ञान दैपिं ज्वीगु जुल ॥ ॥ थये धासेलि आयुष्मान् सुभूति आयुष्मान् सारिपुत्रयात थये लिसःबिल ॥ साधु २ हे' आयुष्मन् सारिपुत्र । हा-
नं छु धाःसा आयुष्मान् सारिपुत्र छं साधारणं जक धाल जि अर्थ (प्रयोजनं) छं के न्यता ॥ थ्व छुया हेतुं धाःसा । हे आयुष्मन् सारिपुत्र सत्त्वया
स्वभाव मदुगुलिं मने निश्चय यायेगुया स्वभाव मदुधका सीकेमाः सत्त्व असदभाव-मदुगुलिं हे' आयुष्मन् सारिपुत्र मने निश्चय यायेगु मदुधका सीके
माः । सत्त्व छखे शून्यमदुपिं जूयानिर्निर्त हे' आयुष्मन् सारिपुत्र निश्चययाये गुनं मदुधका सीके माः सत्त्व चिन्तना यायेमफुगुलिं आयुष्मन् सारिपुत्र मने नि-
श्चय यायेगुनं चिन्तना यायेमफुगु धका सीकेमाः सत्त्व सीकेपिं मदुगु यानिर्निर्त हे' आयुष्मन् सारिपुत्र मने निश्चय यायेगुनं मदुधका सीकेमाः सत्त्व धार्थे
दुपिं मदुगुलिं मने निश्चय यायेगुनं धार्थे दुगुमखुधाका सीकेमाः । हे' आयुष्मन् सारिपुत्र थुजोगुरूपं मने निश्चय या'म्ह बोधिसत्त्व महासत्त्व यात जि
इच्छायाता ॥ ॥ आर्य अष्टसहस्रिका प्रज्ञापारमिताया सर्वाकारज्ञता (संसारया सर्वआकार सियीगु) चर्याया परिवर्त्ता नाम प्रथमः ॥ ॥ ॥

अथ शक्रपरिवर्त्तानाम द्वितीय

(थनंलि संसारया सर्वआकारयागु ज्ञान आज्ञा दयेका बिज्याये धुंसेलि हानं संसारया सर्व आकारयागु' ज्ञान मज्झीकं मथुयीगु जुया
च्वंगु मार्गज्ञता-निर्वाण वनेगु लँयागु ज्ञान आज्ञा दयेका बिज्यागु निगूगु ज्ञान- निगूगु शिक्षा) । ॥ ॥ ॥
हानं निश्चयनं उगु समये वहे सभास पीदो ४०००० त्राय त्रिंशत्कायिक देवपुत्र पिसं सहित याता शक्र देवराज इन्द्र थ्यंक वया उगु
सभास अन फेतुना च्वन । हानं नीःदो २०००० चतुर्महाराज कायिक देवपुत्र पिसं सहित याता प्यम्ह लोफ्वाल (घृतराष्ट्र बिरुठक बिरु
पाक्ष कुबेर थ्व चतुर्महाराज) गणपिनं (उगु सभास थ्यंक वया अन फेतुना च्वन) । हानं शिदो १०००० ब्रम्ह कायिक देव पुत्र पिसं
सहित याता सहा लोक धातुया नाय ब्रम्हानं [उगु सभास थ्यंक वया अन फेतुना च्वन] । हानं न्यादो ५००० शुद्धा बास देवपुत्रपिनं वहे
सभास वया फेतुना च्वन ॥ उगु बखते गुगु थ्व देवपुत्रपिनि थयःगु कर्मया विपाकं दुगु तेज खः थ्व फुकक बुद्धया अनुभावं बुद्धया तेज बुद्ध
या अधिष्ठानं ववत्थला छुंहे तेज खने मदया बुलुसे च्वना वन ॥ ॥ थनंलि शक्र देवराज इन्द्र आयुष्मान् सुभूति स्थविर यात ज्वने ज्ञान ।
हे आर्य सुभूते थ्व द्वलं दो देवपुत्र गणपिं थ्व सभास वया च्वपिं थ्व सभास च्वना च्वपिं (छलपोल) आर्य सुभूति यागु प्रज्ञापारमिता न्यनेगु

इच्छायाना बोधिं बोधिसत्व महासत्त्व यागु उपदेश आज्ञा- अनुशासन [न्यने धकावोपि] अध्यया निति बोधिसत्व महासत्त्वं गये प्रज्ञापार मिला
स चवनेमाः गये स्थनेमाः गये ध्यान यायेमाः ॥ ॥ स्थविर सुभूति धाल । अथे धंगु वःसा बुद्धया अनुभावं बुद्धया तेजं बुद्धया अधिष्ठानं
जि उपदेशवी (न्यो) । गुह्य देवपुत्रपि अनुत्तर सम्यक्संबोधी चित्त उत्पत्ति मयाः पिबः [चित्त मत्तः पिबः] अमिसं [अनुत्तर सम्यक्सं बोधिस]
चित्त उत्पत्ति यायेमाः- चित्त तजेमाः । गुह्यजा थःगु, थःपि चवनागु श्रावक आदि 'याने निश्चय याना चवपि थमिसं अनुत्तर सम्यक्संबोधी
चित्त उत्पत्ति यायेगु जोग्य मजू ॥ थव छुया हेतुं धाःसा । थुपि संसारयागु धारास (जन्म आदि ज्वीगुली लाना चवपि जन्म मरणं छुते ज्यो
मखुनि पि) बारं बार जन्म जूवै तिनिपित अनुत्तर सम्यक सम्बोधि चित्त उत्पत्ति याकेगु जोग्य मजू । यदि हानं छु धाःसा थमिसं नं अनुत्तर
सम्यक्संबोधी चित्त तल धाःसा अमिकेनं जि चित्त हर्षमान याये । जि स्वैगुहे कुशल मूलया (पुण्यया ह्याया) विघ्न याये मखु । 'तर' बि-
शेषं तःधंगु धर्मं चवपिसं विशेषं तःधंगु धर्मया इच्छा यायेमाः ॥ ॥ थनंलि निश्चयनं भगवान् आयुष्मान् सुभूतियात सःता आज्ञा दये-
का बिज्यातः ॥ साधु २ हे'सुभूते निश्चयनं छ हानं साधुहेखः । हे'सुभूते गुगु छं बोधिसत्व महासत्त्वपित तःधंगु उत्साह बिल ॥ ॥ थथे
आज्ञा दयेका बिज्यासंलि आयुष्मान् सुभूति भगवान् याके थथे बिलियात ॥ हे'भगवन्, छलपोलयागु गुण स्थूपि जिमिसं थथे याये माःगु खः ।
गुण मस्यूपिसं छु यावी । थव छुयाहेतुं धाःसा । न्हापा जुया बिज्यापि तथागत अर्हत् सम्यक्सम्बुद्ध पिके छलपोल बोधिसत्व जुया बिज्याना

चवंगु बखते जिमिगु निमित्ते भगवान् छलपोलं गये ब्रम्ह चर्या चलेयाना गुह्य श्रावक गणपिसं पारमितास गये आज्ञा जुयाबिज्यागु खः शि-
क्षा बिज्याबिज्यागु खः उकी 'अथेहे' भगवन्, छलपोलं चलेयाना आः' अनुत्तर ज्ञानलाना बिज्यात । थथेहे हे'भगवन्, जिमिसं बोधिसत्व
महासत्त्वपित लिपा ग्रहण याकेमाः ॥ ॥ बांलाक ग्रहण याकेमाः बांलाक चले यायेमाः ॥ थव छुयाहेतुं धाःसा निश्चयनं जिमिसं हे भगव-
न्, लिपा ग्रहण याकल बांलाक चले याकल धाःसा बोधिसत्व महासत्त्वपिसं याकनं अनुत्तर सम्यक्संबोधि लायो ॥ ॥ थनंलि आयुष्मा-
न्, सुभूति देवराज इन्द्रयात आज्ञादयेकल थुलिया निति हे कौशिक हे ईन्द्र' न्य छं साधु बांलाक मतीति बोधिसत्व महासत्त्वपिसं गये प्रज्ञापा-
रमितास चवनेमाःगु खः व छंत जि कने ॥ हेकौशिक शून्यतास चवम्ह बोधिसत्व महासत्त्व प्रज्ञापारमितास चवने योग्यजू (शून्यतास चवम्ह
प्रज्ञापारमितास चवने फेमखु) अथेया निति हे'कौशिक बोधिसत्व महासत्त्वं तच्चोतं थीकजुया दनाः [शून्यता रूपी कथां तिया शून्यतायात
अत्यन्त क्वातुक ज्वनाः] चवनेमाः ॥ ॥ रूपे चवने मज्यू बेदनास चवने मज्यू संज्ञास चवने मज्यू संस्कारे चवने मज्यू बिज्ञाने चवने म-
ज्यू -ःथव पंच स्कन्धे चवने मज्यू- चक्षु, मिखा'स चवने मज्यू । रूपे चवनेमज्यू चक्षुया बिज्ञाने चवने मज्यू । दसु संपसं मिखां स्वेगुस चवने म-
ज्यू । चक्षु संपसंजा बेदना, मिखां स्वया बांला बांमला बांलागुं मखु बांमलाःगुं मखुगुका धायेगु'स चवने मज्यू । थुगु प्रकारं न्हायेपं न्हाये मे
पे सवा कायेगु' काय, शरीरं शिया साधु ववाचु इयातुयाउं आदि सिकेगु' मन, मनं अने २गु चिन्तना याना मन ध्वेकेगु'स चवने मज्यू ॥

शब्द -ः सः तायेकेगुः - गन्ध -ः बास नतायेगुः - रस -ः में सवा कायेगु । स्पर्श -ः शरीरं थिये स्वेगुः -ः आदियाः - ज्ञान कया चवनेगुली चवनेमज्यू ॥
 श्रोत्र विज्ञाने -ः न्हायेपनं बां बांलागुन्यने धैगुली - चवनेमज्यू ॥ -ः गुगु न्हासं नस्वागु नतुनेगु में साः साःगु रसकया नयेगु शरीरं नायुगु थियेगु आदि - मनं
 धः यः यःगुलि छुवें चवनेगु आदिस चवने मज्यू । मनं -ः मेगु छुः - स्वेगुली चवने मज्यू । मनं स्वया बांलागु बांमलागु आदि धायेगुली चवने मज्यू ॥ पृथि-
 वी धात्वी चवनेमज्यू अप्धात्वी चवने मज्यू तेजो धात्वी चवने मज्यू वायु धात्वी चवने मज्यू आकाश धात्वी चवनेमज्यू -ः चाः लः मि फये आकाश वि-
 ज्ञान थ्व खुगु धात्वी चवनेमज्यू - । स्मृत्यु पस्थान -ः प्यंगु लुमंका चवनेगुली चवने मज्यू । सम्यक् प्रहाण -ः प्यंगु हुकायेगु बांलाक तयेगु फुकेगु हानं मदे-
 केगु ऋद्धि पाद प्यंगु याये फयेकेगु । इन्द्रिय न्यागु ज्ञानया इन्द्रिय दयेकेगु । बल न्यागु ज्ञानया बल देकेगु । बोध्यङ्ग न्हेगु ज्ञानया अङ्ग दये
 केगु । आर्याष्टाङ्ग मार्ग तः धंगु च्यागु लं । थ्व स्वीः न्हेगु बोधि पक्ष यागु धर्म चवने मज्यू ॥ श्रोत आपत्ति फलि आपाल लिपा लाः सा न्हेगु ७
 जन्म नितर िगु २ प्यंगु ४ [जन्म तरे ज्वीगु थुगु ज्ञाने चवने मज्यू ॥ सकृदागामि फले (छको मात्र जन्म काः वये मानीपि) चवने मज्यू । अनागामि
 फले (हानं कामधात्वी जन्म काः वये स्वाः ले धुं कुपि) चवनेमज्यू । अर्हत्वे हानं (हीनयानेक्लेश फुका निद्वीणि लायेधुं कुपि) चवनेमज्यू । प्रत्येक बुद्धत्वे
 तच्चोगु प्रतिज्ञां थः याकः चा चवना ज्ञान लायीपि चवने मज्यू । बुद्धत्वे चवने मज्यू ॥ ॥ थ्व निश्चय रूप खः धका उकी चवने मज्यू । थ्व
 निश्चय वेदना थ्व निश्चय संज्ञा थ्व निश्चय संस्कार थ्व निश्चय विज्ञान खः धका चवने मज्यू । थ्व निश्चय चक्षु मिखा खः धका इत्यादि ।

निश्चय मनं स्वया बांलागु बांमलागु आदि खः धका चवने मज्यू । थ्व पृथिवी चाः धातु निश्चय खः धका चवने मज्यू । इत्यादि थ्व
 विज्ञान जि धैगु भावना कया विषय वस्तु लिसे व्यवहार सुखया इच्छा यायेगु धातु निश्चय खः धका चवने मज्यू । थ्व निश्चय स्मृत्यु पस्थान
 खः धका चवनेमज्यू । थ्व निश्चय सम्यक् प्रहाण ऋद्धिपाद इन्द्रिय बल बोध्यङ्ग खः धका थ्व निश्चय आर्याष्टाङ्ग मार्ग खः धका चवनेमज्यू ।
 थ्व निश्चय श्रोत आपत्तिफल खः धका चवनेमज्यू । थ्व निश्चय सकृदागामि फल खः थ्व निश्चय अनागामि फल खः थ्व निश्चय अर्हत्वं खः धका
 चवनेमज्यू । थ्व निश्चय प्रत्येक बुद्ध खः धका चवनेमज्यू । थ्व निश्चय बुद्धत्व खः धका चवनेमज्यू । (थ्व फुक्क धार्थे खःगु धार्थे हे दुगु धका
 उकी मन छोया चवनेमज्यू) ॥ ॥ रूप नित्य अनित्य धका रूप नित्यगु धका अथवा अनित्यगु धका चवनेमज्यू । थये हे वेदना संज्ञा संस्कार
 विज्ञान नित्य अनित्य धका चवने मज्यू । रूप सुख दुःख धका (रूप सुख धका अथवा दुःख धका) चवनेमज्यू । थये हे वेदना संज्ञा संस्कार विज्ञान
 सुख दुःख धका चवनेमज्यू । रूप शून्य अशून्य धका रूप शून्य धका अथवा शून्य मखु धका चवनेमज्यू । थये हे वेदना संज्ञा संस्कार विज्ञान शून्य
 अशून्य धका चवने मज्यू । रूप आत्मा अनात्मा धका रूप आत्मा धका अथवा आत्मा मखु धका चवने मज्यू ॥ थये हे वेदना संज्ञा
 संस्कार विज्ञान आत्मा आत्मा मखु धका चवने मज्यू । रूप शूभ अशूभ धका रूप शूभ धका अथवा अशूभ धका चवने मज्यू ।
 रूप शून्य अथवा दुःख धका चवने मज्यू । थये हे वेदना संज्ञा संस्कार विज्ञान शून्य अथवा दुःख धका चवनेमज्यू । श्रोत आपत्ति फल दयेकातःगु मखु

(४५)

उत्पत्ति जूगुं मखु धका चवने मज्यू । (परमार्थया विचारं धार्ये दयेका तःगु उत्पत्ति जूगु मखुया निति) थये हे सकृदागामि फल सनागामि
फल अर्हत्त्व दयेका तःगु मखु उत्पत्ति जूगु मखु धका चवने मज्यू । प्रत्येक बुद्धत्व दयेका तःगु मखु उत्पत्ति जूगु मखु धका चवने मज्यू ॥
श्रोत आपन्न-पूजा याये योग्य धका चवने मज्यू । श्रोत आपन्न-न्हयेको जन्म जू वया संसारं छुते जुया वनी धका चवने मज्यू । सकृदा-
गामी-पूजा याये योग्य धका चवने मज्यू । सकृदागामी-ज्या सिमधः निगु जूयानिति छोको थव लोके जन्म जू वया दुःख फुका वनी धका चवने
मज्यू । अनागामी-पूजा याये योग्य धका चवने मज्यू । अनागामी-थव लोके जन्म जू मवसे अन हे निर्वाण जुया वनी धका चवने मज्यू ।
अर्हत्-पूजा याये योग्य धका चवने मज्यू । अर्हत्-स्कन्ध शेष मदुगुलि थन हे निर्वाण धात्वी बांलाक निर्वाण जुया वनी धका चवने मज्यू ।
प्रत्येक बुद्ध-पूजा याये योग्य धका चवने मज्यू । प्रत्येक बुद्ध-श्रावक भूमि पुला वना बुद्ध भूमि सम्यक् निर्वाण जुया वनी धका चवने मज्यू ॥
बुद्ध-पूजा याये योग्य धका चवने मज्यू । बुद्ध जुया पुलावना पृथगजन भूमि पुला वना श्रावक भूमि पुला वना प्रत्येक बुद्ध भूमि पुलावना
प्रमाण मदेक संख्या मदेक सत्त्वयात हितार्थयाना प्रमाण मदेक संख्या मदेक सत्त्व कोटि (कर्बल) नियुत (झिगुलाख) शत 'सद्धि' सहस्र
'दोछि' निर्वाण छोया प्रमाण मदेक संख्या मदेक प्राणिपित श्रावक प्रत्येक बुद्ध सम्यक्सम्बुद्धत्वे निश्चय जूयि याना बुद्ध भूमि चवना बुद्धया
याये माःगु ज्या याना पंच स्कन्धया शेष हे मदुगु निर्वाण धात्वी बुद्ध परि निर्वाण निर्वाण जुया वनी धकानं वं चवने मज्यू ॥ ॥

(४६)

थनंलि (थये धासेलि) आयुष्मान् सारिपुत्रया थये मती वल । यदि बुद्ध पृथगजन भूमि पुला वना श्रावक भूमि पुला वना प्रत्येक बुद्ध भूमि
पुला वना प्रमाण मदेक संख्या मदेक सत्त्वयात हितार्थ याना प्रमाण मदेक संख्या मदेक सत्त्वकोटि नियुत शत सहस्रयात निर्वाण छोया प्रमाण
मदेक संख्या मदेक प्राणिपि श्रावक प्रत्येक बुद्ध सम्यक्सम्बुद्धत्वे निश्चय जूयि याना बुद्ध भूमि चवना बुद्धया याये माःगु ज्या (धर्म चक्र
प्रवर्त्तन आदि) याना (पंच) स्कन्धया शेष हे मदुगु निर्वाण धात्वी बुद्ध परि निर्वाण निर्वाण जुया वनी धकानं वं चवने मज्यू धासेलि आःहानं
(मेगु कथं) वं गथे चवने माः गथे सेने माः धका ॥ ॥ थनंलि [थये मती तःबले] आयुष्मान् सुभूति बुद्धया अनुभावं आयुष्मान् सारि-
पुत्रया चित्ते तर्कना याःगु थःगुचित्तं हे सीका आयुष्मान् सारिपुत्रयात थये धाल । हे आयुष्मान् सारिपुत्र तथागत अर्हत् सम्यक्सम्बुद्धया
स्थान छंगन धका माने याना ॥ ॥ आयुष्मान् सारिपुत्र धाल हे आयुष्मान् सुभूते तथागत अर्हत् सम्यक्सम्बुद्ध गनं हे मच्चं । थव छु
या हेतुं धाःसा । निश्चयनं तथागत अर्हत् सम्यक्सम्बुद्ध धम्म गनं हे मच्चं गु मन जुया चवन्हु खः अर्थात् मन व्वेगु पर्यंतं मदुगु योगे चवना
विज्याम्ह । उम्ह संस्कृत धात्वी [कास आदि धात्वी] नं चवन्हु मखु असंस्कृत धात्वी [तयता आविस] नं चवन्हु मखु हानं उकी मच्चंम्ह नं
मखु ॥ ॥ थये धासेलि आयुष्मान् सुभूति आयुष्मान् सारिपुत्र यात थये धाल हे आयुष्मान् सारिपुत्र बोधिसत्त्व महासत्त्व थये हे चवने
मा- थये हे स्यने-माः । गथेजा तथागत अर्हत् सम्यक्सम्बुद्ध गनं हे मच्चं मच्चंगुनं मखु । थये हे जि चवने थये हे स्यने धका चवने माः ।

गथे जा तथागतया स्थान स्थान मदुगु योगं बांलाक च्वंगुखः अथे हे जि च्वने धका च्वनेमाः बोधिसत्त्व महासत्त्वं थथे च्वनेमां थथे स्थाने माः । थथे (शिक्षा) स्थान्हे बोधिसत्त्व महासत्त्व प्रज्ञापरमिताया ज्ञाने च्वनी युगु (प्रज्ञापरमिता) मनेतयो गुलि छखे मज्झिमु जुयी ॥ ॥ थनंलि उगु सभास च्वना च्वंणि गुलिं देवपुत्रपिनि थथे मती बल । गुलि थन यक्षपिनिगु यक्ष भाषा यक्षपिनिगु भाषाया इसरा यक्षपिनिगु भाषाया पद [सन्नुह] यक्ष पिनि ल्हाः बाना खँ ल्हाःगु अमि इच्छा जूगु तक्क समाप्त उक्कीक खँ ल्हाःगु महा वाक्य थव सकतां जिमिसं स्यू । गुगु थव सुभूति स्थविरं बांलाक धाःगु देशना याःगु उपदेश व्यूगु जिमिसं सीकेमफु (थ्वीकेमफु) ॥ ॥ थथे अमि मति तःबले बुद्धया अनुभावं आयुष्मान् सुभूति अरिं देवपुत्रपिनि थुजोगु मती तर्कना याःगु थःगु चित्तंहे सीका व देवपुत्र पित थथे थाल । हे देवपुत्र गणपिं 'छिपिसं' थव सीमखु सीमखु । थथे निश्चयनं थन सुनानं छुंकुनं मखु न्यंगुनं मखु ॥ ॥ थनंलि हानं थव देवपुत्रपिनि थथे मती लुल । थ्वीक कमी निश्चयनं थव आर्य सुभूति । थ्वीक कनी निश्चयनं थव आर्य सुभूति । थव आर्य सुभूति (थावक गणपिसं थ्वीके मफुगु) दूने यागु लि दूने थ्यंक दवहा बनी । [पिनेयागु] चिकिचा धंगुलि चिकिचा धंगुली अन्त मदुगुलि अन्त मदुली थ्यंक आर्य सुभूति दवहाँ बिज्याना देशना यायी कनी ॥ ॥ थुलि अमि मती तःबले आयुष्मान् सुभूति बुद्धया अनुभावं हानं व देवपुत्रपिनि थुजोगु चित्ते तर्कना जूगु थःगु चित्तं हे सीका व देवपुत्रपित सःता आज्ञा दयेकल । थुक्किया निति हे देवपुत्र गणपिं गुम्ह श्रोत आपत्ति फल लायेगु इच्छा याःम्ह श्रोत

आपत्ति फले च्वनेगु इच्छा याःम्हसें थुगु ज्ञाने मच्चवंकं [थव च्वे कनागु ज्ञाने बांलाक मच्चवंकं श्रोत आपत्ति फल लायेगु उक्की च्वनागु सिद्ध उक्की मखु] । थथे हे गुम्ह सकृदागामि फल लायेगु इच्छा याःम्ह सकृदागामि फले च्वनेगु इच्छा याःम्ह अनागामि फल लायेगु इच्छा याःम्ह अनागामि फले च्वनेगु इच्छा याःम्ह । गुम्ह अर्हत्त्व लायेगु इच्छा याःम्ह अर्हत्त्वे च्वनेगु इच्छा याःम्ह । गुम्ह प्रत्येक बोधि लायेगु इच्छा याःम्ह प्रत्येक बोधी च्वनेगु इच्छा याःम्हसें थुगु ज्ञाने मच्चवंकं पूर्ण उक्की मखु । गुम्ह अनुत्तर सम्यक्सम्बोधि लायेगु इच्छा याःम्ह अनुत्तर सम्यक्सम्बोधी च्वनेगु इच्छा याःम्हसें थुगु ज्ञाने मच्चवंकं लायेकंमखु (श्रोत आपत्ति सकृदागामि अनागामि अर्हत्त्व प्रत्येक बोधि अनुत्तर सम्यक्सम्बोधि लायेगु उक्की च्वनेगु इच्छा याःम्हसें थव शून्यतास मच्चवंकं छुंहे लायेकंमखु छुकीसंहे च्वनेकंमखु) ॥ ॥ थुलि थानंलि उगु बखतस व देवपुत्रपिनि हानं थथे मतीलुल । गुजोगु रूपिं (गुजोगु स्वभावापिं गुजोगु किसिमं ज्ञान कायोपिं) आर्य सुभूतियागु धर्म नेनीपिं जुयेमाथे धका ॥ ॥ थुलि थमि मती तःबले आयुष्मान् सुभूति बुद्धया अनुभावं थव देवपुत्रपिनि थथे मती तर्कना याःगु थःगु मनंहे सीका अमि-त थथे थाल । हे देवपुत्र गणपिं निश्चयनं मायां दयेका तःपिथे जाःपिसं जिगु धर्म थ्येनेगु इच्छा यायेभाः ॥ थव छुयाहेतुं धाःसा ॥ निश्चयनं थव (माया पुरुषपिसं) न्यंगुनं उक्कीमखु धार्थे ज्वंगुनं उक्कीमखु ॥ ॥ थथे धासेलि थव देवपुत्र पिसं आयुष्मान् सुभूतियाके थथे न्यन ॥ हाव हे आर्य सुभूते थव सत्त्वापि माया पोम-जादु चटकथे जक जुया खनेवै च्वंणि (थव जूथ् जूया निति) थपि मायानं मदुलाकि छु ! ॥

थुलि न्यसेलि आयुष्मान् सुभूतिं श्व देव पुत्रपित यथे आज्ञा दयेकल । हे देव पुत्र गणपिं श्व सत्त्वपिं मायोपम (जादु-चटक थें जापिं) खः । हे देव पुत्र गणपिं श्व सत्त्वपिं स्वप्नोपम (स्वप्नाथें जाःपिं खः) यथे निश्चयनं माया-जादु-चटकथें धैंगु व सत्व व निगु मखु निगुया थिति मखु (छगु हे धैंगु भाव) यथे निश्चयनं स्वप्ना जुया च्वंगु धैंगु व सत्व न निगु मखु निगुया थिति मखु (छगु हे दक्वहे स्वप्ना धैंगु भाव) सकल धर्म-संसारया दक्व पदार्थनं हे देवपुत्र मायोपम-जादु-चटकथें जक जुया च्वंगु स्वप्नोपम-स्वप्नाथें जुया च्वंगु । श्रोत आपन्ननं मायोपम स्वप्नोपम । श्रोत आपत्ति फलनं मायोपम स्वप्नोपम ॥ थुगु प्रकारं सकृदागामिनं सकृदागामि फलनं अनागामिनं अनागामि फलनं अर्हत्तनं अर्हत्वनं मायोपम स्वप्नोपम खः । प्रत्येक बुद्धनं मायोपम स्वप्नोपम प्रत्येक बुद्धत्वनं मायोपम स्वप्नोपम खः । सम्यक्सम्बुद्धनं मायोपम स्वप्नोपम खः । सम्यक्सम्बुद्धत्वनं मायोपम स्वप्नोपम खः ॥ ॥ थुलि धासेलि श्व देवपुत्रपिसं हानं आयुष्मान् सुभूतियाके थथे न्यन । हे आर्य सुभूते सम्यक्सम्बुद्धनं मायोपम स्वप्नोपम सम्यक्सम्बुद्धत्वनं हे मायोपम स्वप्नोपम धका धैबिज्यानाला ॥ ॥ सुभूति धाल । हे देवपुत्र गणपिं निर्वाणनं जि मायोपम स्वप्नोपम धाये हानं मेगु धर्मयाजा छुखं ॥ ॥ व देवपुत्रपिसं धाल । हे आर्य सुभूते निर्वाणनं मायोपम स्वप्नोपम धका धैबिज्यानाला ॥ ॥ आयुष्मान् सुभूति धाल । खः हे देव पुत्र गणपिं यदि श्व निर्वाणयासिनं तःधैंगु मेगु छुं धर्म दुसां वनं जि मायोपम स्वप्नोपम धाये । वने निश्चयनं हे देव पुत्र गणपिं

माया-जादु चटक धैंगु व निर्वाण व नं निगु मखु निगुया थिति मखु स्वप्नाव निर्वाणनं निगु मखु निगुया थिति मखु ॥ ॥ थुलि धासेलि आयुष्मान् सारिपुत्र, आयुष्मान् पूर्ण मैत्रायणीपुत्र, आयुष्मान् महा कोष्ठिल, आयुष्मान् महा कात्यायन, आयुष्मान् महा काश्यप मे मे पि महा श्रावक गणपिं दवलं दो अनेक बोधिसत्व गणपिं सहित सकसेनं आयुष्मान् सुभूतियात थथे धाल ॥ हे आयुष्मान् सुभूते । यथे थुगु प्रकारं प्रज्ञापारमिता आज्ञा जुया बिज्यागुया सुज्ञान कायीपिं दै ॥ ॥ यथे धासेलि आयुष्मान् आनन्दं श्व स्थविर पित थुगु प्रकारं धाल । हे आयुष्मान् गणपिं गुम्ह त्याहाँ व मखे धुंकुपिं बोधिसत्व महासत्त्वपिं अथवा 'प्रज्ञा' दृष्टि संयुक्त जुया च्वंगु पुद्गलपिं अथवा संसारयागु तृष्णा छुं मदे धुंकुपिं अर्हत् गणपिसं थथे प्रज्ञापारमिता आज्ञा जुया बिज्यागु ज्ञान कायीपिं जुयी धका सीकेमाः ॥ ॥ यनंलि आयुष्मान् सुभूति स्थविर श्व स्थविरपित थथे धाल । हे आयुष्मान् गणपिं थथे आज्ञा जुया बिज्यागु प्रज्ञापारमिताया ज्ञान कायीपिं सुहे दैमखु ॥ श्व छुयाहेतुधाःसा । यथे निश्चयनं थन छुं धर्महे दु धैंगु दैमखु प्रकाश जुल धैंगु दैमखु दत धैंगु दैमखु ॥ गथेजा थन छुं धर्महे दु धैंगु दैमखु प्रकाश जुल धैंगु दैमखु दत धैंगु दैमखु अथेहे थुगु प्रकारं श्व प्रज्ञापारमिता आज्ञा जुया बिज्यागुया ज्ञान कया धका धायीपिं सुं दैमखु ॥ ॥ थनंलि शक देवराज इन्द्रया थथे मती वल । श्व आर्य सुभूति थथे धर्म देशना यागुया पूजा याये निति गुगु जि [मनया भावनां] स्वां दयेका सुभूतियात स्वां हवले धका ॥ ॥ थनंलि शक देवराज इन्द्र [मनया भावनां]

स्वां दयेका आयुष्मान् सुभूतियात् स्वांनं सकभनं होल ॥ ॥ थनंलि आयुष्मान् सुभूति स्थविरया देवराज इन्द्रनाथ लिफा
 छं लहायेया निति थये मती वल। निश्चयनं जि थुजोगु स्वां नयस्त्रिश देवलोकं न्हापा दै स्वंगु खनागु मदु। गुगु थ्व जित शक्
 देवराज इन्द्रं होला हःगु स्वां। थ्व स्वांत छुं सिमां ज्ञाःनं गसि वनीगु स्वांमां होगु मखु। गुगु थ्व देवराज इन्द्रं होला हःगु स्वां
 मनोमय [मनं२ जक दयेका हःगु] खः धका ॥ ॥ थये मती तःबले शक् देवराज इन्द्रं आयुष्मान् सुभूतिया चित्ते तर्कना जूगु
 थगु चित्तं लीका आयुष्मान् सुभूतियात् थये धाल ॥ ॥ हे आर्य सुभूते उत्पत्ति मज्जुगु खः थ्व स्वांत फुक ॥ थ्व छुया हेतुं
 धाः ला ॥ छुंहे स्वां धार्ये मनं उत्पत्ति जूगुनं दुगुमखु सिमां ज्ञाःनं गसिवनीगु स्वांमां उत्पत्ति जूगुनं दुगुमखु ॥ थये धासैलि आयुष्मान्
 सुभूति शक् देवराज इन्द्रयात् थये धाल ॥ हे कौशिक गुगु जा छं थये धाल। 'गनंहे' उत्पत्ति जूगु मखुगु थ्व स्वां। मनं धार्ये
 उत्पत्ति जूगुनं मखु सिमां ज्ञाःनं गसिवनीगु स्वांमां उत्पत्ति जूगुनं मखु धका। हे कौशिक गुगु उत्पत्ति मदुगु स्वां व स्वां खं-
 मखु ॥ ॥ थनंलि शक् देवराज इन्द्रया थये मती वल। दूने यागु ज्ञान दुम्ह खः युम्ह आर्य सुभूति थ्व हे 'दूनेयागु ज्ञानया'
 नाम पदया सुचनां आज्ञादयेका विज्यात् थुगु ज्ञान यातनं 'धर्मतां' विरोध मया अर्थात् कना म विज्याःगु मखु। थ्वहेनं थ्वीक
 'अःपुक' कना विज्यात् थ्वहे उपदेशनं बिल ॥ थनंलि शक् देवराज इन्द्रं आयुष्मान् सुभूति बात थये धाल। थये हे खः हे आर्य

सुभूते थये हे खः। गथे थन आर्य सुभूति उपदेश थ्युगु खः थये हे बोधिसत्त्व महासत्त्व (ज्ञान) स्थनेमाः ॥ ॥ थये धासैलि आर्य
 सुभूति शक् देव राज इन्द्रयात् थये धाल ॥ थये हे खः हे कौशिक थये हे खः थ्व। थये हे थन बोधिसत्त्व महासत्त्व (शिक्षा) स्थनेमाः।
 हे कौशिक थये [शिक्षा] स्थंम्ह बोधिसत्त्व महासत्त्व श्रोत आपत्ति फले स्थनी मखु। सकृदागामि फले स्थनी मखु। अनागामि फले स्थनी
 मखु अर्हत्त्वे स्थनी मखु। प्रत्येक बुद्धत्वे स्थनी मखु। बुद्धत्वे स्थनी मखु। गुम्हथ्व भूमी (थुगु रूप शिक्षा मस्यनागु धैगु ज्ञान शिक्षा) स्थनी
 वं बुद्धत्वे अथवा सर्वज्ञत्वे शिक्षा-स्थनी ॥ गुम्हसें बुद्धत्वे अथवा सर्वज्ञत्वे शिक्षा-स्थनी वं प्रमाण मदेक संख्या मदेक बुद्ध धर्मे शि-
 क्षा-स्थनी। गुम्हस्यं प्रमाण मदेक संख्या मदेक बुद्ध धर्मे शिक्षा-स्थनी वं न रूप दयेकेत स्थनी न रूप मदयेकेत स्थनी। थुगु प्रकारं
 न बेदनायात् न संज्ञायात् न संस्कारयात् न विज्ञानयात् न दयेकेत धका स्थनी न मदयेकेत धका स्थनी ॥ गुम्हसें न रूप दयेकेत स्थनी
 न मदयेकेत स्थनी। थुगु प्रकारं गुम्हसें न बेदना न संज्ञा न संस्कार न विज्ञान न दयेकेत स्थनी न मदयेकेत स्थनी वं न रूप कायेत स्थनी
 न तोतेत स्थनी। थुगु प्रकारं न बेदना न संज्ञा न संस्कार न विज्ञान न कायेत स्थनी न तोतेत स्थनी। संसारया छुंहे पदार्थ यातं कायेत
 स्थनी मखु दुःधैगु खनेत स्थनी मखु मदयेका छोयेत स्थनी मखु। गुम्हसें संसारया छुं पदार्थ यातनं कायेत स्थनी मखु दुधैगु खनेत
 स्थनी मखु मदयेका छोयेत स्थनी मखु वं सर्वज्ञता यातं कायेत स्थनी मखु दुधैगु खनेत स्थनी मखु मदयेका छोयेत स्थनी मखु ॥

यथे शिक्षा-स्यंम्ह बोधिसत्त्व महासत्त्वं सर्वज्ञतास स्यनी सर्वज्ञतास वनी ॥ ॥ यन्नंलि आयुष्मान् सारिपुत्रं आयुष्मान् सुभूतियात यथे धाल । हे आयुष्मन् सुभूते गुम्ह बोधिसत्त्व महासत्त्वं छुं संसारया पदार्थं कायेतनं स्यनी मखु दु धैगु खनेतनं स्यनी मखु मदयेका छोयेतनं स्यनी मखु उम्हसें सर्वज्ञ जुयेतनं स्यनी मखु 'सर्वज्ञता' दु धैगु खनेतनं स्यनी मखु मदयेका छोयेतनं स्यनी मखु । हे आयुष्मन् सुभूते यथे स्यंम्ह बोधिसत्त्व महासत्त्वं सर्वज्ञतास स्यनीला सर्वज्ञतास वनीला ॥ ॥ 'यथे न्यसेलि' आयुष्मान् सुभूति धाल यथे हे खः थ्व हे आयुष्मन् सारिपुत्र यथे हे खः थ्व । हे आयुष्मन् सारिपुत्र गुम्ह बोधिसत्त्व महासत्त्वं संसारया पदार्थं छुं हे कायेत स्यनी मखु दु धैगु खनेतनं स्यनी मखु मदयेका छोयेतनं स्यनी मखु । उम्हसें सर्वज्ञतानं कायेत स्यनी मखु दु धैगु खनेतनं स्यनी मखु मदयेका छोयेतनं स्यनी मखु । दक्क बुद्ध धर्मयानं कायेत स्यनी मखु दु धैगु खनेत स्यनी मखु मदयेका छोयेत स्यनी मखु । हे आयुष्मन् सारिपुत्र यथे शिक्षास्यंम्ह बोधिसत्त्व महासत्त्वं सर्वज्ञतास स्यनी सर्वज्ञतास वनी ॥ ॥ यन्नंलि शक्र देवराज इन्द्रं आयुष्मान् सारिपुत्रयात यथे धाल । हे आयुष्मन् सारिपुत्र बोधिसत्त्व महासत्त्वं प्रज्ञापारमिता गन माले माः ॥ ॥ सारिपुत्रं धाल ॥ हेकौशिक बोधिसत्त्व महासत्त्वं प्रज्ञापारमिता तथागतया अनुभावं सुं गुम्हस्यां कनीगु वचनयाकें मालेमाः यन मुख्य तथागतया अनुभाव दुम्ह सुभूतियाकें न्यनेगुयाकें मालेमाः ॥ ॥ गुलिघासेलि शक्रदेवराज इन्द्रं आयुष्मान् सारिपुत्रयाके यथे न्यन हे आर्य सारिपुत्र गुगु आर्यसुभूति प्रज्ञापारमिता कनाबिज्याःगु थ्व स्वैगु अनुभावं

धकासीकेगु स्वैगु अधिष्ठान-प्रताप धका सीकेगु ॥ ॥ यथे न्यसेलि आर्यसारिपुत्रं धाल । हेकौशिक गुगु आयुष्मान् सुभूति प्रज्ञापारमिता कंगु थ्व तथागतया अनुभावं धका सीकेमाः तथागया अधिष्ठानं धका सीकेमाः ॥ यन्नंलि आयुष्मान् सुभूति शक्रदेवराज इन्द्रयात यथे आज्ञादयेकल । हेकौशिक गुगु छं यथेधाल गुगु आर्य सुभूति प्रज्ञापारमिता कंगु स्वैगुअनुभावं धकासीकेमाः स्वैगु अधिष्ठानं धका सीकेमाः यथे धका ॥ हे कौशिक गुगु ज प्रज्ञापारमिता कनागु तथागतयागु अनुभावं धकासीकेमाः तथागतकंका बिज्याःगु धका सीकेमाः ॥ हेकौशिक गुगु हानं छं यथेनं धाल प्रज्ञापारमिता बोधिसत्त्व महासत्त्वं गन मालेमा धका ॥ हेकौशिक प्रज्ञापारमिता बोधिसत्त्व महासत्त्वं न रूपयाकें मालेमाः न रूपयाकें मेथाये मालेमाः । शुगुप्रकारं न बेदनायाकें न संज्ञायाकें न संस्कारयाकें न विज्ञानयाकें मालेमाः न विज्ञानयाकें मेथाये मालेमाः ॥ थ्व छुया हेतुं धाःसा । यथेहे निश्चयनं न रूप प्रज्ञापारमिताखः न रूपयाकें मेगु प्रज्ञापारमिताखः । शुगु प्रकारं न बेदना न संज्ञा न संस्कार न विज्ञान प्रज्ञापारमिताखः न विज्ञानयाकें मेगु प्रज्ञापारमिताखः ॥ ॥ यथे धासेलि शक्र देवराज इन्द्रं आयुष्मान् सुभूतियात यथे धाल । हे आर्यसुभूते महापारमिता थ्व गुगुजा प्रज्ञापारमिता । हे आर्यसुभूतेअप्रमाण पारमिता थ्व गुगुजा प्रज्ञापारमिता । हे आर्यसुभूते अपरिमाण पारमिता थ्व गुगुजा प्रज्ञापारमिता । हे आर्य सुभूते अनन्त पारमिता थ्व गुगुजा प्रज्ञापारमिता ॥ ॥ स्थविर सुभूति आज्ञादयेकल । यथे हे खः थ्व हेकौशिक यथेहे खः थ्व । महापारमिता थ्व हेकौशिक गुगुजा प्रज्ञापारमिता । अप्रमाणपारमिता थ्व हेकौशिक गुगुजा प्रज्ञापारमिता ।

अपरिमाण पारमितां श्व हेकौशिक गुगुजा प्रज्ञापारमिता । अनन्त पारमिता श्व हेकौशिक गुगुजा प्रज्ञापारमिता ॥ श्व छुयाहेतुं धासा । रूप तःधंगुलि अर्थात् धार्थेयागु विचारं रूपया उत्पत्ति धैगुनं दुगुमखु दैचवन धैगुनं दुगुमखु फुनावनी धैगुनं दुगुमखु माया-जादु-चटकथे जक खनेदे चवंगु स्वप्नाथे जक कल्पना जुयाचवंगु धार्थे दुगुमखु दक्क रूपया निस्वभाव सर्वशून्य तथता धर्म धातु स्वभाव जूयानिति हे कौशिक महापारमिता श्व गुगुजा प्रज्ञापारमिता । थुगु हे प्रकारं वेदना संज्ञा संस्कार बिज्ञान नं तःधंगुलि हे कौशिक महापारमिता श्व गुगुजा प्रज्ञापारमिता रूपया परिमाण मदुगुलि अर्थात् धार्थेयागु विचारं अपायेकुगु अपायेकुगु थथे चवंगु अथे चवंगु धैगु धायेगु मदुगु निस्वभाव सर्वहे शून्य जूयानिति हे कौशिक अपरिमाण पारमिता श्व गुगुजा प्रज्ञापारमिता । थुगु हे प्रकारं वेदना संज्ञा संस्कार बिज्ञान यानं परिमाण मदुगुलि हे कौशिक अपरिमाण पारमिता श्व गुगुजा प्रज्ञापारमिता । रूपया अन्त मदुगुलि-अर्थात् माया चटक जादु स्वप्नाथे जक जूया निति धार्थे शुबलैनिसें दुगु थुलितक्क चवनीगु धैगु आदि अन्त मदुगु जूया निति हेकौशिक अनन्तपारमिता श्व गुगुजा प्रज्ञापारमिता । थुगु हे प्रकारं वेदना संज्ञा संस्कार बिज्ञानयानं आदिअन्त धैगु मदुगु जूयानिति अनन्त पारमिता श्व गुगुजा प्रज्ञापारमिता ॥ ॥ हानं थथे महा पारमिता धका हेकौशिक (थुकी) जकनं मनतया चवनी मखु । थथे अपरिमाण पारमिता धका थथे अपरिमाण पारमिता धका थथे अनन्त पारमिता धका मनतया चवनी मखु ॥ थुलिया निति हेकौशिक महा पारमिता श्व अपरिमाण पारमिता श्व अपरिमाण पारमिता श्व अनन्त पारमिता श्व गुगुजा

प्रज्ञापारमिता ॥ ॥ संसारया दक्क पदार्थया आरम्भ-थुबलैनिसेंदुगु धैगु अन्त कायेगु मदुगुयानिति हेकौशिक अनन्तपारमिता श्व गुगुजा प्रज्ञापारमिता सत्वया अन्त मदुगुलि थुबलैनिसें दत्त थुथायेतक्क दै धैगु मदुगुया निति हेकौशिक अनन्तपारमिता श्व गुगुजा प्रज्ञापारमिता । गथे आरम्भ अन्त मदुगुलि अनन्तपारमिता श्व गुगुजा प्रज्ञापारमिता । निश्चयनं संसारया सकलपदार्थया हे कौशिक गुगु नआदि नमध्य नअन्तदै अथेया निति हेकौशिक अनन्त पारमिता श्व ॥ हे कौशिक थुगु प्रकारं आरम्भआदिधैगु मदुगु यानिति अनन्त पारमिता श्व गुगुजा प्रज्ञापारमिता ॥ हानं मेगु हेकौशिक गुगुयाकेसा संसारया सकल पदार्थ थुबलै निसें दुगु थुथायेतक्क दैगु धैगु पर्यन्त मदु धासेलि उगुया आदि अन्त मध्य धैगु नं दैमखु । अथेया निति अनन्त पारमिता श्व गुगुजा प्रज्ञापारमिता ॥ श्व छुया हेतुं धासा । निश्चयनं हेकौशिक रूपया न. आदिदै नमध्य दै नअन्त्यदै । थुगुप्रकारं वेदनाया संज्ञाया संस्कारया, बिज्ञानया नं निश्चयनं हेकौशिक न आदि न मध्य न अन्त दै । हेकौशिक थुगु प्रकारं थननिसें दुगु धैगु आदिया थाहामदुगु जूयानिति अनन्तपारमिता श्व गुगुजा प्रज्ञापारमिता । हानं मेगु हेकौशिक सत्वया अन्त मदु पर्यन्तमदु । श्व छुया हेतुं धासा । निश्चयनं सत्व(प्राणि)या आदि मध्य अन्त ल्वीके फैमखु अथेयानिति हेकौशिक अनन्त पारमिता श्व गुगुजा प्रज्ञापारमिता ॥ ॥ थनलि शक्रदेबराज इन्द्रं आयुष्मान् सुभूतियाके थथेन्यन ॥ गथे हेआयुष्मन सुभूते सत्वप्राणिया अन्तमदु गुलि अनन्त पारमिता श्व गुगुजा प्रज्ञापारमिता ॥ ॥ स्थविर सुभूति धाल । हेकौशिक गुगुजा श्व सत्व ल्याख्याये मफुगुलि वा आपालं ल्याख्याये गुलिवा सत्व(प्राणि)अनन्त जूगुलि अनन्त

पारमिता जूगु मखु गुगुजा प्रज्ञापारमिता ॥ ॥ इन्द्रं धाल ॥ हेआर्य सुभूते गबेले सा थ्व आः सत्वया अन्त मदुगुलि अनन्तपारमिता जूगु गुगु थ्व प्रज्ञापारमिता ॥ ॥ स्थविर सुभूति धाल । थ्व छं छुमाये माना हेकौशिक गुगुजा थ्व सत्व सत्व धाःगु संसारया छुपदार्थयात धाःगु छः ॥ ॥ इद्रं धाल ॥ हेआर्य सुभूते गुगु थ्व सत्व सत्व धाःगु संसारया छुपदार्थयात धाःगुनं मखु संसारया छुपदार्थयात धाःगुनं मखु अर्थे (मनया कल्पनां) जक नांछुना तःगु । (छुंहे) वस्तु मदुगुली नांछुना तःगु आत्मा धैगुहे मदुगुयात थ्व नांछुनातःगु थुबलें निसें दुगु धैगुहे मदुगुली थ्व नांछुना तःगु गुगु थ्व सत्व सत्व धैगु ॥ ॥ स्थविर सुभूति धाल ॥ थ्व छुधका सामेयाना हे कौशिक थनसुं सत्वपि दयेका तःपि दुलाकिछु ॥ ॥ इन्द्रं धाल ॥ मदु निश्चयनं हेआर्य सुभूते ॥ ॥ सुभूति धाल । गन हेकौशिक सुहे सत्वपि दयेकातःपिमंत अनछु सत्वया अनन्त धैगुदे (सत्व धैम्ह हेमदु सत्वया अन्त अनन्तधेगु छुदे धैगु भाव) यदि थ्व हेकौशिक तथागत अर्हत् सम्यक्सं बुद्धपिसं अन्त सदयेक सत्व धातु सी काबीगु उपदेशं दूनेयागु ज्ञान थ्योकाबीगु उपदेशं गंगा नदीया फिगो प्रेमाणं कल्पतक्कं बिज्याना सत्व सत्व धका बाक्य लहाना : बिज्यात तरथुकी सुं सत्व उत्पत्ति जुया वंषि बा उत्पत्ति जूवंपि बा उत्पत्ति जुया च्वपि बा मदया वंषि बा मद वंणीपि बा मदया च्वपि दुलाकिछु ॥ ॥ इन्द्रं धाल । मदु निश्चयनं हेआर्य सुभूते । थ्व छुयाहेतुं धाःसा । सत्वया आदि शुद्ध जूयानिति आदि निसें सकलभावं शुद्धजुयानिति अर्थात् दक्कसंसार प्रज्ञापारमिता हेछम्ह जकसिबाय मेगु मेपि धैगु छुंहे मदु धैगु भावं आदि शुद्ध धैगु भाव सुभूति धाल । हे कौशिक थुगु प्रकारं थयेहे सत्वया आदि

धैगु मदुगुलि अनन्त पारमिता थ्व गुगुजा प्रज्ञापारमिता ॥ थये नं हानं हे कौशिक सत्वया आदि मदुगुलि प्रज्ञापारमिताया अन्त मदु धका सीकेमाः ॥ ॥ थनंलि उगु बखतस इन्द्रसहित देवता गणपिसं ब्रम्हा सहित प्रजापति [लोकपाल गणपिसं ऋषिसहित मनुष्य मिसा मिजंत सकलिनं दुनेनिसें स्वकी प्रवासं यात ॥ अहो धर्म अहो धर्म अहो धर्मयानं धर्म धैगु । गुगु तथागतया उत्पत्ति जूगु थये थका आर्य सुभूति छुं मलयकुसे दूनेयागु हं थ्यं संचना बिद्या लं केना बिज्यात गुगु ज्ञानया लक्षण-देशनायाना बिज्यात तप्यंगु लया लक्षण प्रकाशयाना बिज्यात गुम्ह बोधिसत्व महासत्व प्रज्ञापारमिताया ज्ञाने च्वनी प्रज्ञापारमितायाकें छुंहे मज्जी हेभगवन् थुम्ह तथा गतया पदथ्यंगु वित्त जूम्हयात धर्मधातु स्वभावगु रुपयात थौयनि निसें जिमिसं मुख्यगु रुपं धारण याये ॥ ॥ थये धासेलि भगवानं थ्व इन्द्रसहित देवलोकपि ब्रम्हा सहित प्रजापति-गणपि ऋषिसहित मनुष्य मिसा मिजंत तेत आज्ञादयेका बिज्यात ॥ थये हे छः थ्व हे देव पुत्र गणपि थये हे छः थ्व । गुगु बखते-न्हापा जि हे देव पुत्र गणपि दिपावती राजधानीस दीपंकर तथागत अर्हत् सम्यक्संबुद्धया सपिपे लाः वलेनं थ्व प्रज्ञापारमितायाकें छुंहे मज्जी उगु बखतस दीपंकर तथागत अर्हत् सम्यक्संबुद्ध जितः अनुत्तर सम्यक्संबोधिया व्याक-रण-[लिपा ज्वीगु आशिक) बिद्या बिज्यात (थये धासा) हे मानव-हे मनुष्य छुं लिपायागु काले असंख्य कल्प वनीबले शाक्यमुनि धैम्ह तथागत अर्हत् सम्यक्संबुद्ध बिद्वाया चरणं संयुक्तम्ह सुगतलोक थुम्ह अनुत्तर ज्ञान बीम्ह पुरुषपित साहेयायेगुली सारथि समानम्ह

(५६)

देव लोक पित मनुष्य लोक पित वं सेने कर्ने बायोम्ह गुह गुह भगवान् ज्वी बका बने आशा जुया बिज्यात ॥ ॥ थनंलि श्व देवपुत्रपिसं
भगवान् याके थने बिंति यात । आश्चर्य हे भगवन् तःधंगु आश्चर्य हे सुगत । श्व प्रज्ञापारमिता बोधिसत्व महासत्त्वपित संपूर्ण सर्वज्ञता उत्पत्ति
याकेगु सर्वज्ञ ज्वीकेगु जुया च्वन थुलि ॥ ॥ आर्थ अष्टसहस्रिका प्रज्ञापमिताया शक्रपरिवर्त्त- इन्द्र आदि देवराजपित लंसीकेगु ज्ञान
आज्ञा दयेका बिज्यागु बिज्याया छं निगु गु ॥ ॥ ॥ ॥ ॥ ॥ ॥ ॥

अथ अप्रमेय गुणधारण पारमिता स्तूप सत्कार परिवर्त्तों नाम तृतीयः ॥

थनंलि असंख्य गुण धारण जुया चैत्य समाम सत्कार जुयीगु (ज्ञानयाशिक्षा) स्वंगुगु । थनंलि निश्चयनं भगवानं अनं उगु सभास गुलि
देवपुत्र गणपि वया च्वंपि च्वना च्वंपि दु हानं गुलि भिक्षु भिक्षुणी-गणपि उपासक उपासिका गणपि वया च्वंपि च्वना च्वंपि दु श्व देवपुत्रपि
वया च्वंपि च्वना च्वंपिनिगु चित्त सीका हानं सकलं प्यंख्यया सभालोकपि वया च्वंपि च्वना च्वंपिनिगु चित्त नं सीका कामा बचरा देव
पुत्रपि रूपावचरा देवपुत्रपि ब्रम्ह कायिक देवपुत्रपि आभास्वर देवपुत्रपि परीत शुभ देवपुत्रपि अकनिष्ठ देवपुत्रपितनं प्रत्यक्ष प्रमाण
ज्वीक कयना शक्र देवराज इन्द्र प्रमुखं देवपुत्रपित आज्ञा दयेका बिज्यात ॥ ॥ हे देवपुत्र गणपि निश्चयनं सुं गुम्हं कुलपुत्र अथवा

(६०)

कुल पुत्री श्व प्रज्ञापारमिता कायी ज्वनी ज्वनी लायी कनी श्वेत मार अथवा मार कायिक देवतापि चुके ज्वीगु-दोष प्वाःस्वं च्वंपि
दोषप्वा माला च्वंपिसं श्वंगु दोष प्वाः ल्वीके फेमखु हानं दोष प्वा स्वया जूपि दोषप्वाः माला जूपि मनुष्य श्रममुष्य (यक्ष आदि) गणपिसंनं
व कुल पुत्र वा कुल पुत्रीयागु दोष प्वा ल्वीके फेमखु ॥ हानं बिहिसाप व कुलपुत्र वा कुलपुत्रीयागु काल वनी मखु ॥ हानं मेगु हे देवपुत्र गणपि
गुलिदेवपुत्र गणपि अनुत्तर सम्यक् संबोधी च्वनेधका च्वंपिसं श्व प्रज्ञापारमिता सकाल भज्वन मब्बोन मलात मकन श्व देवपुत्रपि गुम्ह श्व प्रज्ञा-
पारमिता कयाच्वंम्ह ज्वनाच्वंम्ह ज्वनाच्वंम्ह लानाच्वंम्ह कनाच्वंम्ह कुलपुत्र याथासे वना न्यने न्यना काये ज्वने ज्वने लाये कने धंगु भती तयेमाः ।
निश्चयनं हानं हे देवपुत्र गणपि श्व प्रज्ञापारमिता कयाच्वंम्ह ज्वनाच्वंम्ह ज्वनाच्वंम्ह लानाच्वंम्ह कनाच्वंम्ह कुलपुत्र अथवा कुलपुत्री बने च्वंम्ह वा
सिवा प्वाले च्वंम्ह वा शुन्यगु क्षे च्वंम्ह वा प्रकाशयाना जूम्ह वा लें जुया च्वंम्ह वा बिलें लाना च्वंम्ह वा बने वना च्वंम्ह वा महासमुद्रे वना च्वंम्ह वा अन्यो
अन्योगु यासे वंम्ह वना च्वंम्ह वा ज्वना च्वंम्ह वा फेतुना थिरं ज्वना च्वंम्ह वा ववातुक च्वना च्वंम्हस्या भय पें वोपि धेपि सुंदेमखु (देव शून्य वका
वांलाक भावना याना च्वंमुचित्त जूया निति) ॥ ॥ थनंलि चतुसंहाराजा पिसं भगवान् याके थने बिंति यात । आश्चर्य हे भगवन् गुगु श्व
प्रज्ञापारमिता कया ज्वना ज्वना लाना कना व कुलपुत्र अथवा कुलपुत्री सत्त्वपि स्वंगु याने [श्रावक प्रत्येक महायाने] तयाबी ज्ञाने यत यंका
ज्वनी सत्त्व धेपि दु वका खनीनं मखु ॥ हे भगवन् गुम्हसे श्व प्रज्ञापारमिता कायी ज्वनी ज्वनी लायी कनी व कुलपुत्र यात वा कुलपुत्री

यात जिमिस रक्षा वरण-रक्षा चक्रं रक्षायाना बी ॥ ॥ हानं देवराज इन्द्रं भगवान् याके थथे बितिबात । हे भगबन् गुम्हसें थव प्र-
ज्ञापारमिता कायी ज्वनी ब्वनी लायी कनी व कुलपुत्र यात अथवा कुलपुत्री यात जिनं रक्षाचक्रं रक्षा याना बी ॥ ॥ हानं ब्रम्ह
कायिक देवपुत्र सहितं सहापति ब्रम्हानं भगवान् याके थथे बिति यात । हे भगबन् गुम्हसें थव प्रज्ञापारमिता कायी ज्वनी ब्वनी लायी
कनी उम्ह कुलपुत्रयात वा कुलपुत्रीयात जिनं रक्षाचक्रं रक्षायाना बी ॥ ॥ थतंलि शक्रदेवराज इन्द्रं भगवान् याके थथे वितियांत ।
आश्चर्य हे भगबन् गुग् थव प्रज्ञापारमिता कया ज्वना ब्वना लाना कना व कुलपुल अथवा कुलपुत्री थुगु थुलि उलि धैगु धाये मफुगु धर्म
खनी गुण लायी गुण कायी ॥ हे भगबन् प्रज्ञापारमिता कयागुलि दक्क खुगु पारमितानं कयागु ल्बोलाकी छु ॥ ॥ थुलि धासेलि शक्र
देवराज इन्द्र यात भगवानं थथे आज्ञा दयेका बिज्यात ॥ थथे हे ख थव हे कौशिक थथे हे खः थव । हे कौशिक प्रज्ञापारमिता कयागुलि सक
ल पारमिता कयागु ज्वी । हानं मेगु हे कौशिक प्रज्ञापारमिता कयागुलि ज्वनागुलि ब्वनागुलि लानागुलि कनागुलि व कुलपुत्रं वा कुलपुत्रीं थव
जन्म कै च्वनागु थुजोगु थैगु खनी । हे कौशिक थव फुक्क न्य साधु प्रशंसा थाये योग्यम्ह छ बांलाक मनेती जि कने ॥ ॥ साधु हे भगबन् धका
देवराज इन्द्रं भगवान् याके न्यन ॥ ॥ भगवानं आज्ञा दयेकल ॥ थन हे कौशिक गुलिसें थव जि कनागु धर्म बिग्रह थायेगु-चित्तं स्यंकेगु म-
तीतया कायी बिबादथायेगु-बचनं ल्वायेगु खं ल्हायेगु यायी । बिरोध थायेगु-मनबचन निगुलिनं बिरोधथाना स्यंकेगु स्वयी थव बिग्रह थायेगु

इच्छा याःपि बिबाद थायेगु इच्छावापि बिरोध थायेगु इच्छा याःपिनि उत्पत्ति जुजुगु बिग्रह बिबाद बिरोध शान्तिजुया वनी दै च्वनी मखु ।
थव बिग्रह थायेगु इच्छा याःपिनि बिबाद थायेगु इच्छा याःपिनि बिरोध थायेगु इच्छा याःपिनि प्रमिगु इच्छा पूर्णथाये मखु ॥ थव छुया हेतुं
धाःसा । थथे निश्चय सकसितं छी हे कौशिक गुम्ह कुलपुत्रं वा कुलपुत्रीं नं थव प्रज्ञापारमिता कायी ज्वनी ब्वनी लायी कनी देशनायायी
उपदेश बी उद्येश्य थायी बांलाक कनी उम्ह सिया निमिसें उत्पत्ति जुजुव जुजुव बिबाद स्यान शान्ति जुया मदया वनी दै च्वनी मखु । थव
बिग्रह थायेगु इच्छा याःपिनि बिरोध थायेगु इच्छा याःपिनि बिबाद थायेगु इच्छा याःपिनिगु इच्छा पूर्ण थाये कैमखु । थुगु ज्ञानं हे कौशि-
क कुलपुत्र अथवा कुलपुत्रीं दुष्ट धर्म गुण-थव जन्म कै च्वनागु या गुणया प्रशंसा कायीम्ह जुयी (थव असंख्य तःधंगु जगत हे उद्धार जुवीगु
प्रज्ञापारमिता ज्ञानया चर्या याःगु जूयानिति) ॥ ॥ थव गथे धाःसा हे कौशिक दक्क बिष नाशयायीगु मघी धैगु छगु प्रकारया वासः
दु अम आशी बिष दुम्ह जंतु तये पित्याम्ह नयेगु इच्छायाता आहारा माला जूम्हसें छुं छम्ह प्राणक जात प्राणी खनी उगु बखतस
व आशी बिष व प्राणक जात प्राणी यात थःगु बीषया बासनां साकाकया नयेगु मती तया ल्यूल् ब्वनी उगु बखतस व प्राणक जात प्राणी
मन व मघी धैगु वासः दु थन वना न्ह्योने च्वना बी । उगु बखतस व आशी बिष थव मघी धैगु वासः प्रागु बासनां - थुकिवा प्रमादं बी
मफया वनी ॥ थव छुयाहेतुं धाःसा-थथे निश्चयनं व मघीनाम वासःया थुजोगु गुण-गुजोगु प्रभाव दु व वासः आशी बिषया छुं लये मन्वीका

बियी बुलित बल बान्गु व मघीधंगु नांजुयां चवंगु वासः ॥ अथे हे हेकौशिक गुम्ह कुलपुत्र बा कुलपुत्रीं थ्व प्रज्ञापारमिता कायी ज्वनी ब्वनी लायी कनी उपदेश बी उद्देश्य बी बांलाक ब्वनी थ्वया हे कौशिक उत्पत्ति जूजुगु गुगु अकडा बिग्रह बिबाद बिरोध दै थ्वफुक्क थुगु प्रज्ञापारमिताया तेजं बलं सामर्थं दुने बल्लागुलि गनं उत्पत्ति जूगुलः जनहे याकनं सुना वनी शाम्य जुया वनी अन्तर्दान जुया वनी ॥ गनं २ उत्पत्ति जूगु खः अन२ हे मदया वनी अन्तर्दान ज्वी वन्हे ज्वी मखु चवना चवनी मखु ॥ ॥ थ्व छुया हेतुं धाःसा दिश्चयनं प्रज्ञापारमिता धंगु राग द्वेत आदिया यावत् निर्वाण दु धका धायीगु तक्कयां शाम्य यायीगु वन्हे यायीगु मखु । गुम्हसें थ्व प्रज्ञापारमिता कायी ज्वनी ब्वनी लायी कनी देशनायायी उपदेश बी उद्देश्य बी बांलाक ब्वनी थ्वेत चतुर्महाराजा पिसनं शक्र देवराज इन्द्रनं सहापति ब्रम्हांनं सकल बुद्ध भगवान् पिसनं बोधिसत्त्व गणपिसनं रक्षा चक्रं रक्षायायी थ्वनं थ्व कुलपुत्र अथवा कुलपुत्रीं थ्व जन्म कै चवनागुया प्रशंसा बांलाक यायीगु जुयी ॥ ॥ हानं मेगु हे कौशिक गुम्ह कुलपुल बा कुलपुत्रीं थ्व प्रज्ञापारमिता कायी ज्वनी ब्वनी लायी कनी देशनायायी उपदेश बी उद्देश्य बी बांलाक ब्वनी उम्ह आज्ञा बी लाईकगु बचनम्ह ज्वी नायूगु बचनम्ह जुयी सकसियां थःगु बचनम्ह जुयी ओलं हंगु बचनम्ह जुयी ॥ क्रोधं वत्तःम्ह गुमानं वत्तःम्ह—क्रोधया बसे चवम्ह गुमानया बसे चवम्ह ज्वीमखु ॥ थ्व छुया हेतुं धाःसा थ्वे निश्चयनं थ्व प्रज्ञापारमिता धंगुलि व क्रोधमात् गुमानयात् सान्हेयायी थ्व प्रज्ञापारमितां क्रोध गुमान् यात् वदछुर्क क्रोध वन्हे यायी मखु गुमान वन्हे यायी मखु ।

स्वीतं हे शत्रुभाव दैमखु द्रोह यायेगु चित्त यायीमखु मने छुं क्लेश तयोमखु । अथे चर्यायाम्ह कुलपुत्र अथवा कुलपुत्रीया स्मृति-संसार थन्योगु धंगु लुमनीगु मैत्री-स्वीतं हे द्वेष भाव मयासे सकल सत्त्व प्राणि गणपित याकःकाये यातथे प्रेस भाव यायेगु चित्त उत्पत्ति ज्वी । हानं दया थुजोगु मतो दै यदि जि करपित द्रोह यायेगु चित्त उत्पत्ति यात धाःसा उकिंयाना मिखा आदि जिगु इन्द्रियया ज्या हिला वनी ख्वाः बर्ण दाहा जुया हिला वनी मुगुजा जि अनुत्तर सम्यक्संबोधि ज्ञानया शिक्षा स्यनाम्हस्यां थ्व क्रोधया बसे वनेगु जोग्य मजू धका अथे याकनं हे स्मृति प्राप्त ज्वी । गुम्हसें थ्व प्रज्ञापारमिता कायी ज्वनी ब्वनी लायी कनी देशना यायी उपदेश बी उद्देश्य बी बांलाक ब्वनी थ्वनं हे कौशिक कुलपुत्र अथवा कुलपुत्रीं थ्व जन्म कै चवनागुया गुणया प्रशंसा बांलाक यायीगु जुयी ॥ ॥ थुलि आज्ञा जुसेलि शक्र देवराज इन्द्रं भगवान् यात् अथे बिति यात ॥ आश्चर्य हे भगवद् गथे थ्व प्रज्ञापारमिता बोधिसत्त्व महासत्त्व पिनिगु दक्क क्लेशयात् सारेयाना नम्रभाव-यायेया कारणस न्ह्योने चवना चवन ॥ ॥ भगवानं आज्ञा दयेकल । हानं मेगु हे कौशिक गुम्ह कुलपुत्र अथवा कुलपुत्रीं थ्व प्रज्ञापारमिता कायी ज्वनी ब्वनी लायी कनी देशना यायी उपदेश बी उद्देश्य बी बांलाक ब्वनी यदि व कुलपुत्रं अथवा कुलपुत्रीं थ्वे थ्व प्रज्ञापारमिता कया ज्वना ब्वना लाना कना देशना यात्ता उपदेश बिथा उद्देश्य बिथा बांलाक ब्वना संग्रामे वंम्ह संग्रामया मोह रास चवना वंम्ह ज्वी । व संग्रामे वंम्ह वा संग्रामे जूम्ह वा संग्रामं गुला वंम्ह वा संग्रामया दथ्वी लाःम्ह वा अन चवम्ह वा अन क्वातुक चवचवम्ह कुलपुत्र वा कुलपुत्रीं गुम्ह थ्व प्रज्ञापारमिता मनं

लुमंका च्वंम्ह बा काःम्ह बा ज्वंम्ह बा ब्वंम्ह बा लाःम्ह बा कंम्ह बा दे रता याःम्ह बा उपदेश ब्युम्ह बा उद्देश्य ब्युम्ह बा बांलाक ब्वंम्ह बा य-
न्योपिनि ज्यु वनीगुया थायेहे म्दु । पर चक्र शत्रु लगे जुयीगुलि बैगु ज्यु वनी धैगु थुजोगु स्थानहे दैमखु ॥ हे कौशिक यदि हानं वैत छुं गुगुं रास्त्रं
प्रहार यायी बा कथि दायी बा लोहंतं ची बा मेमेगु छुं गुगुलि नं बा प्रहार यायी थजे प्रहार बाःगु फुक्क बैगु शरीरे थीहे मखु ॥ थ्व छुया हेतुं
धाःसा । हे कौशिक तःथंगु मोक्ष ज्ञान थ्व गुगुजा प्रज्ञापारमिता हे कौशिक प्रमाण म्दु गु ज्ञान थ्व गुगुजा प्रज्ञापारमिता हे कौशिक परिमाण म-
दुगु ज्ञान थ्व गुगुजा प्रज्ञापारमिता हे कौशिक ज्वरा म्दुगु ज्ञान थ्व गुगुजा प्रज्ञापारमिता हे कौशिक समान म्दुगु ज्ञान थ्व गुगुजा प्रज्ञापारमि-
ता । हे कौशिक समान म्दुगुलि समान जुया च्वंगु ज्ञान थ्व गुगुजा प्रज्ञापारमिता ॥ थ्व छुया हेतुं धाःसा हे कौशिक थ्व ज्ञानया शिक्षा स्यंम्ह
कुलपुत्र अथवा कुलपुत्री (तःधंगु ज्ञानया विचारं) थःत स्यायीगु थःगु शरीरहे दु धैगु मती तयीमखु । सेपि स्यायेपि शरीर दुपि प्राणिपि दु धैगु
नं मती तयीमखु । थः धैम्हनं पर धापिनं सीयीसाःपि दुगुमखु धैगु चित्तं खना च्वनी । हे कौशिक थुगु ज्ञानया शिक्षा स्यंम्ह बोधिसत्व महास-
त्वं निश्चयनं अनुत्तर सम्यक्संबोधि बांलाक थ्वीकै सर्वज्ञ ज्ञाननं लायी ॥ उम्हसें थ्व अनुत्तर सम्यक्संबोधि बांलाक थुयीका सकल सत्व-प्राणि
पिनिगु चित्तं खंकै ॥ थ्व छुया हेतुं धाःसा ॥ निश्चयनं हे कौशिक थ्व ज्ञानस शिक्षा स्यंम्ह बोधिसत्व मझासत्व यात थ्व छगुला लायी मखु अ-
थवा थ्व छगुला सी मखु थ्व छगुलिला पूर्ण मयागु धैगु थुजोगु छुंहे दैमखु उकिं सर्वज्ञ ज्ञान धैतल । हे कौशिक गुम्हसें थ्व प्रज्ञापारमिता काबी

ज्वनी ब्वनि लायी कनी देशना यायी उपदेश बी उद्देश्य बी वं थ्व जन्म कै च्वनागुया प्रशंसा बांलाक यायीगु जुयी ॥ हानं मेगु हे कौशिक ग-
न थ्व प्रज्ञापारमिता अन्ते सफू मात्र चोका दयेका पूजायाना तयी अथवा सत्कार याये सफै काये सफै ज्वनेमफै ब्वनेमफै लायेमफै कनेमफै देश-
ना याये सफै उपदेश बी सफै उद्देश्य बी सफै बांलाक ब्वने मफै (अथेनं) अत-उम्हसित हे कौशिक मनुष्य बा असमनुष्यपि दोषप्वा ल्वीकेगु इच्छा
याना च्वीपि दोषप्वाः माला जूपिसं दोषप्वाः ल्वीके फैमखु । न्हापायागु कर्म विपाकयात तोताः (न्हापायागु कर्म विपाकं छुं मधिगु ज्वीगु दुजा
ज्वी फयी) थ्वनं हे कौशिक व कुलपुत्र अथवा कुलपुत्री थ्व जन्म कै च्वनागुया प्रशंसा बांलाक यायीगु जुयी ॥ हानं मेगु हे कौशिक थ्व
गये धाःसा सुं युम्हं बोधि मण्डे (मण्ड धैगु सार बोधि ज्ञानया सारगु ज्ञान कनीगु थासे) च्वना च्वंम्ह ज्वी अथवा बोधिमण्डपया आश्रये याना
च्वना च्वंम्ह ज्वी । अथवा बोधिमण्डपया किल्लाया दुने च्वना च्वंम्ह ज्वी अथवा बोधि बृक्ष-बंगल सिमाया प्वोले च्वंम्ह ज्वी मनुष्य बा असमनु-
ष्य गणयात जंगःपंक्षि पर्यन्त यातनं अमित मनुष्य वा असमनुष्य गणपिसं सैकेगु द्वेषभाव यायेगु आबेश-शरीरे दुतीगु आदि समर्थ दै मखु पूर्व
जन्मयागु कर्म विपाक बाहिकं । थ्व छुया हेतुं धाःसा । थन (थ्व प्रज्ञापारमिताया ज्ञानया शिक्षा स्यनागुलि न्हापा जुया विज्याःपि लिखा जू
विज्यायीपि आःजुया विज्याना च्वीपि तथागत अर्हतं सन्यक्तबुद्ध गणपिसं अनुत्तर सम्यक्संबोधि थ्वीका वन थुयीकै थुयीका च्वन वस्पोल
पिसं सकल सत्व प्राणि गणपित भय मदैगु शत्रु मदैगु शाश्वत मदैगु भावना याना च्वन । आशिकयाना च्वन ॥ थयेहे संतुं हे कौशिक गन कु-

लपुत्र अथवा शुलपुत्रीं श्व प्रज्ञापारमिता कायी ज्वनी ज्वनी लायी कनी देशना यायी उपदेश बी उद्देश्य बी बांलाक ज्वनी अन निश्चयनं हे कौशिक मनुष्य वा अमनुष्य गणपिसं स्यंकेगु द्वेषभाव यायेगु दुबोगु समर्थ दैमखु पूर्व जन्मबागु कर्म विपाकं बाहिक ॥ श्व छुवा हेतुं धाःसा । श्व हे प्रज्ञापारमितां हे कौशिक सत्व प्राणि विनिगु पृथिवी चैत्य जुयी-अर्थात् प्रज्ञापारमिता ज्ञानं पूर्ण जूगु थाये चैत्य समान ज्वी रूप-दक्क निश्चयभावया ज्ञान प्रकाश ज्वी निर्वाण नगर ज्वी बन्दना थाये ज्योग्यगु जुयी मान्य थाये जोग्यगु जुयी पूजा थाये जोग्यगु जुयी तच्चकं पूजा थाये जोग्यगु जुपी दक्कसिबे तच्चकं पूजायाये जोग्यगु जुयी सत्कार थाये जोग्यगु जुयी गुरु थाये जोग्यगु जुयी शरण वनेगु लीन जुया वनेगु अत्यन्त उत्तमगु वना चवनेगु थाये जुयी । श्वनं हे कौशिक कुलपुत्र अथवा कुलपुत्रीं जन्म कै चवनागुया गुणया प्रशंसा बां-लाक यायीगु जुयी । (थन पूजा तच्चकं पूजा दक्कसिबे तच्चकं पूजा । हानं शरण वनेगु लीन जुया वनेगु अत्यन्त उत्तमगु वना चवनेगु थाये वनेगु श्व चिकि चवकं मध्यमं तच्चकंया भेदं स्वंगु २ पद तगु धका सीकेमाल ॥ ॥ शुलि आज्ञा दयेकुसैलि शक्र देबराज इन्द्रं भगवान् याके थये विन्तियात ॥ हे भगवन् गुम्ह कुलपुत्र वा कुलपुत्रीं श्व प्रज्ञापारमिता चवया सफु दयेका स्थापना यायी हानं थुगु सफु यास धिब्य (देबलोके दुगु वा मनुष्य लोके दुगु अत्यन्त बांवांलागु) पुष्प-स्वां । घूप-श्रीखण्ड अगुरु शील आदि धूपं । गन्ध-मलया चल पर्वते दुगु सुगन्ध । माल्य-स्वांभाः । बिलेपन-म्हे बुयेगु सुगन्ध वव्य । चूर्ण-लुचुं रत्न चुं ग्रावि चीबर-बस्त्र । छत्र-तुयूगु छत्र आदि

ध्वज गरुड आदिया चिन्ह दुगु ध्वार्ये । घण्ट-बज्ज आदिया चिन्ह दुगु गं । पताका-पतामं । -सकभनं दीप माला-चाकःमत छोयेका नाना प्रकारया पूजां सत्कार यायी गुरु यायी मान्य यायी पूजा यायी तच्चकं पूजा यायी दक्कसिबे तच्चकं पूजा यायी हानं मेम्ह सुं छम्हसे निर्वाण जुया विज्याम्ह तथागत अर्हत् सम्यक्सम्बुद्धयागु शरीर चीभा दयेका तयाबी अथवा कया बांलाक तयातें श्वेतनं थये हे दिव्य पुष्प गन्ध माल्य बिलेपन चूर्ण चीबर छत्र ध्वज घण्ट पताकं सकभनं दीप माला ज्याका नाना प्रकारया पूजां सत्कार यायी गुरु यायी मान्य यायी पूजा यायी तच्चकं पूजा यायी दक्कसिबे तच्चकं पूजा यायी थपि निम्ह कुलपुत्र अथवा कुलपुत्रीया मध्ये गुम्हसित थायाः पुण्य ला-यी ॥ ॥ शुलि न्यसैलि भगवानं शक्र देबराज इन्द्रयात थये आज्ञा दयेकल शुलियानिति हे कौशिक (ध्वर्य) छंकेहे ग्यने । छंके गये विचार वो गयेहे योग्यथेलिसः ब्यू ॥ हे कौशिक शुकी छं छुधका माने याना गुगु श्व तथागत अर्हत् सम्यक्सम्बुद्धया सर्वज्ञताया शरीर लाःगु श्व गुगु मार्गे स्यंगुलि गुगु ज्ञान स्यंगुलि अनुत्तर सम्यक्सम्बोधिज्ञान (लाना) सर्व ज्ञता प्राप्तजुया फुक्क स्यू रहजुल ॥ ॥ शुलि आज्ञा दये कुसैलि शक्रदेबराज इन्द्रं भगवान् याके थये विन्तियात ॥ हे भगवन् थुगुहे प्रज्ञापारमिता ज्ञानया शिक्षास्यंगुलि तथागत अर्हत् सम्यक्सम्बुद्धं अनुत्तर सम्यक्सम्बोधि सर्वज्ञता लाना दक्क स्यूम्ह जुगुखः ॥ ॥ भगवानं आज्ञादयेकल । शुलियानिति हे कौशिक श्वहे-प्रज्ञापारमिता या आत्मागुशरीर लाःगुलि तथागत तथागत धैगुया ल्याखे वनी सर्वज्ञता लाःगुलि तथागत तथागत धैगु ल्याखे वनी । हे कौशिक गुगुजा तथागत

अर्हतं सम्यक्सम्बु या सर्वज्ञता श्व प्रज्ञापारमिताया के हे जकलाः गु खः । हानं हे कौशिक तथागतयां आत्मागु शरीर लागु प्रज्ञापारमिताया ज्ञान स्मृगु याके सर्वज्ञ ज्ञानया आश्रय याः गुयाके हेखः । थुगु प्रकारं थुकीहे आश्रयायना सर्वज्ञ ज्ञानप्रकाश ज्वी बुद्धशरीरया प्रकाश ज्वी धर्म शरीरया प्रकाश ज्वी संघशरीरया प्रकाश ज्वी । थथे सर्वज्ञ ज्ञानया कारण जुया च्वंगु श्व-प्रज्ञापारमिताया अत्मागु शरीर लागु सर्वज्ञ ज्ञानया आश्रय याः गुयानिति सकल सत्त्वपि चैत्यस्वरूप जुयी । बन्दना याये जोग्यगु सत्कार याये जोग्यगु गुरु याये जोग्यगु मान्ययाये जोग्यगु पूजा याये जोग्यगु तच्चकं पूजायाये जोग्यगु दक्कसिबे तच्चकं पूजायाये जोग्यगु जुयी ॥ थथे हे निर्वाण जुया वंसानं जिम् शरीरया पूजायायी ॥ थथेया निति थन हे कौशिक सुं गुम्हं कुलपुत्र वा कुलपुत्रीं श्व प्रज्ञापारमिता च्वया अथवा सफू दयेका स्थापना यायी हानं थुक्रियात हे दिव्य पुष्प धूप गन्ध माल्य बिलेपन चूर्ण चीवर छत्र ध्वज घण्ट पताकं सत्कार यायी गुरु यायी मान्य यायी पूजा यायी तच्चकं पूजा यायी दक्कसिबे तच्चकं पूजा यायी । हे कौशिक थपि निम्ह कुलपुत्र अथवा कुलपुत्रीया मध्ये प्रज्ञापारमिता पूजा याः म्हुसितहे तः धंगु पुण्य लायी ॥ श्व छुया हेतुं धाःसा हे कौशिक श्व कुलपुत्र अथवा कुलपुत्रीं सर्वज्ञ ज्ञानया पूजा याः गु जुयी । थुलि आज्ञा जुसेलि देवराज इन्द्रं भगवान् याके थथे बिलित्यात ॥ हे भगवान् गुम्ह जम्बु द्वीपया मनुष्य गणपिसं श्व प्रज्ञापारमिता च्वेसखु कायी मखु ज्वनीमखु व्वनीमखु लायीमखु कनीमखु देशनायायी मखु उपदेश बी मखु उद्देश्य बियायी मखु बांलाक व्वनी मखु श्व प्रज्ञापारमितायात पुष्प धूप गन्ध माल्य

बिलेपन चूर्ण चीवर छत्र ध्वज घण्ट पताकं सकल वनं दीपशालां आपालं पूजायां विधिं सत्कार यायी मखु गुरु यायी मखु मान्य यायी मखु पूजायायी मखु तच्चकं पूजायायी मखु दक्कसिबे तच्चकं पूजायायी मखु छयाये धाःसा हे भगवान् थमिसं सीमखु भगवानं आज्ञा दयेका बिज्याः भु प्रज्ञापारमिता पूजायानाया थुजोगु तः धंगु फाईदा-महार्थ ज्वी धका । छुयाये हे भगवान् थथे भगवानं आज्ञा दयेका बिज्याः गु प्रज्ञापारमिता या पूजा यानाया थथे तः धंगु प्रशंसादु थथे तः धंगु फल लायीगु दु थथे तः धंगु पुण्ययाफल लयीगु दु धकासीमखु थुयीमखु अथवा हानं थमिसंसियायी थुयी थुयीकं थथेनं हानं उकी श्रद्धा तैमखु (थवगथे जूगुले) ॥ ॥ थुलि न्यसेलि भगवानं शक्र देवराज इन्द्रयात थथे आज्ञा दयेका बिज्यात हे कौशिक श्व जम्बु द्वीपे गुलिमनुष्यगणपि बुद्धया गुणया भावनाः सवना प्रसन्नजूपि । गुलि मनुष्ये धर्मया गुणया भावनास वना प्रसन्न जूपि गुलिमनुष्य संघया गुणया भावनास वना प्रसन्न जूपिदु ॥ ॥ थुलि आज्ञादये कुसेलि शक्रदेव राजइन्द्रं भगवान् याके थथे बिलित्यात । हे भगवान् श्व जम्बुद्वीपया मनुष्यगणपि गुलि बुद्धगुणया भावनास वना प्रसन्न जूपि गुलि धर्मगुणया भावनास वना प्रसन्न जूपि गुलिसंघ गुणया भावनास वना प्रसन्नजूपि थपि कम् हे जुयी अर्थात् त्रिरत्नया शरणे वनीपि छुंकम् हे ज्वी धंगु भाव ॥ ॥ थुलिप्रार्थनायासेलि भगवानं शक्र देवराज इन्द्रयात थथे आज्ञादये कल । थथे हे खः श्व हे कौशिक थथेहेखः श्व ॥ श्व जम्बुद्वीपया मनुष्य गणपि बुद्धया शरणे प्रसन्न जूपि धर्मया शरणे प्रसन्न जूपि संघया शरणे प्रसन्न जूपि थुपि कम्हे जुयी ॥ हे कौशिक श्व कम् यासिनं हे कम् श्रोतापति फल लाः पि जुयी ।

श्रव्यासिनं कम् सकृदागामि फल लापि जुयी । श्रव्यासिनं कम् अनागावि फल लापि जुयी । श्रव्यासिनं कम् अर्हत्वं जूपि जुयी । श्रव्यासिनं कम् प्रत्येक बोधी पूर्णयापि जुयी श्रव्यासिनं कम् अनुत्तर सम्यक्सम्बोधी चित्त उत्पत्ति यायीपि जुयी । श्रव्यासिनं कम् अनुत्तर सम्यक्सम्बोधी चित्त उत्पत्तियाना श्रव चित्त उत्पत्ति जूगु यात बन्हेयायी क्वातुकेपि जुयी । श्रव्यासिनं कम् अनुत्तर सम्यक्सम्बोधी चित्त उत्पत्तियाना बन्हेयाना तच्चकं बीर्यबल याना उकी चवनीपि जुयी । उकियासिनं कम् प्रज्ञापारमिताया ज्ञाने वपि जुयी । उकियासिनं कम् प्रज्ञापारमिताया ज्ञानया चर्या यापि जुयी । उकियासिनं कम् प्रज्ञापारमिता ज्ञानया चर्या याना छगु जक चित्तेयाना अबिनि बर्तनीय (ल्यहाँ वये माली मखे धुंकुगु) बोधिसत्त्व भूमी चवनीपि जुयी । थुकियासिनं कम् प्रज्ञापारमिताया चर्यायाना छगु चित्त जुयीका लिपा अनुत्तर सम्यक्सम्बोधि बांलाक थुयी कैपि जुयी । थुकियासिनं कम् प्रज्ञापारमिताया चर्यायाना छगु मात्र चित्त ज्वीका आः थये हे अनुत्तर सम्यक्सम्बोधि बांलाक थुयीकपि जुयी ॥ ॥ श्रव बोधिसत्त्व महासत्त्वपिसं अनुत्तर सम्यक्सम्बोधि बांलाक थुपि जुयीका अबिनि बर्तनीय (ल्यहाँ वये माले मखे धुंकुगु) बोधिसत्त्व भूमी चवनीः सेमेपि प्रज्ञापारमितास तच्चोतं मत्तुवपि प्रज्ञापारमिता स्यने उकीछगु चित्तयाये धका चवपि कुलपुत्र-कुलपुत्री पित श्रव प्रज्ञापारमिता उपदेशबी उद्देश्यबी । थमिसिनं श्रव प्रज्ञापारमिता कायी ज्वनी ज्वनी लायी कनी उपदेशबी उद्देश्य बी बांलाक ज्वनी हानं श्रवहे प्रज्ञापारमितायात पुष्प धूप गन्ध माल्य विलेपन चूर्ण चीवर छत्र ध्वज घण्ट

अन्तर्धान मज्जीमा मायः वकुनिगुलि (बुद्ध ज्वीमुवा मिला प्रज्ञापारमिता ज्ञान मफूनिगुलि) मिला दुगुलि नायः दुगुलि बोधिसत्त्वपित अनुत्तर सम्यक्सम्बोधि जुयी धका अन्ते सफू दयेका थारण यायीस्थापन यायी श्रव हे प्रज्ञापारमिता यात सत्कार यायी गुरु यायी बान्य यायी पूजा यायी तच्चकं पूजायाबी व- दकसिबे तच्चकं पूजायायी पुष्प धूप गन्ध माल्य विलेपन चूर्ण वस्त्र छत्र ध्वज घण्ट पताकं सकसत्तं आः क मत्त छोमेका अनेक प्रकारया पूजा पूजा यायी हे कौशिक व कुलपुत्र अथवा कुलपुत्रीयात थुकिया कारण व न्हायाया म्हायातया सिने श्रवहे आपाः पुण्य लायी ॥ ॥ थुलि आज्ञा दये कुसेलि शत्रु देवराज इन्द्र भगवान् याके थये त्रितियात । थये हेखः श्रव हे भगवान् थये हेखः श्रव हे सुगत ॥ निश्चयनं हे भगवान् प्रज्ञापारमितायात सत्कार यानागुलि गुरुयावागुलि मान्य यानागुलि पूजायानागुलि तच्चकं पूजायानागुलि दकसिबे तच्चकं पूजायानागुलि कुलपुत्र अथवा कुलपुत्री बुद्धया ज्ञान बांलाक थुयावपि सकल लोकधातुस न्हाया जुया बिज्याःपि लिपाजू बिज्यायीपि आः जूवाबिज्याना चवपि बुद्ध भगवान् पित अत्यन्तहे सत्कार यानागु गुरुयानागु मान्य यानागु पूजा यानागु तच्चकं पूजायानागु दकसिबे तच्चकं पूजा यानाः गुनं जुयी ॥ ॥ हानं हे भगवान् थुगु प्रकारं त्रिसा हस महासाहस लोक धातवी सकल सत्त्वपि उलिजा अयेहेति ॥ गुलि हे भगवान् श्रव गंगा नदीया फिगो प्रमाणं त्रिसा हस महा साहस लोक धातवी सकल सत्त्वपि दु श्रव छम्ह छम्ह सत्त्व छग छग सप्तरत्नयागु तथागत धातु गर्भतयागु चैत्यदयेकै दयेका थुपि प्रतिष्ठायाना कल्प अथवा कल्पमा ज्येष्ठतकं सकल बाजांसक ज्योतं सकल नृत्यं सकल तूर्य ताडा बध्दं दिव्यगु सकल स्नानं सकल गन्धं सकल स्वांसालं सकल लेपनं सकल चूर्णं सकल वस्त्रं

देशनायायी उपदेशबी उद्देश्यबी बांलाक ब्वनी कर्पितनं बिस्तारं प्रकाशयायी थुकियाअर्थ बांलाक छगु छगु पियाकनी मनं बिचार यातास्वै बैके गुलो तक्कया तःधंगु बुद्धिदु उगु बुद्धि थुकी बांलाक परिक्षा यातास्वै सद्धर्म ताकालं स्थिर ज्योमा धैगु कारणं बुद्धिपिनि नायः (प्रज्ञापारमिता ज्ञान) बिचै त्वाः मदयेमा सद्धर्म (बुद्ध ज्वीगुया मिखा प्रज्ञापारमिता मांयागु ज्ञान) अन्तर्धान मज्जीमा नायः सफूनिगुलि (बुद्ध ज्वीगुया मिखा प्रज्ञा-पारमिता ज्ञान सफूनिगुलि) मिखा दुगुलि नायः दुगुलि बोधिसत्त्व महासत्त्व पितनं अनुग्रह तयागु जुयी धका अन्ते सफू दयेका धारण यायी स्थापना यायी थ्वहे प्रज्ञापारमिता यात सत्कार यायी गुरु यायी मान्य यायी पूजायायी तच्चकंपूजा यायी दक्कसिबे तच्चकं पूजा यायी पुष्प धूप गंध माल्य बिलेपन चूर्ण वस्त्र छत्र ध्वज घण्ट पताकं सकभसं चाकः मत छोयेका अनेक प्रकारया पूजा पूजायायी हे भगवन् बकुलपुत्र अथवा कुलपुत्रीया थुकिया कारणं व न्हापायाहू सितया सिनं थ्वेतहेआषाः पुण्यलायी ॥ ॥ थुलिआसेलि भगवामं शक्रदेवराजइन्द्र यात थ्वे आजादयेकल ॥ थयेसः थ्वहे कौशिक थ्वे हेखःथ्व ॥ हे कौशिक थ्व कुलपुत्र अथवा कुलपुत्री यात थुकियाकारणं आपालंहे पुण्यलायी । हे कौशिक प्रमाण मदेक थ्व कुलपुत्र अथवा कुलपुत्री यात थुकिया कारणं आपालंहे पुण्यलायी । हे कौशिक संख्या मदयेक थ्व कुलपुत्र अथवा कुलपुत्री यात थुकिया कारणं आपालंहे पुण्य लायी । हे कौशिक चिन्तना मदयेक थ्व कुलपुत्र अथवा कुलपुत्रीयात थुकिया कारणं आपालं हे पुण्य लायी । हे कौशिक तुल्य मदयेक थ्व कुलपुत्र अथवा कुलपुत्रीयात थुकिया कारणं आपालंहे पुण्य लायी । हे कौशिक परिमाण मदयेक

थ्व कुलपुत्र अथवा कुलपुत्री यात थुकिया कारणं आपालंहे पुण्य लायी । थ्व छुया हेतुं धाःसा । हे कौशिक तथागत अर्हत सम्यक्सम्बुद्ध पिनि सर्वज्ञता धैगु हे प्रज्ञापारमितायाकें उत्पत्ति जुयीगु जुवा च्वन । तथागतया शरीर पूजा यायेगु धैगुहे सर्व ज्ञतायाकें हेजक उत्पत्ति जूगु जुया च्वन ॥ ॥ थुलिया निंति थत्त हे कौशिक गुम्ह कुलपुत्र अथवा कुलपुत्री थुगु प्रज्ञापारमितास श्रद्धातया एकचित्तयाना मुक्तिज्वीगु मन याता अनुत्तर सम्यक्सम्बोधिया निमित्ते प्रसन्न चित्तं बोधिचित्तयाना तःधंगु आशयं दुनेनिसै न्यनी कायी ज्वनी ब्वनी लायी कनी देशनायायी उपदेशबी उद्देश्यबी बांलाक बोनी कर्पितनं बिस्तारं प्रकाश यायी थुकिया अर्थ बांलाक छगु छगु पिया कनी मनं बिचार यातास्वै बैके गुलि तक्कया तःधंगु बुद्धिदु उगु बुद्धि थुकी बांलाक परिक्षायाता स्वे सद्धर्म ताकालं स्थिरज्वीमा धैगु कारणं बुद्धिपिनि नायः (प्रज्ञापारमिताज्ञान) (बिचै त्वाः मदयेमा सद्धर्म (बुद्ध ज्वीगुया मिखा प्रज्ञापारमिता मांयाज्ञान) अन्तर्धान मज्जीमा नायः सफूनिगुलि (बुद्ध ज्वीगुया मिखा प्रज्ञापारमिता ज्ञान सफूनिगुलि) मिखा दुगुलि नायः दुगुलि बोधि सत्त्व महासत्त्व पितनं अनुग्रह तयागु जुयी धका अन्ते सफू दयेका धारण यायी स्थापना यायी थ्व हे प्रज्ञापारमिता यात सत्कार यायी गुरु यायी मान्य यायी पूजा यायी तच्चकंपूजा यायी दक्कसिबे तच्चकं पूजा यायी पुष्प धूप गंध माल्य बिलेपन चूर्ण वस्त्र छत्र ध्वज घण्ट पताकं सकभसं चाकमत छोयेका अनेक प्रकारया पूजा पूजा यायी हे कौशिक थ्व पूजा यातागु पुण्यया हके न्हापा च्वेकनागु तथागत धातु गर्भेतयागु सप्तरत्न यागु चैत्य दयेका पूजा यातागुया पुण्य सच्चिब्वे

छब्बो कला—(अंशा छगु भागमात्र) हे न्ह्यायीमखु (पुण्य दैभखु) दोछि ब्वे छब्बो लक्छि ब्वे छब्बो कोटि ब्वे छब्बो सछिगु कोटि ब्वे छब्बो दोछिगु कोटि ब्वे छब्बो लक्छिगु कोटि ब्वे छब्बो सिगु लाख कोटि लक्छि ब्वे छब्बो (शत-शछि । सहस्र-दोछि । शत सहस्र-लक्छि । कोटी-कर्वल । कोटीशत-सछिगु कर्वल । कोटी सहस्र-दोछिगु कर्वल । कोटीशतसहस्र-लक्छिगु कर्वल कोटी नियुत शत सहस्र-सोगुलाख कर्वल लक्छिब्वे छब्बो) नं-न्ह्यायी मखु संख्यानं कलानं (कला दोहरे याःगु छुधाःसा कलायानं कला सूक्ष्म-चिकी धंगु धंगु धंगु) गणना-ल्या ख्यायेगुनं उपमा-व थें च्वंगु धका केनेगुनं औपम्य-उपमाया भावगुण क्यनेगुनं उपनिशा-अत्यन्त चिकीधंगुनं उपनिसद्-हेतु भावमात्रनं हे न्ह्यायी मखु ॥

॥ थुलि भगवानं आज्ञा जूवले गुलि अन देबराज इन्द्रलिसे वोपि पीःदो ४०००० देवपुत्र गणपि वहे सभास च्वना च्वपि दुगु खः थुपि सकसेनं देबराज इन्द्रयाके थथे बित्तियात ॥ हे मार्ष (तःधंगु अनुभाव दया क्षमा दुम्ह जूयानिति मार्ष वैंत सःत्यत हे मार्ष धायोगु धका सीकि) कैबिज्याहुं थ्व प्रज्ञापारमिता हे मार्ष कायेमाः थ्व प्रज्ञापारमिता । हे मार्ष ज्वनेमाः थ्व प्रज्ञापारमिता । हे मार्ष बानेमाः थ्व प्रज्ञापारमिता । हे मार्ष बांलाक लायेमाः थ्व प्रज्ञापारमिता । हे मार्ष कनेमाः थ्व प्रज्ञापारमिता । हे मार्ष देशना यायेमाः थ्व प्रज्ञापारमिता । हे मार्ष उपदेश बी माः थ्व प्रज्ञापारमिता । हे मार्ष उद्देश्य बीमाः थ्व प्रज्ञापारमिता । हे मार्ष बांलाक ब्वनेमाः थ्व प्रज्ञापारमिता ॥

॥ थनंलि भगवानं शक्र देबराज इन्द्रयात थथे आज्ञा दयेकल ॥ हे कौशिक काछं थ्व प्रज्ञापारमिता । हे कौशिक ज्वं छं थ्व प्रज्ञा-

पारमिता । हे कौशिक कं छं थ्व प्रज्ञापारमिता । हे कौशिक ला छं थ्व प्रज्ञापारमिता ॥ हे कौशिक देशना या छं थ्व प्रज्ञापारमिता । हे कौशिक उपदेश व्यु छं थ्व प्रज्ञापारमिता । हे कौशिक उद्देश्य व्यु छं थ्व प्रज्ञापारमिता । हे कौशिक बांलाक ब्वं छं थ्व प्रज्ञापारमिता ॥ थ्व छुयाहेतुं धाःसा । हे कौशिक गुगु बखते दैत्यगणपिनि कुजीगु प्रकारया इच्छा जुयावें त्रयस्त्रिंश देवता—(स्वर्ग भुवमया देवता ।) पिनाप युद्धयाये धका त्रयस्त्रिंश देवतापि लिसे संग्राम याये धका हे कौशिक उगु बखते छं थ्व प्रज्ञापारमिता मनं मनं ब्वं म्हुतुं नं ब्वं अथे ब्वने बले व दैत्य गणपिनि देवलोक पिनि नाप युद्धयाये संग्राम याये धंगु मनया इच्छा हानं हे अन्तर्धान जुया वनि ॥

॥ थुलि आज्ञा दयेकुसेलि शक्रदेबराज इन्द्र भगवान् याके थथे बित्तियात । महाज्ञान थ्व हे भगवन् गुगुजा प्रज्ञापारमिता । प्रमाण मदुगु ज्ञान थ्व हे भगवन् गुगुजा प्रज्ञापारमिता । परिमाण मदुगु ज्ञान थ्व हे भगवन् गुगुजा प्रज्ञापारमिता । ज्वरा मदुगु ज्ञान थ्व हे भगवन् गुगुजा प्रज्ञापारमिता । अन्त मदुगु ज्ञान थ्व हे भगवन् गुगुजा प्रज्ञापारमिता । समान मदुगु ज्ञान थ्व हे भगवन् गुगुजा प्रज्ञापारमिता । समान मदुगुनाप समानगु ज्ञान थ्व हे भगवन् गुगुजा प्रज्ञापारमिता ॥ थ्व छुया हेतुं धाःसा ॥ हे कौशिक थ्व हे ज्ञान लाना न्हापा जुया बिज्यापि तथागत अर्हत् सम्यक्सम्बुद्धपिसं अनुत्तर सम्यक्सम्बोधि बांलाक थुलि गुगुजा प्रज्ञापारमिता याके ॥ गुलि हानं हे कौशिक लिपा जू बिज्यापि तथागत अर्हत् सम्यक्सम्बुद्धसं अनुत्तर सम्यक्सम्बोधि बांलाक थुलीकें थसिसनं हे कौशिक थ्व हे ज्ञान लाना अनुत्तर सम्यक्सम्बोधि बांलाक थुलीकें गुगुजा प्रज्ञापारमितायाके ॥ गुलि हानं सुगुम्ह हे कौशिक

आःथौ कहे प्रमाण मदेक संख्या मदेक त्रिसाहस्र महासाहस्र लोक धात्वी बुद्ध भगवान्पि अनुत्तर सम्यक्सम्बोधि बांलाक थुयीका बिज्याना चवंपिदु थमिसंन हे कौशिक श्वहे ज्ञान लाना अनुत्तर सम्यक्सम्बोधि बांलाक थुयीका चवन गुगुजा प्रज्ञापारमितायाकें ॥ (न्याया जुयाबिज्यापि लिपा जू बिज्यायीपि आःजुया बिज्याना चवंपि तथागत अर्हत् सम्यक्सम्बुद्ध पिसंन श्वहे प्रज्ञापारमिता ज्ञान लाना अनुत्तर सम्यक्सम्बोधि ज्ञान लाना वन लायीतिनी लानाचवन धैगुभाव) ॥ ॥ जिनं हे कौशिक गुगुजा श्वहे प्रज्ञापारमिता ज्ञान लाना अनुत्तर सम्यक्सम्बोधि बांलाक थुयीका चवन ॥ ॥ हे कौशिक श्वहे ज्ञान लाना दश कुशल (झिगु पुण्य-प्राणाति पात १ अदत्तादान २ काममिथ्या ३ मृषावाद ४ पैशुन्य ५ पारुष्य ६ संभिन्न प्रत्याप ७ अभिध्या ८ व्यापाद ९ मिथ्यावृष्टि १० श्व सभिगु झिगु एककुशल कर्म बिर सयाना तो ताः शुक्रिया आःखःगु भिगु झिगु कुशल कर्म रसयाना ज्वनेगु) कर्मधागुलें लोकेपिसं थुयी । बोध्यङ्गं संयुक्त जुया चवंगु प्यंगु ध्यान लोकपिसं थुयी । बोध्यङ्गं संयुक्त जुयाचवंगु (बोधिबा अङ्गदुगु) प्यंगु अप्रमाण लोक पिसं थुयी । बोध्यङ्गं संयुक्त जुयाचवंगु प्यंगु आरुप्य समापत्ति लोक पिसं थुयी । बोध्यङ्गं संयुक्त जुया चवंगु षडभिज्ञा लोकपिसं थुयी । स्वी न्हेगु बोधिपक्ष धर्म लोके थुयी । संक्षिप्तं चयेप्यदो धर्म स्कन्ध लोक पिसं थुयी । बुद्ध ज्ञान स्वयम्भू ज्ञान (थःथमंहे थुयीगु तथागत यागु ज्ञान) अधिन्त्य ज्ञान (शुलि उलि धका मनं चिन्तना याये मफुगु असंख्य तःधंगु ज्ञान) लोकपिसं थुयी । श्वहे ज्ञानलाना हे कौशिक गुगुजा थुगु प्रज्ञापारमिता ज्ञान ॥ ॥ हे कौशिक हानं गुबले तथागत

थवे हेसः ॥ ॥ श्व प्रज्ञापारमिता महासमुद्रयाकें हे उत्पत्ति जूगुः तथागत अर्हत् सम्यक्सम्बुद्ध पिनि सर्वज्ञता महारत्न ॥ थनेलि आयुष्मान् आनन्द भगवान् धाके थवे चिन्तियात ॥ हे भगवन् छलपोलं दान पारमिता यागु बयान् नं याना मबिज्याःनांनं कया मबिज्याः शील पारमिता क्षान्ति पारमिता वीर्य पारमिता ध्यान पारमिता यागु बयान् नं याना मबिज्याःनांनं कया मबिज्याः । हे भगवन् प्रज्ञापारमिता छगु यागु जक बयान् याना बिज्यात नांकया प्रशंसा याना बिज्यात (ध्व गथे थें) ॥ ॥ भगवानं आज्ञा दयेका बिज्यात । थथे हेसः श्व ॥ हे आनन्द थथे हेसः ॥ हे आनन्द प्रज्ञापारमिता यागु जकहे जि बयान याना नां कया प्रशंसा याना मेगु पारमिता यागु बयान मयाना नांनं प्रशंसा मयाना ॥ श्व छुया हेतुं थासा ॥ हे आनन्द निश्चयनं न्यागु पारमिता मध्ये प्रज्ञापारमिता हे न्ह्योने यागु मुख्यगु जुया चवन । हे आनन्द छं श्व छु धका माने याना सर्वज्ञतास परिणामना मयाःगु (सर्वज्ञता लायेत धका आशिका मयाःगु दान) दान पारमिता धैगुनां प्राप्त ज्वीला ॥ ॥ आयुष्मान् आनन्द धाल । थथे (दान पारमिता धैगुनां) ज्वीमखु हे भगवान् ॥ ॥ भगवानं आज्ञादये कल । श्वछु धका माने याना हे आनन्द सर्वज्ञता लायेत धकाः मयाःगु शील । सर्वज्ञता लायेत धकाः मयाःगु क्षान्ति । सर्वज्ञता लायेत धकाः मयाःगु वीर्य । सर्वज्ञता लायेत धकाः मयाःगु ध्यान । श्व छु धका माने याना हे आनन्द सर्वज्ञता लायेत धकाः मयाःगु प्रज्ञापारमिता धैगु नांनं ज्वीला ॥ ॥ आनन्द धाल ज्वीमखु निश्चयनं हे भगवन् ॥ ॥ भगवानं आज्ञादयेकल ॥ हे आनन्द छं श्व छु धका माने याना गुगु कुशल

मूल (भिगुज्वीया हाजुया च्वंगु) सर्वज्ञता लायेत धका आशिका मयागु प्रज्ञा-अचिन्त्यगु तःधंगु धैगु गथे ज्वी ॥ ॥ आनन्दं धाल ॥
 थथे हे खःथ्व हे भगबन् थथे हे खःथ्व हे सुगत । गुगु कुशल मूल सर्वज्ञता लायेत धका आशिका याःगु प्रज्ञा हे भगबन् अचिन्त्य ज्वी थ्व प्रज्ञा
 तच्चोतं अचिन्त्य ज्वी हे भगबन् गुगु-लायेगु धैगु मदया च्वंगु चिन्तना याये मफया च्वंगु श्रावक गणपिसं लाये फैगु मखया च्वंगु धैगु जु-
 या च्वन ॥ ॥ भगवानं आज्ञादये कल । अथेया निति थन निश्चनं हे आनन्द तच्चतं तःधंगु ज्ञान जूयानिति थ्व प्रज्ञापारमिता धैगु नां
 प्राप्तजुयी । गुगुलिं याना सर्वज्ञता लायेत धका आशिकायाःगु कुशल मूल (भिगु ज्वीगुया हा) जूयानिति पारमिता धैगु नां प्राप्त जुयी । थु-
 लिया निति थन हे आनन्द सर्वज्ञता लायेत धका आशिका यागु भिगु ज्वीगुया हा जूया निति प्रज्ञापारमिता धैगु न्यागु पारमिताया न्ह्योने
 यागु नायका (दान आदि यानागुया बुद्धफले यंकाबीम्ह (परिणायका- (दक्क बिध्न उपद्रवमदयेकाबीम्ह) ॥ थुगुया कारणं हे आनन्द थ्व
 न्यागु पारमिता प्रज्ञापारमिताया दुने लाना च्वन गुगुजा प्रज्ञापारमिता धैगु षट् पारमितानं परिपूर्ण याना बीगु जुयाच्चन ॥ थुलिया निति
 थन हे आनन्द प्रज्ञापारमिताया प्रशंसा यानागुलिं षट् पारमिता फुकया प्रशंसा यानागु जुयी । थ्व गथे धाःसा हे आनन्द थ्व महा पृथ्वीले
 व्हलागु पुसा सांमाग्री थीक ज्वीबले बुयावै-तमा जुयावै थ्व पुसाया च्वमेगु थायेनं महा पृथ्वी जुयाच्चन । महा पृथ्वीले लाःगुलिं हे थ्व पुसा
 बुया-तमा जुया वैगु जुया च्वन ॥ थथे हे संतुं हे आनन्द प्रज्ञापारमितां ज्वंगु-सहित जूगु न्यागु पारमिता सर्वज्ञतास च्वनी । प्रज्ञापारमिता

(रूपी भुमी)स च्वंगु न्यागु पारमिता बुयावै-तमा जुयावै प्रज्ञापारमितां ज्वंगुलिं-सहित जूगुलिं पारमिता धैगु नां जुयी थुलिया निति थन
 हे आनन्द प्रज्ञापारमिता हे न्यागु पारमिता मध्ये मुख्यगु जुया च्वन नायका-दान आदि यानागुया बुद्धफले यंकाबीम्हनायो परिणायका-दक्क
 बिध्न उपद्रवमदयेकाबीम्ह जुया च्वन ॥ ॥ थनलिं देबराज इन्द्रं भगवान्याके थथे बित्ति यात ॥ हे भगबन् उलिमछि छलपोल
 भगवान् अर्हत् सम्यक्सम्बुद्धं प्रज्ञापारमिताया सकल गुणकना बिज्यात आःथन गुलिं छलपोलं गुण कना बिज्याःगुखः उलि गुण प्रज्ञापारमिता
 कया ज्वना ब्वना लाना कना देशनायाना उपदेश विद्या उद्देश्यबिया बांलाक ब्वना च्वंम्ह कुलपुत्र कुलत्री यातनं प्राप्तमजू-मला ॥ हानं
 जिनं हे भगबन् छलपोल भगवान्याके न्यना थ्व प्रज्ञापारमिताया विषय कनं कना (अथेनं जितःनं पूर्णगुण प्राप्त मजू) ॥ ॥ भग-
 वानं आज्ञा दये कल । साधु साधु हे कौशिक । निश्चयनं हानं हे कौशिक गुम्हसें केवल थ्व प्रज्ञापारमिता कायी ज्वनी ब्वनी लायी कनी
 देशना यायी उपदेशबी उद्देश्यबी बांलाक ब्वनी केवल थथे जकया म्हसित थ्व सकल पूर्णगुण प्राप्त ज्वीमखु ॥ हानं हे कौशिक सुंगुम्हं
 कुलपुत्र अथवा कुलपुत्री थ्व प्रज्ञापारमिता ज्वनी लिपा धैपितया कारण धका स्थापना यायी सद्धर्म ताकालं स्थिर ज्वीमा धैगु कारणं बुद्ध
 पिनिनाय (प्रज्ञापारमिता ज्ञान) बिचे त्वाःमदयेसा सद्धर्म (बुद्ध ज्वीगुया मिखा प्रज्ञापारमिता मांया ज्ञान) अन्तर्धान मज्वीमा नाय म-
 फूनिगुलिं बुद्ध ज्वीगु मिखा प्रज्ञापारमिता ज्ञान मफूनिगुलिं नायो दुगुलिं बोधिसत्त्व महासत्त्व पितनं अनुग्रह तयागुजुयी धका अन्ते सफूदयेका

धारण यायी स्थापना यायी श्वहे प्रज्ञापारमितायात सत्कार यायी गुरुयायी मान्य यायी पूजा यायी तच्चकं पूजा यायी दक्वसिबे तच्चकं पूजा यायी पुष्प धूप गंध माल्य विलेपन चूर्ण वस्त्र छत्र ध्वज घण्ट पताकं सकभनं चाकः मत छोयेका अनेक प्रकारया पूजां पूजा-यायी हे कौशिक थथे याःम्ह कुलपुत्र अथवा कुलपुत्री यात श्व सकल संपूर्ण गुण प्राप्त जुयी श्व जन्मकै च्वनागुया गुणया प्रशंसा बांलाक यायीम्हजुयी थुलि आज्ञादयेकुसैलि शक्रदेवराज इन्द्रं भगवान् याके थथे विंतियात ॥ हे भगबन् जिनं श्व कुलपुत्र अथवा कुलपुत्रीयात रक्षा-वरण गुप्तियानाबी गुम्हसै श्व प्रज्ञापारमिता च्वया सक् दयेका धारणयायी स्थापना यायी सद्धर्म ताकालं स्थिर ज्वीमा धैगु आरणं बुद्ध-पिनि नायः (प्रज्ञापारमिता ज्ञान विचे त्वाःमदयेमा सद्धर्म बुद्ध ज्वीगुया मिखा प्रज्ञापारमिता मांया ज्ञान) अन्तर्धान मज्जीमा नायः मफू-निगुलि (बुद्ध ज्वीगुया मिखा प्रज्ञापारमिता ज्ञान मफूनिगुलि) मिखादुगुलि नायः दुगुलि बोधिसत्त्व महासत्त्व पित्तनं अनुग्रह तयागु जुयी धका श्वहे प्रज्ञापारमिता यात सत्कार यायी गुरु यायी मान्य यायी पूजा यायी तच्चकं पूजा यायी दक्वसिबे तच्चकं पूजा यायी पुष्प धूप गन्ध माल्य विलेपन चूर्ण वस्त्र छत्र ध्वज घण्ट पताकं सकभनं अनेक प्रकारया पूजां पूजा यायी ॥ हानं गुम्हसै श्व प्रज्ञापारमिता च्वयी कायी ज्व-नी व्वनी लायी कनी देशना ययी उपदेशबी उद्देश्यबियी बांलाक व्वनी सत्कार यायी गुरु यायी मान्य यायी पूजा यायी तच्चकं पूजा यायी दक्वसिबे तच्चकं पूजा यायी पुष्प धूप गन्ध माल्य विलेपन चूर्ण वस्त्र छत्र ध्वज घण्ट पताकं सकभनं चाकःमत छोयेका अनेक प्रकारया

पूजां पूजा यायी थमित छुंसा महु । (थथेयाः पित जिरक्षा मयायी धका छुंसा महु अवश्य रक्षा याये) ॥ ॥ भगवानं आज्ञा दयेकल साधु साधु हे कौशिक । हानं निश्चयनं हे कौशिक श्व प्रज्ञापारमिता बांलाक व्वना च्वंम्ह-पाठ याना च्वंम्ह बाखंकना व्याख्या याना च्वंम्ह कुलपुत्र अथवा कुलपुत्रीया थासे आपालं सलंसः देवपुत्रपि न्ह्योनेवै । आपालं दोलंदो देवपुत्र गणपि आपालं लखंलख देवपुत्र गणपि न्ह्योनेवै धर्म न्यनेया निमित्तस आपालं दलंदो देवपुत्र गणपि आपालं लखं लख देवपुत्र गणपि न्ह्योने च्वंवे । श्व धर्म न्यना च्वंपि देवपुत्र पिसं व धर्म भाणक (व प्रज्ञापारमिता व्याख्या याना च्वंम्ह पण्डित) यात प्रतिभान- दयेकाः बीधका मान्य यायी । गुबले व धर्म भाणकया धर्म व्याख्यानयायेगु मं मदया वै उगु बखतस व देवपुत्र पिसं वहे धर्म न्यनेगु विचारं गथेयानां व धर्म व्याख्यान यांना च्वंम्ह कुलपुत्र अथवा कुल-पुत्रीया धर्म व्याख्या यायेगु मदया वैगुलः उजोगु प्रतिभान-विचार दयेकाबी धका मान्य यायी ॥ श्वनं हे कौशिक व कुलपुत्र अथवा कुलपुत्री श्व जन्म कैच्वयागुया गुणया प्रशंसा बांलाक यायीगु जुयी । गुम्हस्यं श्व प्रज्ञापारमिता कायी ज्वनी व्वनी लायी देशना यायी उ-पदेशबी उद्देश्यबी बांलाक व्वनी ॥ ॥ हानं मेगु हे कौशिक व प्रज्ञापारमिता कना च्वंम्ह कुलपुत्र अथवा कुलपुत्रीया व प्यख्यं या सभालो कया न्ह्योने कने मं मदुगु चित्त ज्वीमखु ॥ जि धर्म कनागुली सुं हेलायाना वां व्छेगु स्यंकेगु अभि प्राय यांना उकीलग्गे जूपि वै-मखुधायी । श्व छुया हेतुं धाःसा । थथेनिश्चयनं वैत प्रज्ञापारमितां रक्षा चक्रं रक्षायानाबी । व प्रज्ञापारमितास च्वंम्हसै अनादर यायीगु-हेलासा

योग धैगुनं खनीमखु । व प्रज्ञापारमितास च्वंम्हसें अनादर यायीपिं-हेला यायीपिनं खनीमखु । व प्रज्ञापारमितास च्वंम्हसें अनादर यायीगु हेला यायीगु धैगु दुधका हे खनीमखु । प्रज्ञापारमिता हेनं बांलाक खनीमखु थये प्रज्ञापारमिताया ज्ञाने च्वना च्वंम्ह कुलपुत्र अथवा कुलपुत्री यात थुगु प्रकारं सुछंम्ह हे वैत स्वंकैपिं दैमखु ग्याना च्वनीनं मखु ग्यायीनं मखु ग्याये मायेका च्वनीनं मखु । अर्थात् प्रज्ञापारमिता ज्ञाने च्वना च्वंपि तच्छुपदार्थं याद्वारनं स्वंकैगु दुःखपीर ज्वीगु धैगु दैमखु म्यनीगु स्वंकैम्ह स्वंकैगु धैगुहे दुधका धायी मखु । श्वनं हे कौशिक उम्ह कुलपुत्र अथवा कुलपुत्रीया श्व जन्म कै च्वनागुया गुणया प्रशंसा बांलाक याःगु जुयी । गुम्हसें श्व प्रज्ञापारमिता कायी ज्वनी ब्वनी लायी देशना यायी उपदेश बी उद्देश्य बी बांलाक ब्वनी ॥ हानं मेगु हे कौशिक व कुलपुत्र अथवा कुलपुत्री यात मां वौ इष्ट नित्र मंत्री सगोत्र दाजु कजा श्रमण-भिक्षु ब्राम्हण थःत हित याना च्वंपि सकसिनं प्रेम यायी । मेपि बाद याये धका वोपिनिगु द्वारं उत्पत्ति जज्जु बाद याःगु खं यात श्व तःधंगु च्वे यागु ज्ञानं बूके फुगु तःचोगु ज्ञानया समर्थ बल दुम्ह जुयी । हानं मेपि बाद यायेगुली जुयी पित नं सकल यातं त्याके फेगु ज्ञान कनेगु समर्थ दुम्ह जुयी । श्वनं हे कौशिक व कुलपुत्र अथवा कुलपुत्री श्व जन्म कै च्वनागुया गुणया प्रशंसा बांलाक यागु जुयी । गुम्ह कुलपुत्र अथवा कुलपुत्री श्व प्रज्ञापारमिता कायी ज्वनी ब्वनी लायी कनी देशना यायी उपदेश बी उद्देश्य बी बांलाक ब्वनी ॥ निश्चयनं हानं हे कौशिक गन कुलपुत्र अथवा कुलपुत्री श्व प्रज्ञापारमिता च्वयाः सफू दयेका विधि पूर्वकं प

परिक्षा यानास्वै सद्वर्ग ताकालं स्थिर ज्वीमा धैगु कारणं बुद्धिपिनि नायः (प्रज्ञापारमिता ज्ञान) विचे त्वां मदयेमा सद्वर्ग (बुद्ध ज्वीगुयामिखा प्रज्ञापारमिता मांया ज्ञान) अन्तर्धान मज्जीमा नायः भफूनिगुलिं (बुद्ध ज्वीगुयामिखा प्रज्ञापारमिता ज्ञान भफूनिगुलिं) मिखा दुगुलिं नायः दुगुलिं बोधिसत्त्व महासत्त्वपित नं अनुग्रह तयागु जुयी धका अन्ते सफूदयेका धारण यायी स्थापना यायी श्व हे प्रज्ञापारमिता यात सत्कार यायी गुरु यायी मान्य यायी पूजा यायी तच्चकं पूजा यायी दन्वसिबे तच्चकं पूजा यायी पुष्प धूप गंध माल्य बिलेपन चूर्ण बस्त्र छत्र ध्वज घण्ट पताकं सकभनं चाकः सुत छोयेका अनेक प्रकारया पूजा पूजा यायी हे कौशिक व कुलपुत्र अथवा कुलपुत्रीयात थुकिया कारणं आपालं हे पुण्य लायी ॥ ॥ अथेया नितिं थन हे कौशिक थुगु जन्म कया काये माःगु गुण बांलाक कायेगु इच्छायाःम्ह कुलपुत्र अथवा कुलपुत्री श्व हे प्रज्ञापारमितास श्रद्धातया एक चित्त याना सुचित्त ज्वीगु मन याना अनुत्तर सम्यक्सम्बोधि ज्ञानया निमित्ते प्रसन्नचित्तं शून्यता करुणाया गर्भजुया च्वंगु बोधि चित्त याना तःधंगु आशयं दुनें नित्से न्यनेमाः कायेमाः ज्वनेमाः ब्वनेमाः लायेमाः कनेमाः देशना यायेमाः उपदेश बीमाः उद्देश्य बीमाः बांलाक ब्वनेमाः कर्पितबं बिस्तारं प्रकाश यायेमाः थुकिया अर्थ बांलाक छगु छगु पिजा कनेमाः मनं विचार याना स्वयेमाः वंके गुलितकथा तःधंगु बुद्धि दु उगु बुद्धि थुकी बांलाक परिक्षा याना स्वयेमाः सद्वर्ग ताकालं स्थिर ज्वीमा धैगु कारणं बुद्धिपिनि नायः (प्रज्ञापारमिता ज्ञान) विचे त्वां मदयेमा सद्वर्ग (बुद्ध ज्वीगुया मिखा प्रज्ञापारमिता मांयाज्ञान) अन्तर्धान मज्जीमा

(११०)

नाथः) मफूनिगुलिं (बुद्ध ज्वीगुया मिखा प्रज्ञापारमिता ज्ञान मफूनिगुलिं) मिखा दुर्गुलिं नायः दुर्गुलिं बोधिसत्व महासत्त्व पित्तनं अनुग्रह त-
यागु जुयी धका अन्ते सफू दयेका धारण यायेमाः स्थापना यायेमा पूजायायेमाः जिमितनं शुगु ज्ञान व्यू धका—प्रार्थना यापि कुलपुत्र अथवा
कुलपुत्री पित्तनं भागतला इनाबियेमाः जितःनं मेपित्तनं कल्याण ज्वीगु इच्छा यापि सत्त्व पित्तनं बुद्धया नायः (बुद्ध ज्वीगुया मिखा प्रज्ञापा-
रमिता ज्ञान मफुयीगु जुयीमाः धका सदाकालं सत्कार थायेमाः गुरु यायेमाः मान्य यायेमाः पूजा यायेमाः तच्चक्रं पूजा यायेमाः द्वक्वसिबे त-
च्चक्रं पूजा यायेमाः पुष्प धूप गन्ध माल्य बिले न चूर्ण वस्त्र छत्र ध्वज घण्ट पताकं छ्वाखेरं सकभनं चांकमत छोयेका अनेक प्रकारया पू-
जां पूजा यायेमाः थुलि ॥ ॥ ॥ आर्य अष्ट सहस्रिका प्रज्ञापारमिताया अप्रमेय गुणधारण पारमिता स्तूप सत्कार परिवर्त
नाम स्वंगुगु ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥ ॥

अथ गुणपरि किर्त्तन परिबर्त्ता नाम चतुर्थः ॥

(यनंलि प्रज्ञापारमिताया गुण्या बयान कनिगु प्यंगूगु ज्ञान प्यंगूगु शिक्षा)

हानं मेगु भगवानं शक्रदेवरा जइन्द्र यात आज्ञा दयेकल । यदि हेकौशिक छंत छखे थव जम्बूद्वीपया चवका थयंक जायेक परिपूर्ण याना तथा-
गत पिनिगु शरीर तयाबी । छखे शुगु प्रज्ञापारमिता सफू छधाः च्दया तयाबी थव निगु भागया सध्ये छयःगु छगुभागका धाःसा हे कौशिक छं

(१११)

गुगु भाग काये ॥ ॥ इन्द्रं धाल यदि हे भगवन् जितः छले श्व जम्बू द्वीपया चवका श्वकं जायेक परिपूर्ण धाना तथागत पितृगु शरीर
तथावी हानं छले श्व प्रज्ञापारमिता सफू छयाः चवया तथावी श्व निगु भागया मध्ये छंयःगु छगु भाग का धाःसा हे भगवन् जि शुगु प्रज्ञापार-
मिता हे काये ॥ श्व छुया कारणं धाःसा । गथेया निश्चयनं तथागतया नायः (प्रज्ञापारमिता सफू चवयातःगु) दुगुलि हे तथागत गणपि
परमार्थ शरीर-गुबलें-मफूयीगु धर्म काय प्राप्त जूगुखः ॥ हे भिक्षु गणपि बुद्ध भगवान् गणपि धर्म काय जुया चवपि धका भगवान् आज्ञा द-
येका बिज्यात । हे भिक्षु गणपि जिगु श्व कायनं शरीरया काय धका खनेमते जिगु शरीरनं धर्म काय सिद्ध उबीगु धका खनेमाः । श्व तथा-
गत शरीरनं गुगुजा शुगु प्रज्ञापारमिता याकें हे जक धर्म काय सिद्ध जुया तःधंगु सिद्धगु शरीर जूगुखः ॥ ॥ हानं निश्चयनं हे भगवन्
श्व तथागत गणपिनिगु शरीरे जि तःधंगु शरीर धयासु भाव मदुगु मखु । हे भगवन् श्व तथागत गणपिनिगु शरीर तधंगु शरीर धंगु भाव
हे दु । तर छु धाःसा निश्चयनं हे भगवन् प्रज्ञापारमिता ज्ञान प्राप्त जूगुशरीर जूगुलि हे श्व तथागत गणपिनिगु शरीर यात पूजा याये यौग्यगु
पूजा याये माःगु शरीर जूगुखः । अथेया निति भन हे भगवन् श्व हे प्रज्ञापारमिता पूजा यानागुलि हे सकल तथागत गणपिनिगु शरीरे प-
रिपूर्ण रूप पूजा यानागु जुयी ॥ श्व छुया हेतुं धासा ॥ तथागतया शरीर प्रज्ञापारमिता याकें उत्पत्ति जूगु जूया निति ॥ व थथेनंखःकि । हे
भगवन् गुगु बखते जीसुधर्मादेव सभास देवीव्यमानगु थःगुआसने चवना चवने उगुबखते देवपुत्र गणपि जि के प्रार्थना यायेत व हानं गुगु बखते जि

व आसने च्वना मच्चने उगु बखतेनं गुगु जिगु आसन खः अन वया देवपुत्रपिसं जितः मान तथा नमस्कार याना चाःहुला त्याहाँ वनी ॥ थ्व छुयाहेतुं धाःसा । निश्चयनं देवराज इन्द्रं थ्व आसने फेतुना त्रयशत्रिश देव लोक पित प्रज्ञापारमिताया-धर्म उपदेशवी धका ॥ थ्व हे प्र-
कारं हे भगवन् तःधंगु अनु भावया हेतु जुया च्वंगु थ्व प्रज्ञापारमिता तथागत अर्हत् सम्यक्सम्बुद्ध गणपित सर्वज्ञ ज्ञान उत्पत्ति याना बीगु
सर्वज्ञ ज्ञाने तथागत गणपिनि आश्रय पाये माःगु जुया च्वन । तथागत गणपिनिगु शरीर सर्वज्ञ ज्ञान उत्पत्ति ज्वीत कारण जुया च्वंगु
मखु । थथे हे भगवन् सर्वज्ञ ज्ञान हेतु जुया च्वंगु तथागत शरीरे पूजा यानागु जुयी । थूलिया निति आः हे भगवन् थ्व निगु भाग तयातःगु
या मध्ये हे भगवन् जि थ्व हे प्रज्ञापारमिता काये ॥ हानं हे भगवन् जि थ्व तथागत पिनिगु शरीरे मान्य मदुगु मखु हे भगवन् जि थ्व त-
थागत पिनिगु शरीरे मान्य हे दु ॥ हानं छुधाःसा हे भगवन् प्रज्ञापारमिताया पूजा यानागुलिहे तथागत पिनिगु शरीर पूजायानागु जुयी ।
हानं निश्चयनं हे भगवन् थ्व जम्बू द्वीपया च्वका थ्यंकं जायेक तथागतया शरीर उलिजा अथेहे ति । चातुर्महाद्वीप लोक चातुया च्वका
थ्यंकं जायेक तथागतया शरीर बी उलिजा अथेहे ति । हे भगवन् साहस्र लोक धातुया च्वका थ्यंकं जायेक तथागतया शरीर बी वनं उलिजा
अथेहे ति हे भगवन् द्विसाहस्र मध्यम लोक धातुया च्वका थ्यंकं जायेक तथागतया शरीर बी वनं उलिजा अथेहे ति । हानं हे भगवन् त्रिसाहस्र
महासाहस्र लोक धातुया च्वका थ्यंकं तथागतया शरीर छगु भाग तयातै । हानं थ्व प्रज्ञापारमिता च्वया निगुगु भाग तयातै थ्व निगु भागतया

तःगुली छं गुगु भाग यः छं यःगु छगु भागका धाःसां हे भगवन् जि थ्व हे प्रज्ञापारमिता काये । निश्चयनं हानं हे भगवन् जि थ्व तथागत पि-
निगु शरीरे मान्य मदुगु मखु हे भगवन् जि थ्व तथागत पिनिगु शरीरे मान्य हे दु । हानं छु धाःसा हे भगवन् प्रज्ञापारमिताया भावयाना
पूजा या । गुलि तथागत पिनिगु शरीर यातनं पूजा यानागु हे जुयी । तथागत पिनिगु शरीर छगु सर्वज्ञ ज्ञानया आश्रय जुया च्वंगु थ्व
सर्वज्ञ ज्ञान प्रज्ञापारमितायाकें उत्पत्ति जूगु ॥ थथेया निति आःथन थ्व निगु भाग तया तःगुली हे भगवन् जि थ्व हे प्रज्ञापारमिता काये ।
निश्चयनं हानं हे भगवन् जि थ्व तथागत पिनिगु शरीरे मान्य मदुगु मखु हे भगवन् जि थ्व तथागत पिनिगु शरीरे मान्य हे दु । हानं छु धा-
सा हे भगवन् प्रज्ञापारमिताया भावयाना पूजा यानागुलि तथागत पिनिगु शरीर यातनं पूजा यानागु जुयी ॥ ॥ गथे धाःसा हे भगवन्
अमूल्यगु मणि रत्न छगुःदै व मणि रत्न थुलि त तः धंगु गुणं संयुक्तगु जुयी । उगु मणि रत्न गन २ तयातै अन २ मनुष्य अथवा अमनुष्य ग-
णपिसं स्वकंगु मन यापिसं स्वकं केमखु । गन २ सुं गुम्हं पुरुष यात अथवा स्त्री जाति यात मनुष्य अथवा अमनुष्य ज्वना तःम्ह अर्थात् भूत
आदि पिसं पुना तःम्ह दुविना च्वंम्ह ग्रह गण आदि पिसं ज्वनातःपि जुयी । अन २ अपि च्वना च्वंगु थासे व मणि रत्न दुतयने मात्रं
व अमनुष्य गणपि उगु थासं चिला वनी-अने पिहाँवची । बात रोग पीडा जुया म्ह छम्हं स्याना च्वंगु शरीरे व मणिरत्नं थियीका बिल धाः-
सा व बातसोग शान्त जुयवनी च्वंम्हया केमखु । पित्तं वाहा जुया च्वंगु शरीरे उगु मणि रत्नं थियीका बिल धाःसा वपित्त रोगनं शान्त

जुया वनी बन्हे जुया वैमखु । श्लेष्म रोगं व्याप्तजुया सकभनं पीडा जुया च्वंगु शरीरे थियेका बिल धाःसा व श्लेष्म रोगनं शान्त जुया वनी बन्हे जुया वैमखु । सन्निपात रोगं दुःख पीडा जुया च्वंगु शरीरे थियेका बिल धाःसा उगु सन्निपात रोगनं शान्त जुया वनी बन्हे जुया वैमखु । रात्रिया अन्धकारं ख्वाउंसे च्वना च्वंगु थासे-उगु मणि रत्नतया बिल धाःसा त्वीसे उज्ज्वल जुयु । क्वानाच्वंगु पृथिवीले उगु मणि रत्न तथाबिल धासा उगु पृथिवी ख्वाउंसे शीतल जुयावै । हानं ख्वाउंसे च्वंगु पृथिवीले उगु मणि रत्न तथाबिल धाःसा उगु पृथिवी क्वाना लुमुसे च्वनावै । गुगु गनं पृथिवीले-आशी बिष फिजे जुया च्वनी अर्थात् बिष दुपि जंतु तसे न्याये नये धका बिष तोता च्वनी अर्थेतुं मेमेपि ग्यानापुपि जन्तुत जुया च्वनीगु अत्योगु थासे व मणि रत्न तैबिल धाःसा थ्व बिष दुपि ग्याना पुपि जंतुत उगु थासं लिचिला वनी उगु थासे च्वने फैसखु । यदि हानं हे भगबन् सुं मिसायात जुल अथवा मिज यात जुल आशी बिष न्यानातै उरुह सित व मणि रत्न केनाबी मात्र व बिष नाश जुया वनी तोता वनी । हे भगबन् थुलि हानं मेमेगुनं आपालं गुणं संयुक्त जुया च्वंगु युजोगु मणि रत्न जुयी । सुंगुहं हानं हे भगबन् प्राणि गणपिनि मिखास पिलि भुना च्वंगु जुयी अथवा मिखा वुलुसे च्वंगु जुयी अथवा मिखा स्याःगुरोग जुया च्वंगु जुयी अथवा मिखास ख्वातुक पिलि भुना-मिखां मखना च्वंगु जुयी थमित उगु मणि रत्न मिखास थियेकाबी मात्र व मिखाया दोष दक्खं शेष शुद्धान्त मदयेक शाश्वत जुया वनी ॥ हे भगबन् थुलि हानं मेमेगु रूपगुणं तं संयुक्तगु व मणि रत्न जुयी । गनं लखे व मणि रत्न तैबिल धाःसा व लः थःगु वर्णथे लगु वर्ण याना बी ।

शरीरे मान्य मदुगु मखु हे भगबन् जि थ्व तथागत पिनिगु शरीरे मान्य हे दु । अग्यनं छु धाःसा हे भगबन् प्रज्ञापारमिता उत्पत्ति जूगु संबंज ज्ञान जुया च्वन सर्वज्ञ ज्ञान उत्पत्ति जूगु तथागतया शरीर या पूजा जुया च्वन ॥ अथेया निंति हे भगबन् प्रज्ञापारमिता पूजा याना गुलि न्हापा जुया बिज्याःपि आःजुया बिज्याना च्वंपि लिपा जू बिज्यायीपि बुद्ध भगवान्पित पूजा यानागु जुयी हानं मेगु हे भगबन् प्रमाण मदक संख्या मदक लोक धातुबी गुलि बुद्ध भगवान्पि बिज्याना स्थीरं च्वना समय हना बिज्याना च्वंपि दु वस्पोलपित संसारया पदार्थ या द्वारनं दर्शन यायेगु इच्छा थाःम्ह कुलपुत्र अथवा कुलपुत्री प्रज्ञापारमितास चर्या यायेमाः प्रज्ञापारमिता योग यायेमाः प्रज्ञापारमिताया भाव यायेमाः ॥ ॥ थुलि धातुलि भगवानं शक्र देवराज इन्द्र यात थथे आज्ञा दयेकल । थथे हेखः थ्व हे कौशिक थथे हेखः थ्व । हे कौशिक न्हापा अनुत्तर सम्यक्सम्बोधि ज्ञान थुयीका वंपि गुलि तथागत अर्हत् सम्यक्सम्बुद्ध गणपि दु थमिसनं हे कौशिक थ्व हे प्रज्ञापारमिताया चर्या याना अनुत्तर सम्यक्सम्बोधि बांलाक थुयीका वन ॥ हे कौशिक हानं लिपा अनुत्तर सम्यक्सम्बोधि ज्ञान थुयीकपि गुलि तथागत अर्हत् सम्यक्सम्बुद्ध गणपि दै थमिसनं हे कौशिक थ्व हे प्रज्ञापारमिताया चर्या याना अनुत्तर सम्यक्सम्बोधि बांलाक थुयीक ॥ हे कौशिक धातु कन्हे प्रमाण मदक संख्या मदक लोक धातुस गुलि बुद्ध भगवान् गणपि स्थीरं च्वना समय हना च्वंपि दै च्वन थपिनं हे कौशिक थ्व हे प्रज्ञापारमिताया चर्या याना अनुत्तर सम्यक्सम्बोधि बांलाक थुयीका च्वन ॥ ॥ थुलि आज्ञा दयेकुसेलि, शक्र देवराज इन्द्र भगवान् थाके थथे ब्रिन्ति यात ।

हे भगवन् महा पारमिता श्व गुगु जा प्रज्ञापारमिता ॥ हे भगवन् तथागत अर्हत् सम्यक्सम्बुद्धं (गुगु ज्ञानं) निश्चयनं सकल सत्त्वपिनि चित्ते
 च्वंगु बांलाक पिनी बांलाक खनी ॥ ॥ भगवानं आज्ञा दये कल । यथे हेखः श्व हे कौशिक यथे हेख श्व ॥ यथे निश्चयनं हे कौशिक
 तः कालं प्रज्ञापारमितास चर्या यायी उकिं सकल सत्त्व पिनि चित्ते च्वंगु प्रज्ञापारमितास बांलाक सियी बांलाक खनी ॥ ॥ (भगवानं)
 यथे आज्ञा दयेकुसैलि शक्र देवराज इन्द्रं भगवान् याके यथे बितियात ॥ हे भगवन् बोधिसत्त्व महासत्त्वं प्रज्ञापारमितास जक चर्या यायी मेगु
 पारमितास चर्या यायी मखुलाकि छु ॥ ॥ भगवानं आज्ञा दयेकल ॥ हे कौशिक बोधिसत्त्व महासत्त्वं सकल खुगु पारमितासं चर्या यायी ॥
 अथेनं हानं छु धाःसा निश्चयनं हे कौशिक बोधिसत्त्व महासत्त्वया प्रज्ञापारमिता हे मुख्थ जया च्वन । दान याना च्वंम्ह अथवा शील प्रतिपाल
 याना च्वंम्ह अथवा क्षमा धारी जुया च्वंम्ह अथवा बीर्ये आरम्भ याना च्वंम्ह अथवा ध्याने लगे जुया च्वंम्ह अथवा संसारया पदार्थ स्वया च्वंम्ह
 बोधिसत्त्व महासत्त्वया थन प्रज्ञापारमिता हे न्ह्योने जुया च्वन ॥ हे कौशिक गुगुया ज्या सीका ज्वना तःगु प्रज्ञापारमितास पूर्ण याना तःगु
 सर्वज्ञ ज्ञान पूर्ण याना तःगु श्व खुगु पारमिताया छुं फरक महु नाना प्रकार यायेगुनं महु ॥ श्व गथे धासा । हे कौशिक श्व जम्बूद्वीपे नाना प्र-
 कारया सिमा दया च्वन नाना प्रकारया वर्णगु नाना प्रकारया आकारगु नाना प्रकारया हुःजुया च्वंगु नाना प्रकारया बुंहुंगु स्वां व्हैगु नाना
 प्रकारया फल सैगु नाना प्रकारं तमागु आपा कचा वना च्वंगु भोचिंगु धैगु ना ॥ प्रकारया दैच्वन तर श्व सिमाया छाय-किचः याजा फरक

याकै मुक्ति ज्वीगु मन याना मुक्ति ज्वीगु मन याकै प्रसन्न चित्त याना प्रसन्न चित्त जुया च्वंम्हयात तःधंगु आशयं संयुक्त याना तःधंगु
 आशयं संयुक्त जुया च्वंम्ह यात बोधिया निमित्ते चित्त उत्पत्ति याना बोधि चित्त उत्पत्ति याना च्वंम्ह यात बोधि सत्त्व आदि यातनं तःधंगु
 आशयं दुनें निसें बी अन्ते सफु च्वकेतनं व्वकेतनं अलसि मचासे चर्या याके वी । उद्योग याःम्ह सित श्व (बोधि चित्त) ज्वकै केना बी
 कायेकै उकी ज्वर याकै कँजक कनानं प्रज्ञापारमितास थेंके यंकै (शिक्षा) स्यनी थुकिया अर्थ वैंत बांलाक प्रकाश याना कनी मखुगु ले
 वना च्वंगु चित्त यात खःगु ले तथा बी चित्त शोधन याना बी लं केना बी सँखा मदेका बी । हे कुलपुत्र छ थन वा श्व हे बोधिसत्त्व
 मार्गे शिक्षा स्यं थुकी स्यना चर्या यात धासा छं याकनं हे अनुत्तर सम्यक्सम्बोधि ज्ञान थुयी । छं बांलाक थुयीका परिमाण मदेक सत्त्व
 पित अनुत्तर सम्यक्सम्बोधि ज्ञान ध्वीका विद्या मलं सहित जुया च्वंगु पंचस्कन्ध नाश याना धर्म काय याना ब्यु भूत कोटि-धर्म धातु
 खंके विद्या प्रज्ञापारमिताया भाव याकेगुली बांलाक चर्या याकी धका थथेनं धायी ॥ हे कुलपुत्र छ श्व हे प्रज्ञापारमितां संयुक्त जुया
 च्वंगु धर्म लाःम्ह ज्वीमा धका थथेनं बचन ल्हायी । न्हापायाम्ह यातया सिनं थ्वैत हे आपालं पुण्य लायी । श्व छुया हेतुं धाःसा । हे कौशिक
 थुकिं प्रत्येक बुद्ध जुयी ॥ हे कुलपुत्र गथे गथे छं प्रज्ञापारमितास शिक्षा स्यनी अर्थे अर्थे छं कथं थें बुद्ध धर्म धैगु सिया वैं अनुत्तर सम्य
 क्संबोधि ससिनाबै थुगु शिक्षा स्यना चर्या याना वन धाःसा छंत श्रोत आपत्ति फल लायी सकृदा गामी फल लायी अना गामि फल

लायी अर्हत ज्वी प्रत्येक बुद्ध ज्वी सम्यक्सम्बुद्ध ज्वी छं तःधंगु उत्साह दया वै ॥ ॥ हानं हे कौशिक जम्बू द्वीपे सकल सत्त्वपित प्रत्येक बुद्धे तथा विद्यागुया पुण्य फल उलिजा अर्थे हे ति हे कौशिक दक्क चतुर्महा द्वीप लोक धात्वी गुली सत्त्वपि दु श्व सकल सत्त्वपितनं सुगुम्हं कुलपुत्र अथवा कुलपुत्रीं प्रत्येक बुद्धे तथा बी ॥ हानं हे कौशिक चतुर्महा द्वीप लोक धात्वी सकल सत्त्वपित प्रत्येक बुद्धे तथा विद्यागु या पुण्य फल उलिजा अर्थे हे ति । हे कौशिक दक्क साहसू चूडिक लोक धात्वी गुलि सत्त्वपि दु श्व सकल सत्त्वपितनं सुगुम्हं कुलपुत्र अथवा कुलपुत्रीं प्रत्येक बुद्धे तथा बी हानं हे कौशिक साहसू चूडि लोक धात्वी सकल सत्त्वपित प्रत्येक बुद्धे तथा विद्यागुया पुण्य फल उलिजा अर्थे हे ति । हे कौशिक दक्क द्विसाहसू मध्यम लोक धात्वी गुलि सत्त्वपि दु श्व सकल सत्त्वपितनं सुगुम्हं कुलपुत्र अथवा कुलपुत्रीं प्रत्येक बुद्धे तथा बी । हानं हे कौशिक द्विसाहसू मध्यम लोक धात्वी सकल सत्त्वपित प्रत्येक बुद्धे तथा विद्यागुया पुण्य फल उलिजा अर्थे हे ति । हे कौशिक दक्क त्रिसाहसू महासाहसू लोक धात्वी गुलि सत्त्वपि दु श्व सकल सत्त्वपितनं सुगुम्हं कुलपुत्र अथवा कुलपुत्रीं प्रत्येक बुद्धे तथा बी । हानं हे कौशिक त्रिसाहसू महासाहसू लोक धात्वी सकल सत्त्वपित प्रत्येक बुद्धे तथा विद्यागुया पुण्य फल उलिजा अर्थे हे ति । हे कौशिक दक्क गंगा नदीया फिगो समानं त्रिसाहसू महासाहसू लोक धात्वी गुलि सत्त्वपि दु श्व सकल सत्त्वपितनं सुगुम्हं कुलपुत्र अथवा कुलपुत्रीं प्रत्येक बुद्धे तथा बी । हे कौशिक थुकी छं गथे माने याना थुकिया कारण व कुलपुत्र अथवा कुलपुत्री यात आपाः

पुण्य लायीला ॥ इन्द्रं धाल । आपाः हे भगवन् आपाः हे सुगत ॥ ॥ भगवानं आज्ञा दयेकल । थुकिं हानं निश्चयनं हे कौशिक व कुलपुत्र अथवा कुलपुत्रीयात आपालं पुण्य लायी गुम्हसें श्व प्रज्ञापारमिता अन्ते सफु दयेका (थमनं) - श्रद्धातया (मेपितनं) - श्रद्धा तयेकै एक चित्त याना एक चित्त याकै मुक्कत ज्वीगु मन याना मुक्कत ज्वीगु मन याकै प्रसन्न चित्त याना प्रसन्न चित्त जुया च्वंम्हयात तःधंगु आशयं संयुक्त याना तःधंगु आशयं संयुक्त जुया च्वंम्हयात बोधिया निमित्ते चित्त उत्पत्ति याना बोधि चित्त उत्पत्ति याना च्वंम्ह यात बोधिसत्त्व आदि यातनं तःधंगु आशयं दुनें निसे बी अन्ते सफु च्वकेतनं व्वंकेतनं अलसि मचासे चर्या याके बी । उद्योग याःम्हसित श्व (बोधिचित्त) ज्वंके केनावी कायेकै उकी ज्वर याकै हर्ष याकै कज्जक कनानं - प्रज्ञापारमितास थेंके यंकै (शिक्षा) - स्थनी थुकिया अर्थ वैन बांलाक प्रकाश याना कनी मखुगु ले वना च्वंगु चित्त यात खःगु ले तथा चित्त शोधन याना बी ले केना बी संखा मदेका बी । हे कुलपुत्र छ थन वा श्व हे बोधिसत्त्व मार्गे (शिक्षा) स्थे थुकी स्थना चर्या यात धाःसा छं याकनं हे अनुत्तर सम्यक्संबोधि ज्ञान थुयी । छ बांलाक थुयीका परिमाण मदेक सत्त्वपित अनुत्तर सम्यक्संबोधि ज्ञान श्वीका विद्या मलं सहित जुया च्वंगु पंचस्कन्ध नाश याना धर्म काय याना ब्यु भूत कोटि-धर्म धातु खंके विद्या प्रज्ञापारमिताया भाव याकैगुली बांलाक चर्या याकी धका थथेनं धायी ॥ हे कुलपुत्र छ श्व हे प्रज्ञापारमितां संयुक्त जुया च्वंगु धर्म लाःम्ह ज्वीमा धका थथेनं बचन लहायी । न्हापा याम्ह यातया सिनं श्वैत हे आपालं

पुण्य लायी ॥ श्व छुया हे तुं धाःसा । हे कौशिक थुकिं निश्चयनं प्रत्येक बुद्ध ज्वी ॥ हे कुलपुत्र गथे गथे छं प्रज्ञापारमितास (शिक्षा) स्यनी अथे अथे छं कथंथे बुद्ध धर्म धंगु सिया वै अनुत्तर सम्यक्सम्बोधि सत्तिना वै थुगु शिक्षा स्थना चर्या याना वन धाःसा छंत श्रोत आपत्ति फल लायी सकृदा गामि फल लायी अना गामि फल लायी अर्हत् ज्वी प्रत्येक बुद्ध ज्वी सम्यक्सम्बुद्ध ज्वी छं तःधंगु उत्साह दया वै ॥ ॥ हानं मेगु हे कौशिक दक्क जम्बू द्वीपे गूलि सत्त्वपि दु श्व सकल सत्त्वपितनं सुंगुम्हं कुलपुत्र अथवा कुलपुत्री अनुत्तर सम्यक्सम्बोधी चित्त उत्पत्ति याका बी ॥ हानं हे कौशिक मेम्हं सुं छम्हं कुलपुत्र अथवा कुलपुत्री श्व सकल यात अनुत्तर सम्यक्सम्बोधी चित्त उत्पत्ति याना श्व प्रज्ञापारमिता सफु चवया बी ॥ अथवा हे कौशिक गुम्हं कुलपुत्र अथवा कुलपुत्री अविनिवर्तनीय (त्याहाँ वै मखे धुंकुम्हं) बोधि सत्त्व महा सत्त्व यात श्व प्रज्ञापारमिता सफु चवया बी श्व हे प्रज्ञापारमिताया शिक्षा स्थना बी प्रज्ञापारमिताया योग याके बी श्व हे प्रज्ञापारमिताया स्वभाव याके बी तःधंगु रूपं केनी वया चुलि चवका जुया तःधं जुया वोगु कचा हः आदि दया दक्क व्याप्त ज्वीक तःधं जुया चवंगु केनी बुद्ध धर्म थुगु कथं परि पूर्ण ज्वी धका केनी । हे कौशिक न्हापा कनाम्हं कुलपुत्र अथवा कुलपुत्री यातया सिनं श्वेत हे आपालं पुण्य लायी ॥ श्व छुया हे तुं धाःसा । निश्चयनं श्व अनुत्तर सम्यक्सम्बोधि बांलाक थुयीका सत्त्व प्राणि पिनिगु दुःख नाश याना बी ॥ ॥ हानं निश्चयनं हे कौशिक दक्क जम्बू द्वीपया सकल सत्त्वपित अनुत्तर सम्यक्सम्बोधी चित्त

अथवा कुलपुत्री विलम्ब मज्जीक आः थयें हे अनुत्तर सम्यक्सम्बोधि लायें धका इच्छा याःम्हं बोधिसत्त्व महासत्त्व यात चर्या या धका आज्ञा बी लिपा तक्क यागु शिक्षा स्थना बी थुकिं व न्हापा कनाम्हं कुलपुत्र अथवा कुलपुत्री यातया सिनं थुम्हसित आपा लं पुण्य लायी ॥ ॥ थनंलि शक्र देव राज इन्द्रं भगवान याके थथे विन्ति यात ॥ हे भगवन गथे गथे बोधि सत्त्व महा सत्त्व यात अनुत्तर सम्यक्सम्बोधि सत्ति ना वै अथे अथे वैत प्रज्ञापारमितास चर्या याके माः शिक्षा बी माःगु हेखः अथे प्रज्ञापारमितास चर्या याना शिक्षा काल धाःसा तथता- (गुगुखः उगु धंगु तः धंगु ज्ञान) सत्तिना वै तथता सत्तिना वसेलि उम्हसें गुम्हं गुम्हं स्यां ची बर बस्त्र पिण्ड पात्र-आदि भोजन या केत तया बी उगु खीर आदि अन्न लासा आसन रोगिया निमित्ते हित ज्वीगु वासः आदि कया भोजन याना व-दाता पित तःधंगु फल दयेका बी तधंगु प्रशंसा याका बी उकिं उम्हं (दातायात) तच्चोगु पुण्य लायी ॥ श्व छुया हेतुं धासा । थुगु प्रकारं निश्चयनं हे भगवन थथे हे ज्वी । गुगु जा बोधि सत्त्व महा सत्त्वया अनुत्तर सम्यक्सम्बोधि सत्तिना वोगु जूयानिति ॥ ॥ थनंलि आयुष्मान सुभू ति शक्र देव राज इन्द्र यात थथे धाल साधुर हे कौशिक गुगु छं बोधिसत्त्व यान या पुद्गल पित उत्साह विल ज्वन परि वार यात हे कौशिक थथे नं छं यायेमाः गुम्हं सकल सत्त्व यात अनुगूह तयेगु इच्छा याः म्हं आर्य श्रावक ज्वी उम्हसें बोधि सत्त्व महासत्त्व पित अनुत्तर सम्यक्सम्बोधि ज्ञाने श्रद्धा तथा-अनु गूह तयो ज्वनी परिवार-- (थः तर्हि तयायीम्हं) यायी । (बोधि सत्त्व महा सत्त्व पित श्रद्धा तथा-अनु गूह तया

गुहे दक्क सत्त्व प्राणिपित श्रद्धा तथा अनु गृह तथा गुजुयी वस्पोल पित जतन आदि याना सेवा याना गुहे जगत यातहे दान यानागु सेवा यानागु जुयी (हे कौशिक) छं नं थथे याये माः ॥ श्व छुया हे तुं धाःसा बोधि सत्त्व महा सत्त्व पिनि अनुत्तर सम्यक्सम्बोधि (श्व श्रद्धा तथा दान आदि याना मदत याः गु कारणया उत्साहं) उत्पत्ति जुया च्वंगु । यदि बोधि सत्त्व महासत्त्व पिसं उत्सा याना श्व बोधि चित्त उत्पत्ति मया त धाःसा श्व बोधि सत्त्व महा सत्त्व पिसं अनुत्तर सम्यक्सम्बोधि ज्ञान या शिक्षा सेने फैमखु खुगु पार मितासनं शिक्षा सेनेफै मखु थुगु (शिक्षा) मस्यं सैलि अनुत्तर सम्यक्सम्बोधि थुयी मखु लाये फैमखु । गुगु (उत्साह) याकें आथन बोधि सत्त्व महासत्त्व पिसं बोधि सत्त्वया शिक्षा याकनं षत्पा रमितास स्थनी थुकिं बोधि चित्त उत्पत्ति यायी गुगु बोधि चित्तं अनुत्तर सम्यक्सम्बोधि वां लाक थुयी लायी थुलि ॥ ॥ आर्या षट्स हसि कायां प्रज्ञापारमितायां पुण्य पर्वाय परिवर्त्तो नाम पंचमः ॥ ॥ ॥ ॥ ॥ ॥ ॥

अथानु मोदना परिणामना परिवर्त्तो नाम षष्ठः ॥

(थनं लि अनु मोदना-हर्ष पुण्ये हर्ष या येगु । परिणामना-परि पाक पुण्य या फल पाके ज्वीगु । विषय यागु खुगुगु ज्ञान खुगु गु शिक्षा) थनं लि मै त्रेय बोधि सत्त्व महा सत्त्व आयुष्मान सुभूति स्थवीर यात थथे आज्ञा दयेकल । हानं निश्चयनं हे आर्य सुते गुगु बोधि सत्त्व मा

हासत्त्वया अनुमो दना-हर्ष-सकसिनं पुण्ययाः गुली हर्ष या योगु । परिणामना- परिपाक-थः गु पुण्य या फल पाके ज्वी गु श्व नि गुलि उत्पत्ति जूगु पुण्यया फल- (अर्थात् तथागत आदि सकल सत्त्वपिसं धर्म या कर्म याः गुली हर्षमान यायेगु व थमं बोधि चित्त याना धर्म या कर्म याना गुया पुण्य फल श्व निगुलि उत्पत्ति जूगु पुण्य फल) व गुगु हानं दक्क सत्त्वपिनि दान मय-दान याः गुया पुण्य फल शीलमय शीले च्वंगुया पुण्य फल भाव नामय- भावना याः गुया पुण्य फल श्व निगुली श्व हे बोधि सत्त्व महा सत्त्व या अनुमोदना-पुण्ये हर्ष यायीगु परिणामना --थःगु पुण्यया फल पाके जुगुलि उत्पत्ति जूगु पुण्य फल यात हे अगु धायी श्रेष्ठ धायी ज्येष्ठ धायी तःधं धायी बरा तःधं धायी सिद्ध धायी उत्तम धायी बरो उत्तम धायी अत्यन्त उत्तम धायी समान मदुगु धायी समान मदुगुलि समानगु धायी ॥ ॥ थुलि आज्ञा दये कुसैलि आयुष्मान् सुभूति स्थविर मैत्रेय बोधि सत्त्व महा सत्त्व यात थथे धाल । हानं हे मैत्रेय गुगु बोधि सत्त्व महा सत्त्व प्रमाण मदया च्वंगु जिगु दिशायां लोक धात्वो सकभनं सकल दिशासं व्याप्त ज्वीक प्रमाण मदया च्वंगुली प्रमाण हे मदके । संख्या मदया च्वंगु ली संख्या हे मदयेक परिमाण मदया च्वंगुली परिमाण हे मदके चिन्तना याये मरुगुली चिन्तना याये हे यकयेक पर्यन्त मदुगुली अन्त हे मदयेक । हानं त्रिसाहस्र महा साहस्र लोक धातुस न्हापा जुया विज्या पि छगु छगु दिशाया छगु छगु त्रिसा हस्र महा साहस्र लोक धातुस प्रमाण मदुगु लोक धातुया प्रमाण हे मदयेक संख्या मदुगुया संख्या हे मदयेक

परिमाण मदुगुया परिमाण हे मदयेक चिन्तना याये मफुगुया चिन्तना हे याये मफयेक पर्यन्त सदुगुया अन्त हे मदयेक मल सहित स्कन्धया। शेष हे बाकि मदेक निर्वाण धात्वी निर्वाण जुया विज्याये धुंकुपि तथागत अर्हत सम्यक्सम्बुद्ध गणपि हानं आश्रव मदुगुलि लँत्वाल्हाये धुंकुपि (क्लेश मदुगुलि चित्त वशे तये धुंकुपि लँया न्याय धित मदयेके धुंकुपि) प्रपंच—(पंचस्कन्ध द्वादशायतन अष्टादश धातु उत्पत्ति ज्वोगु मिखा मदयेके धुंकुपि पुयीगु (आनन्द ईख पीडा आदि याके उत्पत्ति जुयी गु पुयीगु) मदये धुंकुपि । याये माःगु याये धुंकुगुलि दक्क कथं कैगु मदे धुंकुपि इयातुगु कुवांलाक मदेके धुंकुपि लिपा यागु थःगु धन लाये धुंकुपि । संसार या दक्क दुःख फुके धुंकुपि । वांलाक स्यूगु चित्त (संसार थन्योगु धंगुफुक्क स्यूगु चित्त) ज्वी धुंकुपि । सकल चित्त—(लोक यागु नं थःगुनं चित्त) बशे दया तःधंगु पारमिता प्राप्त जुपि, थव सकलया न्हापां बोधिचित्त उत्पत्ति जुसें निसे कथा गुवले अनुत्तर सम्यक्सम्बोधि लाःगु छः । हानं मल सहित स्कन्ध शेष मदुगु निर्वाण धात्वी निर्वाण जुया विज्यापि सम्यक्सम्बुद्ध पिनि न्हापां बोधिचित्त उत्पत्ति जुसें निसे धर्म यायां बुद्ध ज्वीत याये माक्क याता तथागत जुया निर्वाण जुया विज्यापि सम्यक्सम्बुद्ध पिनि गुवले तक्कसधर्म अन्तर्धान मजुल थुलिया विचे हानं थव बुद्ध भगवान पिनि गुगु शीलस्कन्ध (थन स्कन्धया अर्थ आश्रव—) 'इच्छामदुगु धका, लीकि समाधि स्कन्ध प्रज्ञास्कन्ध (आश्रव—इच्छामदुगु शील आश्रव मदुगु समाधि आश्रव मदुगु प्रज्ञा) 'सकल आवरणं मुक्त ज्वोगु, विमुक्ति स्कन्ध (तःधंगु ज्ञान या साक्षात यायेगु)—विमुक्ति ज्ञान दर्शन स्कन्ध । हानं गुलिषट् पारमितास लगे जुया उत्पत्ति जूगु कुशल मूल बुद्ध

हासत्वया अनुमोदना—हर्ष—सकसिनं पुण्ययाः गुली हर्ष या योगु । परिणामना—परिपाक—थःगु पुण्य या फल पाके ज्वी गु थव नि गुलि उत्पत्ति जूगु पुण्यया फल—(अर्थात् तथागत आदि सकल सत्त्वपिसं धर्म या कर्म याः गुली हर्षमान यायेगु व थमं बोधि चित्त याता धर्म या कर्म याता गुया पुण्य फल थव निगुलि उत्पत्ति जूगु पुण्य फल) व गुगु हानं दक्क सत्त्वपिनि दान मय—दान याः गुया पुण्य फल शीलमय शीले चवंगुया पुण्य फल भाव नामय—भावना याः गुया पुण्य फल थव निगुली थव हे बोधि सत्त्व महा सत्त्व या अनुमोदना—पुण्ये हर्ष यायीगु परिणामना—थःगु पुण्यया फल पाके जुगुलि उत्पत्ति जूगु पुण्य फल यात हे अगु धायी श्रेष्ठ धायी ज्येष्ठ धायी तःधं धायी बरा तःधं धायी सिद्ध धायी उत्तम धायी बरो उत्तम धायी अत्यन्त उत्तम धायी समान मदुगु धायी समान मदुगुलि समानगु धायी ॥ ॥ थुलि आज्ञा दये कुसेलि आयुष्मान् सुभूति स्थविर मैत्रेय बोधि सत्त्व महा सत्त्व यात थये धाल । हानं हे मैत्रेय गुगु बोधि सत्त्व महा सत्त्व प्रमाण मदया चवंगु जिगु दिशायां लोक धात्वी सकभनं सकल दिशासं व्याप्त ज्वीक प्रमाण मदया चवंगुली प्रमाण हे मदेक । संख्या मदया चवंगुली संख्या हे मदयेक परिमाण मदया चवंगुली परिमाण हे मदेक चिन्तना याये मफुगुली चिन्तना याये हे मफयेक पर्यन्त मदुगुली अन्त हे मदयेक । हानं त्रिसाहस्र महा साहस्र लोक धातुस न्हापा जुया विज्या पि छगु छगु दिशाया छगु छगु त्रिसाहस्र महा साहस्र लोक धातुस प्रमाण मदुगु लोक धातुया प्रमाण हे मदयेक संख्या मदुगुया संख्या हे मदयेक

परिमाण मदुगुया परिमाण हे मदयेक चिन्तना याये मफुगुया चिन्तना हे याये मफयेक पर्यन्त मदुगुया अन्त हे मदयेक मल सहितं स्कन्धया शेष हे बाकि मदेक निर्वाण धात्वी निर्वाण जुया विज्याये धुंकुपि तथा गत अर्हत सम्यक्सम्बुद्ध गणपि हानं आश्रव मदुगुलि लँत्वाल्हाये धुंकुपि (क्लेश मदुगुलि चित्त वशे तये धुंकुपि लँया न्याय धित मदयेके धुंकुपि) प्रपंच—(पंचस्कन्ध द्वादशायतन अष्टादश धातु उत्पत्ति ज्वीगु मिखा मदयेके धुंकुपि पुयीगु (आनन्द ईख पीडा आदि याके उत्पत्ति जुयी गु पुयीगु) मदये धुंकुपि । याये माःगु याये धुंकुगुलि दक्क कथं कैगु मदे धुंकुपि इयातुगु कुवांलाक मदेके धुंकुपि लिपा यागु थःगु धन लाये धुंकुपि । संसार या दक्क दुःख फुके धुंकुपि । वांलाक स्यूगु चित्त (संसार थन्योगु धंगुफुक्क स्यूगु चित्त) ज्वी धुंकुपि । सकल चित्त—(लोक यागु नं थःगुनं चित्त) बशे दया तःधंगु पारमिता प्राप्त जुपि, थ्व सकलया न्हापां बोधिचित्त उत्पत्ति जुसें निसे कया गुवले अनुत्तर सम्यक्सम्बोधि लाःगु छः । हानं मल सहितं स्कन्ध शेष मदुगु निर्वाण धात्वी निर्वाण जुया विज्यापि-सम्यक्सम्बुद्ध पिनि न्हापां बोधिचित्त उत्पत्ति जुसें निसे धर्म यायां बुद्ध ज्वीत याये माक्क याना तथागत जुया निर्वाण जुया विज्यापि सम्यक्सम्बुद्ध पिनि गुवले तक्कसधर्म अन्तर्धान मजुल थुलिया विचे हानं थ्व बुद्ध भगवान पिनि गुगु शीलस्कन्ध (थन स्कन्धया अर्थ आश्रव—) 'इच्छामदुगु धका, सीकि समाधि स्कन्ध प्रज्ञास्कन्ध (आश्रव—इच्छामदुगु शील आश्रव मदुगु समाधि आश्रव मदुगु प्रज्ञा) 'सकल आवरणं मुक्त ज्वीगु, विमुक्ति स्कन्ध (तःधंगु ज्ञान या साक्षात यायेगु)—विमुक्ति ज्ञान दर्शन स्कन्ध । हानं गुलिषट् पारमितास लगे जुया उत्पत्ति जूगु कुशल मूल बुद्ध

गुणया संपत्ति संयुक्तजु या उत्पत्ति जूगु कुशल मूलनं बल (दशवल) बैशा रद्य (प्यंगु बैशारद्य) पारमितां (खुगु पारमितां) संयुक्त गु कुशल मूलनं षडभिज्ञा थुगुप्रकारं अभि ज्ञापार मितां संयुक्त जुया उत्पत्ति जूगु परिज्ञा पारमिता (ज्ञान पारमितास) लगे जुया उत्पत्ति जूगु (कुशल मूल) प्राणि धान पारमितास लगे जुया उत्पत्ति जूगु सर्वज्ञ ज्ञान यासं पत्ति सलगे जुया उकि उर्तत्तजूगु कुशल मूल गुगु हानं हित यायेगु इच्छा गुगु महा मैत्री नं गुगु महाकरुणानं गुलि हानं प्रमाण मदयेक संख्यामदयेक बुद्ध गुण गुगु हानं अनुत्तर सम्यक्सम्बोधि गुगु हानं अनुत्तर सम्यक्सम्बोधि या सुख गुगु हानं सर्व धर्म ऐश्वर्य पारमिता गुगु हानं परिमाण मदयेक कर्पिसं छे छे मफुगु सकस्यातं त्याके फुगु तःधंगु ऋधि प्राति हार्य गुगु हानं आवरण (क्लेशा वरण जेया वरण) मदुगु संग मदुगु लिचीकेमफुगु समान मदुगु सम मखुगुलि समा नगु उपमामदुगुलीसमानगु परिमाण मदुगु तथागतया यथार्थथे दुगु ज्ञानबल गुगु बुद्धया ज्ञान बल गुगु बुद्ध ज्ञान खनेगु गुगु हानं दशवल पारमिता गुगु हानं प्यंगु बैशारद्यतःधंगु सुखं परिपूर्ण जूगु गुगु हानं सकल धर्मया परमार्थरूपं धर्म प्राप्त जूगु गुगु हानं धर्मचक्र प्रवर्त्तन याः गु धर्म उत्कर्ष—धर्मया ज्वाला ज्वंगु धर्म दुर्दुभि बाजा थाःगु धर्म संख पूगु धर्म खद्गं प्रहार याःगु धर्म बृष्टि वशे याःगु धर्म पञ्चधर्म या होम याःगु धर्मदानं सकल सत्त्व यात तर्पण याःगु धर्म दान प्रचार याःगु गुलि थ्व धर्म देशनास बुद्ध धर्म प्रत्येक बुद्धधर्म अथवा आश्रवक धर्म सःपि शिक्षा लाःपि श्रद्धातःपि निश्चय जूपि संबोधि ज्ञाने तत्पर जूपि थपि सकस्यागु नं गुलि कुशल मूलदत्त । हानं थ्व बुद्ध

भगवान् पिसं बोधिं सत्त्व महा सत्त्वपित गुलि अनुत्तर सम्यक्सम्बोधि ज्ञाने व्याकरण यात हानं थपि सकस्यानं षट्पारमि तास लगे जगु या गुलि कुशल मूल दत्त । हानं गुलि प्रत्येक बुद्ध यानिकया पिसं प्रत्येक बोधि व्याकरण व्युगुदु । थव सकस्यानुनं गुलि कुशल मूल दत्त । गुगु हानं श्रावकया नि कयापि पुद्गल पिनि दान मय पुण्यया फल शील मय पुण्य या फल भावनामय पुण्यया फल । गुलि हानं शैक्ष (शिक्षाकाये मानिपि भिक्षु भिक्षु णीगण पिनि) आश्रव मदुगु कुशल मूल गुलि हानं अशैक्ष (शिक्षाकाये म्वाले धुं पि सकल थमं सीधुं कुपि निगु) आश्रव मदुगु कुशल मूल । गुलि हानं पृथ ग जनपिसं धर्मया कुशल मूल प्युगुदु । हानं थव बुद्धभगवान् पिनि प्यखे यापि भिक्षु भिक्षुणो उपाशक उपाशिका गणपिनि गुगु दान मय पुण्य फल शील मय पुण्य फल भावना मय पुण्य फल हानं बुद्ध भगवान् पिसं धर्म देशनायाः गुली गुलि देवनाग यक्ष गन्धर्व दैत्य गरुड किन्नर महोरग मनुष्य अमनुष्य गणपिसं अथवा गुलि हानं पशुपक्षियोनीवपिसं गुलि कुशल मूल प्युगुदु । गुलि हानं बुद्ध भगवान् पि निर्वाण वनीपिसं कुशल मूलपियोगुदु । गुलि हानं बुद्ध भगवान् पि निर्वाण जुया बिज्या पिसं कुशल मूल प्युगुदु । हानं बुद्ध भगवान् पिके वया धर्मयाके वया संध याके वया मनं भावना याये माःपि पुद्गल पिके वया थुमि सकस्यानं गुलि कुशल मूल प्युगुदु थव सकल कुशल मूल शेष मदयेक वाकिमल्यंक छगु प्रकार याना त्वाकक्षाना ग्वाराचिना लना तःधंगु हर्षं अनुमोदना यायी (पुण्ये हर्ष यायी) श्रेष्ठं ज्येष्ठं तःधंगु लितं बरो तःधंगुली सिद्ध गुलि उत्तम गुलि बरोउत्तम गुलि अत्यन्त उत्तम गुलि सम मदुगुलि सम मदुगुलि समान गुलि

थुजोगु अनुमोदनां अनुमोदना यायी (पुण्ये हर्ष यायी) थथे अनुमोदना याना अनुमोदना याके उत्पत्ति जगु पुण्य क्रियाया फल अनुत्तर सम्यक्सम्बोधि ज्ञाने परिणामना याये धका थुगु बचननं धायी (सत्त्वपित) अनुत्तर सम्यक्सम्बोधिया उत्पत्ति यायीगु थव ज्वीमा धका थथे नं धायी । थन बोधि सत्त्व यानि कया पुद्गलं गुगु पुण्य क्रियाया फल अनुमोदना यायी गुगु आरम्बणं (शील आदि स्कन्ध सकल धर्म) गुगु आकारं (दक्क धर्म ग्रहण याना कायेगु किसीमं) उगु बोधिचित्त उत्पत्ति यायी थुगु निश्चयनं थव पुण्य फल अथवा थव शील आदि स्कन्ध सकल धर्म ग्रहण याना काःगु जुयी गथे निमित्त यागु खः अथे हे उम्ह सित फक्क प्राप्त जुयी ॥ ॥ थुलि धासेलि मैत्रेय बोधिसत्त्व महासत्त्व आयुष्मान् सुभूति स्थविरयात् थथे धाल । हे भदन्त सुभूते थुगु पुण्य फल थुगु आरम्बणं (शील आदि स्कन्ध सकल धर्म) अथवा थुगु आकारं दक्क धर्म ग्रहण याना कायेगु किसीमं गथे निमित्त यायीगु खः अथे प्राप्त ज्वी मखु ॥ ॥ थथे धासेलि आयुष्मान् सुभूति स्थवीर मैत्रेय बोधि सत्त्व महासत्त्वयात् थथे धाल ॥ यदि थव (स्वप्ना माया थें जाःगु) मदुगु पुण्य फल मदुगु आरम्बण आरम्बण यायी (दुधका उकी मन यायी) निमित्त यायी (अले) उम्ह सिया संज्ञाविपर्यास (मदुगु वस्तुली दु धका नां व्छोगु उल्लागु संज्ञा) चित्त विपर्यास (मदुगु वस्तु दुधका मती तयेगु उल्लागु चित्त) दृष्टि विपर्यास (मदुगु वस्तु दुधका खनेगु उल्लागु दृष्टि अर्थात् मिथ्या दृष्टि) गथे भजुयी ॥ थव छुया हेतुं धाःसा । थथे निश्चयनं राग धंगुनं मदुगु वस्तु खः (थव मदुगु वस्तुली)

(१६२)

अनित्यगुली नित्य धका दुःख गुली सुख धका आत्मा मदुगुली आत्मा धका अशुभगुली शुभ धका संज्ञा विपर्यास चित्त विपर्यास दृष्टि विपर्यास विकल्प संकल्पया (कल्पना) उत्पत्ति जुयी ॥ हानं छु धाःसा गुजोगु प्रकारया बस्तु (पुण्य क्रियाया फल) गुजोगु प्रकारया आरम्बण गुजोगु प्रकारया आकार खः श्व दुगु मखु बोधिनं थुजोगु प्रकारया हे खः चित्तनं थुजोगु हे जक खः संसारया दक्क पदार्थ दक्क धातु ॥ यदि हानं गथे बस्तु गथे आरम्बण गथे आकार खः अर्थात् गथे छु हे मदुगु खः बोधिनं चित्तनं अथे हे- उजोगु हे (छु मदुगु) धासेलि व गुजोगु बस्तुलि गुजोगु आरम्बणं गुजोगु आकारं गुगु चित्तं अनुत्तर सम्यक्संबोधिस परिणामना यायी अथवा गुगु अनु मोदनां सहितगु पुण्य फलः छु अनुत्तर सम्यक्संबोधिस परिणाम ना यायी (अनुत्तर सम्यक्संबोधियात्-अनुत्तर सम्यक्संबोधि ज्ञान धायेगु लोके चलन जुया च्वन निगु पदनं व हे खः । मैत्रेय बोधिसत्त्वयात् मैत्रो बोधिसत्त्व धायेगु लोके चले जुया च्वन श्व नं निगुलि व हे खः धका सीकेमाल ॥ ॥ थनंलि मैत्रेय बोधिसत्त्व महासत्त्व आयुष्मान सुभूति स्थावरयात् थथे धाल ॥ हे आर्य सुभूते नवयान संप्रस्थित (आदि कर्मिक-नकतिनि महायाने बोम्ह न्हम्ह) बोधि सत्त्व महासत्त्वया न्हयोने श्व खं ल्हाये मज्जू उपदेश वी मज्जू । श्व छुया हेतुं धाःसा । (यदि उम्ह सित थथे खं कन थथे उपदेश विल धाःसा) गुगु वया (महायाने) श्रद्धा मात्र दै च्वंगु नं प्रेम मात्र दै च्वंगु नं गुगु तःधं धैगु मात्र दै च्वंगु नं अन्तर्धान जुया वनी-नाश जुया वनी उकिं हे आर्य सुभूते अविनि वर्तनीय बोधिसत्त्व

(१६३)

महासत्त्वया न्हयोने श्व खं ल्हायेमाः उपदेश वीमाः ॥ गुम्हजा कल्याण मित्र दुम्ह बोधिसत्त्व महासत्त्व जूसा थुम्ह सिया चित्त ज दू ज्वीमखु मोह ज्वीमखु विखुस् ज्वीमखु पसंताप चायी मखु न्यनागु मन सुवा भंग ज्वीमखु ग्याका च्वनी मखु ग्याना च्वनी मखु ग्याये मायेकं मखु थुजोम्ह बोधिसत्त्व महासत्त्व अनुमोदनां सहितगु पुण्य क्रियाया फल सर्वज्ञतास परिणामना नं यायी ॥ ॥ थनंलि आयुष्मान सुभूति स्थावरं मैत्रेय बोधिसत्त्व महासत्त्वयात् थथे धाल । हे मैत्रेय गुगु चित्तं अनुमोदना यांना गुगु परिणाम ना यायी व चित्त-धका ज्वना तयागु क्षीणगु नाश ज्वीगु निरुद्धं-तैते मफैगु विगतं-सेना वनीगु विपरिणतं-हिला वनीगु । उजोगु गुगु चित्तं गुगुलि अनुत्तर सम्यक्संबोधि ज्ञाने परिणामना यायी । अथवा गुगु चित्तं अनुमोदनां सहितगु पुण्य फल लायीगु गुम्ह सित (स्वीत) अनुत्तर सम्यक्संबोधि लायेत परिणामना यायी । संसारे दक्कं छगू हे चित्त मात्र अथवा चित्तं चित्ताया हे परिणामना यायेगु गथे समर्थ दै । गुगु जा निगु चित्ता धैगु हे मदु । थुजोगु स्वभावगु चित्ताया (धार्थे) परिणामना यायेत समर्थ दै मख् ॥ ॥ थनंलि शक्र देव राज इन्द्रं आयुष्मान सुभूति स्थावर यात् थथे धाल ॥ निश्चयनं हे आर्य सुभूते आदि कर्मिक न्हम्ह बोधिसत्त्व महासत्त्व श्व निर्देश (वचन) न्यना-ग्याका च्वनी ग्याना च्वनी ग्याये मायेका च्वनी ॥ हे आर्य सुभूते बोधिसत्त्व महासत्त्व श्व अनुमोदनां सहितगु पुण्यफल अनुत्तर सम्यक्संबुद्धया निर्मिते गथे परिणाम ना याये माः ॥ गथे हानं अनुमोदनां सहितगु पुण्यया फल ज्वंम्हसे अनुमोदनां सहितगु चित्ताया

परिणामना याःसहसें थ्व अनुमोदनां सहितगु चित्त बाँलाक ज्वंगु ज्वी बाँलाक परिणामना याःगु ज्वी ॥ ॥ थनलि आयुष्मान् सुभूति स्थविरं मैत्रेय बोधिसत्व महासत्त्वं निसं आरम्भ याना मैत्रेय बोधिसत्व महासत्त्वयात अधिष्ठान याना मैत्रेय बोधिसत्व महासत्त्वयात थथे धाल ॥ थन हे मैत्रेय बोधिसत्व महासत्त्व थ्व न्हापा जुया विज्याये धुंकुपि बुद्ध भगवान् गणपि (आश्रव-इच्छा मदुगुलि) लँ त्वा ल्हाये धुंकुपि । (क्लेश मदुगुलि चित्त वशे तये धुंकुगुलि) लँया न्याय-थिति मदयेके धुंकुपि । प्रपञ्च- (पंचस्कन्ध द्वादशायतन आष्टादश धातु उत्पत्ति ज्वीगु) मिखा मदयेके धुंकुपि । (आनन्द ईख पीदा आदियाकें उत्पत्ति जुयीगु गरम्-) पुयीगु मदये धुंकुपि । (याये माःगु दक्कयाये धुंकुगुलि) कथं कैगु मदये धुंकुपि । इयातुगु कु मदयेके धुंकुपि । लिपा यागु थःगु (निर्वाण) धन लाये धुंकुपि । संसारया दक्क दुःख फुके धुंकुपि । बाँलाक स्यूगु चित्त- (संसार थन्योगु धैनु फुक्क स्यूगु चित्त) ज्वी धुंकुपि । (लोक यागुनं थःगुनं) चित्त वशे दया तःधंगु पारमिता प्राप्त जूपि । जिगु दिशास प्रमाण मदयेक संख्या मदयेक त्रिसाहस्र महासाहस्र लोक धातस छगु २ दिशास छगु २ त्रिसाहस्र महासाहस्र लोक धातवी प्रमाण मदयेक संख्या मदयेक निर्वाण जुया विज्याये धुंकुपि बुद्ध भगवान् पिनि न्हापां चित्त उत्पत्ति जूगु निसं कया गुगु अनुत्तर सम्यक्सम्बोधि बाँलाक थुयीका विज्याः पिनिगु । हानं गुलि उपाधि- (मल सहित स्कन्ध) शेष मदुगु निर्वाण धातवी निर्वाण जुया विज्याः पिनिगु गुल्ले तक्क सद्धर्म अन्तर्धान मजुल थुलिया विचे गुलि थ्व बुद्ध भगवान् पिनि कुशल मूल दत्त । पारमितास लगे जुया

उत्पत्ति जूगु गुगु हानं थ्व बुद्ध भगवान् पिनि पुण्याभि संस्कार (पुण्य क्रिया) कुशल मूलाभि संस्कार (कुशल मूल क्रिया) गुगु हानं थ्व बुद्ध भगवान् पिनि शील स्कन्ध समाधि स्कन्ध प्रज्ञा स्कन्ध विमुक्ति स्कन्ध विमुक्ति ज्ञान दर्शन स्कन्ध गुगु हानं हित यायेगु इच्छा गुगु हानं महा मैत्री गुगु हानं महा करुणा गुगु हानं प्रमाण मदुगु संख्या मदुगु बुद्ध गुण गुलि हानं थ्व बुद्ध भगवान् पिसं धर्म देशना यात गुलि हानं थ्व धर्मशिक्षा स्यापि श्रद्धा तःपि चर्वापि दु थमिगुनं गुलि कुशल मूल दत्त गुलि हानं थ्व बुद्ध भगवान् पिसं अनुत्तर सम्यक्सम्बोधि व्याकरण व्यूषि बोधि सत्त्व महा सत्त्वापि दु थमिगुनं षट् पारमितास लगे जुया उत्पत्ति जूगु गुलि कुशल मूल दत्त । गुलि हानं प्रत्येक बोधी व्याकरण व्यूषि प्रत्येक बुद्धयान यापि पुद्गलपि दु थमिगुनं गुलि कुशल मूल दत्त गुलि हानं आश्रव यानयापि पुद्गल गणपिनि दान मय कुशल मूल शीलमय कुशल मूल भावनामय कुशल मूल दत्त हानं गुलि शैक्ष गण पिनि आश्रव मदुगु कुशल मूल दत्त हानं गुलि अशैक्ष गण पिनि आश्रव मदुगु कुशल मूल दत्त गुलि हानं थुगु धर्म पृथग् जनपिसं कुशल मूल पित गुलि हानं देव नाग जक्ष गंधर्व दैत्य गरुड किनर महोरग मनुष्य अथवा अमनुष्य गणपिसं थुगु धर्म न्यन न्यना कुशल मूल पित हानं गुलि बुद्ध भगवान् पिनि निर्वाण वने थपि निर्वाण जुया वने धुंकु पिसं गुलि कुशल मूल पित थ्व सकलयागु गुलि कुशल मूल दुगु खः थ्व फुक्क छगु याना ग्वारा चिना लना बाकी मदयेका तच्चकं हर्षमान यायी हर्षमान याना थ्व अनुमोदना याकें दुगु पुण्य फल अनुत्तर सम्यक्सम्बोधि ज्ञाने परिणामना यायी (थथे) परिणाम ना

याःम्ह बोधिसत्त्व महासत्त्वया गथे संज्ञा विपर्यास मज्जी गथे चित्त विपर्यास मज्जी गथे दृष्टि विपर्यास मज्जी (जुहे ज्वी धंगु भाव) ॥ ॥
 थथे धासेलि मंत्रेय बोधिसत्त्व महासत्त्व आयुष्मान सुभूति यात थथे लिसः विल ॥ हे आर्य सुभूते यदि थ्व बोधिसत्त्व महासत्त्व गुगु चित्तं
 गुगु परिणाम ना यायी वंगु चित्ते चित्त संज्ञा हे दमख (चित्त दु धंगु हे संज्ञा यायी मखु) गथे जा थुगु थ्व चित्त धका व चित्त संज्ञा हे
 यायी मखु थुगु प्रकारं बोधिसत्त्व महासत्त्व अनुमोदनां सहितगु पुण्यया फल अनुत्तर सम्यक्संबोध लायेत परिणाम ना याःगु जुयी ॥ थथे
 याःम्ह बोधिसत्त्व महासत्त्वया संज्ञा विपर्यास ज्वी मखु चित्त विपर्यास ज्वी मखु दृष्टि विपर्यासनं ज्वी मखु ॥ हानं गुगु चित्तं गुगु परिणाम
 ना यायी उगु चित्त थ्व थुजोगु चित्त धका खना च्वनी चित्त संज्ञा यायी थथे याःम्ह बोधिसत्त्व महासत्त्वया संज्ञा विपर्यास ज्वी चित्त
 विपर्यास ज्वी दृष्टि विपर्यास ज्वी ॥ यदि हानं व बोधिसत्त्व महासत्त्व गुगु चित्तं परिणाम ना यायीगु खः उगु चित्त व थथे सीकै थथे
 ज्वनी । थथे चित्त ज्वनी बले (वया चित्ते थुजोगु जुयी) थ्व चित्त क्षीण-नाश ज्वीगु धका थुयी । निरुद्ध-तैते मफैगु मदै वनीगु । विगतं
 -सेना वनीगु परिणाम ज्वीगु (मेगु अवस्था जुया वनीगु) धका थथे बांलाक थुयी । अर्थात् सर्व शून्य स्वभावगु धका थुयी । गुगु
 क्षीणगु (नाश वनीगु-शून्यगु) खः गुगुलि परिणाम ना याये फेमखु । हानं गुगु चित्तं परिणाम ना यायी व चित्तयानं थ्व हे धर्म खः
 (थथे शून्य स्वभावगु हे खः) ॥ हानं गुगु संसारिक पदार्थ परिणामना यायी उगु पदार्थयानं थ्व हे (शून्य स्वभावगु) धर्म खः ॥ हानं

गुगु पदार्थ परिणाम ना यायी उगु पदार्थयानं थ्व हे (शून्य स्वभावगु) धर्म खः । यदि उम्हस्यां थथे (श्वीका) परिणाम ना यात धाःसा
 वं बांलाक परिणाम ना याःगु जुयी झूठ परिणाम ना ज्वी मखु बोधिसत्त्व महासत्त्वपिसं थथे परिणाम ना याये माः ॥ ॥ हानं मेगु
 हे आर्य सुभूते बोधिसत्त्व महासत्त्वपिसं गथे न्हापा जुया वने धुंकुपि बुद्ध भगवान पिखः अथे हे मवोनिपि (लिपा जू वैपि) बुद्ध भगवानपि
 लें त्वा ल्हाये धुंकुपि लेंया न्याय थिति मदयेक धुंकुपि प्रपञ्च उत्पत्ति ज्वीगुया मिखा मदयेक धुंकुपि प्रमाण मदयेक संख्या मदयेक बुद्ध
 भगवान पिनि न्हापां (धर्म) चित्त उत्पत्ति जुसें निसें कथा गुबले अनुत्तर सम्यक्संबोध थुयीकै गुबले हानं उपधि शेष मदुगु निर्वाण
 धात्वी निर्वाण जुयी गुबले तक्क सद्धर्मनं अन्तर्धान मज्जी थुलिया विचे गुलि थ्व बुद्ध भगवान पिनि पारमितास चर्या याना उत्पत्ति जूगु
 पुण्य दत्त गुगु हानं थ्व बुद्ध भगवान पिनि शील स्कन्ध समाधि स्कन्ध प्रज्ञा स्कन्ध विमुक्त स्कन्ध विमुक्त ज्ञान दर्शन स्कन्ध गुगु हानं
 हित यायेगु इच्छा गुगु हानं महामैत्री गुगु हानं महाकरुणा गुलि हानं प्रमाण मदुगु संख्या मदुगु बुद्ध गुण गुलि हानं थ्व बुद्ध भगवान पिनि
 धर्म देश ना यायी गुलिसें थ्व धर्मेन शिक्षा स्थनी श्रद्धातै च्वनी थमिगुनं गुलि कुशल मूल दत्त हानं थ्व बुद्ध भगवान पिसं गुली बोधिसत्त्व महा
 सत्त्वपित अनुत्तर सम्यक्संबोधस व्याकरण यायी (छ लिपा थुगु काले थुगु कल्पे थुगु लोक धात्वी थुजोगु नांम्ह तथागत ज्वी धर्म
 शासन थुथाये तक्क च्वनी धंगु आदि व्याख्या यायी) हानं थमिसं गुलि षट् पारमितास चर्या याना उत्पत्ति जूगु कुशल

मूल दत्त । गुलि हानं श्व बुद्ध भगवानपिसं प्रत्येक बुद्ध यानि कया पुद्गलपित प्रत्येक बोधिस ब्याकरण यायी थमिगुनं गुलि कुशल मूल दत्त गुलि हानं श्रावक यानि कया पुद्गल पिनि दान मय कुशल मूल शील मय कुशल मूल भावना मय कुशल मूल दत्त गुलि हानं शैक्षणण पिनि आश्रव मदुगु कुशल मूल दत्त गुलि हानं अशैक्षणण पिनि आश्रव मदुगु कुशल मूल दत्त हानं श्व धर्म गुलि पृथग जनपिसं कुशल मूल पी हानं गुलि देव नाग जक्ष गंधर्व दैत्य मरुड किंनर महोरग मनुष्य अमनुष्यपिसं कुशल मूल पी गुलि हानं तिर्यग् योनी वंषि सत्त्वपिसं व धर्म न्यनी न्यना कुशल मूलनं पी हानं गुलि सत्त्वपिसं बुद्ध भगवानपि निर्वाण जुया वनीपिके निर्वाण ज्वी धुंकुपिकेनं कुशल मूल पी थुमि सक स्यागु नं गुलि कुशल मूल दत्त श्व दक्कं छगू याना ग्वारा चिना लना बाकी मदयेका तच्चकं हर्षमान यायी हर्षमान याना श्व अनुमोद ना याकें दुगु पुण्य फल (दक्क सत्त्वया) अनुत्तर सम्यक्संबोधि ज्ञाने परिणामना यायी थथे परिणामना याःम्ह बोधिसत्त्व महासत्त्वया संज्ञा विपर्यास ज्वी मखु चित्त विपर्यास ज्वी मखु दृष्टि विपर्यास ज्वी मखु गथे धाःसा ॥ यदि व बोधिसत्त्व महासत्त्व गुगु चित्तं गुगु परिणामना यायीगुखः उगु चित्ते वया चित्त संज्ञा दैमखु । थुगु प्रकारं वया थुगु श्व चित्त धका वं खनीनं मखु । थुगु हे प्रकारं बोधि सत्त्व महासत्त्व अनुमोद ना याना अनुमोदना याकें उत्पत्ति जूगु पुण्य क्रियाया फल (सत्त्वया) अनुत्तर सम्यक्संबोधि ज्ञाने परिणामना याःगु जुयी । थथे याःम्ह बोधिसत्त्व महासत्त्वया संज्ञा विपर्यास ज्वी मखु चित्त विपर्यास ज्वी मखु दृष्टि विपर्यास ज्वी मखु ॥ हानं गुगु चित्तं

गुगु परिणाम ना यायी वं उगु चित्त खनी श्व थुगु चित्त धका चित्त संज्ञा यायी । थथे याःम्ह बोधिसत्त्व महासत्त्वया संज्ञा विपर्यास चित्त विपर्यास दृष्टि विपर्यास जुयी ॥ यदि हानं व बोधिसत्त्व महासत्त्व गुगु चित्तं परिणाम ना यायीगु खः । उगु चित्त वं थथे सीकें थथे ज्वनी । थथे चित्त ज्वनी वले (वया चित्ते थुजोगु जुयी) श्व चित्त क्षीण-नाश ज्वीगु धका थुयी । निरुद्ध-तैते मफैगु मदें वनीगु । विगतं-सेना वनीगु । परिणाम ज्वीगु (मेगु अवस्था जुया वनीगु) धका थथे वांलाक थुयी । अर्थात् सर्व शून्य स्वभावगु धका थुयी । गुगु क्षीणगु-नाश वान्गु-शून्यगु खः उगुलि परिणाम ना याये फैमखु । हानं गुगु चित्तं परिणाम ना यायी व चित्तयानं श्व हे धर्म खः (थथे शून्य स्वभावगु हे खः) ॥ हानं गुगु संसारिक पदार्थ परिणाम ना यायी उगु पदार्थयानं श्व हे (शून्य स्वभावगु) धर्म खः ॥ हानं गुगु पदार्थ परिणामना यायी उगु पदार्थयानं श्व हे (शून्य स्वभावगु) धर्म खः । यदि उम्हस्यां थथे (थ्वीका) परिणामनायात धाःसा बांलाक परिणामना याःगु जुयी मूठ परिणामना ज्वी मखु बोधिसत्त्व महासत्त्वपिसं थथे परिणामना याये माः ॥ हानं मेगु हे आर्य सुभूते बोधिसत्त्व महा सत्त्व आः थौं कन्हे उत्पत्ति जुया च्वंषि (संसारया) लं त्वाल्हाये धुंकुपि लंया न्याये थिति मदयेके धुंकुपि प्रपंच-उत्पात्त ज्वीगुया मिखा मदेके धुंकुपि प्रमाण मदयेक संख्या मदयेक बुद्ध भगवानपि प्रमाण मदयेक संख्या मदयेक त्रिसाहस्र महासाहस्र लोक धात्वी च्वना च्वंषि धारणा याना च्वंषि काल हुना च्वंषि बुद्ध भगवान पिनि न्हापा (धर्म) चित्त उत्पत्ति जुसें निसें कया गुलि तक्कया चित्ते अनुत्तर सम्यक्

(१७०)

संबोधि थुग्रीकुगु खः गुबले हानं उपधि शेष मदुगु निर्वाण धात्वो निर्वाण जुया वंगु खः गुलित सद्धर्म अन्तर्धान मज्जुगु खः थुलिया बिचे बुद्ध भगवान पिनि पारमितास चर्या याना गुल उत्पत्ति जूगु पुण्य-कुशल मूल दत्त । हानं श्व बुद्ध भगवान पिनि शील स्कन्ध समाधि स्कन्ध प्रज्ञा स्कन्ध विमुक्ति स्कन्ध विमुक्ति ज्ञान दर्शन स्कन्ध गुगु हानं हित यायेगु इच्छा । गुगु हानं महा मैत्री गुगु हानं महा करुणा गुल हानं प्रमाण मदेक संख्या मदेक बुद्ध गुण । गुल हानं श्व बुद्ध भगवानपिसं धर्म देशना याःगु खः गुलसें श्व धर्म (शिक्षा) स्यन श्रद्धा तल बांलाक च्वन थमिगुनं गुलि कुशल मूल दुगु खः ॥ हानं श्व बुद्ध भगवानपिसं गुल बोधिसत्व महासत्त्वापित अनुत्तर सम्यक्सम्बोधिस व्याकरण याःगु खः । हानं थमिसं खुगु पारमितास चर्या याना उत्पत्ति जूगु गुलि कुशल मूल दत्त । हानं श्व बुद्ध भगवानपिसं प्रत्येक यानिया पुद्गलपित प्रत्येक बोधिस व्याकरण याःपि गुलि दु थमिगुनं गुलि कुशल मूल दत्त ॥ हानं गुल श्रावक यानया पुद्गलपिन दान मय कुशल मूल शील मय कुशल मूल भावनामय कुशल मूल दत्त हानं गुलि शैक्ष गणपिन आश्रव मदुगु कुशल मूल दत्त हानं अशैक्षगण पिनि गुल आश्रव मदुगु कुशल मूल दत्त । हानं थुगु धर्म गुल पृथक् जनपिसं कुशल मूल पी । हानं गुल देव नाग जक्ष गंधर्व दैत्य गरुड किनर सहोरग मनुष्य अथवा असमनुष्यपिसं श्व धर्म न्यनी न्यना कुशल मूल पी । गुलि हानं तिर्यक योनीवंपि सत्त्वापिसं श्व धर्म न्यनी न्यना कुशल मूल पी । गुल हानं बुद्ध भगवानपि निर्वाण ज्वी त्थंपिके निर्वाण ज्वी धुंकुपिकेन कुशल मूल पी ॥ थमी सकल्यगुनं गुल कुशल

(१७१)

मूल दत्त श्व फुक्कं छगु याना (चित्तेतया) ग्वाराचिनाः लना बाकी मदयेका शेष मदयेक तच्चोगु हर्ष (पुण्ये) अनुमोदना (हर्ष) यायी अनुमोदनायाके दुगु पुण्य क्रियाया फल अनुत्तर सम्यक्संबोधि ज्ञाने (सत्त्वया निमित्ते) परिणामना यायी । थथे परिणामना याःम्ह बोधिसत्व महासत्त्वया संज्ञा विपर्यास ज्वी मखु चित्त विपर्यास ज्वी मखु दृष्टि विपर्यास ज्वी मखु गथे धाःसा । यदि व बोधिसत्व महासत्त्वं गुगु चित्तं परिणामना यायीगु खः उम्हसिया चित्ते चित्त संज्ञा हे ज्वी मखु । गथे वया थुगु श्व चित्त धका हे खनी मखु । थथे बोधिसत्व महासत्त्वं अनुमोदनां साहितगु पुण्य क्रियाया फल (सत्त्वया निमित्ते) अनुत्तर सम्यक्सम्बोधिया परिणामना याःगु जुयी ॥ थथे याःम्ह बोधिसत्व महासत्त्वया संज्ञा विपर्यास ज्वी मखु चित्त विपर्यास ज्वी मखु दृष्टि विपर्यास ज्वी मखु ॥ हानं गुगु चित्तं गुगु परिणामना यायी उम्हस्यां श्व चित्त धका खनी थुगु श्व चित्त धका चित्त संज्ञा यायी थथे याःम्ह बोधिसत्व महासत्त्वया संज्ञा विपर्यास चित्त विपर्यास दृष्टि विपर्यास ज्वी । यदि हानं व बोधिसत्व महासत्त्वं गुगु चित्तं परिणामना यायी । उगु चित्तं व थथे सोकं थथे ज्वनी । थथे चित्तं ज्वनीवले (वया चित्तं थुजोगु ज्वी) श्व चित्त क्षीण-नाश ज्वीगु धका थुयी । निरुद्ध-तैते मफेगु मद वनीगु । विगतं-सेना वनीगु । परिणाम ज्वीगु -मेगु अवस्था जुया वनीगु) धका थथे बांलाक थुयी । अर्थात् सर्व शून्य स्वभावगु धका थुयी । गुगु क्षीणगु-नाश वानुगु-(शून्यगु) खः उगुलि परिणामना याये फेमखु । हानं गुगु चित्तं परिणामना यायी व चित्तयानं श्व हे धर्म खः (थथे शून्य स्वभावगु हे खः) ॥ हानं गुगु संसारिक

पदार्थ परिणामना यायी उगु पदार्थयानं थ्व हे (शून्य स्वभावगु) धर्मखः ॥ हानं गुगु पदार्थ परिणामना यायी उगु पदार्थयानं थ्व हे (शून्य स्वभावगु) धर्म खः । यदि उम्हस्यां थथे (थ्वीकाः) परिणामना यात थाःसा बांलाक परिणामना याःगु जुयी झूठ परिणामना यागु जुयी मखु । बोधिसत्व महासत्त्वं थथे परिणामना यायेमाः ॥ ॥ हानं मेगु हे आर्य सुभूते बोधिसत्व महासत्त्वं न्हापा जुया विज्याये धुंकुपि लिपा जूबिज्यायीपि आः जुया बिज्याना चवंपि (संसारया) लं रवा ल्हाये धुंकुपि लेंया न्याय चिति मदयेके धुंकुपि प्रपंच उत्पत्ति ज्वीगुया मिखा मदयेके धुंकुपि । प्रमाण मदयेक संख्या सदयेक बुद्ध भगवान पिनि न्हापां (धर्मे) चित्त उत्पत्ति जुसें निसें कया गुलि तक्कया विचे अनुत्तर सम्यक्संबोधि बांलाक थुयी कल थुयीकै तिनी थुयीका चवन हानं गुबले तक्कया विचे मल सहित स्कन्धया शेष मदुगु निर्वाण धात्वी निर्वाण जुया वन निर्वाण ज्वी तिनी निर्वाण जुया चवन हानं गुबले तक्क सदुर्म अन्तर्धान मजुल अन्तर्धान मज्वी अन्तर्धान मजुया चवन थुलिया विचे थ्व बुद्ध भगवान पिनि षट् पारमितास चर्या याना उत्पत्ति जूगु गुलि कुशल मूल दत्त । गुगु हानं थ्व बुद्ध भगवान पिनि शील स्कन्ध समाधि स्कन्ध प्रज्ञा स्कन्ध बिमुक्ति स्कन्ध बिमुक्ति ज्ञान दर्शन स्कन्ध गुगु हित यायेगु इच्छानं गुगु महा मंत्री नं गुगु महा करुणानं गुलि हानं प्रमाण मदयेक संख्या मदयेक बुद्ध गुण गुलि हानं थ्व बुद्ध भगवानपिसं धर्म देशना याना वन देशना यायी देशना याना चवन हानं गुलिसें थ्व धर्मे (शिक्षा) स्यना वन (शिक्षा) स्यनी तिनी (शिक्षा) स्यना चवन श्रद्धा तया वन श्रद्धा-तैतिनी श्रद्धा तया

चवन चवना वन चवनी तिति चवंचवन थ्व सकस्यामुनं गुलि कुशल मूल दत्त ॥ हानं गुलि थ्व बुद्ध भगवानपिसं गुलि बोधिसत्व महासत्त्वपित अनुत्तर सम्यक्संबोधि व्याकरण याना वन व्याकरण यायी व्याकरण याना चवन थ्व सकलयां गुलि कुशल मूल दत्त । हानं गुलि प्रत्येक बुद्ध धानिकया पुद्गलपित प्रत्येक बोधिस व्याकरणयात व्याकरणयायी व्याकरण याना चवन थ्व फुक्कया गुलि कुशलमूल दत्त । हानं आश्रव यानया पुद्गल पितगुलि दानमय कुशलमूल शीलमय कुशलमूल भाव नामय कुशलमूल दत्त ॥ हानं शैक्षणपिनि गुलि आश्रव मदुगु कुशल मूल दत्त हानं अशैक्षणपिनि गुलि आश्रव मदुगु कुशलमूल दत्त ॥ हानं गुगु धर्मे गुलि पृथग्जनपिसं कुशल मूल पिना वन पितिनी पिना चवन । हानं गुलि देवनाग जक्ष गन्धर्व दैत्य गरुड किन्नर महोरग भनुष्य अमनुष्यगणपिसं थ्व धर्म न्यना वन न्यनीतिनी न्यना चवन न्यना गुलि कुशलमूल नं पिना वन पीतिनी पिना चवन हानं गुलि तिर्यक्षणी वंपि सत्त्वपिसं व धर्म न्यनावन न्यनीतिनि न्यना चवन न्यना गुलि कुशलमूल नं पिना वन पीतीनी पिना चवन हानं गुलि सत्त्वपिसं थ्व बुद्ध भगवानपि निर्वाण जुया विज्याये धुंकुपि निर्वाण ज्वीतिनिपि निर्वाण जुया चवंपि केनं गुलि कुशलमूल पिनावन पि तीनि पीना चवन थ्व सकस्यामुनं गुलि कुशलमूल दत्त थ्व फुक्कं छगुयाना (चित्तेतया) ग्वारा चिना लना वाकि मदेका शेष मदेक तः च्छोगु हर्ष (पुण्ये) अनुमोदना यायी । श्रेष्ठगु ज्येष्ठगु तः धंगु वरो तः धंगु सिद्धगु उत्तमगु वरो उत्तमगु अत्यन्त उत्तमगु समान मदुगु समान मदुगुली समानगु थुजोगु अनुमोदनां (हर्ष) अनुमोदना यायी (पुण्ये हर्ष यायी) थथे अनुमोदना याना अनुमोदन

याके उत्पत्ति जुग पुण्य क्रियाया फल (सत्वया निमित्त) अनुत्तर सम्यक्सम्बोधि ज्ञाने परिणामना याये । (सत्वपित) अनुत्तर सम्यक्सम्बोधि उत्पत्ति यायीगु ज्वीमा धका थथे वचननं धायी ॥ थथे परिणामना याःम्ह बोधिसत्व महासत्वया गथे संज्ञा विपर्यास ज्वीमखु चित्त विपर्यास ज्वीमखु दृष्टि विपर्यास ज्वीमखु धाःसा । यदि वं परिणामना याःम्ह से, लिपा थथे मतीतै थ्व धर्म क्षीणगु- नाश ज्वीगु निरुद्धगु-तैतेमफंगु मद वनीगु विगत-सेना वनीगु परिणाम ज्वीगु मेगु अवस्था जुया वनीगु हानं थ्व-संसारिक पदार्थ क्षय ज्वीनं मखुगु थन्योगुलि गन परिणामना याये धका थथे मती तथा अनुत्तर सम्यक्सम्बोधिस परिणामना यायी ॥ यदि वं हानं थथे परिक्षायायि संसारिक पदार्थया संसारिक पदार्थ हे थःतथमंहे परिणामना यायीमखु थथे थ्वीला अनुत्तर सम्यक्सम्बोधिस परिणामना यायी । हे भदन्त सुभूते थथे परिणामना याःम्ह बोधिसत्व महासत्वया संज्ञा विपर्यास ज्वी मखु चित्त विपर्यास ज्वी मखु दृष्टि विपर्यास ज्वी मखु ॥ थ्व छुया हेतुं धाःसा । थथे निश्चयनं व थुगु परिणामनास जक मन वनी मखु । यदि हानं वं थथे थुयी चित्तं चित्त यात हे (थःत थमंतुं) सीके धैगु दैमखु । संसारया पदार्थं संसारया पदार्थ यात हे (थःत थमंतुं) सीके धैगु दैमखु अर्थात् थथे थ्वीका परिणामना याःम्हसे अनुत्तर सम्यक्सम्बोधिया निमित्त परिणामना यागु जुयी ॥ थ्व बोधिसत्व महासत्वया ज्वरामदुगु परिणामना (धकासीकी) ॥ ॥ यदि हानं गुम्ह बोधिसत्वं थ्व पुण्याभि संस्कार (पुण्य फल जितःदं) धका मती तै । वं अनुत्तर

सम्यक्सम्बोधि परिणामना यायी मखु ॥ थ्व छुया हेतुं धाःसा । थथे निश्चयनं वया थुगु परिणामनास मन वनी ॥ यदी हानं वया थथे ज्वी थ्व पुण्याभि संस्कार (पुण्य फल) नं बिबिक्त (छुत्ता-पाप अकूशल पदार्थ याके छुत्तागु) शान्तगु गुगु हानं अनु बोधना याके गुगु पुण्य फल खः थ्वनं बिबिक्तगु- (छुत्ता छलंगु) शान्तगु धका अनुत्तर सम्यक्सम्बोधिस परिणामना यायी ॥ यदी हानं दक्क संसारया पदार्थ शान्तगु छलंगु (गूण्यगु) धकानं सीकेमखु । थुजोगु थ्व बोधिसत्व महासत्वया प्रज्ञापारमिता धका गुगु हानं थ्व निर्वाण जुया त्रिज्जयाये धुंकापि बुद्ध भगवान् पित्तगु कुशल मूल । गुजोगु परिणामना खः थुजोगु हे थ्व -(दुगु) कुशलमूल हानं गुम्हसे थ्व परिणामना याःगु खः थ्वनं थ्वहे किसिमगु थ्वहे लक्षणगु थ्वहे धर्मगु थ्वहे स्वभावगु अर्थात् दुगु धकाः यदी वं थथे मने तल धाःसा अनुत्तर सम्यक्सम्बोधिस परिणामना यायी मखु ॥ थ्व छुया हेतुं धाःसा । निमित्त दयेका परिणामना बुद्ध भगवान् पिसं यायी मखु । गुगुजा न्हापा जुया वंगु खः व क्षीण-नाश ज्वीधुंकल । निरुद्ध-तैते मफंगु मद वने धुंकल । विगत-सेना वने धुंकल । परिणाम-मेगु अवस्था ज्वी धुंकल गुगु जा मवोतिगु खः थ्व लायीगुहे मखुनी आः उत्पत्ति जुया च्वंगुया स्थिति दुगु मखु । गुगुजा लायी मखुगु खः व निमित्त मखु विषय अस्तु नं मखु --थथे छुंहे लायेगु दुगु मखु धका खमी यदि लायेगु दुधका निमित्त यात मतीतल धाःसा वं अनुत्तर सम्यक्सम्बोधिस परिणामना यायी मखु ॥ हानं निमित्त मयासे मनं मखंसे लिपा लायेनं मयासे मती छुं मतसे स्मृति मदेकुसे छुं मसीकुसे अर्थात् छुं हे मदुगु

धका जक मती तथा यथेन अनुत्तर सम्यक्सम्बोधिस परिणामना जुयी मखु ॥ हानं निमित्त याना निमित्त यायीनं मखु यथे याःगु कुशल-मूल बोधिसत्व महासत्त्वं अनुत्तर सम्यक्सम्बोधिस परिणामना याःगु जुयी । थुगु प्रकारं बोधिसत्व महासत्त्वं (शिक्षा)--स्यने माः बोधिसत्त्वं महासत्त्वया उपाय कुशल - (उकिथा ज्या स्यूगु) थ्व धका सीके माः । गुगु उपाय कुशल स्यूगुलि कुशल मूलया परिणामना यायी उम्ह सर्वज्ञता सत्यम्ह जुयी ॥ हानं थन उपाय कौशल स्यनेगु इच्छा याःम्ह बोधिसत्व महासत्त्वं थ्व हे प्रज्ञापारमिता बारं बार न्यनेमाः कायेमाः ज्वनेमाः ब्वनेमाः बांलाक लायेमाः कनेमाः देशना यायेमाः उपदेश बीमाः उद्देश्य बीमाः बांलाक ब्वनेमाः न्यनेमाः स्वयेमाः ॥ थ्व छुया हेतुं धाःसा ॥ प्रज्ञापारमितास मवोसें मन्येसें प्रज्ञापारमितास परिणामनाया ज्यास प्रवेश ज्वी फेमखु ॥ गन गुम्हसें थथे धायी कि प्रज्ञापारमितास मवसें थ्व पुण्य क्रियाया फल अनुत्तर सम्यक्सम्बोधिस परिणामना याये फेधका थथे धाल धाःसा उम्हसिद्ध थुजोगु बचन ल्हाये मते धका धायेमाः ॥ थ्व छुया हेतुं धाःसा । निश्चयनं थ्व जिः धंगु भाव मदया च्वंगु । थ्व संसारया पदार्थ दक्क शान्तगु बिबिक्त पाप अकुशल पदार्थ याके (छुत्ता छवे जुया च्वंगु) उपलम्भ (लाभ ज्वीगु) मदया च्वंगु । हानं गुम्ह पुद्गलं निमित्त याना बिकल्प याना बांलाकहे मदुगुली बांलाक दुधका तां तथा लायेगु मदुगुली लायेगु दु धया मन याना परिणामना यायी थथे अनुत्तर सम्यक्सम्बोधिस परिणामना याःगु कुशल मूल बुद्ध भगवान् पिसंखनी मखु

अनुत्तर सम्यक्सम्बोधिस परिणामना याःगु माने यावी मखु ॥ थ्व छुया हेतुं धाःसा । गुगु वं बुद्धभगवान् पिनीगु निर्वाण नं निमित्त यायी अर्थात् थुगुया निमित्त निर्वाण वने त्यना धका निमित्तयायी विकल्प यायी आकार दुगु निर्वाण लाये धायी । थ्व हे वया तःधंगु उपलम्भ (लायेगुदु) धका धाःगु जुयी । थथे लायेगु दुधका उपलम्भ संज्ञायाना परिणामना याःगु तथागत अर्हत् सम्यक्सम्बुद्धापिसं महार्थ (तधंगु) याःगु धका धायी मखु । थ्व छुया हेतुं धाःसा ॥ थ्व परिणामना विष सहित गुगु रोग सहितगु जुयी । (हानं छगु उपमा विये) गथे धाःसा तयारीगु भोजन विष सहितगु जुयी थुगु वस्तु रंगनं बांलागु सुगंध वास वोगु रसनं साःगु थिया स्वयेनं ययी पुसे च्वंगु जुयी अथे जूसानं व विष सहितगु वस्तु जुया निति पण्डित गणपान भोगथाये योग्यगु ज्वी मखु तोले माःगु जुयी । थ्व हे वस्तु मूर्ख जापि दुर्बुद्धि जातपि पुरुषपिस भोग थाये योग्यगु खःधका माने यायी । अथे धःका उगु भोजन याःम्हस्थां रंग बांलागुलि सुगन्ध वास वोगुलि रसनं दुगुलि थो ययी पुसे च्वंगुलि नया सवा काये वले सुखयायी थुकिथा पारणाम अन्ते दुःख याना वोगु जुयी । उम्हसें व (विष दुगु वस्तु नःगुया कारणं) सिना वान अथवा सीथे सीथे च्वंक दुःख ज्वी ॥ थथे हे संतुं हे आर्य सुभूते थन सुं छम्ह मखुगु (ज्ञान) ज्वम्ह मभिगु विचार याःम्ह मभिगु च्वम्हसें (भिगु वचन) या अर्थ मांसया गुगु धायें यागु अर्थ मथुया थथे शिक्षा वियी ॥ हे कुल पुत्र थन वा छ न्हापा जुया बीपि लिपा जूवैपि आःजुया च्वापि बुद्ध भगवान् पिनीगु शीलस्कन्ध समाधि स्कन्ध प्रज्ञास्कन्ध विमुक्तिस्कन्ध विमुक्त ज्ञान दर्शनस्कन्ध हानं थ्व श्रावक पिनीगु नं शीलस्कन्ध

(१७८)

समाधिस्कन्ध प्रज्ञास्कन्ध विमुक्तिस्कन्ध विमुक्ति ज्ञान दर्शन स्कन्ध हानं गुलिस्थां अन न्हापा जुया वंषि लिपा जूवंपि आः जुया च्वंपि बुद्ध भगवान् पिमे कुशल मूल पित पिपी पिना च्वन गुबले तक्क थमिगु सद्धर्मं उ. उद्धनि मजुल मज्जी मजुया च्वन थुलिया बिचे थव बुद्धभगवान् पिनि न्हापा धर्म चित्त उत्पत्ति जुसें निसें कना दक्क अनुत्तर सम्यक्सम्बोधि थुयिका बिज्यापि बुद्धभगवान् पिनि मल सहित स्कन्ध शेष मदुगु निर्वाणधात्वी निर्वाण जुया बिज्या पिनि (गुलिकुशल मूल दत्त) । हानं थव बुद्ध भगवान् पिसं बोधिसत्त्व महासत्त्व गणपितं गुलि अनुत्तर सम्यक्सम्बोधिस ब्याकरणयात् ब्याकरण यायी ब्याकरण याना च्वन थमिगुनं गुलि कुशल मूल पिना वंगु पिपीगु पिना च्वंगु दत्त ॥ हानं गुलि प्रत्येक बुद्ध यानया पुद्गल पित प्रत्येक बोधिस ब्याकरण यात् ब्याकरण यायी ब्याकरण याना च्वन थमिगुनं गुलि कुशल मूल पिना वंगु पीतनिगु पिना च्वंगु दत्त ॥ हानं गुलि श्रावक यानि कया पुद्गल पित श्रावक बोधिस ब्याकरण यात् ब्याकरण यायी ब्याकरण याना च्वन थमिगुनं गुलि कुशल मूल प्यंगु पीतनीगु पिना च्वंगु दत्त हानं प्रमाण मदयेक संख्या मदयेक लोक धात्वी पृथग्जन पिनि गुलि कुशल मूल दत्त । सकल लोक धात्वी न्हापा जुया वंषि लिपा जूवंपि आः जुया च्वंपि बुद्ध भगवान् पिनि गुलि कुशल मूल दत्त थव शकल कुशल मूल छगु याना ग्वारादिना लना बाकि मदयेका तच्चकं हर्षमान यायी हर्ष मान याना थव अनुमोदना (हर्ष) याके दुगु पुण्य फल (दक्कसत्त्वया) अनुत्तर सम्यक्सम्बोधि ज्ञाने

(१७९)

परिणामना यायेमाः (धका धायी) । यथे हे वं परिणामना याःगु निमित्त दयेक परिणामना यात् धाःसा दिषं सहितगु (परिणामना) याःगु जुयी ॥ थव गथे धाःसा बिष दुगु भोजनये । उपलम्भ (लाभ) यायेत अर्थात् पुण्यया फल लायेत धैगु निमित्त याना याःगु परिणामनार धायी मखु ॥ थव छुया हेतुं धाःसा । उपलम्भ (लाभ) यायेगु निमित्ते धैगुहे बिष जूया निति । अथेया निति बोधिसत्त्व यानिकया पुद्गल पिसं यथे (शिक्षा) स्यने मज्जू ॥ ॥ हानं वं गथे स्यनेमाः गथे न्हापा जुया वंषि लिपा जूवंपि आः जुया च्वंपि बुद्ध भगवान् पिमिगु कुशल मूल ज्वनेमाः गथे ज्वनागु बांलाक ज्वनागु जुयी गथे अनुत्तर सम्यक्सम्बोधिस परिणामना याःगु बांलाक परिणामना याःगु जुयी । थन तथागत यात् अनादर मयायेगु इच्छा याःम्ह बोधिसत्त्व यानिकया कुलपुत्र अथवा कुलपुत्री थुकतं थव फुक्क कुशल मूल या अनुमोदना याना परिणामना यायेमाः । गथे थव तथागत अर्हत सम्यक्सम्बुद्ध पिसं बुद्धया ज्ञानं बुद्धया मिखां सियी खनी थव कुशल मूल गुजोगु (लक्ष्य सीकेगु) जुया च्वंगु गथे च्वंगु गुजोगु स्वभावगु गुजोगु ॥ क्षणगु गुजोगु धर्म दुगुखः यथे हे जि अनुमोदना याके गथे थव कुशल मूल तथागत अर्हत सम्यक्सम्बुद्ध पिसं परिणामना यायी गुसीथुयी अथे हे जि थव कुशल मूल अनुत्तर सम्यक्स-बोधिस परिणामना याये धका यथे अनुमोदना यात् यथे परिणामना यात् धाःसा व बोधिसत्त्व महासत्त्व तथागत पित अपराध मयाःम्ह जुयी । व कुशल मूल अनुत्तर सम्यक्सम्बोधिस बांलाक अनुमोदना याःगु नं ज्वी । थपि तथागत अर्हत सम्यक्सम्बुद्धपित अनादर मया

पिनं ज्वी अथात आदर माःपि जुयी ॥ यथे उपम्लभ मदुगु तःधंगु चित्तं परिणामना यात धाःसा बिष मदुगु परिणामना तःधंगु परिणामना धर्म धातु परिणामना जुयी परि पुर्ण ज्वी बांलाक परि पूर्ण ज्वी ॥ ॥ हानं मेगु बोधिसत्व महासत्व यानया कुलपुत्र अथवा कुलपुत्री यथे परिणामना यायेमाः गुगु शील समाधि गुगु प्रज्ञा गुगु विमृषित गुगु विमुक्ति ज्ञान दर्शन खः श्व गथेजा कामधातवी च्वंगु नं मखु रूप धातवी च्वंगु नं मखु आरूप्य धातवी च्वंगु नं मखु न्हाया जुया वंगु नं मखु लिपा वंगु नं मखु आः उत्पत्ति जुया च्वंगु नं मखु ॥ श्व छुया हेतुं धाःसा । यथेहे श्व परिणामनं न्हाप यागु काले लिपा वंगु काले आः जुया च्वंगु काले काम धातवी रूप धातवी आरूप्य धातवी च्वना च्वंगु मखु । गुगु धर्म श्व परिणाम परिणामना यायी श्व धर्मनं दुगुमखु यदि वं यथे श्रद्धातया यथे परिणामना याम्ह बोधिसत्व महासत्व नाश मज्जुगु परिणाम च्वना मच्चंगु परिणाम बिष मदुगु परिणाम तःधंगु परिणाम धर्म धातु परिणामस च्वम्ह जुयी परिपुर्ण बांलाक परिपूर्ण जुयी ॥ ॥ हानं वं परिणामना यायी (उकी) च्वनी निमित्त यायी-गुगु बोधिसत्व महासत्व या यथे परिणामना झूठ परिणाम ज्वी ॥ थुगु धर्म धातु परिणामना गथे बुद्ध भगवान् पिसं सीकें बांलाक सीकें थुगु कुशल मूल अनुत्तर सम्यक्सम्बोधिस परिणामना याःगु बांलाक परिणामना याःगु जुयी । यथे हे जि परिणामना याये धका परिणामना याःगु श्व तःधंगु परिणाम खः । यथे परिणामना याःगु अनुत्तर सम्यक्सम्बोधिस बांलाक परिणाम याःगु जुयी ॥ ॥ यनालि भगवान् आयुष्मान्

सुभूति यात साधुकार बिद्या बिज्यात । साधु साधु हे सुभूते छं गुरुं याये माःगु ज्या यात । गुगु छं बोधिसत्व महासत्व पित धर्म देशना यात ॥ श्व छुया हेतुं धाःसा गुगु निश्चयनं श्व हे सुभूते बोधिसत्व महासत्व या परिणाम श्व धर्म धातु परिणाम श्व थुगु धर्मस गथे बुद्ध भगवान् पिसं सीका बिज्यागु खः खंका बिज्यागु खः थुगु कुशल मूल गुजोगु लक्ष जुया च्वं गन्योगु गुजोगु स्वभावगु गुजोगु लक्षणगु गुजोगु धर्म दुगुखः यथे हे अनुमोदना याये गथे बांलाक सियीगु-थुयीगु खः अथे हे परिणामना याये धका हे सुभूते यथे गुम्हसे परिणामना यायी बोधिसत्व महासत्वया धर्म धातु परिणामना धंगु श्व हे खः । ॥ थनगुगु पुण्य स्कन्ध गुगु गंगा नदीया फिगो प्रमाणं त्रिसाहस् महासाहस् लोक धातुस गुलि सत्वपि दु श्व सकल सत्वपित सं छम्ह कुलपुत्र अथवा कुलपुत्री जिगु कुशल कर्म कायेकें उकि तथा वी थुकिया गुलि पुण्य फल दुगुखः थुकियासिनं बोधिसत्वः महासत्व श्व धर्म धातु परिणामयाकें उत्पत्ति जुगु पुण्य स्कन्ध न्ह्योने यागु धायी श्रेष्ठ धायी ज्येष्ठ धायी तःधंगु धायी बरो तःधंगु धायी सिद्धगु उत्तमगु धायी वरो उत्तमगु धायी अत्यन्त उत्तमगु धायी समान मदुगु धायी सम मदुगुलि समानगु धायी ॥ ॥ हानं हे सुभूते गंगा नदीया फिगो समानं त्रिसा हश् महासाहश् लोक धातुस सकल सत्वपित जिगु कुशल कर्म तथागु या पुण्यफल उलजा अथे हेतु हे सुभूते गंगा नदीया फिगो समान त्रिसाहस् लोक धातवी गुलि सत्वपि दु श्व सकल सत्वपि प्यंगु ध्यान लापि यादावी थुकिया गुलि पुण्यफल दुगु खः थुकियासिनं हे व बोधि

फुक्क बोधिसत्त्व यांना चीवर बस्त्र पिण्ड पात्र लासा आसन रोगीया निमित्ते वास यांना निर्मल घायेगु (माःगु तक्क यांना) कल्प कव्व तक्क न्ह्योने तयार जुया च्वनी सकल सुख उप धानं (सकल स्नान याकेगु शरीरे चिकं आदिनं बुका बीगु उपचारं) सकल सुख स्पर्श बिहारं (सकल थः इच्छा जुगु थासे न्यासिके ब्वना यनेगु आदिं घायेगुलि) तयातै थ्व दान उपलम्भ संज्ञां दान यायी । थुगुहे प्रकारं थ्व सकल सत्त्वपिं छम्ह छम्ह स्यात कल्प नायांना सकल बोधिसत्त्वपिं यांना थ्व छम्ह छम्ह स्यातनं गंगा नदीया फिगो समान कल्प तक्क चीवर बस्त्र पिण्ड पात्र लासा आसन रोग उवी बले वासः नका चाःकरि यांना लायेका-तयारि यांना सकल सुखो पधानं सकल सुख स्पर्श बिहार याका च्वंच्वनी सत्कार यायी गुरु यायी मान्य यायी पूजा यायी तच्चकं पूजा यायी दक्क सिबे तच्चकं पूजा यायी थथे छम्ह छम्हसें थ्व सकल बोधिसत्त्वपिं छम्ह छम्ह सित थुगु प्रकारं दान यायी । थथे हे हानं सकसिनं न थांमत दान यायी हे सुभूते थुकी छं गथे माने यांना थुकि या कारणं थ्व बोधिसत्त्व पित आपालं पुण्य लायीला ॥ ॥ सुभूति धाल आयाः हे भगवान् आपाः हे सुगत । हे भगवन् थुकि या पुण्य फलया संख्या हे याये फैमखु गण जानं संख्यानं उपमानं औपम्यनं अत्यन्त चिकिचा धंगुनं हेतु भावमात्र हेनं हे भगवन थ्व पुण्य फलयाये फैमखु ॥ हे भगवन यदि थ्व पुण्य फलया रूपजक दुसा अर्थात् छुं बस्तु स्वरूप दुसा गंगा नदीया फिगो समानं त्रिसाहस्र महासाहस्र लोक धात्वो हे न्ह्यनी मखु ॥ ॥ थुलि धासेलि भगवानं आयुष्मान्

सुभूति स्थविर यात थथे आज्ञा दयेकल । थथे हेख थ्व हे सुभूते थथे हेखः थ्व गुगु हामं हे सुभूते सुंगुम्ह बोधि सत्त्व यातया पुद्गल प्रज्ञापारमिताया उपाय कौशल्य काःम्हसें धर्म धातु परिणाम थुगु कुशल मूल अनुत्तर सम्यक्सम्बोधिस परिणाम यायी-पुण्य उत्पत्ति यायी । हे सुभूते थ्व धर्म धातु परिणाम याके उत्पत्ति जुगु पुण्य फलया ह्वे न्हापा कनापि उपलम्भ संज्ञा जुया च्वपि बोधि सत्त्व पिनिगु दान मयः यागु पुण्य फल सच्छिब्वे छब्वो कला हे न्ह्यायी मखु (दैमखु) दोछिब्वे छब्वो हे लकछिब्वे छब्वो हे कोटिब्वे छब्वो हे सच्छिगु कोटिब्वे छब्वो हे दोछिगु कोटिब्वे छब्वो हे लकगु कोटिब्वे छब्वो हे झिगु लाख कोटि लकछिब्वे छब्वो कला हे न्ह्यायी मखु संख्यानं कलानं गणतानं उपमानं औपम्यनं अत्यन्त चिकिचा धंगुनं हेतु भाव मात्र हेनं न्ह्यायी मखु । थ्व छुया हेतु धाःसा । थथे निश्चयनं थ्व न्हापा कनापि उपलम्भ संज्ञा दुपि बोधिसत्त्व पिनिया सीनं आपालं हे आपाः दान याःगु धयागु संख्या जुयी ॥ थनंलि तीदो २०००० चतुर्महाराज कायीक देवपुत्र पिसं ल्हाःजपा नमस्कार यांना भगवान् याके थथे बिंतिघात । हे भगवन गुगु जा प्रज्ञापारमिताया उपाय कौशल्य कया च्वपि बोधिसत्त्व महासत्त्व पिनि सर्वज्ञताया निमित्ते कुशल मूल परिणामयाःगु थ्व तःधंगु परिणाम हेखः ॥ गुगुलि निश्चयनं थ्व उपलम्भ संज्ञा दुपि बोधिसत्त्व पिनि उलि मछि दान याःगु पुण्य फल यात त्याकै ॥ थनंलि उगु वखतस लकछि त्राविश कायीक देवपुत्रपिसं दिव्य पुष्प धूप गंध मालया निवेदन चूर्ण वागाका दिव्य रत्न वागाका दिव्य बस्त्र

(१८६)

वागाका भगवान् यात सकभनं ह्वल बांलाक ह्वल सकभनं बांलाक ह्वल दिव्य छत्र दिव्य ध्वज दिव्य घण्ट दिव्य पताकं सकभनं दिव्य दिप
मां नाना प्रकार यागु दिव्य पुजां भगवान् यात सत्कार गुरु यात मान्ययात पूजायता तच्चकं पुजायात दक्व सिबे तच्चकं पुजायात दिव्य
बजान् बांलाक यात अहो हे भगवान् श्व बोधिसत्व महासत्वया धर्म धातु परिणाम धैगु तःधंगु पारिणाम हेखः धका थथे बचननं ल्हात । गुगु
जा निश्चयनं प्रज्ञापारमिताया उपाय कौशल्य काःगुलि श्वमहापरिणाम याकें श्वउपलम्भ संज्ञा दुपि बोधिसत्व पिनिगु उलितक्कया दानयाःगु
पुण्य फल दक्व यात त्याकें ॥ थुगु प्रकारं मेमेगु दे भुवननं देव पुत्र पि दया भगवान् यात तःधंगु सत्कारं तःधंगु गुरुया भावं तःधंगु मान्यं
तःधंगु पूजां तच्चकं तःधंगु पूजां दक्व सिबे तःधंगु पूजां सत्कार याता गुरुयाता मान्य याता पूजा याता तच्चकं पूजा याता दक्वासिबे
तच्चकं पूजयाता थुजोगु शब्द उच्चारण यात श्व च्वे कनागु थें जागु बचन ल्हात थुजोगु घोषण न्यंकल । थुगु हे प्रकारं श्वीका वने
माः । हानं यामा तुषिता निर्माणरात परानमित वशवत्ति ब्रम्ह कायिक ब्रम्ह पुरोहित ब्रम्ह पार्षद्य महाब्रम्हा परित्ताभ अप्रमाणाभ
आभात्वर परित्तशुभ अप्रमाण शुभ शुभ कृष्ण अनभूक पुण्य प्रसव बृहत् फल असंज्ञिसत्व अवृह अतप सुदृश सुदर्शन अकान्ठ भुवन
या देव पुत्रपि थमिसनं न थथे हे ल्हाजपा भगवान् यात नमस्कार याता थथे बितियात । आश्चर्य हे भगवन गुगु श्व प्रज्ञापारमिताया
उपाय कौशल्य कया च्वपि बोधिसत्व महासत्व गणपिनि कुशल पारिणास धैगु । गुगु श्व उपलम्भ संज्ञा दुपि बोधिसत्व पिनि उल

(१८७)

तक्क ताकालं याता मुना तःगु थुल तक्कया विस्तारं याता दयेका तःगु पुण्य फल यात त्याकेंगु जुया च्वन ॥ ॥ थनंलि भगवान्
श्व शुद्धा वास कायिक देवपुत्रपि आदि सकल श्व देव पुत्र गणपित आज्ञा दयेका बिज्यात । हानं हे देवपुत्र गणपि गंगा नदीया फिगो
समानं त्रिसाहस्र महासाहस्र लोक धातुस सकल सत्त्वपि अनुत्तर सम्यक्सम्बोधिस प्रस्थान याःपि अनुत्तर सम्यक्सम्बोधि लायेत दान
या पिनिगु पुण्य फल उलिजा अथे होत । थुगु प्रकारं हे देवपुत्र गणपि हानं गुलि मेमेगु गंगा नदीया फिगो समानं त्रिसाहस्र महा-
साहस्र लोक धातुस गुलि सत्त्वपिदु श्व सकल सत्त्वपिसं अनुत्तर सम्यक्सम्बोधिस प्रणि धान याता बोधि लायेत चित्त उत्पात्तयाता
मेमेगु गंगा नदीया फिगो समानं त्रिसाहस्र महासाहस्र लोक धातुस सकल सत्त्वपित बोधिसत्व याता च्चिबर वस्त्र पिण्ड पात्र लासा
आसन रोग ज्वीबले वासयाता व रोग निर्मल ज्वीक लायेके गुलि सकल सुखोपधामं सकल सुख स्पर्श बिहार याका छम्ह २ सित
छम्ह २ बोधिसत्त्व गंगा नदीया फिगो समान कल्प तक्कं च्वना दान याता च्वनी थथे हे श्व सकासनं गुगु उपलम्भ संज्ञा याता दान
यायी ॥ थुगु हे किंसमं सकल सत्त्वपितनं छम्ह २ बोधिसत्त्व कल्पना याता दक्व बोधिसत्व याता थपि सकले गंगा नदीया फिगो
समान कल्प तक्कं च्वना श्व सकल यातं च्चिबर वस्त्र पिण्ड पात्र लासा आसन रोग ज्वीबले वासयाता रोग निर्मल ज्वीक लायेके
गुलि सकल सुखोपधानं सकल सुख स्पर्श बिहार याका न्ह्योने तयार जुया च्वनी थुगु दान उपलम्भ संज्ञा याता दानयायी ॥ ॥

हानं गुम्ह प्रज्ञापारमिताया उपायकौशल्य कया च्वंम्ह बोधिसत्त्व महसत्त्वं न्हापा जुया वंषि लिपा जूवैषि आःजूया च्वंषि बुद्ध भगवान् पिनिगु शीलस्कन्ध समाधिस्कन्ध प्रज्ञास्कन्ध विमूर्तिस्कन्ध विमूर्ति ज्ञान दर्शनस्कन्ध हानं गुलिस्थां अन न्हापा जुयाच्वंषि लिपा जुवैषि आः जुयाच्वंषि बुद्ध भगवान् पिके कुशल मूल पित पिथि पिना च्वन गुबले तक्क थासुगु सद्धसंनं अन्तद्धानि मज्जुल मज्जुया च्वन थुलिया बिचे थ्व बुद्ध भगवान् पिनि न्हापा धर्म चित्त उत्पत्ति जुसे नित्से कना दक्क अनुत्तर सम्यक्सम्बोधिस थुयिका बिज्जापि भगवान् बुद्ध पिनि मलसाहत स्कन्ध शेष मदुगु निर्बान जुया बिज्जा पिनि गुलिकुशल मूल दत्त । हानं गुलि श्रावक यानि कया पुद्गल पित श्रावक बोधिस व्याकरण यात व्याकरण याना च्वन थासुगुनं गुलि कुशल मूल थ्यगु पीतिनीगु पिनि च्वंगु दत्त हानं प्रमाण मदयेक संख्या मदयेक लोकधात्वी पृथग्जन पिनि गुलि कुशल मूल दत्त । सकल लोकधात्वी न्हापा जुया वंषि लिपा जूवैषि आः जुया च्वंषि भगवान् बुद्धपिनि गुलि कुशल मूल दत्त थ्व शकल कुशल मूल छगू छगू याना ग्वारा चिना लना बांकि मदयेका तच्चकं हर्ष मान यायी हर्ष मान याना थ्व अनुमोदना याके दुगु पुण्य फल दक्कसत्त्वया अनुत्तर सम्यक्सम्बोधि ज्ञाने तथा परिणामना यायेमा धका धायी । थथे वं परिणामना यागु निमित्ते परिणामना यात धाःसा बिषं सहितगु परिणामना याःगु जुयी ॥ थ्व छुया हेतुं धाःसा उपलम्भ लाभ यायेगु निमित्ते धैगुहे बिष जुया निति अथे या निति बोधिसत्त्व यानि पुद्गल पिसं शिक्षा स्यने मज्जु ।

हानं बोधिसत्त्व प्रत्येक बुद्ध श्रावक यानया पुद्गल पिनिनं शीलादि स्कन्ध हानं मेमेपि सत्त्वपिसं कुशल मूल थ्यगु पीतिनीगु पिना च्वंगु थ्व फुक्कं छगुयाना (चित्तेतया) ग्वाराचिना बांकिमदयेका शेष मदयेक तःधंगु हर्ष अनुमोदना (पुण्ये हर्ष) यायी भेष्टगु ज्येष्ठगु तःधंगु बरो तःधंगु सिद्धगु उत्तमगु बरो उत्तमगु अत्यन्त उत्तमगु उत्तरोत्तर (व्यासिनं व उत्तमगु २) समान मदुगु समान मदु गुलि समान गु अत्यन्त समान मदुगु चिन्तना याये मफुगु अनुमोदना (हर्ष) अनुमोदना यायी । (पुण्य हर्ष यायी) अनुमोदना याके उत्पत्ति जूगु पुण्य फल (सत्त्वया निमित्ते) अनुत्तर सम्यक्सम्बोधि ज्ञाने परिणामना याथे धका थुगु वचन नं धायी (सत्त्वपित) अनुत्तर सम्यक्सम्बोधिया उत्पत्ति यायीगु थ्व उब्बीमा धका थथे नं धायी । थ्व अनुमोदना परिणामनां सहितगु पुण्य फलया हके व न्हापाया म्ह उपलम्भ संज्ञा दुम्ह बोधिसत्त्व यागु पुण्य फल सांछिब्वे छब्वो कला हे न्हयायी मखु दोछिब्वे छब्वो लकछिब्वे छब्वो कोटिब्वे छब्वो सछिगु कोटिब्वे छब्वो दोछिगु कोटिब्वे छब्वो लकाछिगु कोटिब्वे छब्वो सिगु लाख कोटि लकछिब्वे छब्वो कलाहे न्हयायी मखु संख्यानं कलानं गणनानं उपमानं औपम्यनं अतान्त चिकिचा धंगुनं हेतु भावमात्र हेनं न्हयायी मखु । थ्व छुया हेतुं धाःसा थथे निश्चयनं थ्व बोधिसत्त्वपि सकसिनं उपलम्भ संज्ञा याना दान यायीगु जुया च्वन ॥ ॥ थनंलि आयुष्मान सुभूति भगवान् याके थथे बिातयात । गुगुजा भगवान् न्हापा जुया वंषि लिपा जूवैषि आः उत्पत्ति जुया च्वंषि सकल बुद्धभगवान् पिनिगु बोधिसत्त्व

(१६०)

प्रत्येक बुद्ध श्रावक संघ पिनिगु सकलसत्त्व प्राणिनिगुनं न्हापायागु लिपा यागु आःयागु गुलि कुशल-मूल दत्त श्व फुक्कं छगु याना
(चित्ते तया) ग्वाराचिना वार्कमदेका शेष मदयेक तःधंगु हर्ष अनुमोदना (पुण्ये हर्ष) यायी श्रेष्ठगु तःधंगु वरो तःधंगु सिद्धगु
उत्तमगु वरो उत्तमगु अत्यन्त उत्तरोत्तरगु समं मदुगुलि समानगु अत्यन्त समान मदुगु चिन्तना मदुगु अनुमोदना अनुमोदना यायी
धका आज्ञादयेकल ॥ हे भगवन् थुकि गुगुलि (गुगु प्रकारं याना) मुख्यगु (तःधंगु) अनुमोदना जुयी ॥ ॥ थुलि विन्ति यासैलि
भगवानं आयुष्मान् सुभूति यात थथे आज्ञादयेकल ॥ हे सुभूते यदी बोधिसत्त्वया यान पुद्गलं न्हापा जुया वंगु लिपा जुया वेगु आः
उत्पात्ता जुया च्वंगु पदार्थ यात कायी मखु भाने यायी मखु दयेकै मखु कल्पना यायी मखु विशेष कल्पना यायी मखु खनी मखु वांलाक
खनी मखु हानं श्व संसारया पदार्थया थथे परीक्षा यायी श्व संसारया पदार्थ दक्कं कल्पना जक जुया च्वंगु (कल्पना जक धंगु जुया
च्वंगु कल्पना मयासा मदंगु) उत्पत्ति मदुगु वंगु मखुगु वनीगु मखुगु थन संसारया छुपदार्थ हे उत्पात्ति जुया वंगु मदु उत्पात्ति जुया
वंगु मदु उत्पात्ति जुया च्वंगु मदु संसारया छुपदार्थ हे मदया वंगु मदु मदया वनीगु मदु मदया वना च्वंगुनं मदु । थथे श्व संसार
या पदार्थयात परिक्षायाना गथे श्व संसारया पदार्थया भावखः अथे हे अनुमोदना यायी (पुण्ये हर्ष यायी) अनुमोदना याना अथे
हे अनुत्तर सम्यक्संबोधिस (सत्त्वयानिमित्ते) अनुत्तर सम्यक्संबोधिस पारणामना यायी । हे सुभूते थुकि बोधिसत्त्व महासत्त्वया

(१६१)

मुख्य तःधंगु अनुमोदना जुयी ॥ हे सुभूते श्व कुशलमूल परिणाम याहके श्व न्हापा कयापि उपलम्भ संज्ञायाना च्वपि उपलम्भ
दाष्ट जुया च्वपिनिगु श्व दानमय पुण्यफल सच्छिव्वे छव्वो न्हयायी मखु दोछिव्वो छव्वो लक्खिव्वे छव्वो कोटिव्वे छव्वो शच्छिगु कोटि
व्वे छव्वो दोछिगु कोटिव्वे छव्वो लक्खिगु कोटिव्वे छव्वो झिगु लाख् कोटि लक्खिव्वे छव्वो कलाहे न्हयायि मखु संख्यानं कला
नं गणनानं उपमानं औपम्यनं अत्यन्त चिकिच्चा धंगु नं हेतु भाव मात्र हेतं न्हयायी मखु ॥ ॥ हानं मेगु हे सुभूते न्हापा जुया च्वपि
लिपा जूवैपि आःजुया च्वपि सकल बुद्ध भगवान् पिनिगु दान अनुमोदना यायेगु इच्छा याह शील अनुमोदना यायेगु ईच्छा याह
वीर्य अनुमोदना यायेगु इच्छा याह ध्यान अनुमोदना यायेगु प्रज्ञा अनुमोदना यायेगु इच्छा याह बोधिसत्त्व महासत्त्व यानया पुद्गलं
थथे अनुमोदना यायेमाः । गथे विमुक्ति (सकल आवरणं मुक्त उधीगु) अथेहे दान गथे विमुक्ति अथेहे शील गथे विमुक्ति अथे
हे क्षान्ति गथे हे वीर्य गथे विमुक्ति अथेहे ध्यान गथे विमुक्ति अथेहे प्रज्ञा गथे विमुक्ति अथेहे विमुक्ति ज्ञान दर्शन (तःधंगु ज्ञान
या साक्षात् प्रत्यक्ष यायेगु) गथे विमुक्ति अथेहे अनुमोदना गथे विमुक्ति अथेहे अनुमोदना दुगु पुण्यया फल गथे विमुक्ति अथेहे
परिणामना गथे विमुक्ति अथेहे बुद्ध भगवानपि प्रत्येक बुद्ध पिनं खः गथे विमुक्ति अथेहे थुपि निर्वाण जुया वपि श्रावकपि खः
गथे विमुक्ति अथेहे न्हापा जुया वंगु मदया च्वंगु संसार या पदार्थ खः गथे विमुक्ति अथेहे सबोनिगु उत्पत्ति मज्ज निगु संसारया पदार्थ

खः गथे विमुक्ति अथेहे श्व आः उत्पत्ति जुया च्वंगु आः जुया च्वंगु संसारया पदार्थ खः गथे विमुक्ति अथेहे व न्हापा जुया वंपि बुद्ध भगवानपि अभि श्रावकपिनं खः गथे विमुक्ति अथेहे व मवोनिपि बुद्ध भगवानपि अभि श्रावकपिनं खः गथे विमुक्ति अथेहे श्व आः उत्पत्ति जुया च्वंगु आः थौ कन्हे प्रमाण मदयेक संख्या मदयेक लोक धातुस च्वना च्वंगु धारण याता च्वंगु काल हना च्वंगु बुद्ध भगवानपि थमि श्रावक पिनं खः गथे विमुक्ति अथेहे न्हापा जुया वंपि लिपा जूवंपि आः जुया च्वंगु बुद्ध भगवानपि खः ॥ थुगु प्रकारं श्व संसारिक पदार्थ (सुनानं) च्वनातः गुनं मदुगु मुक्त ज्वीगुनं मदुगु छुं जुया च्वंगु अर्थात् संसार रचना याता छुं दयेका तः गु मदुगु । गुगु संसारया स्वभावखः श्व आदि अंतमदुगुया अनुमोदनां अनुमोदना याये । अनुमोदना याता अनुमोदना याकें दुगु पुण्य फल परिणामना मयागु योगं गुबले नाश मज्जीगु धैगु या भावं अनुत्तर सम्यक्सम्बोधि ल परिणामना यायी ॥ हे सुभूते थुगु प्रकारं बोधिसत्व महासत्त्वया मुख्यगु-तः धंगु अनुमोना जुयी ॥ ॥ हानं हे सुभूते गुलि मेमेगु गंगा नदीया फिगो समानं त्रिसाहस्र महासाहस्र लोक धातुस सकल सत्त्वपि अनुत्तर सम्यक्सम्बोधिस प्रस्थान याता वंपि अनुत्तर सम्यक्सं बोधिस प्रस्थान याता वना मेमेगु गंगा नदीया फिगो समानं त्रिसाहस्र महासाहस्र लोक धातुस सकल सत्त्वपि बोधिया निमित्तो चित्ता उपत्ति याका सकल छम्ह छम्ह बोधिसत्त्वं छम्ह छम्ह बोधिसत्त्व यात गंगा नदीया फिगो समान कल्प तक्कं च्वना उपलम्भ-(लाभज्वीगु)

इच्छा याता दान यायी चीवर वस्त्र पिण्ड पात्र लासा आसन रोग ज्वीबले वासः याता रोग निर्मल ज्वीक लायेका सकल सुखोपधानं सकल सुखप स्पर्श बिहारं याका न्ह्योने तयार जुया च्वनी थुगु हे प्रकारं सकासनं सकसियां न्ह्योने तयार जुया उपलम्भ संज्ञा याता दान याता च्वनी थपि उलजा अर्थे होत । हे सुभूते हानं गंगा नदीया फिगो समानं त्रिसाहस्र महासाहस्र लोक धातुस गुल सत्त्व पि दु श्व सकासनं अनुत्तर सम्यक्सम्बोधिस प्रस्थान याता वनी अनुत्तर सम्यक्सम्बोधिस प्रस्थान याता वना गंगा नदीया फिगो समान कल्प तक्कं शरीरं भिगु कर्मया चर्या याता वचनं भिगु वाक्य लहाना चर्या याता मनं भिगु चितना याता चर्या याता उपलम्भ-(लाभ ज्वीगु) इच्छा याता शील कया च्वनी । थुगु हे प्रकारं सकल बोधि सत्त्वापसं नं छम्ह छम्ह बोधिसत्त्वं गंगा नदीया फिगो समान कल्प तक्कं च्वना गंगा नदीया फिगो समान कल्प तक्कं शरीरं भिगु कर्म याता वचनं भिगु वाक्य लहाना मनं भिगु चितना याता चर्या याता उपलम्भ(लाभ ज्वीगु) इच्छा याता शील कया च्वनी । थुगु हे किसिमं सकल बोधिसत्त्व पिनं उपलम्भ संज्ञा याता शील कया च्वनी । हानं सुगुम्हं प्रज्ञापारमिता यागु उपाय कौशल्य कया च्वम्ह छम्ह बोधिसत्त्व महासत्त्व न्हापा जुया वंपि लिपा जूवंपि आः जुया च्वंगु बुद्ध भगवान पिनिगु शील समाधि प्रज्ञा विमुक्ति (सकल आवरण याकें मुक्त ज्वीगु) विमुक्ति ज्ञान दर्शन स्कन्ध (तः धंगु ज्ञानया साक्षात् प्रत्यक्ष यायेगु) प्रत्येक बुद्ध पिनिगुनं शील समाधि प्रज्ञा विमुक्ति विमुक्ति ज्ञान दर्शन स्कन्ध श्रावक पिनिगुनं शील समाधि प्रज्ञा विमुक्ति विमुक्ति

(१६४)

ज्ञान दर्शन दर्शन स्कन्ध सकल सत्वप्राणि पिनिगुर्न न्हापा याना वंगु लिपा यायीगु आः याना च्वंगु कुशलमूल गुलि दुगुदः व फुक्कं
छगु याना (चित्ते तथा) ग्वाराचिना लना बाकि मदयेका शेष सबयेक तःधंगु हर्ष अनुमोदना यायी (पुण्ये हर्ष यायी) श्रेष्ठगु
उयेष्ठगु तःधंगु बरो तःधंगु सिद्धगु उत्तमगु बरोउत्तमगु ज्वरामदुगु उत्तरोत्तरगु (वया सिमं व उत्तमगु) समान मदुगु समान मदुगु
लि समानगु अत्यन्त सम मदुगु चिन्तना मदुगु अनुमोदनां अनुमोदना यायी । अनुमोदना याना अनुमोदनां सहितगु पुण्य फल अनु-
त्तर सम्यक्सम्बोधिस परिणामना यायी । हेसुभूते श्व अनुमोदनां सहितगु पुण्य फलया हके श्व न्हापा कनापि उपलम्भ (लाभज्वीगु)
इच्छा दुपि बोधिसत्त्व पिनिगु शील मयगु पुण्य फल सच्छिब्बे छब्बो कला हे न्हयायी मखु दोछिब्बे छब्बो लक्खिब्बे छब्बो कोटिब्बे
छब्बो शच्छिगु कोटिब्बे छब्बो दोछिगु कोटिब्बे छब्बो लक्खिगु कोटिब्बे छब्बो सिगु लाख कौटि लक्खिब्बे छब्बो कला हे न्हयायी मखु
संख्यानं कलानं गणनानं उपमानं औपम्यनं अत्यन्त चिकिचः धंगुनं हेतुं भाव मात्र हेनं न्हयायी मखु ॥ श्व छुया हेतुं धाःसा यथे निश्च-
यनं श्व बोधिसत्त्वपिसं उपलम्भ संज्ञा याना शील कया च्वनीगु जुया च्वना ॥ ॥ हानं हेसुभूते गंगा नदीयां फिगो समानं
त्रिसाहस्र महासाहस्र लोक धातुस अनुत्तर सम्यक्सम्बोधिस प्रस्थान याना वना च्वपि सकल सत्त्वपि अनुत्तर सम्यक्सम्बोधिस प्रस्थान
याना वना गंगा नदीयां फिगो समानं कल्प तक्कं शरीरं भिगु कर्म याना (प्राणापिपत १ अदत्ता दान २ काम मिथ्या चार ३ थुलि स्वंगु

(१६५)

पाप कर्म मयासे थुक्किया उल्लागु स्वंगु सुकुशलगु कर्म याना) चर्या यानागु । बचनं भिगु बाक्य ल्हाना (मृषा बाद १ पिशुन २ पारुष्य ३
संभिन्न प्रलाप ४ थुलि प्यंगु पाप मयासे थुक्किया उल्लागु प्यंगु सुकुशल कर्म याना) चर्या यानागु । मनं भिगु चित्तना याना (अभिध्या
१ व्यापाद २ मिथ्या दृष्टि ३ थुलि स्वंगु पाप कर्म मयासे थुक्किया उल्लागु स्वंगु सुकुशल कर्म याना) चर्या यानागु । उपलम्भ संज्ञा
याना शील कया च्वना च्वपि उलिजा अर्थे हेत । हे सुभूते गंगा नदीयां फिगो समानं त्रिसाहस्र महासाहस्र लोक धातुस गुलि सत्त्वपि
दैच्वन थपि सकलं अनुत्तर सम्यक्सम्बोधिस प्रस्थान याना वनी अनुत्तर सम्यक्सम्बोधिस प्रस्थान याना वनी गंगा नदीयां फिगो
समान कल्प तक्कं च्वना मेमेगु गंगा नदीयां फिगो समानं त्रिसाहस्र महासाहस्र लोक धातुस सकसिनं छम्ह छम्ह बोधिसत्त्व यात हक्का
ब्बोब्बूगु (पैशुन्य १ पारुष्य २ संभिन्न प्रलाप ३ स्वतां याना हक्का ब्बोब्बूगु) तुतां कथि आदि दाःगु निन्दा याना ह्येपे याना ब्बोब्बूगु ।
गुमानं सहित याना घमन् याना च्वना च्वंगु थुजोगु दक्ख सह याना श्व उपलम्भ संज्ञा दुपि सकल बोधिसत्त्व पिसं क्षान्ति धर्म कया
च्वनी । गुलि श्व सकल क्षान्ति धर्म कैच्वपि बोधिसत्त्वपि थुगु हे प्रकारं श्व सकल बोधिसत्त्व पिनि छम्ह छम्ह बोधिसत्त्व गंगा नदी
या फिगो समानं कल्प तक्कं च्वना गंगा नदीयां फिगो समानं कल्प तक्कं मेमेगु गंगा नदीयां फिगो समानं त्रिसाहस्र महासाहस्र लोक
धातुस सकसिनं हक्का ब्बोब्बूगु दाःगु निन्दा याना ह्येपे याना ब्बोब्बूगु गुमानं सहित याना घमन् याना च्वना च्वंगु सह याना उपलम्भ

(१६६)

(लाभ उद्योग) इच्छा याना क्षान्ति धर्म कया चवं चवनी । । युग प्रकारं थ्व फूक्क सक सितं हे हक्का बोब्बूगु दाःगु निंदा याना ह्यपे याना बोब्बूगु गुमानं सहित याना धमन् याना चवना चवंगु नं सहयाना उपलम्भ संज्ञा दुपि क्षान्ति धर्म कया चवं चवंपि जुयी मेम्ह छम्ह थ्व प्रज्ञापार मितया उपाय कौशल्य कया चवम्ह बोधि सत्त्व महासत्त्व न्हापा जुया वंपि लिपा जूदंपि आः जुया चवंपि बुद्ध भगवान पिनिगु शील स्कन्ध समाधि स्कन्ध प्रज्ञा स्कन्ध विमुक्ति स्कन्ध विमुक्ति ज्ञान दर्शन स्कन्ध हानं थ्व प्रत्येक बुद्ध पिनिगुनं शील स्कन्ध समाधि स्कन्ध प्रज्ञास्कन्ध विमुक्ति स्कन्ध विमुक्ति ज्ञान दर्शन स्कन्ध हानं थ्व श्रावक पिनिगुनं शील स्कन्ध समाधि स्कन्ध प्रज्ञास्कन्ध विमुक्ति स्कन्ध विमुक्ति ज्ञान दर्शन स्कन्ध सकल सत्त्व प्राणि पिनिगुनं न्हापा याना वंगु लिपायायीगु आः याना चवंगु गुल कुशल मूल दत्त थ्व फूक्क छगु याना (चित्तेतया) ग्वारा चिना लना बाकि लदयेका शेष मदयेक तःधंगु हर्ष अनुमोदना यायी श्रेष्ठगु जेष्ठगु तःधंगु बरोतःधंगु सिद्धगु उत्तमगु बरो उत्तमगु अत्यन्त उत्तमगु उत्तरोत्तरगु (उगु या सितं उगु उत्तमगु) समान मदुगु समान मदुलि समानगु अत्यन्त समान मदुगु चिन्तना मदुगु अनुमोदनां अनुमोदना यायी । अनुमोदना याना अनुमोदनां सहितगु पुण्य फल (सत्त्व या निनित्ते) अनुत्तर सम्यक्सम्बोधि स परिणामना यायी । हे सुभूते थ्व अनुमोदनां सहितगु पुण्य फल या हके न्हापा कनापि उपलम्भ संज्ञा दुपि बोधिसत्त्व पिनिगु

(१६७)

क्षान्ति धर्म याके दुगु पुण्य फल सछिब्वे छब्वो कलाहे न्ह्यायी मखु दोछिब्वे छब्वो हे लक छिब्वे छब्वो हे कोटिब्वे छब्वो हे सछिगु कोटिब्वे छब्वो हे दोछिगु कोटिब्वे छब्वो हे लकछिगु कोटिब्वे छब्वो हे त्रिगु लाख कोटि लक्खिब्वे छब्वो कलाहे न्ह्यायी मखु संख्यानं कलानं गणनानं उपमानं औपम्यनं अत्यन्त चिकिचा धंगुनं हेतु भावमात्र हेनं न्ह्यायी मखु ॥ थ्व छुया हेतुं धाःसा । थये निश्चयनं थ्व बोधिसत्त्व पिसं उपलम्भ संज्ञा याना क्षान्ति धर्म कया चवनीगु जुया चवन ॥ ॥ हानं हे सुभूते गंगा नदीया फिगो समानं त्रिसाहस्र महासाहस्र लोक धातुस अनुत्तर सम्यक्सम्बोधिस प्रस्थान याना वंपि सकल सत्त्वपि अनुत्तर सम्यक्सम्बोधिस प्रस्था नयाना वना मेमेगु गंगा नदीया फिगो समान त्रिसाहस्र महासाहस्र लोक धातुस सफासितं हक्का बोब्बूगु दाःगु निन्दायाना ह्यपे याना बोब्बूगु गुमानं सहित याना धमन् याना चवना चवंगु सहयाना गंगा नदीया फिगो समानं कल्प तक्क क्षान्ति धर्म कया चवना चवंपि उलजा अये हेति । हे सुभूते गंगा नदीया फिगो समानं त्रिसाहस्र महासाहस्र लोक धातुस गुलि सत्त्वपि दै चवन थपि सकलं अनुत्तर सम्यक्सम्बोधिस प्रस्थान याना वंपि जुयी अनुत्तर सम्यक्सम्बोधिस प्रस्थान याना वना गंगा नदीया फिगो समान कल्प तक्क चवना छथाये जक चवना चवने माःगु अथवा जुया चवने भागुलीनं मन बिषाद मयासे (न्ह्याथाये चवने माःसानं न्ह्याथाये वने माःसानं मनं अलसि मचासे) गंगा नदीया फिगो समान कल्प तक्क चित्तं याये ममदै चित्तं थीरं तये मफैगु अलास उद्योग यात छवे छोया

(१६८)

वीर्यं (पराक्रम उत्साह) यानां च्वना च्वनी । मेम्ह छम्ह थ्व प्रज्ञापारमिताया उपाय कौशल्य कथा च्वंम्ह बोधिसत्व महासत्त्वं न्हापा जुया वं पि लिपा जूवै पि आः जुया च्वं पि बुद्ध भगवान् पिनिगु शीलस्कन्ध समाधिस्कन्ध प्रज्ञास्कन्ध विमुक्तिस्कन्ध विमुक्तिज्ञान दर्शन स्कन्ध प्रत्येक बुद्ध पिनिगुनं शीलस्कन्ध समाधिस्कन्ध प्रज्ञास्कन्ध विमुक्ति स्कन्ध विमुक्तिज्ञानदर्शनस्कन्ध श्रावक पिनिगुनं शील स्कन्ध समाधि स्कन्ध प्रज्ञास्कन्ध विमुक्तिस्कन्ध विमुक्तिज्ञान दर्शन स्कन्ध सकल सत्त्वापिनिगुनं न्हापा याना वंगु लिपा यायीगु आः याना च्वंगु कुशल मूलया पुण्य फल दक्क छगु याना ग्वारा चिना बाकिमदयेका शेष मदयेक तच्चोगु हर्ष अनुमोदना यायी श्रेष्ठगु ज्येष्ठगु तःधंगु वरो तःधंगु सिद्धगु उत्तमगु वरो उत्तमगु अत्यन्त उत्तमगु उत्तरोत्तरगु (उगुया सितं उगु उत्तमगु २) समान मदुगु समान मदुगुलि समानगु अत्यन्त समान मदुगु चिन्तना मदुगु अनुमोदनां अनुमोदना यायी । अनुमोदना याना अनुमोदना याकें दुगु तुण्य फल (सत्त्वया निमित्ते) अनुत्तर सम्यक्सम्बोधिस परिणामना यायी हे सुभूते थ्व अनुमोदना याकें दुगु पुण्य फलया हके न्हापा याम्ह उपलम्भ संज्ञा दुपि बोधि सत्त्वापिनिगु वीर्य याकें दुगु पुण्य फल सांछिब्वे छब्वो कला हे न्हयायी मखु दोछिब्वे छब्वो लक्छिब्वे छब्वो कोटिब्वे छब्वो सांछिगु कोटिब्वे छब्व हे दोछिगु कोटिब्वे छब्वो हे लक्छिगु कोटिब्वे छब्व हे झिगु लाख कोटि लक्छिब्वे छब्वो कला हे न्हयायी मखु संख्यानं कलानं गणनानं उपमानं औपम्यनं अत्यन्त चिकिचा धंगुनं हेतु भाव मात्र हेनं न्हयायी मखु ॥ थ्व छुया हेतु धाःसा । थये निचयनं थ्व

(१६९)

बोधि सत्त्वपिसं उपलम्भ संज्ञा याना वीर्य उत्साह याना च्वान ॥ ॥ हानं हे सुभूते गंगानादिया फिगो समानं त्रिसाहस्र महासाहस्र लोक धातुस अनुत्तर सम्यक्सम्बोधिस प्रस्थान याना वं पि सकल सत्त्वपि अनुत्तर सम्यक्सम्बोस प्रस्थान याना वना गंगा नदिया फिगो समान कल्पतवकं च्वना थातं जक च्वना च्वने माःगु जुया च्वने माःगु लीनं सन विषाद मयासे गंगानादिया फिगो समान कल्प तवकं चित्त पाये मंमदैगु चित्त थीरं तये मफैगु अलास ज्विगु यात छखे छोया उपलम्भ संज्ञायाना वीर्य कथा च्वना च्वं पि उलजा अर्थे हे ति । हे सुभूते गंगानादिया फिगो समानं त्रिसाहस्र महासाहस्र लोक धातुस गुल सत्त्वपि दु थपि सकले अनुत्तर सम्यक्सम्बोधिस प्रस्थान याना वं पि ज्वी । यपि सकले अनुत्तर सम्यक्सम्बोस प्रस्थान याना वना गंगानादिया फिगो समान कल्प तवकं उपलम्भ संज्ञायाना प्यंगु ध्यान याना च्वनी ॥ मेम्ह छम्ह थ्व प्रज्ञापारमिताया उपाय कौशल्य कथा च्वंम्ह बोधि सत्त्व महासत्त्वं न्हापा जुया वं पि लिपा जू वै पि आः जुया च्वं पि सकल बुद्ध भगवान् पिनिगु शीलस्कन्ध समाधिस्कन्ध प्रज्ञास्कन्ध विमुक्ति स्कन्ध विमुक्तिज्ञान दर्शनस्कन्ध प्रत्येक बुद्ध भगवान् पिनिगुनं शीलस्कन्ध प्रज्ञास्कन्ध विमुक्ति स्कन्ध विमुक्तिज्ञान दर्शन स्कन्ध श्रावकापिनिगु नं शीलस्कन्ध समाधि स्कन्ध प्रज्ञा स्कन्ध विमुक्ति स्कन्ध विमुक्तिज्ञानदर्शन स्कन्ध सकल सत्त्वापिनिगुनं न्हापा याना वंगु लिपा यायीगु आजुया च्वंगु कुशल सुलया पुण्यफल दक्क छगु याना ग्वाराचिना लना बाकी मदयेका शेष मदयेक तच्चोगु हर्ष अनुमोदना यायी श्रेष्ठगु ज्येष्ठगु तःधंगु वरा तःधंगु सिद्धगु उत्तमगु वरो

(२००)

उत्तमगु अत्यन्त उत्तमगु उत्तरोत्तरगु (उगुयासिनं उगु उत्तमगु २) समानमदुगु समान मदुगुलि समानगु अत्यन्त समान मदुगु चितना
मदुगु तच्चोगु हर्षं अनुमोदना यायी । अनुमोदना याना अनुमोदनां सहितगु पुण्यफल (सत्वया निर्मिते) अनुत्तर सम्यक्सम्बोधिस
परिणमना यायी । हे सुभूते श्व अनुमोदनां याके दुगु पुण्य फलया हके न्हापा कनापि उपलम्भ संज्ञा दुपि बोधिसत्व पिनिगु प्यंगु ध्यान
यागु पुण्य फल सच्छिब्बे छब्बो कलाहे न्हयायी मखु दोछिब्बे छब्बो लक छिब्बे छब्बो कोटिब्बे छब्बो सच्छिगु कोटिब्बे छब्बो दोछिगु कोटिब्बे
छब्बो लकाछिगु कोटिब्बे छब्बो झिगु लाख कोटि लक्छिब्बे छब्बो कलाहे न्हयायी मखु संख्यानं कलानं गणनानं उपमानं औपम्यनं
अत्यन्त चिकिचा धंगुनं हेतु भावमात्र हेनं न्हयायी मखु ॥ श्व छुया हेतुं धाःसा ॥ थये निश्चयनं श्व बोधिसत्व पिसं उपलम्भ
(लाभज्वीगु) इच्छा याना ध्यान याना च्वनीगु जुया च्वन थुलि ॥ ॥ ॥ ॥ ॥
आर्य अष्ट सहासिका प्रज्ञापारमिताया अनुमोदना (सर्कासनं पुण्य याःगुली हर्ष यायेगु) परिणामना (थःगु पुण्य याः फल पाके ज्वीगु)
परिवर्त नाम खुगुगु ॥ ६ ॥ ॥ ॥ ॥ ॥

(२०१)

अथ निरय परिवर्तो नाम सप्तम ॥

(थनंलि नरक परिवर्त नाम न्हेगुगु ज्ञान न्हेगुगु शिक्षा)

थनंलि आयुष्मान सारिपुत्रं भगवानं याके थये वितियात । हे भगवान् सर्वज्ञ ज्ञान सिद्धयाना वीगु श्व प्रज्ञापारमिता हे भगवन्
सर्वज्ञगु श्व प्रज्ञापारमिता ॥ ॥ भगवानं आज्ञादये कल । थये हे खः श्व हे सारिपुत्र छं गथे धया अथे हे खः श्व ॥ ॥ सारिपुत्र
वितियात ॥ प्रकाश यायीगु हे भगवान् प्रज्ञापारमिता । नमस्कार याये हे भगवान् प्रज्ञापारमिता यात । नमस्कार याये जोग्य हे भग-
वन् प्रज्ञापारमिता । (छुकिनं) मक्खूगु हे भगवान् प्रज्ञापारमिता । सकल लोकयात श्वीके थाकुगु हे भगवन् प्रज्ञापारमिता । (निर्वाण)
केना विगु हे भगवन् प्रज्ञापारमिता । सकल त्रैधातुक भुवनया (अज्ञानया) अन्धकार मदयेका वीगु हे भगवन् प्रज्ञापारमिता । (मुक्ति
प्रत्यक्ष खनीगुलि) दक्ख पाप अन्धकार मखनीगु मिखायाना वीगु हे भगवन् प्रज्ञापारमिता । (मालाः लायेगु) आश्रय यायेःमागु हे
भगवन् प्रज्ञापारमिता । च्वे यान्ह याना वीगु हे भगवन् प्रज्ञापारमिता । बोधिपक्ष धर्मयात कुशल यायीगु हे भगवन् प्रज्ञापारमिता ।
(अज्ञानया) अन्धापित खने दयेका वीगु हे भगवन् प्रज्ञापारमिता दक्ख भय उपद्रव नाश याना केना वीगु हे भगवन् प्रज्ञापारमिता ।

(२०२)

पंच चक्षु (न्यागु मिखा मांस चक्षु १ दिव्य चक्षु २ प्रज्ञा चक्षु ३ बुद्धि ४ धर्म चक्षु ५) यात ज्वना सकल सत्वप्राणि यात लं-
क्यना वीगु हे भगवन् प्रज्ञापारामिता । मिखा हे भगवन् प्रज्ञापारामिता । तच्चोगु मोहया अंधकार मदयेकावीगु अंधकार यात नाश
यायीगु हे भगवन् प्रज्ञापारामिता । दक्क धर्मयात तःधंगु यानाःवीगु हे भगवन् प्रज्ञापारामिता । मद्धुगु लं वना च्यपि सत्वपि
त खःगु लं लाका वीगु हे भगवन् प्रज्ञापारामिता सर्वज्ञ ज्ञान धंगु हे हे भगवन् प्रज्ञापारामिता । दक्क ल्केशावरण ज्ञयावरण (पाप
लाइ धंगु सीके सेकेमानी धंगु) वासनाया जोनी मदयेका वीगुयात ज्वनाः दक्क संसारया पदार्थ उत्पत्ति मयायीगु हे भगवन् प्रज्ञापार
मिता । संसारया सकल पदार्थ मद्धे धका मयायीगु हे भगवन् प्रज्ञापारामिता । उत्पत्ति धंगुनं मद्धुगु फुना वनी धंगुनं मद्धुगु हे भगवन् प्रज्ञा
पारामिता । स्वलक्षण शून्यता (थःगु लक्षण धंगु हे मद्धु) धंगु यात ज्वनाः । बोधिसत्व महासत्वपिनि मां हे भगवन् प्रज्ञापारामिता ।
सकल बुद्ध धर्मया रत्न वीगु जूयानिति दशवल दयेका वीगु हे भगवन् प्रज्ञापारामिता । फुका छोये मज्जुगु हे भगवन् प्रज्ञापारामिता ।
प्यंगु वैशारदय सीका वीगु जूयानिति नाथ मद्धुगुपि सत्वपित नाथ दयेका वीगु हे भगवन् प्रज्ञापारामिता । (दक्क संसार मदयेका केनीगु
जूया निति) संसारया विपक्ष (शत्रु) जूया च्चंगु हे भगवन् प्रज्ञापारामिता । च्चकाये (च्चे) मच्चनीगु यात ज्वना दक्क संसारया पदार्थ
यागु स्वभाव क्यनीगु हे भगवन् प्रज्ञापारामिता । बुद्ध भगवान पिनि परिपुणं त्रिपरिवर्त द्वादशाकार धर्म चक्र प्रवर्तनयायीगु हे भग-

(२०३)

वन् प्रज्ञापारामिता ॥ हे भगवन् बोधिसत्व महासत्वं गथे प्रज्ञापारामितास च्चनेमा गथे मातितयेमा हे भगवन् प्रज्ञापारामिता यात गथे नम-
स्कार यायेमाः ॥ ॥ थुलि विन्ति यासेली भगवानं आयुष्मान् शारिपुत्र यात थथे आज्ञा दयेकल । हे शारिपुत्र गथे गुरुयाके च्चनेगुखः
अथे हे प्रज्ञापारामितास च्चनेमाः । हे शारिपुत्र गथे गुरुयात खः अथे हे प्रज्ञापारामिता यात मती तये माः । हे शारिपुत्र गथे गुरु यात
खः अथ्य हे प्रज्ञापारामिता यात नमस्कार यायेमाः ॥ ॥ थनंलि शक्रदेव राज इन्द्रया थथे मती लुल ॥ अहो गनं थ्व आर्य शारिपुत्र
या थथे न्यनेगु मती वल अहो छुकारणं थ्व आर्य शारिपुत्रया थथे न्यनेगु मती वल ॥ ॥ थुलि मती तया अनंलि व शक्रदेवराज
इन्द्रं आयुष्मान् शारिपुत्र याके थथे न्यन ॥ गनं छलपोलया थथे न्यनेगु मती वलथे छु कारणं छलपोलया थथे न्यनेगु मती वलथे ॥
थुलि न्यसेलि आयुष्मान् शारिपुत्रं शक्र देवराज इन्द्रयात थथे आज्ञा दयेकल ॥ हे कौशिक प्रज्ञापारामिताया उपाय कौशल्य कया
तःम्ह बोधिसत्व महासत्वया अनुमोदनां सहितगु पुण्य क्रियाया फल सर्वज्ञतास परिणामना याःगुलि व न्हापायापि उपलम्भ मज्ञा
दुपि बोधिसत्वपिनि गुगु दानमय पुण्य क्रिया गुगु शीलमय गुगु क्षान्तमय गुगु ब्रियमय गुगु ध्यानमय पुण्यक्रिया खः थ्व सकलयात जिते यायी
थुकिं जि थ्वहे कारणं थथे न्यनेगु मती वल ॥ हानं छुथाःसा निस्वयनं हे कौशिक सर्वज्ञताया लं वनेत न्यागु पारामिताया मध्येनं थ्वहे प्रज्ञा-
पारामिता ह्योने जूया च्चन ॥ थ्व गथे धाःसा हे कौशिक वुसेनिसें कांपि सच्छि वा दोछि वा लक्खि म्ह हेदुसांवितां (व्वनायनीम्ह) नायो

मदयेकं लें बने फेमखु गामे वा नगरे वा चिचि धंगु देशे हेनं बने फेमखु ॥ थथे हे संतुं हे कौशिक दान शील क्षान्ति वीर्य ध्यान नं प्रज्ञापारमिता धंगु हेनं नां जुयी । विनां प्रज्ञापारमिता मदयेकं थ्व दान आदि पारमिता वुसैं निसैं कांषि ज्वी ॥ (लें व्वना यनीम्ह) नाथ मदुया निंति सर्वज्ञताया लें बने फेमखु हानं सर्वज्ञता लायी धंगुजा गनया खं ॥ हानं हे कौशिक गुगु वखते दान शील क्षान्ति वीर्य ध्यान यात प्रज्ञापारमितां गृहण यायी (ज्वनी) अनतिनि पारमिता शब्द लाभ जुयी अले थपि न्यांगु पारमिताया सर्वज्ञताया लें वनेत सर्वज्ञता लयित मिखा दुपि जुयी ॥ ॥ थनंलि आयुष्मान शारिपुत्रं भगवान् याके थथे वित्ति यात ॥ हे भगवन् बोधिसत्व महासत्त्वं गथे प्रज्ञापारमिताया अभिनिर्हार यायेमाः (स्वभाव लक्षण लिकायेमाः लें थनेमाः) ॥ ॥ (अर्थात् गथे शून्यगु खनेमाः थन अर्थात् अभिनिर्हार धंगुनं पद दु उांकया अर्थ छुं उकिं स्वभाव लक्षण धायें लिकायेगु मदुगु लें थना काये मदुगु अर्थात् शून्यगु । थुक्रियानं थ्वहे अर्थ खः) थुलि विन्तियासैलि भगवान् आयुष्मान शारिपुत्रयात आज्ञादयेका विज्यात ॥ हे शारिपुत्र रुपया आभिनिर्हार खनेमाः (रुप या लक्षण लिकायेमाः लें थनेमाः) थथेहे वेदनाया संज्ञाया हे शारिपुत्र विज्ञानया आभिनिर्हार खनेमाः (स्वभाव लक्षण लिकायेमाः ले थनेमाः) ॥ हे शारिपुत्र गुगु न्यागु स्कन्धया आभिनिर्हार खः थ्व हे हे शारिपुत्र प्रज्ञापारमिताया आभिनिर्हार धायी । थुजोगु आभिनिर्हार न्यागु स्कन्धया आभिनिर्हार प्रज्ञापारमिता अभिनिर्हार (गुगु) आभिनिर्हार धायी ॥ ॥ थुलि आज्ञादयेकुसैलि आयुष्मान शारिपुत्रं भगवान्

याके थथे विंति यात ॥ हे भगवन् थुजोगु आभिनिर्हारं छुं हे मदुगु (फुक्कं शून्यता तथता) खना च्वंम्ह प्रज्ञापारमितां छु संसारया पदार्थ अर्पण यायी—(समर्पणयायी वी) ॥ ॥ भगवानं आज्ञादयेकल । हे शारिपुत्र थुजोगु आभिनिर्हारं च्वंम्हसैं प्रज्ञापारमितां (संसारया छुं हे पदार्थ खनीमखु) संसारया छुं हे पदार्थ अर्पणयायीमखु अर्थात् चित्त हे सं कै मखु । हे शारिपुत्र गुवलं छुं हे संसार या पदार्थया अर्पण भयायी अवले प्रज्ञापारमिता धंगु ल्याखे वनी ॥ ॥ थनंलि शक्रदेवराज इन्द्रं भगवान् याके थथे विन्तियात । हे भगवन् थ्व प्रज्ञापारमितां सर्वज्ञता नं अर्पणयायी मखुला ॥ ॥ भगवानं आज्ञादयेकल ॥ गुगुजा हे कौशिक छुं थथे धाल थ्व प्रज्ञापारमितां सर्वज्ञता नं अर्पणयायी मखुलाकी छु धका ॥ गथे लायेगु धंगु पदार्थ दैगु खः उकी अर्पणयायी मखु गुगु नां (रुप) दुगुखः उकी अर्पणयायी मखु । गथे क्रिया (ज्या यायेभागु) खः उकी अर्पण यायीमखु ॥ ॥ इन्द्रं विन्तियात । हे भगवन् आःथन गथे अर्पण यायी ले ॥ ॥ भगवानं आज्ञादयेकल ॥ हे कौशिक गुगु प्रकारं अर्पण भयायीगुखः थथे अर्पण यायी ॥ ॥ इन्द्रं विन्तियात । आश्चर्य हे भगवान् थ्व प्रज्ञापारमितां दक्क संसारया छु पदार्थ हे उत्पात्त यायीगुनं मखु संसारया छु पदार्थ हे मदु धायीगुनं मखु संसार या दक्क पदार्थ उत्पात्त भयायेत मदुनं मधायेत च्वना च्वंगु च्वनानं मच्चंगु थुगु प्रज्ञापारमिता ॥ ॥ थनंलि आयुष्मान सुभूति भगवान् याके थथे विन्तियात । हे भगवन् यदी व बोधिसत्व महासत्त्वं थथे (नांदु रुपदु धंगु) संज्ञायात धाःसा वं प्रज्ञापारमिता तापाकै

प्रज्ञापारमिता खालि यायी । श्व प्रज्ञापारमिता यात तुच्छ यायी । यायी मखु श्व प्रज्ञापारमिता (चर्या) ॥ ॥ थुलि विंति यासेलि
 भगवानं आयुप्मान् सुभूति यात थथे अज्ञादयेकल ॥ थथे हे खः श्व हे सुभूते थथे (नां दु रूप दु धंगु संज्ञा) यात धासा थुगु विचारं
 तापायी श्व प्रज्ञापारमिता खालि यायी श्व प्रज्ञापारमिता तुच्छ यायी श्व प्रज्ञापारमिता यायी मखु श्व प्रज्ञापारमिता (चर्या) ॥ श्व छुया
 हेतुं धाःसा । हे सुभूते प्रज्ञापारमिता प्रकाश यायी गुली रूप प्रकाश यायी मखु (रूप दुधका प्रकाश याना केनी मखु) वेदना प्रकाश यायी
 मखु संज्ञा प्रकाश यायी मखु संस्कार प्रकाश यायी मखु विज्ञान नं प्रकाश यायी मखु । श्रोतार्थात्त फल प्रकाश यायी मखु सकृदागामि
 फल प्रकाश यायी मखु अनागाभिफल प्रकाश यायी मखु अर्हत्व प्रकाश यायी मखु प्रत्येक बुद्धत्व प्रकाश यायी मखु । बुद्धत्वनं प्रकाश
 यायी मखु (प्रकाश याःगु ज्वी मखु) ॥ ॥ स्थविर सुभूति धाल । हे भगवन् महापारमिता श्व गुगुजा प्रज्ञापारमिता ॥ ॥ भग-
 वानं अज्ञादयेकल श्व हे सुभूते छं गथे माने याना गुगु कारणं छं महापारमिता धया गुगुजा श्व प्रज्ञापारमिता यात ॥ ॥ स्थविर सुभूति
 धाल हे भगवन् (श्व प्रज्ञापारमितां तःधंगु रूपेनं न रूप तःधंकै (ची धंगु रूपे नं) न ची धंकै न रूप वांलाक ज्वनी न तोतै थुगु प्रकारं
 न वेदना न संज्ञा न संस्कार हे भगवन् न विज्ञान तःधंकै न चीधंकै न वांलाक ज्वनी न तोतै गुगुजा श्व तथागतार्पित तथागत बल खः न
 बलवानं यायी न दुर्बल यायी न ज्वनी न तोतै गुगुजा श्व सर्वज्ञता श्वनं न तःधंकै न चीधंकै न ज्वनी न तोतै । श्व छुया हेतु धाःसा । हे

भगवन् सर्वज्ञता धंगु (सुनानं) ज्वना तःगुनं मखु तोता तःगुनं मखु ॥ हे भगवन् बोधिभत्त्व महासत्त्वं यदी थथे सिल धाःसा वं प्रज्ञा-
 पारमितास चर्या यायी ॥ हानं (श्व सत्त्वप्राणि धैपि दु धंगु खना) जि थथे सर्वज्ञ ज्ञानं संयुक्त जूम्ह जि सत्त्वपित धर्म देशना वी श्व
 सत्त्वपित जि निर्वाण छव्या वी धका थथे मती तैला कीछु धका च्वनी थथे व बोधिसत्त्वं मती तै मखु ॥ श्व छुया हेतुं धाःसा । गुगुजा
 श्व सत्त्व दु धंगु श्व सत्त्वपित जि निर्वाण छव्या वी धंगु श्व प्रज्ञापारमितायाकें पिहां वंगु मखु (प्रज्ञापारमिते दुगु मखु) थथे मती तल
 धाये व हे श्वया महातःधंगु उपलम्भ ज्वी (अर्थात्त छुं पदार्थया कल्पनायाःगु जुयी) ॥ श्व छुया हेतुं धाःसा । सत्त्व स्वभाव मदेक जन्म
 जुया च्वंगु प्रज्ञापारमिता धका सीकेमाः । सत्त्वया स्वभाव मदुगु लिं प्रज्ञापारमितार्या नं स्वभाव मदु धका सीकेमाः । सत्त्व- (पाप
 अकुशल पदार्थ याके) छवे जुयानिति प्रज्ञापारमितानं छवे धका सीकेमाः । सत्त्व चिन्तना यायेगु मदुयानिति प्रज्ञापारमितानं चिन्तना
 यायेगु मदुगु धका सीकेमाः ॥ सत्त्व नाश ज्वी मखुगु संसारया पदार्थ जुयानिति प्रज्ञापारमितानं नाश मज्जीगु संसारया पदार्थ धका सीके
 माः । सत्त्व (केना) श्वीका वीगु मदुयानिति प्रज्ञापारमितानं (केनाः) श्वीका वीगु मदुधका सीकेमाः ॥ सत्त्व थथे याना तःगु धंगु सीकेगु
 मदुगु जूयानिति प्रज्ञापारमितानं थथे याना तःगु धंगु सीकेगु मदुधका सीकेमाः ॥ सत्त्व (तथागत) बल लाभ ज्वीगु जूयानिति तथागत
 बल लाभ ज्वीगु प्रज्ञापारमिता धका सीकेमाः ॥ हे भगवन् थुगु प्रकारं महापारमिता श्व गुगुजा प्रज्ञापारमिता ॥ ॥ वनंलि

आयुष्मान् शारिपुत्रं भगवान् याके थथे बिन्ति यात ॥ हे भगवन् गुम्ह बोधिसत्त्व महासत्त्वं थन थ्व गंभीरगु प्रज्ञापारमितास थद्धाते (मेगु) इच्छा यायी मखु शंखा यायी मखु निश्चय मयायी मखु हे भगवन् उम्ह गनं तोता वयाः थन जन्म जू वोम्ह गुल तक्क ताकालं चर्या याता वोम्ह धका सीकेमाः ॥ हानं गुम्ह थ्व प्रज्ञापारमितास अर्थ याके धर्म याके अर्थ मार्ग याके धर्म मार्ग याके ल्यु ल्य वनी अनु भव थायी लिपा बोधनं जुयी ॥ ॥ थुलिबिन्ति यासेल भगवानं आयुष्मान् शारि पुत्रयात थथे आज्ञादये कल । हे शारिपुत्र व बोधि सत्त्व महासत्त्व मेगु लोक धातुस बुद्ध भगवान पिंके उपासना याता बांलाक न्यना अनं तोता थन जन्म जू वोम्ह धका सीके माः । थ्व छुया हेतुं धासा । हे शारिपुत्र गुम्ह बोधिसत्त्व महासत्त्वं मेगु लोक धातवी बुद्ध भगवान पिंके उपासना याता न्यना अनं तोता वया थन जन्म जू वोम्ह जुयी । वं थ्व गंभीरगु प्रज्ञापारमिता कना च्वंगु देशना याता च्वंगु उपदेश बिद्या च्वंगु उद्देश्य बिद्या च्वंगु न्यनी न्यना थ्व प्रज्ञापारमिता यात गुरु थायी जि गुरु सन्मुख जुल गुरु जि खन धका थुजोगु चित्त उत्पत्ति यायी । प्रज्ञापारमिता कना च्वंगु ली देशना याता च्वंगुली उपदेश विद्या च्वंगुली उद्देश्य विद्या च्वंगुली न्हायेपं वनी सत्कार याता न्यनी कना च्वंगु बाखं त्वा ल्हायी मखु । हे शारिपुत्र थुजोम्ह बोधिसत्त्व मतासत्त्व ताकालं चर्या याता वोम्ह धका सीकेमाः । हे शारिपुत्र उम्ह बोधिसत्त्व महासत्त्व आपालं बुद्ध पिंके उपासना (तहल् सेवा) याता वोम्ह धका सीके माः ॥ थथे आज्ञा जुसेलि आयुष्मान् सुभूति भगवान् याके थथे बिन्ति यात ॥

हानं हे भगवन् (थ्व) प्रज्ञापारमिता न्येनत वा सीकेत वा कायेत वा उत्पत्ति यायेत वा धारण यायेत वा समर्थ दैला ॥ अर्थ वा थुगु प्रज्ञापारमिता अथवा थन प्रज्ञापारमिता अथवा थुगु थासे प्रज्ञापारमिता वा थुगु प्रकारं वा थुगु चिन्हं वा थुगु निमित्तं धका उपदेश बी फैला वा न्येने फैला ॥ ॥ भगवानं आज्ञादयेकल । हे सुभूते फै मखु थ्व । हे सुभूते थ्व प्रज्ञापारमिता पंचस्कंध वा अष्टा दश धातुं वा द्वादश आयतनं वा उपदेश वीगु वा न्येनेगु वा सीकेगु वा कायेगु वा उत्पत्ति यायेगु वा समर्थ दैमखु ॥ थ्व छुया हेतुं धासा । हे सुभूते सकल संसारया दक्क पदार्थ (पाप अकुल पदार्थ याके) छखे जुयानिति । हे सुभूते सकल संसारया पदार्थ (पाप अकुशल पदार्थ याके) अत्येन्त हे छखे जुयानिति प्रज्ञापारमिता उपदेश वीगु वा न्येनेगु वा सीकेगु वा कायेगु वा उत्पत्ति यायेगु वा धारण यायेगु वा फैमखु । हानं स्कन्ध धातु आयतनं याके वेगर मेगुलि प्रज्ञापारमिता थ्वीके फैनंमखु ॥ थ्व छुया हेतुं धासा । हे सुभूते स्कन्ध धातु आयतन धैगु हे शून्य छखे अलग्गु जुया च्वंगु शान्त जुया च्वंगु । थथे हे निश्चयनं प्रज्ञापारमिता व स्कन्ध धातु आयतन व निगु मखु निगुया आधि-कार मखु (निगुया थिति मखु) शून्य जुयानिति छखे अलग्गु जुया निति थथे शान्तगु जुयानिति लायेगु दैमखु - थ्वीकेगु दै मखु । गुगु दक्क संसारया पदार्थ लायेगु मदुगु (खंकेगु सीकेगु मदुगु धैगु) खः थ्वहे प्रज्ञापारमिता धका थायी ॥ गुगु वखते नां (रुप) यश-कीर्त्ति दक्क सीकेगु चेस्ना यायेगु धैगु ब्ववहार मदै अन प्रज्ञापारमिता ज्वी धका थायी ॥ ॥ स्थविर सुभूति बिन्ति यात । हे भगवन्

(२१०)

गुम्ह थन श्व गम्भीरगु प्रज्ञापारमितास चर्यायायीम्ह खः उम्ह बोधिसत्व महासत्व गुलितक्क ताकालं चर्यायाना वोम्ह धका सीके माः ॥ ॥ भगवानं आज्ञादयेकल ॥ हे सुभूते श्व खें बोधिसत्व महासत्व पिनिगु इन्द्रिय तःधंगु आदिया विशेष छगु छगु वांलाक छुते याना भिगुयापि थथे ज्वीमभिगु याःपि थथे ज्वीधका भागथला व्याख्या यायेमाः ॥ गथे हानं हे सुभूते पर्याय पर्यायया अंसारं (बुद्धापिनि पाला पालाया अंसारं) बोधिसत्वपिसं आपालं बुद्ध सलंसः आपालं बुद्ध दलं दो आपालं बुद्ध लखं लख दर्शनयाना थमि न्ह्योने ब्रम्ह चर्या चले याना श्व प्रज्ञापारमितास श्रद्धातै मखु वांलाक श्रद्धा वनी मखु ॥ श्व छुया हेतुं भाःसा । न्हापानं उम्हस्यां श्व बुद्धभगवान पिनिगु समिपे थुगु गम्भीरगु प्रज्ञापारमिता कना च्वंबले देशना याना च्वंबले उपदेश विद्या च्वंबले उद्देश्य विद्या च्वंबले उकी वया विचार मदु ॥ विचार मदुगुलि (ज्ञान) मन्यनः । (ज्ञान) मन्यगुलि सेवा मयात सेवा मदुगुलि (मथुगु खं गथे धका) मन्यन (मथुगु खं गथे थका) मन्यगुलि (मथुल) - श्रद्धा मंत श्रद्धा मदुगुलि व सभां प्याहां वन ॥ उकिं थपि श्व मुख्यगु कारणं धर्म भूंशयाना धर्म मखनीगु कर्मयाःगुलि (पाप) मुंगुलि सकभनं (पाप) मुंगुलि वांलाक (पाप) मुंगुलि अःन श्व गम्भीरगु प्रज्ञापारमिता कना च्वनीबले देशना याना च्वनी बले उपदेश विद्या च्वनीबले उद्देश्य विद्या च्वनीबले प्याहां वनी ॥ विचार मदुगुलि श्रद्धा मदुगुलि शरिरं यायेमाःगु यायी मखु चित्तनं यायेमागु यायी मखु । थथे मयासैलि थमिसं थुगु प्रज्ञापारमिता सीमखु स्वै मखु बोध ज्वी मखु श्वी मखु ॥ थुगु प्रकारं

(२११)

थमिसं श्व प्रज्ञापारमितास श्रद्धातै मखु श्रद्धा मतसैलि बोध ज्वी मखु (श्वी मखु) मथुसैलि धर्म भूंशयाना धर्म मखनीगु कर्म यायी (पाप) मुनी सकभनं (पाप) मुनी वांलाक (पाप) मुनी ॥ थमिसं श्व भूंशयाना धर्म मखनीगु कर्म याःगुलि (पाप) मुंगुलि सकभनं (पाप) मुंगुलि वांलाक (पाप) मुंगुलि मखुगु ज्ञान वैगु कर्म दयेकै थमिसं श्व मखुगु ज्ञान वैगु कर्म गुलि (पाप) मुंगुलि सकभन (पाप) मुंगुलि वांलाक पाप मुंगुलि । श्व प्रज्ञापारमिता कंगु देशना यागु उपदेश व्यूगु प्रत्याख्यानयायी - । आमखं मखु धया गनी थमनं उत्साह यायी मखु । वाँ छै । (आमखं मखु धका) - त च्वकं हालि वां छ्वोया (तोता) प्याहां वनी ॥ हानं हे सुभूते श्व प्रज्ञापारमिता यात प्रत्याख्यान (आमखं मखु धका गना थमनं उत्साह मयाःगुलि) वां छोया तच्चकं हाःगु लि न्हापा जुया विज्याःपि लिपा जूबि ज्यायीपि आः जुया विज्याना च्वंपि बुद्ध भगवान् पिनिगु सर्वज्ञता यात प्रत्याख्यान याःगु जुयी वां छ्वोया तच्चकं हाःगु जुयी ॥ थमिसं थःगु संतान यातनं (श्वमखुगु शिक्षा विद्या) फूका दाह यायी मेपि बुद्धि कम् जुया च्वंपि ज्ञान कम् जुया च्वंपि पुण्य कम् जुया च्वं पि कुशल मूल कम् जुया च्वंपि पुद्गलपि श्रद्धामात्र दुपि प्रेम मात्र दैच्वंपि प्रसन्न मात्र जुया च्वंपि रुचिमात्र दैच्वंपि न्हापां जक कर्म याःपि व पाबत्रगु रूप मखुनि पिनि व श्रद्धामात्र दुगु प्रेम मात्र दुगु प्रसन्न मात्र दुगु रुचि मात्र दुगु नं रुचि मज्जीका बी छुते याकाबी लिचीकाबी शुकी सनेमत्यो धका धयाबी श्व बुद्ध बचन तखु धका म्हुतुबचनं नं धायी ॥ थुगु प्रकारं थमिसं थःगु

सन्तान यातनं हानीयाना- (प्रज्ञापारमिता याके) छुते याना परसन्तान यातनं हानीयाना छुतेयाना प्रज्ञापारमिता यात (मखु) झूठ धका धायी प्रज्ञापारमितायात झूठ ठा यासैल सर्वज्ञता यात झूठ ठा याःगु जुयी सर्वज्ञतायात झूठ ठा यासैल न्हापा जुयावपि लिपा जूवैपि आजुया चवपि बुद्धभगवान्पित झूठ ठा याःगु जुयी ॥ थपि बुद्धभगवान्पनिगु थासं पिहां वपि जुयी । धर्म याके छुते जूपि जुयी संध याके पिने लापि जुयी दै चवकं फुकक सकल प्रकारया दक्क फुकक त्रिरत्न याके पिने लाःपिनिगु भाव जुयी । थमिसं सत्त्व (प्राणि) पिनिगु हित सुख ज्वीगु ज्या त्वाल्हाना व्यूगुलि तच्चोगु नरके भोगयायेमालीगु कर्म मुनी थमिसं थुजोगु रूपया कर्म दयेकुगुलि न्होने तःगुलि थंगुलि धर्म हानि ज्वीगु कर्म याःगुलि मखुगु ज्ञान बैंगु कर्म याःगुलि आपालं सलंसःवर्ष आपालं दुलं दो वर्ष आपालं लखं लख वर्ष आपालं सलंसः कोटि वर्ष आपालं दुलं दो कोटि वर्ष आपालं लखं लख कोटिवर्ष आपालं कोटि नियुत लखं लख वर्ष महातच्चोगु नरके उत्पत्ति जुयी । थपि थुगु तच्चोगु महा नरकं मेगु नरकये वनी । थपि थथे ताकालं महानरकं महानरके वंपान तेजसं वर्तनी (न्हेम्ह श्रीसूर्य लुया उगु अग्नि प्रलय ज्वीगु) उत्पत्ति जुयी । तेज संवर्तनी उत्पत्ति जुसैलि (प्रलय जुसैलि) थमित हानं मेगु लोक धातुस महानरके ववफाये यंक ॥ अपि वहे नरके उत्पत्ति जुयी अन उगु नरके उत्पत्ति जुया अन न उगु हे समान जुया चवंगु महानरकं महानरके हे वनी ॥ अन न व महानरके वं पिनि अथ्यहे तेज संवर्तनी उत्पत्ति जुयी । अन न अथे तेज संवर्तनी उत्पत्ति जुसैलि हानं अन तोता उगुहे समान जुया चवंगु मेगु लोक धातवी गुगु

महानरकखः अन वकोफाना छवै अन उत्पत्ति जुयी ॥ अपि थथेहे अननं महानरकं महानरके वनी । व अन ताकालं महानरकं महानरके वंपिनि अननं अथेहे तेजसंवर्तनी उत्पत्ति जुयी । अपि अननं अथे तेज संवर्तनी उत्पत्ति जुसैलि अननं तोता वहे न्हापा यागु फुकक नाश मजुनिगु-शेष वाकि दनीगु कर्म याना हानं थव हे लोक धातवी छवोयी महानरके उत्पत्ति जुयी । हानं हे थुपि महानरके थव तःच्चोगु महानरकया दुःख भोगयाना चवने माली । हानं गुवले तक्क तेज संवर्तनी मजुल उवले तक्क भोगयाना चवने माली थुगु प्रकारं असंख्य काल तक्क दुःख सीमा-गु कर्म भोग जुयी । थव छुया हेतुं धासा । गुगुजा मभिगुखे लहाःगुलि-पापं पाप पापं पपा जुया पाप वन्हे जुया व वं (पुण्यया पुसाहे मदया) जूगु थव धका सीकी ॥ आयुष्मान् शारिपुत्रं भगवान् याके थथे वितियात हे भगवन मनं मभिगु कर्म याना वचनं न मभिगु कर्मयाना तच्चोगु पंच महापाप कर्मयानाःमुंगु पाप हे प्रतिवर्णिका व (प्रज्ञापारमिता यात श्रद्धा मतसे गुगु यात मखुगु विरोधगु खं प्रचार यागु) पाप ति न्हयायी मखु व समान ज्वीमखुगु जुया चवन । भगवानं आज्ञादयेकल थथे हे खः थव हे शारिपुत्र थथे हे खः थव ॥ वया मनं मभिगु कर्म याना वचनं मभिगु कर्म याःना पंच महापाप कर्मयाना मुंगु सकभन मुंगु तच्चकं मुंगु (पापहे) व प्रतिवर्णिका (प्रज्ञापारमिता यात श्रद्धा मतसे गुगु यात मखुगु विरोधगु खं प्रचारयागु) पाप ति न्हयायी मखु व समान ज्वी मखु । (पंच महापाप धंगु मां स्यायेगु १ वी स्यायेगु २ अर्हतपित स्यायेगु ३ धर्मया संवर्पित फायावीगु ४ दुष्ट चित्तयाना

तथागत पिनिगु शरिरे धाःयाना हिंसाकायेगुः श्व पापया सिनहे श्व प्रज्ञापारमितास श्रद्धा मतायागु आदियाना उत्पति जूगु पाप तच्चो
 धका सीकी) ॥ सुं गुम्हसे श्व गम्भीरगु प्रज्ञापारमिता कना च्वंगु देशनायाना च्वंगु उपदेश दिया च्वंगु उद्देश्य दिया च्वंगु यात पना
 वी (वंधयाये) धका मतीत वां छ्वयी - छ्वे यानाबी तच्चोकं हालाः थुकि न्यने मत्यो धका धायी श्व तथागतयागु वचन मखु
 धका वचन ल्हायी हानं मेपि सत्वपितनं श्व (ज्ञान) छ्वेलाका बी थमिसं थःगु संतान यातनं फुका परसन्तान यातनं फुकं ॥ थमिसं
 थःसंतान यातनं असंख्य भयंकरगु-विषं सहितयाना परसन्तानयात न असंख्य भयंकरगु विषं सहित याकं थःनं नाश जुया परयातनं
 नाशयाना बी । थमं नं गम्भीरगु प्रज्ञापारमिता मसिया मथुया कर्पितनं अथे हे मसिका बी मथुयीकाबी थुकी स्यने सत्यो धक वचन नं
 धायी । हे शारिपुत्र थुजोगु रूपिं पुद्गलपित जि स्वैगु जकहे मन मदु-थपि नाप च्वनेगु थमित लाभ सत्कारं सत्कारयायेगु स्थान गन
 जक दये फे ॥ श्व छुया कारण धाःसा । हे शारिपुत्र धमे द्वेषतै च्वपि श्व पुद्गलपि धका सीकेमाः । हे शारिपुत्र थःगु दोष कर्पित
 सनेतं किका स्यंकैपि जुयानिति कसम्बक जाति (श्व मभिगु जातिपि पुद्गल धका सीकेमाः । हे शारिपुत्र सये साम्ह स्यंकैगु धायें
 जातये जापि । कृष्णा निर्जातिका हाकुगु जात) जुया च्वपि काल सर्पतथे जाःगु जात जुया च्वपि श्व पुद्गलपि धका सीकेमाः । हे
 शारिपुत्र श्व थुजोगु रुप जुया च्वपि पुद्गलपित गुगु (ज्ञान) न्यनेमाः धका यानेयाना तःगुज थुगु (ज्ञान) फुकक श्व पाप कर्मया

कें हे नाश जुयी । हानं हे शारिपुत्र गुम्ह गुम्हसे श्व प्रज्ञापारमितायात दोष तै हे शारिपुत्र थुपि धमे दोष तथा च्वपि पुद्गलपि धका
 सीकेमाः ॥ ॥ शारिपुत्रं वितियात ॥ हे भगवन् छलबोलं थुजोगु रूपयापि महानरके वंपि पुद्गल पिनि शारिरया प्रमाण थथे
 ज्वी थपाये धिःक ज्वी धका प्रमाण कना मविज्याः । (छाये कना मविज्याःगुर्थे) ॥ ॥ भगवानं आज्ञा दयेकल । हे शारिपुत्र व
 महानरके वंपि पुरुषार्थानगु शारिरया प्रमाणया खं अर्थेति (छ्वीत कने) ॥ श्व छुया हेतुं धाःसा । थुजोगु रूपिं पुद्गल पिनिगु
 शारिरया प्रमाण फुकक न्यन धासा म्हतुं क्वाःगु हिलहोयी अथवा सिनाहे वनी अथवा सीथे च्वंगु दुःख तच्चोतं क्वातुगु तच्चोतं तच्चोगु
 दुःख पिदा जुयी दाह ज्वी अथवा व न्यम्हासित तच्चोगु (शोकया) बानकै तधंगु ज्वले क्वायायी अथवा गना वनी गंसी जुया वनी । थथे मज्वी-
 मा । थमिगु शारिरया प्रमाण न्यन धाःसा थुजोगु दोष थुजोगु भय वंगु जुया च्वन उकिं थथे मज्वीमा धेगु निर्मिते थमिगु शारिरया प्र-
 माण जि मकना ॥ ॥ थथे धका आज्ञा दयेका भगवानं आयुष्मान् शारिपुत्रयात थुमिगु शारिरया प्रमाण थथे च्वनी धका वांलाक
 कना मविज्यासौल शारिपुत्र हानं निको स्वको ममं दोहरे त्यहरे याना भगवान् याके प्रार्थना यात ॥ हे भगवन् श्व पुद्गलपिनिगु
 शारिरया प्रमाण कना विज्याहुं लिपायापि लोकपित बांलाक प्रकाश याना केनेत जुयी । श्व वचनं मनं (मखुगु) कर्मयाना (पाप)
 मुंगुलि सकभनं मुंगुली वांलाक मुंगुलि व तच्चोगु महानरके थुजोगु आत्माभावया शारिर ज्वीका च्वनी धका आज्ञा दयेका विज्याहुं ॥ ॥

(२१६)

थुलि बिन्तियासें लि भगवानं आज्ञादयेकाबिज्यात ॥ हेशारिपुत्र गुगु जा वं वचनं मनममिगु पापकर्म था:गुलि मुंगुलि सकमनं मुंगुलि बांलाक मुंगुलि तच्चोगु महानरके थुजोगु दु:ख थुलितक्क तांकांल भोगयाये माली धका जिकनागुख थुकि जक हे लिपायापि लोकपित बांलाक प्रकाश याना केनागु जुयी । हे शारि पुत्र गुगु जा थ्व दु:खया प्रमाण हे मदुगु आपालं दु:ख ज्वीगु ब्या ख्या यानागु ख:थुकि हे भिगु स्वभाव जुया च्वंम्ह कुलपुत्र अथवा कुल पुत्रीया तच्चोगु मनया बेग दनावें । अले वं थ्व धर्महानी यायोगु कर्मयाकें लिचिला पुन्य कर्मजक हे यायी । (छुं) जीविका जुया च्वनेगु या कारणे जकहेसद्धर्म वां व्छै मखु ॥ जिमित नं थुजोगु दु:ख मज्वीमा धका अपि उजोगु कर्मयाकें लिचिला च्वनी ॥ ॥ थुलि आज्ञाजुसैलि हानं आयुष्मान सुभूति भगवान् याके थथे विंतियात ॥ हे भगवान् कुलपुत्र अथवा कुलपुत्री शरिरया भिगु कर्म वचनया भिगु कर्म मनया भिगु कर्म संयुक्त ज्वीका च्वने मा: । थ्व छुया हेतुं था:सा । गुगु थासे निश्चयनं हे भगवन् थुजोगु मभिगु वचनं याना थुलि तक्क तच्चोगु पापया राशि (दो) उत्पति जुयी । हानं हे भगवान् गुजोगु कर्म याना थुलि तक्क तच्चोगु पापया राशि उत्पति जुयी । भगवान् आज्ञादयेकल । हे सुभूते थुजोगु रुप वचनं मभिगु वाक्य लहाना गुलि थुलितक्कया त:धंगु पापया राशि उत्पति जुयी ॥ हे सुभूते थ्व मोह पुरुषपि (मोह जुया च्वंपि ज्ञान मगा:पि) थन थ्व भिगु वचन लहायोगु धर्म मार्गे प्रब्रज्या यायी (प्रब्रज्यायाना) थमितं थ्व गम्भीरगु प्रज्ञापारमिता यात दोष तयेगु यायी वां छुयोथेगु यायी ॥

(२१७)

यात बाधक यासैलि बुद्ध भगवान् पित बाधक यानागु जुयी । बुद्धया बोधियात बाधक यानागुलि न्हापा जुयावंपि लिपा जूवंपि था: जुया च्वंपि बुद्ध भगवान् पिनिगु सर्वज्ञता यात बाधक यानागु जुयी ॥ सर्वज्ञतायात बाधक यासैलि सद्धर्मयात बाधक यानागु जुयी ॥ सद्धर्म यात बाधक जुसैलि तथागत श्रावक संघपित बाधक यानागु जुयी ॥ तथागत श्रावक संघपितनं बाधक जुसैलि थथे वया दे च्वं व्वो फुक्क सकल प्रकारया दक्क फुक्क त्रिरत्नयाकें पिते ला:म्ह धैगु भावजुयी । अले वं प्रमाण मदेक संख्या मदेक तच्चोकं भयंकरगु पाप कर्म यायीगु अकूशल मूल दयेका का:म्ह जुयी ॥ ॥ थुलि आज्ञा जुसैलि आयुष्मान सुभूति भगवान् याके थथे विंतियात ॥ हे भगवन् छु हेतुं छु कारणं गुम्ह कुलपुत्र अथवा कुलपुत्री थ्व प्रज्ञापारमितायात बाधक यायेगु कर्मस लगे जुयी ॥ ॥ भगवान् आज्ञा दयेकल । हे सुभूते व कुलपुत्र अथवा कुलपुत्री मारया वलं ज्वना त:म्ह जुयी । अथवा मखुगु ज्ञाने वंगुया कर्म थ्व त:धंगु धर्मया ज्ञाने श्रद्धा मंत प्रसन्न मंत ॥ हे सुभूते थ्व (मारं ज्वनात:म्ह अथवा विवेक विचार मदया मखुगु ज्ञाने वंम्ह) थ्व निगु पापया कर्म संयुक्त जुम्ह कुलपुत्र अथवा कुलपुत्री थ्व प्रज्ञापारमिता यात बाधक यायेगु कर्म मनतें ॥ हानं सेगु हे सुभूते व कुलपुत्र अथवा कुलपुत्री पारमित्रया लहाते ला:म्ह जुयी-१ अथवा थ्व त:धंगु (प्रज्ञापारमिताया) ज्ञाने मवंम्ह जुयी-२ अथवा पंच स्कन्धे जक जुया च्वंम्ह जुयी-३ अथवा थ: त:धं जुये कपित हयपे याना दवेतये करपिनिगु दोषमाले धका जक जूम्ह जुयी-४ ॥

(२१८)

हे सुभूते श्व प्यंगु स्वभावया कुलपुत्र अथवा कुलपुत्रीपिसं प्रज्ञापारमिता कंगु देशना याःगु उपदेश व्यंगुली बाधक यायेगु चिते
तैपि जूयी ॥ थुलि ॥ ॥ आर्य अष्टसहस्रिका प्रज्ञापारमिता या नरक परिवर्त नहे गुगु ॥ ॥ ॥ ॥ ॥

अथ विशुद्धि परिवर्त अष्टमः ॥

(थनलि प्रज्ञापारमिताया चर्या यायीर्पानिगु मयायी पिनिगु हेतु कारण आज्ञा दयेका विज्याये धुंकुसैलि हानं संसारया स्वभाव धाथे
यागु विचारं निस्वभाव धका आज्ञा जुया विज्याःगु च्यागुगु ज्ञान च्यागुगु शिक्षा) ॥ ॥ थनलि हानं आष्युमान सुभूतिं भग-
वान् याके थथे विवितयात ॥ हे भगवन् (ज्ञान)-वांलाक युवतमजुम्ह कुशल मूल मस्युम्ह पाप मित्रया ल्हाःती लाःम्हसे श्व प्रज्ञा-
पारमिता वांलाक श्वीकेत तच्चोकं थाक्या चवन ॥ ॥ भगवानं आज्ञादयेकल । थथे हे खः श्व हेसुभूते थथे हे खः श्व ॥ हे
सुभूते वांलाक (ज्ञान) मथुम्हसे कुशल मूल कम् जुया च्वम्हसे (थुगु ज्ञान) माःगु धका मस्युम्हसे भतिचाजक न्यना तःम्हसे प्रज्ञा-
हीन जुया च्वम्हसे पापमित्रं पनातःम्हसे न्यना मतम्ह न्यना स्वै मखुगु स्वभाव जुया च्वम्हसे भिगु कर्म संयुक्त मजुम्हसे श्व प्रज्ञा-
पारमिता ज्ञान श्वीका मोक्ष ज्वी धैगु तापाना हे चवन ॥ ॥ सुभूतिं विवितयात । हे भगवन् थथे प्रज्ञापारमिता ज्ञान श्वीका

(२१९)

मोक्ष ज्वी धैगु तापाना च्वंगु गुलित गम्भीरगु (गुलित अन्त मदुगु) जुया चवन ॥ ॥ भगवानं आज्ञादयेकल ॥ हे सुभूते
रूप चिनातःगु (कुना तःगु) मदु फेनेमाःगु (तोतके माःगु) मदु । श्व छुया हेतुं धासा । रूपया स्वभाव मदुया निति (शून्यजुया निति) ।
हे भगवन् रूप चिना तःगु नं मखु फेनेमाःगु नं मखु । (चिनातःगुहे मदु गुलि फेनेगु धैगु छुदै अर्थात् स्वीतं षड्गती कुना तःगु
हे मदु हानं उकि फेनेगु तोतकेगु मोक्ष ज्वीगु धैगु गत दै) । थुगु हे प्रकारं वेदना संज्ञा संस्कार विज्ञान नं हे सुभूते चिना तःगु नं
मदु फेने माःगु नं मदु ॥ श्व छुया हेतुं धासा । विज्ञानया स्वभाव मदुया निति हे सुभूते विज्ञान चिना तःगु नं फेने माःगु नं मदु
हे सुभूते रूप आदि-न्हापां निसै चिना तःगु नं मदु फेनेमाःगु नं मदु (अर्थात् बन्धने तैतःगु मदु मोक्ष ज्वीमाःगु नं मदु) श्व छुया हेतुं
धासा । हे सुभूते रूपया आदि न्हापां निसैहे स्वभाव मदुगु (शून्यगु) जूयानिति हे सुभूते रूप लिपा तक्कं बन्धने तैगु नं दैमखु मोक्ष
ज्वीमा धैगु नं दैमखु ॥ श्व छुया हेतुं धासा । हे सुभूते रूपया लिपातक्कं हे स्वभाव दैमखुगु जूयानिति । (शून्य जुया निति) हे सुभूते
आःउत्पत्ति जुया च्वंगु रूपनं बन्धने तैतःगु नं मदु मोक्ष ज्वीमागु नं मदु ॥ श्व छुया हेतुं धासा । हे सुभूते आःउत्पत्ति जुया च्वंगु
रूपया नं स्वभाव मदुगु जूयानिति ॥ हे सुभूते थुगु प्रकारं वेदना संज्ञा संस्कार विज्ञान आदि न्हापांनिमे बन्धने तैतःगु नं मदु
मोक्ष ज्वीमागु नं मदु ॥ श्व छुया हेतुं धासा । हे सुभूते विज्ञानया आदि न्हापांनिसै हे स्वभाव मदुगु जूयानिति । हे सुभूते विज्ञान

लिपातकं बन्धने तै तःगुनं दैमखु मोक्षज्जीमाःधैगुनं दैमखु । थ्व छुया हेतुं धासा । हे सुभूते विज्ञानया लिपातकं स्वभाव दैमखु गु
जुयानिति ॥ हे सुभूते आःउत्पात्त जुया च्वंगु विज्ञाननं बन्धने तैतःगुनं मदु मोक्ष ज्जीमाःगुनं मदु ॥ थ्व छुया हेतुं धाःसा । हे
सुभूते आःउत्पात्त जुया च्वंगु विज्ञानया नं स्वभाव मदु गुजुया निति ॥ ॥ सुभूति विातयात । सीके थाकु हे भगवान् प्रज्ञा-
पारमिता । अत्यन्त सीके थाकु हे भगवन् प्रज्ञापारमिता । वांलाक च्या मयापि कुशलमूल पिना मतःपि पापमित्रया ल्हाति लापि
मारया वशे वंपि अलासपि वीर्य कमपि स्मृति लोमपि ज्ञान कमपिसं (सीके थाकु) ॥ ॥ भगवान् आज्ञा दयेकल । थथे हेखः
थ्व हे सुभूते थथेहे खः थ्व ॥ सीके थाकु हे सुभूते प्रज्ञापारमिता अत्यन्त सीके थाकु हे सुभूते प्रज्ञापारमिता । वांलाक (पुण्य)
संयुक्त मज्जुपि कुशलमूल पिना मतःपि पापमित्रया ल्हाते लाःपि मारया वशे वंपि अलासपि वीर्य कमपि स्मृति लोमपि ज्ञान कम
पिसं (सीके थाकु) ॥ थ्व छुया हेतुं धाःसा । हे सुभूते गुगु रूपया विशुद्धि रूप (निस्वभाव शून्यखः) थ्व फलया विशुद्धि (श्रोत आपात
फल सकृदागामफल अनागामिफल अर्हत्फल आदि दक्क फलनं रूप विशुद्धि थ्ये निस्वभाव शून्य) खः । गुगु फलया विशुद्धि व
रूप विशुद्धि खः । थथे निश्चयनं हे सुभूते रूप विशुद्धि व फल विशुद्धि निगु मखु निगुया अधिकार मखु (निगुया थिति मखु)
भिन्न ज्जीमखु (नेगु छगु धैगु ज्जीमखु) छिन्न ज्जीमखु (मेगु छखे धैगु ज्जीमखु) । थथे हे हे सुभूते फलं विशुद्धि याके रूप विशुद्धि

रूप विशुद्धि याके फल विशुद्धि (अर्थात् निगुलि शून्य) ॥ थुगु हे प्रकारं हे सुभूते गुगु वेदना संज्ञा संस्कार विज्ञानया विशुद्धि व
फल विशुद्धि खः गुगु फलया विशुद्धि व विज्ञानया विशुद्धि खः । थथे निश्चयनं हे सुभूते विज्ञानया विशुद्धि व फलया विशुद्धि निगु
मखु निगुया थिति मखु ॥ थथे हे हे सुभूते फल विशुद्धि याके विज्ञान विशुद्धि विज्ञान विशुद्धि याके फल विशुद्धि ॥ हानं मेगु हे सुभूते
गुगु रूपया विशुद्धि व सर्वज्ञता विशुद्धि खः गुगु सर्वज्ञताया विशुद्धि व रूप विशुद्धि खः थथे निश्चयनं हे सुभूते रूप विशुद्धि व सर्व-
ज्ञता विशुद्धि निगु मखु निगुया थिति मखु भिन्न ज्जीमखु छिन्न ज्जीमखु ॥ थथे हे हे सुभूते सर्वज्ञता विशुद्धि याके रूप विशुद्धि रूप
विशुद्धि याके सर्वज्ञता विशुद्धि ॥ थुगु प्रकारं हे सुभूते गुगु वेदना संज्ञा संस्कार विज्ञानया विशुद्धि व सर्वज्ञता विशुद्धि खः गुगु
सर्वज्ञताया विशुद्धि व विज्ञानया विशुद्धि खः थथे निश्चयनं हे सुभूते विज्ञान विशुद्धि व सर्वज्ञता विशुद्धि निगु मखु निगुया थिति
मखु भिन्न ज्जीगु छिन्न ज्जीगु मखु थथे हे सुभूते सर्वज्ञता विशुद्धि याके विज्ञान विशुद्धि विज्ञान विशुद्धि याके सर्वज्ञता विशुद्धि ॥ ॥
थनंलि आयुष्मान शारिपुत्रं भगवान् याके थथे विातयात । गम्भीर (अन्तमदुगु शून्यगु) हे भगवन् प्रज्ञापारमिता ॥ १ ॥ भगवान्
आज्ञा दयेकल । विशुद्ध (निस्वभाव शून्यगु) जूयानिति हे शारिपुत्र ॥ २ ॥ (शारिपुत्र) धाल । तेज दयेकैगु हे भगवन् थ्व प्रज्ञा-
पारमिता ॥ भगवान् आज्ञा दयेकल । विशुद्ध जूयानिति हे शारिपुत्र ॥ ३ ॥ (शारिपुत्र) धाल । प्रकाशयायीगु हे भगवन् प्रज्ञापारमिता

(२२२)

वगवानं आज्ञा दयेकल । विशुद्ध जूयानिति हे शारिपुत्र ॥ ४ ॥ (शारिपुत्रं) धाल । सीध (संग) मदुगु हे भगवन् थ्व प्रज्ञापारमिता
भगवानं आज्ञा दयेकल । विशुद्ध जूयानिति शारिपुत्र ॥ ५ ॥ (शारिपुत्रं) धाल । संक्लेश (दुःख) मदुगु हे भगवन् थ्व प्रज्ञापार-
मिता ॥ भगवानं आज्ञा दयेकल । विशुद्ध जूयानिति शारिपुत्र ॥ ६ ॥ (शारिपुत्रं) धाल । लायेगु धैगु मदुगु समय (काल) मदुगु हे
भगवन् थ्व प्रज्ञापारमिता ॥ भगवानं आज्ञा दयेकल । विशुद्ध जूयानिति हे शारिपुत्र ॥ ७ ॥ (शारिपुत्रं) धाल । सिद्ध जुया व
ज्वंगु मदुगु हे भगवन् थ्व प्रज्ञापारमिता ॥ भगवानं आज्ञा दयेकल । विशुद्ध जूयानिति हे शारिपुत्र ॥ ८ ॥ (शारिपुत्रं) धाल । काम
धातु रुप धातु आरुप्य धातु भुवने गतं हे मदुगु हे भगवन् थ्व प्रज्ञापारमिता । भगवानं आज्ञा दयेकल । विशुद्ध जूया निति हे शारि-
पुत्र ॥ ९ ॥ (शारिपुत्रं) धाल । सीमखु बांलाक सीमखु हे भगवन् थ्व प्रज्ञापारमिता ॥ भगवानं आज्ञा दयेकल । विशुद्ध जूयानिति
हे शारिपुत्र ॥ (शारिपुत्रं) धाल । हानं हे भगवन् थ्व प्रज्ञापारमिता छाये सीमखु बांलाक सीमखु ॥ भगवानं आज्ञा दयेकल । रुप हे
हे शारिपुत्र प्रज्ञापारमिता सीमखु बांलाक सीमखु ॥ थ्व छुया हेतुं धाःसा । विशुद्ध जूयानिति हे शारिपुत्र । थये हे वेदना संज्ञा
संस्कार बिज्ञान हे हे शारिपुत्र प्रज्ञापारमिता सीमखु बांलाक सीमखु । थ्व छुया हेतुं धाःसा । विशुद्ध जूया निति हे शारिपुत्र ॥ शारि-
पुत्रं धाल । हे भगवन् थ्व प्रज्ञापारमिता सर्वज्ञता यात अपकार (स्थकैगून) यायी मखु । उपकारनं यायी मखु । भगवानं आज्ञा

(२२३)

दयेकल विशुद्ध जूयानिति हे शारिपुत्र ॥ (शारिपुत्रं) धाल हे भगवन् थ्व प्रज्ञापारमिता संसारया दक्क पदार्थ छुंहे ज्वनीनं मखु
तोतैनं मखु । भगवानं आज्ञा दयेकल । विशुद्ध जूयानिति हे शारिपुत्र ॥ ॥ थर्नाल हानं आयुष्मान सुभूति भगवान् याके थये
बितियात । आत्मा विशुद्धियाके हे भगवन् रुप विशुद्धिखः ॥ ॥ भगवानं आज्ञादयेकल । अत्यन्त विशुद्ध जूया निति हे सुभूते
(सुभूति) धाल । आत्मा विशुद्धियाके हे भगवन् वेदना संज्ञा संस्कार विशुद्धिखः । आत्मा विशुद्धियाके हे हे भगवन् विज्ञानं विशुद्धि
खः । भगवानं आज्ञा दयेकल । अत्यन्त विशुद्ध जूया निति हे सुभूते ॥ (सुभूति) धाल । आत्मा विशुद्धियाके हे भगवन् फल विशुद्धि
खः । भगवानं आज्ञा दयेकल । अत्यन्त विशुद्ध जूया निति हे सुभूते ॥ (सुभूती) धाल । आत्मा विशुद्धि याके हे भगवन् सर्वज्ञताया
विशुद्धिखः ॥ भगवानं आज्ञा दयेकल । अत्यन्त विशुद्ध जूया निति हे सुभूते ॥ ॥ (सुभूति) धाल । आत्माया विशुद्धि याके हे भग-
वन् लायेगु धैगु मदुगु समय-काल मदुगु खः । भगवानं आज्ञा दयेकल । अत्यन्त विशुद्ध जूयानिति हे सुभूते ॥ ॥ (सुभूति)
धाल आत्मा पर्यन्त मदुगुलि हे भगवन् रुप या पर्यन्त मदु । (सुभूति) धाल ॥ आत्माया पर्यन्त मदुगुलि हे भगवन् वेदना संज्ञा संस्कार
विज्ञानया पर्यन्त मदु ॥ ॥ भगवानं आज्ञादयेकल । अत्यन्तावशुद्ध जूयानिति हे सुभूते ॥ (सुभूति) धाल । हे भगवन् गुम्ह
दोधसत्त्व महोसत्त्व थ्व थये जुया ज्वंगु धका थुयी उम्हासिया प्रज्ञापारमिता वहे थःहे जुयी । अर्थात् थःहे प्रज्ञापारमिता जुया

चवंगु - खनी । भगवानं आज्ञादयेकल । अत्यन्त विशुद्ध जूयानिति हे सुभूते ॥ ॥ आयुष्मान् सुभूति बितियात । हानं हे भगवान्
 श्व प्रज्ञापारमिता न थुखेयागु तीरे (वारी) न उखेयागु तीरे (पारी) न निगुया दध्नी (न वारी मंसारे न संसारया पारी-निर्वाणे न
 श्वानिगुया विचे) गनं छुवे अलग चवना चवंगुखः ॥ भगवानं आज्ञा दयेकल । अत्यन्त विशुद्ध जूया निति हे सुभूते ॥ ॥ आयुष्मान्
 सुभूति धाल । हे भगवन् थथे जूया चवंगु धका जक बिचार याना उकी मन तथा चवन धासा उम्ह बोधिसत्त्व महासत्त्व प्रज्ञापारमिता
 तोतै प्रज्ञापारमिता तापाकै अर्थात् प्रज्ञापारमिता धैगु थन्योगु थुगु किसिमगु धका मन कल्पना जकहे याना चवने मज्जु धैगु-भाव ॥ ॥
 भगवानं आज्ञादये कल । साधु साधु हे सुभूते । थथे हे खः श्व हे सुभूते थथे हे खः श्व ॥ श्व छुया हेतुं धासा । हे सुभूते नाया
 कल्पना याकै जकनं संग (राग-मन व्वैगु जुयो निर्मित्त जक दुगु याकै न संग राग-मन व्वैगु) जुयो सर्व शून्य-अम ज्ञानगु चित्त मयाः निगु
 जूयानिति ॥ ॥ थुलि आज्ञा जुसेलि आयुष्मान् सुभूति भगवान याके थथे बितियात । आश्चर्यखः हे भगवन् थुलि तक्कं श्व
 प्रज्ञापारमिता बांलाक कना बिज्याःगु (चित्त) थोरं चवंगु थुजोगुलीहे छापसं थुकी संगदु (रागदु मनव्वैगुदु) धका अज्ञा दयेका
 बिज्यात ॥ ॥ थुलि धासेलि आयुष्मान् शारिपुत्र आयुष्मान् सुभूति याके थथे न्यन । हे आयुष्मान् सुभूते व संग धैगु गुगु
 ज्वीथे ॥ ॥ सुभूति धाल । हे आयुष्मान् शारिपुत्र रूप शून्यखः धका (मतीतै) चवनेगु श्व संगखः थथे हे बेदना संज्ञा संस्कार

विज्ञान हे आयुष्मान् शारिपुत्र शून्य खः धका (मतीतै) चवनेगु श्व संग खः ॥ जुया वने धुंकुगु संसार जुया वने धुकुगु संसार धका
 मनं खना चवनेगु संगखः मबोनिगु संसार मबोनिगु संसार धका मनं खना चवनेगु संगखः । आःजूयां चवंगु संसार आःजूयां
 चवंगु संसार धका मनं खना चवनेगु संग खः । बोधिसत्त्व यानया पुद्गलं न्हापां धर्मे चित्त उत्पत्ति जुसे नित्तिया (चित्तः) थुलि
 पुण्यफल लायी धका मतीतै चवनेगु संग खः ॥ ॥ थुलि धासेलि शक्रदेव राज इद्रं आयुष्मान् सुभूति याके थुलि प्रश्नयाना
 न्यन । हे आर्य सुभूते । गुगु प्रकारं व संग धैगु (सीकेमाः) ॥ ॥ सुभूति धाल । हे कौशिक याद वं श्व बोधिचित्त धका सियो
 (मनं खनी) श्व न्हापांयागु बोधिचित्त श्व अनुत्तर सम्यक्सम्बोधि स जि परिणामना याये धका परिणामना यायी (अर्थात् उकि हे
 चित्त दिना मुक्क उकि हे जक मन तथा परिणामना यायी) थुजोगु चितयात संग धका धायी ॥ ॥ व महायाने चवम्ह कुल
 पुत्र धथवा कुल पुत्री चितया स्वभावं अर्थात् संसार दक्कहे चित्त छगु जक धैगुया ज्ञानं पुण्य फल बीगु परिणामना याये धैगु दैमखु ।
 बीगु बीम्ह कायीम्ह श्व स्वम्ह हें महु । स्वम्ह मनं मखंसें स्वम्हं छम्ह छगु धैगु ज्ञानं स्वनामात्रया भावना यायेमाः धैगु
 भाव ॥ अथेया निति हे कौशिक परयात ज्ञान केनोम्हसैं कायेकै म्हसैं उज्जल याकै म्हसैं हर्षमान याकै म्हसैं अनुत्तर सम्यक्सम्बो-
 धिस धाथे यागु—सत्यगु कयनेमाः कायेकैमाः उज्जल याकैमाः हर्षमान याकैमाः ॥ थथे बुद्धया आज्ञायें (सत्यगु ज्ञान) कायेकै

महसे थये कायेकेमाः थुम्ह कुलपुत्र अथवा कुलपुत्रीया थनं नाश ज्वी मखु उम्हासया थव दक्क संगया (राग -मन वैगुया) चवका मदया वनी ॥ ॥ थुलि धासेलि भगवानं आयुष्मान सुभूति यात साधुकार (धन्यवाद) विल । साधु साधु हे सुभूते । गुगु छं वोधिसत्व महासत्त्वपित थव संगया चवका थुयीकाविल थुलिया निति हे सुभूते छंत जि मेगुनं सूचयमसं सूक्ष्मगु- दूने दुने यागु संग कने थव छं न्यो साधु छं बांलाक मनेती ॥ थुलि आज्ञा दयेकल । साधु हे भगवन धका आयुष्मान सुभूति भगवान् यागु वचन (एक चितयाना न्यना चवन ॥ ॥ भगवानं थये आज्ञा दयेकल ॥ थन हे सुभूते थद्धा दुम्ह कुलपुत्र अथवा कुलपुत्रीं तथागत अर्हत सम्यक्सम्बुद्धयात निमित्त याकें मतीतै मखु । अर्थात् जि जितः थये ज्वीमा अथे ज्वीमा धंगु मती तथा निमित्तयाना भावया थी मखु । हानं गथे धासा । हे सुभूते गुलतक्क निमित्त दया चवनी उलितक्क हे संग छः । थव छुया हेतुं धासा । हे सुभूते निमित्त याकें हे संग जुयी । थये निश्चयनं वं न्हापा जुया विज्याःपि लिपाजुया विज्यापि आःजुया विज्याना चवपि बुद्ध भगवान् पिनिगु गुगु दोष मदुगु धर्म खः उगु धर्मस हर्षमान यायी थये हर्षमान याना व हर्षमान यानागु याकें दुगु कुशल मूल अनुतर सम्यक्सम्बोधिस परिणामना याये धका परिणामना यायी ॥ (धर्मया थुजोगु तत्त्व धका निश्चय याना थवीका यायेगु यात निमित्त धायी मखु संग धायी मखु मन व्वेकुसां मव्वेकुगु जुयी) गुगुजा हानं हे सुभूते धर्म धंगुहे न न्हापा जुया वने धुंकुगु दुगु खः न लिपा जूवंगु दुगु छः

न आजुया चवंगु दुगु खः । गुगुजा न्हापा जुया वंगु मदुगु लिपा जूवंगु मदुगु आःजुया चवंगु मदुगु धंगु जुयी अनं स्वंगु कालेसनं (धर्मया) लं हे दुगु मखु, धंगु जुयी गुगुजा (धर्मया) लं हे दुगु मखु धंगु जुयी गुगुजा (धर्मया) लं हे मदु अन परिणामना याये फैमखु निमित्त याये फैमखु स्वंगु न्यनेगु नतुनेगु रस कायेगु सीकेगु आदि आलम्बण याना (मन व्वेके) धंगु हे दंगु मखु ॥ ॥ सुभूति धाल । अनन्त हे भगवन् धर्मया स्वभाव ॥ ॥ भगवानं आज्ञा दयेकल । (पाप अकुशल पदार्थ याकें) छवेगु जुया निति हे सुभूते ॥ ॥ (सुभूति) धाल । प्रकृति (स्वभाव) अनन्त हे भगवन् प्रज्ञापारमिता ॥ ॥ भगवानं आज्ञा दयेकल । प्रकृति (स्वभाव) शुद्ध-निर्दोषगु जुया निति । हे सुभूते प्रकृति (दक्क पाप अकुशल पदार्थ याकें) छवे जुया निति प्रकृति अनंत प्रज्ञापारमिता ॥ ॥ सुभूति धाल । प्रकृति छवे-अलग्-छुता हे भगवन् प्रज्ञापारमिता नमस्कार याये हे भगवन् प्रज्ञापारमिता ॥ ॥ भगवानं आज्ञा दयेकल । संसारया दक्क पदार्थ यानं हे सुभूते प्रकृति (स्वभाव) (दक्क पाप अकुशल पदार्थ याकें) छवे - (छुकिनं मथ्यू अर्थात् शून्यखः) गुगुजा संसारया दक्क पदार्थया प्रकृति (दक्क पाप अकुशल पदार्थ याकें) छवे (छुकिनं मथ्यू शून्यगुखः) व हे प्रज्ञापारमिता । थव छुया हेतुं धासा । थये निश्चयनं हे सुभूते संसारया दक्क पदार्थ छुंहे सुनानं हे दयेकातःगु दुगु मखु (दक्क मायो पम स्वपोषण मात्र सर्वहे शून्य) धका तथागत अर्हत सम्यक्सम्बुद्धं थुयीका विज्यात ॥ ॥ सुभूति धाल । थये या

निर्ति हे भगवन् तथागत अर्हत सम्यक्सम्बुद्धं परमार्थ (तत्त्वया विचारं) संसारया पदार्थ छुंहे थुया विज्याःगु सिया विज्याःगु मडु ॥ ॥ भगवान् आज्ञा दयेकल । थये हे खः हे सुभूते संसारया प्रकृति (स्वभाव गुगु रूप खः) व किंचित् छुंहे मडुगु खः । गुगु हानं छुंहे मडुगु प्रकृति (संसारया स्वभाव खः) वहे संसारया प्रकृति (रूप आदि दुगु खः) रूप दुगुनं रूप मडुगु शून्यगुनं छगुहे लक्षण छगुहे रूप जुया निर्ति (धार्थे यागु विचारं) संसारया रूप लक्षण छुंहे मडु-निस्वभाव सर्व शून्य धैगु जुयी ॥ थयेया निर्ति हे सुभूते तथागत अर्हत सम्यक्सम्बुद्धं संसारया पदार्थ छुंहे मस्यू (छुंहे मखं सिकेगु खंकेगु धैगु हे छुंहे मडुगु जुयी निर्ति) ॥ थव छुया हेतुं धाःसा हे सुभूते संसारया दक्क पदार्थया निगु प्रकृति--निगु स्वभाव मडु (रूप धैगुयानं शून्य धैगु यानं) छगुहे प्रकृति छगुहे स्वभाव ॥ हे सुभूते संसारया दक्क पदार्थ निगु निकू धैगु मडु छकु छधी जक हे खः ॥ सुभूते संसारया दक्क पदार्थया गुगु प्रकृति खः व प्रकृति मखु गुगु प्रकृति मखुगु खः हानं व हे प्रकृति । थुगु प्रकारं (प्रज्ञापारमिता धैम्ह थःहेखः धैगु ज्ञानं) दक्क संग (मन ब्वैगु) या च्वका तोतुगु जुयी ॥ ॥ सुभूति धाल । अनन्त हे भगवन् प्रज्ञापारमिता ॥ ॥ भगवान् आज्ञा दयेकल । आकाश अनन्त जुया निर्ति हे सुभूते अनन्त प्रज्ञापारमिता ॥ ॥ सुभूति धाल । थुयीके थाकु हे भगवन् प्रज्ञापारमिता (मनहे ब्वैके मज्जुगु थ्वीकैम्ह थ्वीकेगु हे देके मज्जुगुया ज्ञानं) ॥ ॥ भगवान् आज्ञा दयेकल । थये हे निश्चयनं हे

सुभूते तथागतं थुगु प्रज्ञापारमितास वया प्रमाण मडुपि सत्त्वापिनि अविपुलगु (मनब्वैगु हेमडुगु) चित्त अविपुलगु चित्त धका सत्यथे जूगु बांलाक सियो । गथे हानं हे सुभूते तथागतं थुगु प्रज्ञापारमितास वया प्रमाण मडुपि सत्त्वापिनि अविपुलगु चित्त अविपुलगु चित्त धका सत्यथे जूगु बांलाक सियो धाःसा । हे सुभूते थुगु चित्त मन ब्वैगु हे मडुगु मन ब्वैगु हे मडुगु जुया च्वंगुखः । थये हे सुभूते तथागतं थुगु प्रज्ञापारमितास वया प्रमाण मडुपि सत्त्व पिनि अविपुलगु (मन ब्वैगु मडुगु) चित्त अविपुलगु चित्त धका सत्यथे जूगु बांलाक सियो ॥ १८ ॥ हानं मेगु हे सुभूते तथागतं थुगु प्रज्ञापारमितास वया प्रमाण मडुपि सत्त्वापिनि विपुलगु (तःधंगू धर्म धातू जूया च्वंगू) चित्त विपुलगु चित्त धका सत्यथे जूगु बांलाक सियो । गथे हानं हे सुभूते तथागतं थुगु प्रज्ञापारमितास वया प्रमाण मडुपि सत्त्वापिनि विपुलगु चित्त विपुलगु चित्त धका सत्यथे जूगु बांलाक सियो धाःसा । फना वनीगु मखूगु हे सुभूते थुगु चित्त दैवीगु मडुगु थूगु चित्त गनं वनीनं मखूगु गनं मवोनीगु (मन हेमब्वैगु-धर्म धातू स्वभावगु थूगु चित्त । थये धका निश्चयनं हे सुभूते तथागतं थूगु प्रज्ञापारमितास वया प्रमाण मडुपि सत्त्वापिनि विपुलगु (तःधंगू धर्म धातुस्वरूपगु) चित्त विपुलगु चित्त धका सत्यथे जूगु बांलाक सियो ॥ १९ ॥ हानं मेगु हे सुभूते तथागतं थूगु प्रज्ञापारमितास वया प्रमाण मडुपि सत्त्वापिनि अमहद्गत (तःधंगुली मवंगु) चित्त अमहद्गत चित्त धका सत्यथे जूगु बांलाक सियो । गथे हानं हे सुभूते तथागतं थुगु प्रज्ञापारमितास वया

(३१२)

प्रमाण महुपि सत्वापिनि अमहद्गत चित्त धका सत्यथे जुगु वांलाक सियो धासा । वल धैगु महुगु वनी धैगु महुगु थुगु चित्त वया थिन
चवं चवन धैगुनं महुगु थुगु चित्त । थथे निश्चयनं हे सुभूते तथागत थुगु प्रज्ञापारमितास वया प्रमाण महुपि सत्वापिनि अमहद्गत चित्त
धका सत्यथे जुगु वांलाक सियो ॥ २० ॥ हानं मेगु हे सुभूते तथागत थुगु प्रज्ञापारमितास वया प्रमाण महुपि सत्वापिनि महद्गत
(तःधंगुली वंगु) चित्त महद्गत चित्त धका सत्यथे जुगु वांलाक सियो । गथे हानं हे सुभूते तथागत थुगु प्रज्ञापारमितास वया प्रमाण महुपि
सत्वापिनि महद्गत चित्त महद्गत चित्त धका सत्यथे जुगु वांलाक सियो धासा । समता (उत्पाति धैगु महुया निति निःस्वभाव जुया चवंगु
भाया स्वरूप संसार समान संसार स्वरूपगु) थथे निश्चयनं हे सुभूते तथागत थुगु प्रज्ञापारमितास वया प्रमाण महुपि सत्वापिनि मह
द्गत चित्त महद्गत चित्त धका सत्यथे जुगु वांलाक सियो ॥ २१ ॥ हानं मेगु हे सुभूते तथागत थुगु प्रज्ञापारमितास वया प्रमाण
महुपि सत्वापिनि प्रमाण महुगु चित्त प्रमाण महुगु चित्त धका सत्यथे जुगु वांलाक सियो । गथे हानं हे सुभूते तथागत थुगु
प्रज्ञापारमितास वया प्रमाण महुपि सत्वापिनि प्रमाण महुगु चित्त धका । सत्यथे जुगु वांलाक सियो । गथे हानं हे सुभूते तथागत थुगु
प्रज्ञापारमितास वया प्रमाण महुपि सत्वापिनि प्रमाण महुगु चित्त धका सत्यथे जुगु वांलाक सियो धासा । वं थुगु जक आश्रय कल्पना
यायी थुगु जक आश्रय (कल्पना) मयायी धैगु छुं निश्चय महुगु जुया निति हे सुभूते थ्व चित्तया प्रमाण मदया चवंगु थथे निश्चयनं

(३६६)

धैगु नां प्राप्त जुयी । थुगु तथागत तथताया ज्ञानया उपदेश व्यूगु बखतस थ्व महा पृथ्वी खुगु प्रकारं जिच्यागु महा निर्मासं (खात)
कम्प जुल १ सीदेक कम्प जुल २ बांलाक कम्प जुल ३ (पूर्व पश्चिमे वना) सन ४ सीदेक सन ५ बांलाक सन ६ ववयला सन ७ सीदेक
ववयला सन ८ बांलाक ववयला सन ९ शब्द वल १० सीदेक शब्द वल ११ बांलाक शब्द वल १२ (दाक्षिणं उत्तरे वना) — सन १३ सीदेक
सन १४ व बांलाक सन १५ गर्जे जुल १६ सीदेक गर्जे जुल १७ बांलाक गर्जे जुल १८ अनुत्तर सम्यक्सम्बोधि बांलाक र्यूम्ह — थ्यूम्ह तथागत
यागु (तथताया ज्ञान कंगु बखतस) ॥ ॥ हानं सुभूति स्थावरं थ्व देवपुत्रपित थथे आज्ञा दयेकल । थथे निश्चयनं हे देवपुत्रगणपि
सुभूति स्थावर तथागतथे उत्पत्ति जुल ॥ हानं मेगु सुभूति स्थावर न रूप उत्पत्ति जुल न बेदना न संज्ञान संस्कार न विज्ञान उत्पत्ति जुल
न श्रोत आपत्ति फल उत्पत्ति जुल न सकृदा गामि फल उत्पत्ति जुल न अनागामि फल उत्पत्ति जुल न अर्हत् फल न प्रत्येक बुद्ध उत्पत्ति
जुल न बुद्ध उत्पत्ति जुल ॥ थ्व छुया हेतुं धासा । थथे निश्चयनं थ्व धर्मदुगु मखु लायेगु दुगु मखु गुगुलि उत्पत्ति जुयी गुगु उत्पत्ति जुयी ।
(दक्कल मायोपम जुया चवंगु जुया निति) थथे निश्चयनं सुभूति स्थावर तथागतथे उत्पत्ति जुल ॥ ॥ थनील आयुष्मान शारिपुत्र
भगवान याके थथे विन्ति यात । अनन्तगु चर्याका थ्व हे भगवन गुगुजा तथता ॥ सर्वाकार सीकेगु धैगु सीकेगु हे महुगु जुया निति
अनन्तगु चर्या थ्व तथता धर्म धातु ॥ ॥ थुलि धासैल भगवान आयुष्मान शारिपुत्र यात थथे आज्ञा दयेकल । थथे हे खः थ्व

(३७०)

हे शारिपुत्र थथे हे खः श्व । अनन्त जुया चवंगु चर्या श्व हे शारिपुत्र गुगु जा तथता । थुगु तथता ज्ञान कंबले स्वसः भिक्षु गणपिन क्लेश बासनाया बीजहे मदया कल्पना याके चित्त छखे जुल । न्यासः भिक्षुणी गणपिन किचः मदुगु कलङ्क मदुगु धर्म धर्म चक्षु शुद्ध जुल : न्हापा कर्म याःपि न्यादो देवपुत्र पिसं संसारया दक्क पदार्थ—उत्पत्ति हे मदु धंगु धर्म रुचि प्राप्त यात । स्वीम्ह बोधिसत्त्व पिन क्लेश बासनाया पुसा हे मदया कल्पना याके चित्त छखे जुल ॥ ॥ उगु बखतस आयुष्मान शारिपुत्र श्व बोधिसत्त्व गणपिन क्लेश बासनाया पुसा मदया कल्पना याके चित्त छखे जुगु सीका भगवानयाके थथे बान्त यात । छु हेतु हे भगवन छु ज्ञान गुगुजा श्व बोधि सत्त्व पिन क्लेश बासनाया पुसा मदया कल्पना याके चित्त छखे जुल ॥ ॥ थाल बिन्ति यासौल भगवानं आज्ञा दयेयल । हे शारिपुत्र । श्व बोधिसत्त्व पिसं न्हापा न्यासः बुद्ध पिनगु उपासना याना वल सक भनं दाननं यात शीलनं रक्षा यात क्षमा धारीनं जुल बीर्य आरम्भ यात ध्याननं उत्पत्ति यात अथे जूसानं थपि प्रज्ञापारामितां ग्रहण मयाःपि उपाय कौशल्य मदुपि जुया चवन ॥ हानं छुधाःसा हे शारिपुत्र श्व बोधिसत्त्व पिन लँ दु शून्यता वा आनिमित्त (निमित्त मदुगु) चर्या वा अप्राणिहित (सुनानं दयेका तैतःगु मखुगु) धंगु मननं दु । तर उपाय कौशल्य (उकिया ज्यासीकेगु चर्या यायेगु) मदुगुलि पंचभूत धंगु धाथे दुगु धका खना चवन । उकि थपि श्रावक भूमी लात दुद्ध भूमी मलाः । श्व गथे धाःसा । हे शारिपुत्र जि छगु उपमा वने । छुं छम्ह गिठ पक्षिया शरीर सछिगु जोजन

(३७१)

दुगु अथवा निसःगु जोजन दुगु अथवा स्वसःगु जोजन दुगु अथवा प्यसःगु जोजन दुगु अथवा न्यासःगु जोजन दुगु जुयी । व त्रयस्त्रिंश भुबने (स्वगं भुबने) चवना चवम्ह जम्बू द्वीपे क्वहाँ ववे धका मतीत । हानं हे शारिपुत्र व गिठपछि पपू मदुम्ह जुयी अथवा पपू हाः म्ह जुयी अथवा छिन्न भिन्नगु पपूम्ह जुयी । व त्रयस्त्रिंश भूवनं थःगु शरीर क्वाहां वया जिजम्बू द्वीपे चवने धका मतीत । अनौल वगिध पक्षी स्वर्गं क्वहाँ वोम्ह आकाशे बिचे थ्यम्हस्य हानं थुजोगु मतीवैक अहो ज हानं स्वर्गसंतु चव वने धका मतीत थुकी छं गथे माने याना हे शारिपुत्र व गिध पक्षी त्रयस्त्रिंश देव भुबने संतु ल्याहाँ वना चव वने फैला ॥ ॥ आयुष्मान शारिपुत्र बिन्ति यात वने फैमखु हे भगवन ॥ भगवानं आज्ञा दयेकल । हानं वं चिन्तना यायीक अहो ज छुं धाःपाः मज्जीक छुं चोत परे मज्जीक जंबुद्वीपे चव वने धका । थुकी छं गथे माने याना हे शारिपुत्र व गिध पक्षी धाःपाः छुं मज्जीक—छुं चोत परे मज्जीक जम्बूद्वीपे चव वने फैला ॥ ॥ शारिपुत्र बिन्ति यात ॥ फैमखु हे भगवन । व जम्बू द्वीपे कृत्य बैबले धाःपाः जुया चोत परे जुया सिना वनी अथवा सीथेर चवंगु दुःख जुयी ॥ श्व छुया हेतुं धाःसा । हे भगवन गुगुजा व पक्षीया शरीर तःधंगु जूयानिति वया पपूनिपां मदुगुलि उच्चगु थासं चव निसं कुरगु वोगुलि थथे निश्चयनं (मरणान्त कष्ट) जुयी ॥ ॥ थाल धासौल भगवानं आयुष्मान शारिपुत्र यात शं आज्ञा दयेकल । थथे हे खः श्व हे शारिपुत्र थथे हे खः श्व । हे शारिपुत्र सुगुम्ह बोधिसत्त्व महासत्त्व अनुत्तर सम्यक्सम्बोधि ज्ञाने चित्त उत्पत्ति याना

गंगा नदीयां फिगो प्रमानं कल्प तक्कं चवना दानयायी शील रक्षायायी क्षमा धारी जुयी बीर्यं आरम्भ यायी ध्याने लगे जुयी । हानं वया अनुत्तर सम्यक्सम्बोधि ज्ञान थुयीकेगुली तच्चतं मनतया वनी तच्चतंहे वं चित्त उत्पात्त यायी । बादव प्रज्ञापारमितां मकाःम्ह उपाय कौशल्य (उकिया ज्या सीकेगु चर्या यायेगु) नं मदुम्ह जुल धाःसा थये हे व श्रावक भूमी वा प्रत्येक बुद्ध भूमी पतन जुयी । हानं मेगु हे शारिपुत्र बोधिसत्व महासत्वं न्हापा जुया वं पि लिपा जूवैपि आः जुया च्वापं बुद्ध भगवान् पिनिगु श्व शील श्व समाधि श्व प्रज्ञा श्व विमुक्ति (सक आबरण याके मुक्त ज्वीगु) श्व विमुक्ति ज्ञान दर्शन (तःधंगु ज्ञानया साक्षात्-प्रत्यक्ष यायेगु) या निर्मित्त दुगु किंसिमं बांलाक कायी धारण यायी वं तथागत अर्हत सम्यक्सम्बुद्ध पिनिगु शील मस्यू मखं समाधिनं मस्यू मखं प्रज्ञानं मस्यू मखं विमुक्तिनं मस्यू मखं तथागत अर्हत सम्यक्सम्बुद्ध पिनिगु विमुक्ति ज्ञान दर्शननं मस्यू मखं । अथे वं मस्यूगुलि मखंगुलि शून्यताया शब्द न्यनी वं श्व शब्द यात निर्मित्त यायी श्व शब्द यात निर्मित्त याना अनुत्तर सम्यक्सम्बोधि ज्ञाने परिणामना यायेगु इच्छा यायी । उकिं व श्रावक भूमी वा प्रत्येक बुद्ध भूमी चवनी धका सीकेमाः ॥ श्व छुया कारणं धाःसा । थये निश्चयनं जुयी हे शारिपुत्र । गुगु याकेजा वैत प्रज्ञापारमितां मकाः गुलि उपाय कौशल्यं छखे जूगुलि थये ज्वी धका सीकेमाः ॥ ॥ शारिपुत्रं विन्ति यात । गथे हे भगवन् भगवानं छल पोलं आज्ञा दयेका बिज्याःगुया अर्थ जि थुल । गुम्ह बोधिसत्व प्रज्ञापारमितां ग्रहण मयाःम्ह उपाय कौशल्य मदुम्ह जुयी व छुं

गुगु आपालं पुण्यं संयुक्तम्ह कल्याण मित्र मदुम्ह जुयी वया अनुत्तर सम्यक्सम्बोधि लाये गुली संखा दुम्ह जुयी । थुलि यानिति थन हे भगवन् अनुत्तर सम्यक्सम्बोधि ज्ञान बांलाक सीकेगु इच्छा याःम्ह बोधिसत्व महासत्वं प्रज्ञापारमिताया भावना यायेमाः (संसारया दक्क पदार्थ सर्वाकार हे प्रज्ञापारमिता हे जक धका भावना याये माः) उपाय कौशल्य (उकिया मोक्ष ज्ञान सीकेगु चर्या यायेगु नं) संयुक्त जुयीका चवनेमाः ॥ ॥ थुलिधासेलि भगवानं आयुष्मान् शारिपुत्र यात थये आज्ञा दयेकल । थये हेखः श्व हे शारिपुत्र थये हेखः श्व हे शारिपुत्र गुम्ह बोधिसत्व प्रज्ञापारमितां ग्रहणमयाःम्ह उपाय कौशल्यं छखे जूम्ह जुयी । व हानं छुं गुगु आपालं पुण्यं संयुक्तं म्ह जुयी कल्याण मित्र मदया च्वम्ह जुयी वया अनुत्तर सम्यक्सम्बोधि लायेगुली संखा जुयी थुलिधा निति थन हेशारिपुत्र अनुत्तर सम्यक्सम्बोधि ज्ञान बांलाक सीकेगु-श्वीकेगु इच्छा याःम्ह बोधिसत्व महासत्वं प्रज्ञापारमिताया भावना यायेमाः उपाय कौशल्यं नं संयुक्त जुयीका चवनेमाः ॥ ॥ थुलि आज्ञा दयेकुसेलि कासावचर देवपुत्रपि सहितं शक्रदेवराज इन्द्रं रूपावचर देवपुत्रपि सहितं सहापात ब्रम्हां भगवान् याके थये विंति यात । अनन्त थाहागा हे दुगु मखु हे भगवन् प्रज्ञापारमिता । थुयिकेगु असंभव जुयाच्वंगु हे भगवन् अनुत्तर सम्यक्सम्बोधि - श्रावक प्रत्येक बोधि ज्ञानं थुयिकेगु अत्यत्त हे असंभव जुया च्वंगु हे भगवन् अनुत्तर सम्यक्सम्बोधि । थुलि विंति यासेलि भगवानं शक्र देवराज इन्द्रं प्रमूखं

(३७४)

कामा बचर देवपुत्रपि सहांपति महाब्रम्हा प्रमुखं रूपावचर देवपुत्रपित यथे आज्ञादयेका बिज्यात ॥ यथे हे छः श्व हे देवपुत्र गणपि यथे हे छः श्व । अनन्त हे देवपुत्र गणपि थुगु प्रज्ञापारमिता । लाये थाकु अनुत्तर सम्यक्सम्बोधि - अत्यन्त लायेथाकु अनुत्तर सम्यक्सम्बोधि श्रावक गणपिसं - प्रत्येक बुद्ध गणपिसं ॥ तः धंगु - ज्ञान मदुपि बीर्य कम्पि श्रद्धामदुपि उपाय कुशल (मोक्ष ज्ञान सीकेगु चर्या यायेगु) मदुपि पाप मित्रयाथासे बासयाना चर्वापिसं । (अत्यन्त लायेथाकु) ॥ ॥ थुलि आज्ञा दयेकु सैलि आयुष्मान् सुभूति भगवान् याके यथे बिंति यात । गुगु जा भगवान् यथे आज्ञा दयेका बिज्यातः । लायेथाकु अनुत्तर सम्यक्सम्बोधि अत्यन्त लाये थाकु अनुत्तर सम्यक्सम्बोधि लायेगु थुयीकेगु ॥ गनजा गुगु हे भगवन् छुं हे सीकेगु मदु धासैलि अन उगु हे भगवन् गथे लाये थाकुयी अनुत्तर सम्यक्सम्बोधि (गथे) अत्यन्त लाये थाकुयी अनुत्तर सम्यक्सम्बोधि लायेगु श्वीकेगु । श्व छुया हेतुं धाःसा । हे भगवन् संसारया दक्क पदार्थ शून्य जूयानिति श्व संसारया पदार्थ छुं हे सीकेगु श्वीकेगु दुगु मखु छु सीकेगु समर्थ दं । यथे निश्चयनं हे भगवन् सकल धर्म हे शून्य । यथे जूगुलिं हे भगवन् गुगु संसारया पदार्थ मदयेका छोयेत मखं केत धर्म उपदेश बीगुखः व हे संसारया पदार्थ धैगुनं दुगु मखु यथे हे संतु गुगु अनुत्तर सम्यक्सम्बोधि थुयीके मागुखः गुगु सियी सीके मागुखः श्व दक्क पदार्थ न शून्य (छुं हे दुगुमखु) । थुगु यथे दयेकुम्ह कर्ता दयेकातः गु संसारया पदार्थ दयेकेगु ज्यायाः गु कर्ता कर्म क्रिया पर्यंत छुं हे

(३७५)

दुगु मखुगु जूया निमित्तं हे भगवन् जिके थुजोगु बिचार बोकि अनुत्तर सम्यक्सम्बोधि थुयेकेगु धयागु अत्यन्त हे अःपुगुखः थाकुगु मखु ॥ ॥ थुलि धासैलि आयुष्मान् सुभूति यात भगवान् यथे आज्ञा दये कल ॥ सीकेगु धैगु छुं हे मदुगु जूया निमित्तं हे हे सुभूते अनुत्तर सम्यक्सम्बोधि सीके-श्वीके थाकुया चवन । दयेका तःगु धैगु छुं मदुगु जूया निमित्तं अनुत्तर सम्यक्सम्बोधि श्वीके थाकुया चवन कल्पना यायेगु हे मदुगु जूयानिति हे सुभूते अनुत्तर सम्यक्सम्बोधि श्वीके थाकुया चवन धार्ये दयेका तैतःगु मखुगु जूया निमित्तं हे सुभूते अनुत्तर सम्यक्सम्बोधि श्वीके थाकुया चवन । अनुत्तर सम्यक्सम्बोधि थुयीकेगु अत्यन्त हे थाकुया चवन ॥ ॥ थनलि उगु बलतस आयुष्मान् शारिपुत्र आयुष्मान् सुभूति यात यथे धाल । हे आयुष्मान् सुभूते शून्य धैगुया निमित्तं थुगु अनुत्तर सम्यक्सम्बोधि श्वीके थाकुया चवन । अनुत्तर सम्यक्सम्बोधि थुयेकेगु अत्यन्त हे थाकुया चवन ॥ श्व छुया हेतुं धाःसा । हे आयुष्मान् सुभूते आकाशया जि अनुत्तर सम्यक्सम्बोधि ज्ञान थुयीकेका धैगु दैमखु । थुगु हे किंसिमं हे आयुष्मान् सुभूते श्व संसारया पदार्थ दक्क बांलाक थुयीकेमाः ॥ श्व छुया हेतुं धाःसा । निश्चयनं हे आयुष्मान् सुभूते संसारया दक्क पदार्थ आकाश समान जूया चवंगु । यदि हानं हे आयुष्मान् सुभूते श्वीके अःपुगु जूसा यथे गंगा नदीया फिगो प्रमाणं बोधिसत्त्व गणपि अनुत्तर सम्यक्सम्बोधि याके ल्याहाँ वैमखु । गुगु याकेजा थन हे आयुष्मान् सुभूते गंगा नदीया फिगो प्रमाणं बोधिसत्त्व गणपि अनुत्तर सम्यक्सम्बोधि ज्ञान याके ल्याहाँ वैचवन थुकिया

(३७६)

कारणं हे सुभूते यथे श्रुतीकी अनुत्तर सम्यक्सम्बोधि धैगु श्रुतीके थाकुगु हे जुया चवंगुखः । अनुत्तर सम्यक्सम्बोधि बांलाक श्रुतेकेगु
अत्यन्त थाकुगु हे खः धैगु जुया कवन ॥ ॥ थाल धासैल आयुष्मान सुभूति आयुष्मान शारिपुत्र याके यथे न्यन । हे आयुष्मान
शारिपुत्र अनुत्तर सम्यक्सम्बुद्ध याके रूप छखे लाकी छु ॥ ॥ शारिपुत्र धाल । यथे ज्वीमखु हे आयुष्मान सुभूते ॥ ॥ सुभूति
धाल । हानं हे आयुष्मान शारिपुत्र रूप याके मेगु (शून्यगु) गुगु संसारया पदार्थ दुगुखः व अनुत्तर सम्यक्सम्बोधि याके छखे ज्वीला-
की छु ॥ ॥ (शारिपुत्र) धाल यथे ज्वीमखु हे आयुष्मान सुभूते ॥ ॥ सुभूति धाल हानं हे आयुष्मान शारिपुत्र बेदना संज्ञा संस्-
कार बिज्ञान अनुत्तर सम्यक्सम्बुद्ध याके छखे ज्वीलाकी छु ॥ ॥ (शारिपुत्र) धाल । यथे ज्वी मखु हे आयुष्मान सुभूते ॥ ॥
सुभूति धाल । हानं हे आयुष्मान शारिपुत्र बेदना याके संज्ञा याके संस्कार याके मेगु बिज्ञान याके मेगु (शून्यगु) गुगु संसारया पदार्थ
दुगुखः व अनुत्तर सम्यक्सम्बोधि याके छखे ज्वीलाकी छु ॥ ॥ (शारिपुत्र) धाल । यथे ज्वीमखु हे आयुष्मान सुभूते ॥ ॥
सुभूति धाल । हानं हे आयुष्मान शारिपुत्र गुगु रूप तथता व अनुत्तर सम्यक्सम्बोधि याके छखे ज्वीलाकी छु ॥ ॥ (शारिपुत्र)
धाल । यथे ज्वीमखु हे आयुष्मान सुभूते ॥ ॥ सुभूति धाल । हानं हे आयुष्मान शारिपुत्र । गुगु बेदना तथता संज्ञा तथता संस्कार
तथता गुगु विज्ञान तथता व अनुत्तर सम्यक्सम्बोधि याके छखे ज्वीलाकी छु ॥ ॥ (शारिपुत्र) धाल । यथे ज्वी मखु हे आयुष्मान

(३७७)

सुसूते ॥ ॥ सुभूति धाल । हानं हे आयुष्मन् शारिपुत्र । रूपं तथता याके मेगु (शून्यगु) गुगु संसारया पदार्थ दुगुखः व अनुत्तर
सम्यक्सम्बोधि याके छखे ज्वीलाकी छु ॥ ॥ शारिपुत्रं धाल । यथे ज्वीमखु हे आयुष्मन् सुभूते ॥ ॥ सुभूति धाल ॥ हानं
हे आयुष्मन् शारिपुत्र वेदना तथता याके संज्ञा तथता याके संस्कार तथता याके मेगु बिज्ञान तथता याके मेगु (शून्यगु) गुगु संसारया
पदार्थ खः व अनुत्तर सम्यक्सम्बोधि याके छखे ज्वी लाकी छु ॥ ॥ शारिपुत्रं धाल । यथे ज्वी मखु हे आयुष्मन् सुभूते ॥ ॥ सुभूति धाल ।
हानं हे आयुष्मन् शारिपुत्र । रूपं अनुत्तर सम्यक्सम्बोधि थ्वीलाकी छु ॥ ॥ (शारिपुत्रं) धाल । यथे थ्वीमखु । हे आयुष्मन् सुभूते
हानं हे आयुष्मन् शारिपुत्र । वेदनां संज्ञां संस्कारं बिज्ञानं अनुत्तर सम्यक्सम्बोधि थ्वीलाकी छु ॥ ॥ शारिपुत्रं धाल । यथे थ्वी मखु हे
आयुष्मन् सुभूते ॥ ॥ सुभूति धाल । हानं हे आयुष्मन् शारिपुत्र रूपं याके मेगु (शून्यगु) गुगु संसारया पदार्थ खः उकीं अनुत्तर
सम्यक्सम्बोधि थ्वीलाकी छु ॥ ॥ (शारिपुत्रं) धाल । यथे थ्वीमखु हे आयुष्मन् सुभूते ॥ ॥ सुभूति धाल । हानं हे आयु-
ष्मन् शारिपुत्र वेदना याके संज्ञा याके संस्कार याके मेगु बिज्ञान याके मेगु (शून्यगु) गुगु संसारया पदार्थ खः उकीं अनुत्तर सम्यक्स-
म्बोधि थ्वीलाकी छु ॥ ॥ (शारिपुत्रं) धाल । यथे थ्वीमखु हे आयुष्मन् सुभूते ॥ ॥ सुभूति धाल । हानं हे आयुष्मन्
शारिपुत्र रूपं तथतां अनुत्तर सम्यक्सम्बोधि थ्वीलाकी छु ॥ ॥ (शारिपुत्रं) धाल । यथे थ्वी मखु हे आयुष्मन् सुभूते ॥ ॥

पदार्थ जुयी । गुगु संसारया पदार्थ दक्कं अनुत्तर सम्यक्सम्बोधि याके छखे मज्जु खः उगु संसारया पदार्थ फुक्क स्थान मदुगु योगं-गनंहे मच्चंगु रूपं अनुत्तर सम्यक्सम्बोधिस च्वना च्वंगु दु । अर्थात् संसारया दक्कपदार्थ अनुत्तर सम्यक्सम्बोधि याके छखे जया च्वंगु मदु ज्ञान मदुपित अनुत्तर सम्यक्सम्बोधि हे संसार । ज्ञान दुपित-संसार हे अनुत्तर सम्यक्सम्बोधि जुयी धैगु भाब । अथवा हानं हे शारिपुत्र गुगु जा तथता धयागु थ्व गुगु संसारया पदार्थ ले । अथवा हानं हे आयुष्मन् शारिपुत्र तथता धयागु छुं पदार्थ याके छखे ज्वीला ॥ ॥ (शारिपुत्रं धाल । थये ज्वी मखु हे आयुष्मन् सुभूते ॥ ॥ सुभूति धाल । थुगु प्रकारं हे आयुष्मन् शारिपुत्र संसारया पदार्थ धैगु परमार्थ सत्यया स्थिति याके संसारया पदार्थ सीकेगु बस्तु सीकेम्ह धैगु हे छुंहे मदु धैगु तत्वया विचारं अनुत्तर सम्यक्सम्बोधि याके छु पदार्थ छखे जुयी ॥ ॥ थुलि धासैलि आयुष्मन् शारिपुत्र आयुष्मान् सुभूति यात थये धाल । गुगु संसारया पदार्थ छुंहे उत्पत्ति जगुमदु धका छ पिसं उपदेश विद्या विज्यात उगु ज्ञानं गुगु थ्व संसारया पदार्थ दक्कं छुंहे अनुत्तर सम्यक्सम्बोधि याके छखे जुयी मखु । गुगु जा हानं थ्व हे आयुष्मन् सुभूते स्वंगु बोधिसत्त्व यानिकया पुद्गल धका तथागत आज्ञा दयेका विज्यागु थ्व स्वंगु धानयानं छगुर धैगु दैमखु थ्व छगु हे जक धान जुयी गथेजा आयुष्मान् सुभूतिया देशना खः-(वर्थे) ॥ ॥ थये धागु बखतस आयुष्मान् पूर्ण मैत्रायनी पुत्रं आयुष्मान् शारिपुत्र यात थये धाल । छायेथे हे आयुष्मन् शारिपुत्र थ्व आयुष्मान् सुभूति स्थवोर श्रावक

यानिकया वा प्रत्येक बुद्ध यानिकया वा महायानिकया वा छगु जक ज्ञानया बोधिसत्त्वेहे मवं उकिं आः थ्व आयुष्मान् सुभूति स्थावरयाके थ्व खँ न्यने माल ॥ ॥ थुलि धासैलि आयुष्मान् शारिपुत्र आयुष्मान् सुभूतियाके थये न्यन ॥ हे आयुष्मन् सुभूते छाये छःपि श्रावक यानिकया वा प्रत्येक बुद्ध यानिकया वा महायानिकया वा छगु जक ज्ञानया हे बोधिसत्त्वे मवना ॥ ॥ थये न्यसैलि सुभूति धाल । छु हानं हे आयुष्मन् शारिपुत्र छं गुगु तथताया तथता खः व तथतास श्रावक यानिकया वा प्रत्येक बुद्ध यानिकया वा महायानिकया वा छम्ह जक हे बोधिसत्त्व खला ॥ ॥ शारिपुत्रं धाल । मखना हे आयुष्मन् सुभूते । आः थने तथता धैगु हे (श्रावक प्रत्येक महायानया भेदं) स्वंगु प्रकारं मदु धासैलि न्हापां बोधिसत्त्व धैपि जा गन-दै ॥ ॥ सुभूति धाल । दु हानं हे आयुष्मन् शारिपुत्र तथता छगु आकारं (महायानया आकारं) जक हेनं लायेगु दैला । (शारिपुत्रं) धाल । थये दैमखु हे आयुष्मान् सुभूति ॥ ॥ सुभूति धाल । हानं हे आयुष्मान् शारिपुत्र तथतास छं छगु मात्र जक हे बोधिसत्त्व धर्म धैगु खनाला । (शारिपुत्रं) धाल ॥ थये मखना हे आयुष्मन् सुभूते ॥ ॥ सुभूति धाल । थये हे आयुष्मन् शारिपुत्र परमार्थ सत्ययागु स्थिति यागु तत्वया विचार याके ज्ञान सीकेगु ज्ञान सीकेम्ह हे मदु धासैलि गन छं थ्व श्रावक यानिकया-म्ह वा थ्व प्रत्येक बुद्ध यानिकयाम्ह वा थ्व महायानिकयाम्ह वा बोधिसत्त्व धैगु धायेगु मती वल । थुगु प्रकारं हे आयुष्मन् शारिपुत्र

थ्व तथतास भावना यापि - थनं थ्वहे तथता खःधका ज्ञान थुपि बोधिसत्व पिनि श्रावक प्रत्येक महायानया भेदं स्वंगु प्रकारयापि बोधिसत्वपिदु धंगु कल्पना मात्र मन व्वंगु मात्र हेनं दे मखु । संसार दक्कयानं छगु हे मात्र तथता-शून्यता धंगु ज्ञानं निता फरकगु मेगु नाना प्रकार धंगु मदु धंगु न्येनी - थ्वीकें । गुगुलि हानं उम्ह बोधिसत्व महासत्त्वया चित्त (तथतास) लीन जुया वेहोस जुया वनी मखु वाँलाक लय जुया-जडया भाव जुया वनी मखु स्वाकनं जक न्येना धंगु नं जुयी मखु उम्ह बोधिसत्व महासत्त्व निश्चये अनुत्तर सम्यक्संबोधि ज्ञाने थ्यनी-निर्वाण प्राप्त जुयी ॥ ॥ थुलि धातुलि भगवान् आयुष्मान् सुभूतियात थथे आज्ञा दयेकल । साधु साधु हे सुभूते । थथेहे खः थ्वहे सुभूते थथे हे खः थ्व । हे सुभूते जलकेजू छंके प्रातिमान-न्हूहुगु तःतधंगु ज्ञानगुगु जा छं निश्चयनं तथागतया अनुभावं बुद्धया अधिष्ठानं थथे धाल । थुगु प्रकार थ्व तथतास भावना यापि - थनं थ्वहे तथता खः धका ज्ञान थुपि बोधिसत्व पिनि श्रावक प्रत्येक महायानया भेदं स्वंगु प्रकारयापि बोधिसत्त्वपिदु धंगु कल्पना मात्र --मन व्वंगु मात्र हेनं दे मखु संसार दक्कयानं छगुहे मात्र तथता- शून्यता धंगु ज्ञानं निता फरकगु मेगु नाना प्रकार धंगु मदु धंगु ज्ञान न्येनी- थ्वीकें गुगुलि हानं उम्ह बोधिसत्व महासत्त्वया चित्त (तथतास) लीन जुया-वेहोस जुया वनी मखु वाँलाक लय जुया-जडया भाव जुया वनी मखु स्वाकं जक न्येना धंगुनं जुयी मखु उम्ह बोधिसत्व महासत्त्व निश्चये अनुत्तर सम्यक्संबोधि ज्ञाने थ्यनी-निर्वाण प्राप्त जुयी ॥ ॥

थुलि आज्ञा दयेकुसैलि आयुष्मान् शारिपुत्रं भगवान् बाके थथे विंति यात । हे भगवन् उम्ह बोधिसत्व महासत्त्व गुगु बोधि ज्ञानं- गुगु ज्ञान थुगुलि निर्वाण थ्यनी ॥ ॥ भगवान् आज्ञा दयेकल । हे शारिपुत्र व बोधिसत्व महासत्त्व निश्चयनं अनुत्तर सम्यक्संबोधि ज्ञान थुयी गुलि निर्वाण थ्यनी ॥ ॥ थुलि आज्ञा दयेकुसैलि आयुष्मान् सुभूति भगवान् बाके थथे विंति यात ॥ हे भगवन् अनुत्तर सम्यक्संबोधि ज्ञाने च्वना निर्वाण थ्यम्ह बोधिसत्व महासत्त्व गथे च्वनेमा गुगु शिक्षां च्वनेमाः ॥ थुलि न्यसैलि भगवान् आज्ञा दयेकल । हे सुभूते अनुत्तर सम्यक्संबोधि ज्ञाने च्वना निर्वाण थ्यम्ह बोधिसत्व महासत्त्व सकल सत्त्व बाके सकलहे समान (तथता) धका खनेमाः सकलया चित्त (तथता- धर्म धातु समानगु) धका खनेमाः । सकलयां चित्त राग द्वेष आदि मदुगु शुद्ध निर्मलगु प्रज्ञापीरामता स्वभावगु - धका खनेमाः । शत्रु धैपि सुमदु - सकलहे मित्र धका खनेमाः । (इने धुंकेपि वैपि धंगु मदुगु न्हयावले थ्वहे थुलिहे संसार निता मदु छताहे जक धंगु ज्ञानं) हितयायोगु चित्तया स्वभाव जुया च्वनेमा (हानं छुं जुया वै तिनि धंगु दुगु मखु धंगु ज्ञानं) । सकलयात कल्याण यायेगु चित्त जुयीका च्वनेमाः । गुमान मदुगु चित्त जुया च्वनेमाः । पाप वलेश छुं मदुगु चित्त जुया च्वनेमाः । हिंसा मयायेगु चित्त जुया च्वनेमाः । छलकपत याता ठके मयायेगु चित्त जुया च्वनेमाः । सकल सत्त्वयाके मां संज्ञा याता च्वनेमाः । बौ संज्ञा काये संज्ञा म्हचाये संज्ञा याता थुजोगु चित्त याता च्वनेमाः । हे सुभूते अनुत्तर

सम्यक्संबोध बांलाक सायिका -थुयीका चवनेगु इच्छां याःम्ह बोधिसत्व महासत्व सकल सत्वयाके थुजोगु चित्त यांना चवनेमाः थुजोगु शिक्षा कया चवनेमाः कि सकल सत्वया शरण वयेगु थाये--सकलया नाथ जि धका । थनं सकल पाप याके लीचलाः चवने माः । दान दातव्य यांना चवनेमाः शील रक्षायायेमा क्षमा उत्पात यायेमाः वीर्य आरम्भ यायेमाः ध्याने चर्या यायेमाः प्रज्ञा-पारामिता ज्ञान फुक्क सीके-थुयीकेमाः । न्ह्यो खतं अःखतं द्वादङ्ग पतीत्य समुत्पाद स्वयाः-सीकेमाः । करपितनं थव चवे कनागु (त-थता ज्ञान) फुक्कं कायेकेगु थुकिया अर्थ छल फल याकेगु थुकियागु अर्थ बांलाक सीकेगुली तथा वीमाः । थुगु प्रकारं सकल सत्व-कथये श्रावक प्रत्येक महायानया ज्ञोलं निर्वाण प्राप्त जुयीगुती चर्या याकाः थनं सत्वगणपि निर्वाण छोयेगु काये चवनाः कर-पितनं थुगु ज्ञान - कायेका - उवकाः थुकिया वर्णन यायीपि- बांलाक स्थूपि-थूपि प्रकाश यायीपि यांना विमाः । थथे थुजोगु प्र-कारं लौकिक लोकोतर - शून्यता व रूपया भेदनं सर्वाकारया ज्ञानया शिक्षा थुयीका सीकुम्ह बोधिसत्व महासत्वया पाप लाइम्ह धैगुनं मदे धुंकुगु सीके सेके मानी धैगुनं मरे धुंकुगु दक्ख संसार या तिर्थात स्वरूप हे तथता- निर्वाण स्वरूप धैगु आवरण मदुगु जुयी ॥

शुल आर्य अष्ट सहासिका प्रज्ञापारमिताया तथा पारवर्त्त नाम त्रिखुगू ॥ ॥ १६ ॥ ॥

अदत्तादान बिरस जुयेगु कायेकेबी । थनं काम मिथ्या चार याके बिरस याःम्ह जुयी कपितनं काम मिथ्या चार याके बिरस जुयेगु कायेकेबी । थनं सुरामद्य कायीगु वस्तु याके बिरस याःम्ह जुयी कपितनं सुरामद्य कायीगु वस्तु याके बिरस जुयेगु कायेके बी । थनं झूठ बचन लहायेगु याके बिरस याःम्ह जुयी कपितनं झूठ बचन लहायेगु याके बिरस जुयेगु कायेकेबी । थनं झुकीयायेगु बचन लहायेगु याके बिरस याःम्ह जुयी कपितनं झुकीयायेगु बचन लहायेगु याके बिरस जुयेगु कायेकेबी । थनं छाःगु बचन लहायेगु याके बिरस जुयी कपितनं छाःगु बचन लहायेगु याके बिरस जुयेगु कायेकेबी । थनं जाःपि फायेगु बचन लहायेगु याके बिरस याःम्ह जुयी कपितनं जाःपि फायेगु बचन लहायेगु याके बिरस जुयेगु कायेकेबी । थनं कर्पिनगु द्रव्य विषये इच्छा यायेगु याके बिरस याःम्ह जुयी कपितनं कर्पिनगु द्रव्य विषये इच्छा यायेगु याके बिरस जुयेगु कायेकेबी । थनं पर द्रोह यायेगु याके बिरस याःम्ह जुयी कपितनं पर द्रोह यायेगु याके बिरस जुयेगु कायेकेबी । थनं नास्तिक जुयीगु याके बिरस याःम्ह जुयी कपितनं नास्तिक जुयीगु याके बिरस जुयेगु कायेकेबी ॥ थुगु प्रकारं निश्चयनं हे सुभूते आर्बान वत्तनीय बोधिसत्व महासत्व दशकुशल कर्म मार्ग कया चवनी कपितनं दश कुशल कर्म मार्ग दर्शनबी कायेकेबी तेज दयेकेबी हर्ष मान याके तथाबी क्वातुकाबी । हानं वया स्वप्नाये हे दश कुशल कर्मया मार्ग छगु २ बा आपालं बा दक्ख फुक्कं सकल प्रकारं संपूर्ण नं यांना धका धायी मखु बा चित्तं बांलाक चर्या यांना धायी मखु हानं हे सुभूते थुम्ह आर्बान वत्तनीय

बोधिसत्त्व महासत्त्वया स्वप्नाये हे दशकुशल कर्म मार्ग न्ह्योने दना चवनी । अर्थात् चित्त आलम्बण यायेमाः गु कारण हे सकल यात कुशल मार्गे छोयेया कारणे धैगु भाव । हे सुभूते थुजोगु आकारं थुजोगु चिन्हं थुजोगु निमित्तं संयुक्तं जूह बोधिसत्त्व महासत्त्व अनुत्तर सम्यक्सम्बोधि याके ल्याहाँ वै मखुम्ह धका सीयेमाः ॥ ३ ॥ हानं मेगु हे सुभूते आर्बान बर्त्तनीय बोधिसत्त्व महासत्त्व सुगुर धर्म-गुगुर ज्ञान कर्पित फल सहितं श्वीका बीमागु कनेमाः गुखः उगुरहे चित्त बांलाक प्राप्त याता कर्पितबी-कनी । थुगु धर्म जि सकल सत्त्वयात श्वीका बिद्या हित यायेमुया कारणस लानागु । श्व सकल यात हित जुयीगु सुख जुयीगु ज्वीमाः । श्व धर्म देशना यातागुलि सकल सत्त्व पिनि धर्मया अभि प्राय-गुगु धर्म यायेगु चित्त याःगु उगु धर्म पारपूर्ण ज्वीमाः थुकथं धर्म दान याःगुनं सकल सत्त्वनाप साधारण यायी (जिथुलि तःधंगु धर्म कनाम्ह धका अभिमान यायी मखु) हे सुभूते थुजोगु आकारं थुजोगु चिन्हं थुजोगु निमित्तं संयुक्तं जूह बोधिसत्त्व महासत्त्व अनुत्तर सम्यक्सम्बोधि याके ल्याहाँ वै मखुम्ह धका सीकेमाः ॥ ४ ॥ हानं हे सुभूते आर्बान बर्त्तनीय बोधिसत्त्व महासत्त्व अनन्त जुया उगु धर्मया ज्ञान कनीमुली मेगु ज्ञानया इच्छा यायीमखु (धर्म धातुया ज्ञान दयेधुंकुगु जुया निमित्त) (श्व याकनं श्यनीगु ले) मन बिबुस यायी मखु (दक्क ज्ञाने निर्शंखा ज्वीधुंकुम्ह जुया निमित्त) शंखा यायी मखु । अनादर यायी मखु हितगु बचन ल्हायीम्ह जुयी योगु बचन ल्हायीम्ह जुयीनायुगु बचन ल्हायीम्ह जुयी-थाकु मचायीम्ह अलास मजुयीम्ह जुयी क्लेश-पाप मदुम्ह जुयी ।

महासत्त्वपि व्याख्या याःपि (व्याकरण व्युत्पिदु) अपि सकलें श्व महा रनके उत्पत्ति जूल गुगु याकेजा छंतनं आर्बान बर्त्तनीय व्याकरण बिद्यातःगु दु उकि छनं वहे महा नरके अथेहे पतन जुयी उकि छं आः श्व बोधिसत्त्व देशना याःगु तोताव्यु छं बुद्धत्व जुयां बुयाये । थथे (छं जि धयार्थे) यातसा नरके लाःवनी मखु स्वर्ग वनेदें । थथे धाःसानं व बोधिसत्त्व महासत्त्वया चित्त भ्रान्ति ज्वी मखु इकिधिक सनी मखु थथेनं श्वीकेमाः कि आर्बान बर्त्त नीय बोधिसत्त्व महासत्त्व धैम्ह अथेनरके पतन ज्वीगुस्थान हे मदु अबसरहे मदु धैगु (मती तै चवनी) । हे सुभूते थुगु आकारं थुगु चिन्हं थुगु निमित्तं संयुक्तं जूह बोधिसत्त्व महासत्त्व अनुत्तर सम्यक्सम्बोधि याके ल्याहाँ वै मखुम्ह धका सीकेमाः ॥ ७ ॥ हानं मेगु हे सुभूते मार पापिष्टं श्रवण (भिन्नु) या भेष धारण याता आर्बान बर्त्तनीय बोधिसत्त्व महासत्त्वया न्ह्योने वया थुगु प्रकार धायी । गुगु छं न्हाषा न्यना तयागु आम (ज्ञान) तोता छो याद छं बत्त्याग याता तोता छोट धाःसा जिपि छंगु थासे लिपानं हानं२ हे वये । गुगु छं आःन्यना तःगु बुद्ध बचन मखु आमजा कबि दये कुगु काव्यखः । गुगु हानं जिमिसं श्व छं ल्हानागु बुद्ध आज्ञा दयेका बिज्याःगु बुद्ध बचन खः धका धायी । थुलि छं न्यना याद व बोधिसत्त्वया चित्त थाते मलायी चित्त भ्रान्ति जुयी थथे जूल धाःसा सीकेमाः कि हे सुभूते व बोधिसत्त्व तयागतं व्याकरण याःम्ह मखु अनुत्तर सम्यक्सम्बोधिस निश्चय जूह मखु आर्बान बर्त्त नीय धातुवी ज्वम्ह मखु धका सीकेमाः । यदि हानं हे सुभूते व बोधिसत्त्व महासत्त्वया मार पापिष्ट यागु थुजोगु बचन न्यसानं चित्त मसेनी थिरं चवनी

चंचल मजुयो थुजोगु बचन न्यंसानं व धर्मसं जकहे चर्या यायी उत्पत्ति मदुगु हे खः निरोध मदुगु हे खः श्रृष्ट मदुगु हे खः धका
 उगु हे ज्ञाने—जक लगे ज्वी कर्पिनिगु खे वनी मखु । थव गथे धाःसा निश्चयनं हे सुभूते क्लेश—पाप मदुम्ह अर्हत् भिक्षु कर्पिनिगु खे
 वनी मखु धमे प्रतक्ष खम्ह प्रतक्ष यायीम्ह जुयी मार पापिष्टं स्यंके मफुम्ह जुयी । थथे हे संतुं हे सुभूते आर्बानि बर्त्तनीय बोधिसत्त्व
 महासत्त्व धम्ह श्रावक यानिकया पुद्गल पिसं प्रत्येक बुद्धया पुद्गलापिसं स्यंके मफुम्ह जुयी श्रावक भूमी जुल अथवा प्रत्येक बुद्ध भूमी
 जुल ल्याहाँ मवंगु धमे च्वम्ह जुयी सर्वज्ञतास निश्चय धाःम्ह जुयी सम्यक्सम्बोधि ज्ञाने तत्परयाःम्ह जुयी हानं हे सुभूते व बोधिसत्त्व
 महासत्त्व गुगु बखते आर्बानि बर्त्तनीय धातुस च्वनी उगु बखते व कर्पिके शिक्षा सेनेम्वाःम्ह (स्वीगुं खुसामत यायेम्वाःम्ह थःगु ज्ञानं हे
 गाःम्ह) जुयी । हे सुभूते थुगुनं आकारं थुगु चिन्हं थुगु निमित्तनं संयुक्त जुम्ह बोधिसत्त्व महासत्त्व अनुत्तर सम्यक्सम्बोधि याके ल्याहाँ
 वं मखुम्ह धका सीकेमाः ॥ ८ ॥ हानं मेगु हे सुभूते आर्बानि बर्त्तनीय बोधिसत्त्व महासत्त्वया थासे वया सुंगुम्हसे थथे धायी । आम छं
 (याना च्वंगु चर्या) संसार चारिका खः बोधिसत्त्वया चर्या मखु । थन हे छं दुःख फुकेगु ज्याःया हानं छंत थुगु संसारे चले जुया च्वंगु
 दुःख दुःर्मन भोग प्राप्त ज्वी मखु । अहो कष्ट थन छं थव थःगु आत्मा भाव हे बांलाक रक्षा याये फुगु मखुनि धासैलि गनछं कर्पिनिगु
 आत्मा भावया (रक्षा याये धका प्राणि धान आदिया वशं) माने याना च्वना । थथे धाःसां वया चित्त मसन भौंन्ति मजुल धाःसा